

5855.



R. BIBLIOTECA NAZIONALE CENTRALE
DI FIRENZE

COLLEZIONE PISTOIESE

RACCOLTA DAL

CAV. FILIPPO ROSSI-CASSIGOLI

nato a Pistoia il 23 Agosto 1815
morto a Pistoia il 16 Maggio 1890

Pergamene - Autografi - Manoscritti - Libri a stampa
- Opuscoli - Incisioni - Disegni - Opere musicali - Facsimile
d'iscrizioni - Editti - Manifesti - Proclami - Avvisi
e Periodici.

21 Dicembre 1891

5855.

24



**INSCRIPTIONES
ANTIQUAE
IN ETRURIAE VRBIBVS
Exstantes.**

Laleotti Equit. Corazii Dr. Rodolphini

.....
.....
.....
.....
.....

INSCRIPTIONES
ANTIQUAE
GRAECAE ET ROMANAE
IN ETRURIAE VRBIBVS

PISIS. SENIS. FAESVLIS. PISTORII. PRATI. VOLATERRIS.
ARRETII. CORTONAE. CLVSII. POLITIANI
FINITIMISQ. LOCIS EXSTANTES

ADIECTA APPENDICE.

Pars Secunda

CVM NOTIS INTEGRIS
ANTONI FRANCISCI GORI
Publici Historiarum Professoris.



Th. a. 211.12. 6. 211.12. 6. 211.12. 6. 211.12. 6.

FLORENTIAE. CIO. IO. CC. XXXIV.
TYPIS Iosephi Manni sub Signo S. IO: DEL.
SVPERIORVM TERMISSV.



In Museo Mediceo

**VIRIS ILLUSTRISSIMIS
NOBILISSIMISQUE COMITIBUS
CAROLO THOMAE
STROZAE
ET FRANCISCO
GUICCIARDINIO
PATRICIIS FLORENTINIS**

ANT. FRANCISCUS GORIUS F.



UUM Immortali vestro be-
neficio, vestroque praesidio
fretus, **PROCERES AM-
PLISSIMI**, septem ab hinc
annis primus omnium in lucem emisero anti-
qua Monumenta litteris inscripta, atque elegan-
tissimas

tissimas Gemmas, quae in Florentinis Museis exstant; Vobis hoc alterum Volumen dedicandum, vestroque praeclarissimo nomine, de re litteraria optime merito, inscribendum esse censi, ne Vobis omnino ingratus vivam, aut moriar. Si quid enim in studio, atque in cognitione Antiquitatis profeci, si qua in re viris doctis placuit, Vobis certe debeo, qui ingenii mei; licet exigui, primitias, labores, lucubrationes omnes in ANTIQUAS INSCRIPTIONES, singulari cum humanitate, & favore excepistis. Vos animum excitastis meum; Vos ingenium acuisistis, Vos in cursu haerenti calcaria addidistis; Vos de patriis antiquitatibus, atque ut sperare libet, de litteraria republica, deque universa ferme Etruria optime mereri voluistis. Hoc eximium vestrum beneficium, haec vestra cura, ac studium, haec vestra in me incredibilis benevolentia numquam ex animo meo excidet, nullaque umquam oblivione poterit imminui atque dele-
 „ ri: nam, ut docet Plinius; quum benignum
 „ sit, & plenum ingenui pudoris fateri per quos
 „ profeceris; fateor ingenue, semperque fatebor,
 me per Vos ita profecisse, ut, quod volebam, inclytae patriae meae latentes thesauros, omnesque venerandae Vetustatis reliquias in lucem animo lubens protulerim; meisque, qualescumque sint, observationibus illustrarim. Vestra domus, vestrum Museum antiquis signis, anaglyphis operibus, atque inscriptionibus locupletissimum; vestra Bibliotheca insigni librorum manuque conscriptorum codicum supellectile maxime

xime referta patuit mihi semper more maiorum vestrorum, qui bonarum artium cultores omni humanitatis officio, atque honore semper susceperunt, opibusque identidem exornarunt. Dicendum nunc esset de pietate, prudentia, iustitia, morum candore ceterisque animi vestri dotibus pereximiis; sed quum dixerim Vos optimarum artium studiosorumque omnium fautores, ac Musarum cultores esse optimos, omni certe virtutum genere ornatissimos Vos esse iam omnes perspicue intellexerunt. Pulcherrime utrique vestrum illud convenit, quod Plinius Secundus de Titinio Capitone praedicat in epistola, „ XII Libri VIII. Vir est optimus, & inter praecipua saeculi ornamenta numerandus: colit studia, studiosos amat, fovet, provehit, multorumque, qui aliqua componunt, portus, sinus, praemium, omnium exemplum. Vobis igitur, **OPTIMATES NOBILISSIMI**, pro tantis, ac tam praeclaris in me vestris meritis immortales gratias dum refero, humanitatem vestram etiam atque etiam rogo atque obsecro, ut patrocinio vestro has meas lucubrationes tueamini; ingeniumque meum ad alia, quae non minus utilia sunt atque cumprimis **ETRURIAE** nostrae gloriosa, alacriter capeffenda, ut facitis, semper excitetis, vestroque favore recreetis.

Florentiae xiv. Kal. Ian. circ. id. cc. xxxiv.

VIRO.

VIII
VIRORUM NOBILISSIMORUM
N O M I N A

QUIBUS TABULAE AERI INCISAE DEDICATAE SUNT

In Parte I.

- TAB. I.** **I**llustriſſ. & Reverendiſſ. D. D. Ioseph Mariae Martellio Archiepiscopo Flor. Sacr. Rom. Imperii Principi.
- II. D. Petro Francisco de' Riccis Senatori Flor. Sac. Ord. D. Steph. Pisani, & Flor. Athenaei Praefidis.
- III. D. Pandolfo Pandolfino Senatori Flor.
- IV. D. Camillo Pandolfino Senatori Flor.
- V. D. Philippo Martellio Patric. Flor.
- VI. D. Antonio del Rosso Senatori Flor.
- VII. D. Carolo Gerinio Marchioni.
- VIII. D. Andreae Alamanno Marchioni.
- IX. D. Danieli VVray Armigero Anglo.
- X. D. Rosso Antonio Martino Patric. Flor.
- XI. D. Laurentio Ridolfo Abbati.
- XII. D. Francisco Ginorio Canonico Florentino.
- XIII. D. Andreae Marchioni Del Monte.
- XIV. D. Ioanni Baptistae Casottio Comiti, P. S. M. I.
- XV. D. Ferranti Capponio Senatori Flor. Comiti & Equiti.
- XVI. D. Gabrieli Abb. March. Riccardio.
D. Tompeo Neri Abbati, Publici Iuris Professore in Flor. Athen.
- XVII. D. Thomae Dereham de Dereham Mag. Britanniae Baronetto, & Regiae Societatis Socio.
- XVIII. D. Ioanni Gerinio March. & Senatori Flor.
- XIX. D. Ioanni Cravvley Armigero Anglo.
- XX. D. Petro Paulo Marcolimo Comiti, & Baiulivo Equestris Ord. D. Stephani.
D. Leonardo del Riccio rei milit. Praef. ex Latere Principis.

VIRO RUM NOBILISSIMORUM N O M I N A

QUIBUS TABULAE AERI INCISAE DEDICATAE

In Parte III.

- TAB. I. **D** Guglielmo Lock Anglo V. I.
 II. **D** ^A D. Francisco Mariae Bondelmonti Equiti Sa-
 cri Ordinis D. Stephani.
 III. D. Leonardo Cl. Senatoris Philippi Bonarroti Fil.
 IV. D. D. Consulibus Artis Callismalae Mercatorum Floren-
 tinorum.
 V. D. D. Praepositis Bibliothecae Roncioniae Pratenf.
 VI. D. Iacobo Herbert de Kingsfey in Com. Buck. Armigero.
 VII. D. Camillo Antonio Buccaferreo Comiti, & Senatori
 Bononiensi.
 VIII. Serenissimae VIOLANTI BEATRICI Vindelicorum, &
 Etruriae Magnae Principi, ac Senarum Gubernatrici.
 IX. Eminentissimo Principi Nerio CORSINIO S. R. E. Car-
 dinali, &c.
 X. Excellentiss. Principi D. Bartholomaeo CORSINIO, &c.
 XI. D. Henrico Comiti Vatzdorf Eq. Cl. aur. & ab Aul.
 Conf. Poloniae Regis Aug. apud Italos Principes Mi-
 nistro.
 XII. D. Ioseph Smith Anglo Vencius.
 XIII. D. Iacobo Philippo d' Orville I. C. Historiarum, Elo-
 quentiae, & Linguae Graecae in illustri Amstelreda-
 mensium Athenaeo Professori.
 XIV. D. Andreae Baroni Francescchi.
 XV. D. Edvardo Gascoigni Magnae Britanniae Baronetto.
 XVI. D. Benjamin Crowve Nob. Anglo.
 XVII. D. Henrico Horvvard Nob. Anglo.
 XVIII. D. Francisco Lorengi, Comiti, & Baillivo Eq. Ord.
 D. Stephani, Christianissimi Galliarum Regis a Ne-
 gociis apud Etruscam Aulam.

b

D. Ful-

X

- XIX. D. Fulco Rimuccinio Marchioni, & Equiti Ord. D. Steph.
 XX. D. Augustino Cerretanio Canonico Florentino.
 XXI. D. Thomae Mostin Nob. Anglo.
 XXII. D. Ioanni Lucae Albizi Marchioni, Equiti, & Senatori
 Florentino, & D. Francisco Comiti Strozae.
 XXIII. D. Camillo Capponio Comiti, & Eq. Sacri Ord. D. Steph.
 XXIV. D. Ioanni Baptistae Recanati Nob. Veneto.
 XXV. D. Francisco Colman Magnae Britanniae Regis apud Etru-
 scam Aulam Residenti, & Ministro Plenipotentiario.
 XXVI. D. Thomae Lovvel V. Nob. Regni Magnae Britanniae.
 XXVII. D. Conyers Middleton Academiae Cantabrig. Proto-Bi-
 bliothecario.
 XXVIII. D. Francisco Head Angliae Baronetto.
 XXIX. D. Carolo Thomae Comiti Strozae.
 XXX. D. Francisco Comiti Guicciardinio.
 XXXI. D. Ioseph Ridolfi Equiti Sacri Ord. D. Steph.
 XXXII. D. Alexandro, & D. Petro Equiti Strozae, Caroli Tb. Fil.
 XXXIII. D. Paulo Victorio Equiti D. Stephani.
 XXXIV. D. Iulio Morellio Priori Equestris Ord. D. Stephani.
 XXXV. D. Cerebio Dominico Cercbi Senatori Flor. Equiti Sacri
 Ord. D. Stephani.
 XXXVI. D. Scipioni Maffei Marchioni a Cub. Reg. Sard. & ab
 aur. Clave Elef. Borvar.
 XXXVII. D. Ioanni Michaeli Comiti, & Baroni Pierucci.
 XXXVIII. D. Gregorio Redio Patricio Arretino, Bailiuro Eq. Ord.
 D. Stephani.
 XXXIX. D. D. Nicolao Marcello Venuti, Eq. Sacri Ord. D. Ste-
 phani, & Academicis Etruscis.
 XL. D. Henrico D. Colerene Nob. Anglo.



ANT.



ANT. FRANCISCUS
G O R I U S
L E C T O R I
AEQUO HUMANOQUE.



SEPRIUS quam par erat, ingenuè fateor, serius etiam quam in votis fuerat ex ergastulo suo dimissa in lucem prodit altera Pars INSCRIPTIONUM ANTIQUARUM, quae in singulis ETRURIAE, nostrae Urbibus hoc tempore exstant. Primum sponte me currentem, sedulaque cura in hoc qualecunque opus, jam multo antea praelo commissum, incumbentem, retardavit insignis Monumentum, sive Columbarium Libertorum, ac Servorum LIVIAE AUGUSTAE & Caesarum, in via Appia detectum anno MDCCXXVI, quod meis observationibus illustratum publica luce donavi sequenti anno. Postmodum detectum antiquitatis thesaurum bono litterariae reipublicae protuli, nimirum ANTIQVAS INSCRIPTIONES DONIANAS, votis omnibus a viris doctis

XII

doctis diu desideratas, quas immenso labore undique collegit Vir Praestantissimus Ioannes Baptista DONIUS Patrius Florentinus: quo quidem in volumine evulgando quantum & ipse vigiliarum curarumque exhauserim, ii facile intelligunt, qui Syntagma illud insignium monumentorum vel legere, vel aequo animo expendere iam dignati sunt.

Inter haec animo meo, antiquarum rerum cognitione, ac studio mirifice flagranti, oblatum est praeclarum opus MUSEI FLORENTINI, a nemine numquam antea spe conceptum, ne dum tentatum; in quo insigniora vetustatis monumenta, quae Florentiae, ac praesertim in Regio MEDICEO THESAURO exstant, exhibentur; quod consilio hortatuque Eminentissimi Principis S. R. E. Cardinalis NERII CORSINI, CLEMENTIS XII. Pontificis Optimi Maximi, feliciter Christianam Rempublicam moderantis ex Fratre Nepotis, faustis omnibus auspiciis incoeptum est, impensisque tum eius, tum nobilissimorum Procerum Florentinorum, qui patriae gloriae studiosissimi sunt, eo perductum, ut intra quatuor annorum spatium, tria Volumina, quae Gemmas, & Statuas antiquas continent, meis observationibus aucta in lucem prodierint.

Haec quidem (ut alia quaedam taceam levioris momenti opuscula, nuper edita) ut opinor, sufficere possunt ut huius meae cunctationis veniam consequi facile possim a viris humanissimis, praesertim vero ab his, qui meis hisce lucubrationibus tum gloriae, tum adiumento maximo fuere: nam ex his quae notavi perspicuum est me nec desidia, nec otio emarcuisse.

Propter rerum copiam sensim hic liber meis notis atque explicationibus exornatus, ad eam molem currente rota pervenit, ut in aliud tertium Volumen necesse fuerit conferre XL. Tabulas iam diu aeri incisas, Virisque nobilissimis dedicatas, uti Index paullo ante editus declarat. Singulas meis observationibus fusius illustratas in eodem tertio Volumine accipies, humanissime Lector. In his Tabulis diligentissime caelata sunt SEPULCRA ANTIQUA, anagly-

glyphico opere insignia , e quibus quantum lucis adferatur antiquae Gentium Mythologiae ; ac Theologiae vetustissimae scriptoribus , non est ut hoc loci pluribus dicam . Accedent INDICES luculentissimi rerum omnium , quae in iisdem tribus Voluminibus adferuntur ; ac primum ille in modum Gruteriani , ac Reinesiani confectus ; deinde alter rerum , quae in observationibus adnotantur .

In hoc igitur Volumine , sive Secunda Parte , quam tibi offero , benevole Lector , habes Inscriptiones antiquas , quae in omnibus Etruriae nostrae Urbibus hodie visuntur . Primum se se offerunt PISANAE , quas ego ipse ex archetypis lapidibus multa adhibita diligentia excipsi . Pisana , ut aiunt , Cenotaphia sublati non paucis mendis , nitidiora , & castigatiora profero , ut inferius conferentibus patebit pagg. 6. 7. 8. quod non tam bene praestitit magnus antiquitatis vindex Henricus Norisius .

SENENSES Inscriptiones adlatas pag. 53. mecum humanissime communicavit Vir Nobilissimus Ubertus Benvo-
glientius , de patriae gloria , ac splendore , deque litteraria republica optime meritus , qui nuper summo civium moerore fato functus est .

Has sequuntur FAESULANI lapides , aliaque eximia monumenta : inter quae illud profecto rarum atque insignue est in tota antiquitatis suppellectile , quod nunc primum in lucem mitto pag. 104. in quo celebre *Ascolorum* certamen , quod in usu etiam apud Etruscos nostros antiquos fuit , exhibetur .

Post haec depromo PISTORIENSES , & PRATENSES vetustos lapides , aliaque priscae eruditionis referta cimelia . Vetustum laterculum militum cito pag. 123. ex quo discimus Pistorium , uti nunc dicimus , ab antiquis adpellatum fuisse neutro genere , ac plurali numero PISTORIA : quare commissum lapsus corripo , & pro C. VERATIVS SEVERVS PISTORIS , reponendum moneo , uti in eodem laterculo legitur ,

C. VIBIVS VERVS PISTORIS.

Bi-

Bisentium vetus Etruriae oppidum fuisse ex Geographiae scriptoribus habemus. Alium ex Ursino adfert lapidem Gruterus pag. C. num. 5. quem apud Bisentium Etruriae oppidum exstare testatur: quare ad Bisentium, quod Pratum interfluit, nihil pertinent quae adnotavi pag. 127. in principio. Pag. 131. habes aeri incisa parva quaedam signa Praestitum Deorum, seu Larium ex aere, quae paucis ab hinc annis inventa sunt, non in substructionibus, ut dixi, sed in quodam praedio, quod iuris est Ecclesiae Beatae Mariae Virginis Imprunetae. Eadem inter Cimelia sua servat Vir Clarissimus mihiq; amicissimus Comes Ioannes Baptista Casottius, qui eidem Ecclesiae praefectus, quaeque aeri incidenda curavit, & mecum humanissime communicavit.

Succedunt his pag. 147. antiquae Inscriptiones, quae VOLATERRIS exstant, quas ipse exscripsi quum nuper in eam Urbem me contulissem, ut observarem insignia complura veterum Etruscorum Sepulcra paullo ante eruta in quibusdam Cryptis, & Sepulcretis Etruscis, quae diligenter delineanda curavi.

ARRETIUM, si Pisas excipias, longe omnes alias Etruriae civitates superat veterum Inscriptionum copia, quae a pag. 189. usque ad 344. producuntur, & illustrantur. De Patronis, eorumque hospitali tessera & cooptatione fusius dissero pag. 198. quam spartam non tam late ab aliis occupatam esse animadverti, quamvis alia multa dicenda super sint. ARRETINOS, omnes lapides summa cura, & diligentia exscripsit Vir Clarissimus Gregorius Redius Equestris Ordinis D. Stephani Baiulivus, quos mecum communicavit cum eruditissima Epistola, in qua de Arretinis antiquitatibus, disserit, quam proferimus pag. 213.

Deinde sequuntur antiqua marmora CORTONENSIA, quae accepta refero Cl. Viro Philippo Venuti Canonico, & Patricio Cortonensi, inter Academicos Etruscos eruditione, & ingenio conspicuo, qui ex autographis accuratissime exscripsit. Multa frequenter antiqua monumenta, praefertim

ferim Etrusca, in agro Cortonensi eruuntur, e quibus insignia non pauca in suum Museum contulit Vir Nobilissimus veterumque elegantiarum studiosissimus Galeottus Coratius ex Equestri Ordine S. Stephani, quae aliquando in lucem proferam. De eiusdem Urbis antiquitate, splendore, & gloria per epistolam infra editam pag. 363. pererudite disseruit Vir ornatissimus, ac splendidissimus Nicolaus Marcellus Venuti Eques Sacri Ordinis D. Stephani, praeclaro munere in eo functus.

Post haec in lucem mitto antiquos omnes inscriptos lapides, quos apud CLUSIUM, & POLITIANUM nuper exscripsi. Politiani celebre est Museum Etruscis praesertim monumentis maxime refertum, quod exornavit Vir Illustrissimus Petrus Bucellius, quaeque mecum lubentissime communicavit.

Accedit in hoc Volumine APPENDIX non paucarum Inscriptionum vetustarum, quae serius quam oportebat mihi innotuere, quaeque Florentiae, atque in ceteris Etruriae Urbibus praetermissae a me fuerunt. Has inter ea insignis est, quae ad equestres ludos pertinet, continetque equorum nomina, & patriam, atque palmarum numerum, quas cursu sibi compleverunt. Dimidia parte aucta est, quae accessit ex Collectaneis Ioannis Baptistae Donii, qui iamdudum diligenter eam exscripserat antequam inter- cederet. Omnes autem Inscriptiones, quae in hoc

Volumine vulgantur & illustrantur sunt ferme

DC. His igitur meis laboribus utere
felix, amice Lector, & vale.



CELEBERRIMI VIRI
ANTONII MARIAE
SALVINII

In patrio Athenaeo Graecarum,
Litterarum Professoris


TETRASTICHON EXTEMPORANEUM
IN LAudem HUIUS OPERIS

*QUOD IN DOMESTICA ACADEMIA DIXIT
ANNO MD. CC. XXVI.*

GORIUS antiquos lapides miratus, honorem
Priscis atque tibi TUSCIA docta dedit.

Auguror, ingentis surgunt monumenta laboris
Dulcis, & aeternum Fama tenebit iter.





INSCRIPTIONES ANTIQUAE P I S I S.

*Prægrande marmoris fragmentum in exteriori pariete maioris
Basilicæ ad meridiem .*

1. **ERERI SACRVM**
AVG LIB ACTE



ISIS, antiquissima, ac nobilissima Etru-
riæ Urbe, Cereri Templum sacrum,
fuisse, ex hoc marmore intelligimus,
quod epistylî eiusdem AEdis fragmen-
tum esse videtur. Dicitum fuisse ab
Acte Augusti Liberta, perspicue docet
eadem inscriptio. Quæ vero hæc fue-
rit Acte, an famosa illa Claudia Acte,
Neronis Caesaris liberta, & pellex, quam, ut ait Sueto-
pius c. 28. *paullum absuit, quin iusto matrimonio sibi copularet;*
A sub-

submissis consularibus viris, qui regio genere ortam peierarent; an vero aliqua alia, satis non constat. Videndus Fabrettus, qui plures Inscriptiones congerit Cap. III. Inscr. Ant. pag. 124. 125. in quibus Aste Augusti Liberta, eiusque luxus, potentia, fastus, ex vario libertorum, quos habebat, ministerio, memoratur. Alia quoque plura Deorum Tempia Pisis fuisse colligimus ex Coloniae Iuliae Pisanae Decreto, quod peraccurate ex autographo a me descriptum, & recognitum, paullo infra subiicio; in quo parentalia in honorem Caii Caesaris, Augusti Filii, quotannis, certo ritu celebranda iubentur; itemque cunctos, mutata veste, templis Deorum immortalium, balneisque publicis, & tabernis omnibus clausis, convictibus sese abstinere, matronasque Pisanae Coloniae sublugere, decernitur. Verum hodie nedum Tempia, verum ne vestigia quidem eorumdem supersunt. Duo Pisis praegrandia capitula marmorea, anaglyphico opere insignia observavi, quod ab aliis haecenus notatum non video, in exteriore dextro pariete Ecclesiae D. Felicis collocata, quae columnarum alicuius vetusti, ac magnifici Templi pulcherrima ornamenta fuisse non levi coniectura assequor. Primum praefert Iovis, umbilico tenus, simulacrum; circa quod devictarum gentium arma, in tropaeum hastis imposita, & erecta: alterum Harpocratis, item inter similia tropaea, silentium manu indicentis, sigillum. Complura huius generis capitula, quae Romae vidit, describit Philander in M. Vitruvii de Architect. Lib. III. Cap. II.

Pisanam Coloniam, terra marique prisca seculis potentem, Theatrum, Amphitheatrum, aquaeductus, nymphaea, aliaque huius generis splendidissima aedificia habuisse nullus dubito. Thermarum Pisanarum quanta fuerit amplitudo, ac magnificentia ex parietinis, & ruderibus, quae hodie supersunt ad Portam Lucensem, facile cognosci potest. Superest adhuc integrum unicum Balnearum Sudatorium, quod descripserunt eximii viri Franciscus Robertellus, & Franciscus Maria Cessinius, Equestris Ordinis,
pur-

purpura, & eruditionis laude eminentissimus Henricus Norris in Cenotaph. Pis. Dissert. III. Cap. II. qui etiam Scenographiam exhibuit; ad quos studiosum Antiquitatis Lectorem mitto. Non abs re vero me facturum puto, si duas Inscriptiones subiiciam; paucis ab hinc annis ibidem positas, quae ab eloquentissimo, doctissimoque Benedicto Averanio, in Pisano Athenaeo Literarum Humaniorum Professore, compositae fuerunt. Paginae angustis inservientes, non iisdem lineis, uti exaratae sunt in marmoreis tabulis, eas repraesentamus.

D . O . M

PARIETINAE QVAS VIATOR ASPICIS RELIQUIAE
 THERMARVM SVNT QVIBVS ANTIQVITVS PISANA CIVITAS
 VTEBATVR. HARVM QVVM RELIQVAS PARTES TEMPVS
 EDAX CONSVMPSERIT SVDATOKIO DVMT AXAT PEPERCIT
 QVOD NEC INNVMERABILI ANNORVM SERIE NEC
 BARBARORVM INIVRIIS EVERSVM STVDIOSOS
 VETVSTATIS OCYLOS AD SE ALLICIT. ID INGREDERE ET
 ATTENTIVS CONTEMPLARE. SI RERV ANTIQVARVM
 STVDIO DELECTARIS. VIDEBIS INTEGRAM AEDIFICII
 FORMAM OBSERVABIS RATIONEM LVMINUM ET
 QVOMODO CALOR PER TVBOS IMMITTERETVR. NIHIL
 NOTITIAE TVAE SVBTRACTVM QVERERIS. NEC FACILE
 QVICQVAM ALIBI IN HOC GENERE INVENIRI POSSE
 PERFECTIVS AFFIRMABIS. ET SIMVL GRATIAS AGES
 PROVIDENTIAE SERENISSIMI COSMI III. MAGNI
 ET RVRIAE DVCIS QVI NE HQC ANTIQVITATIS INSIGNE
 MONVMENTVM FVNDITVS INTERIRET EIVS CVRAM
 DILIGENTEMQVE CVSTODIAM IMPERAVIT AN.
 CIO. IO. CXCIIV.

SEX VIRI QVI PARTHENONEM VBI PARENTIBVS ORBAE
 VIRGINES ALVNTVR ET EDVCANTVR QVI VVLGO
 CHARITATIS DOMVS APPELLATVR MODERANTVR
 EIVSQVE REM ADMINISTRANT. QVVM AD SVVM IVS
 DITIONEMQVE PERTINEAT HIC LOCVS IN QVO
 SVDATORIVM THERMARVM PISANARVM TOT SECVLIS
 TOT CASIBVS MANSIT INVICTVM. ET OFFICII SVI
 MINIME NEGLIGENTES ET MAGNI DVCIS IVSSIS
 OBTEMPERANTES ET ANTIQVITATIS REVERENTIA
 MOTI RELIQVIAS TAM VETVSTI TAM INSIGNIS
 AEDIFICII OMNI OPE ET CVRA TVENDAS ET
 CONSERVANDAS CENSERVNT AN. SAL. CIO-IO-CXCIII

MAGISTRATVM GEREBANT

EQVES GASPAR LEOLVS

EQVES IOANNES BAPTISTA NERVIVS

EQVES ONVPHRIVS MOSCA

~~IVLIVS GAETANIVS~~

TIBERIVS GVALANDIVS

IOANNES LANFRANCHIVS CHICCOLIVS.

Iam cetera splendidissima Pisanae Coloniae aedificia per-
 vulgata sunt ex sequentibus Tabulis, decretis inferiorum.
 incisis, in honorem Lucii, & Caii Caesarum; Arcus nempe
 celeberrimo in ea loco constituendus, ornatus spoliis devi-
 ctorum gentium ab eodem C. Caesare; super quem statua
 pedestris ipsius triumphali ornatu, circaque eam duae eque-
 stres inauratae Caii, & Lucii Caesarum positae: Theatrum,
 & Circus, in quibus Ludi scenici, & Circenses, eo die
 quo mortem obiere, in perpetuum fieri, & spectari prohibe-
 rentur; Balnea publica, Forum, & Augusteum, Aedes
 scilicet sacra, Basilica, seu Sacrarium Augusto dicatum in
 Foro, & de eius nomine Augusteum, ~~estacior~~ appella-
 tum; in quo, quum nefas esset in loca non sacra, Sena-
 tum

tum Romae, Decuriones in Municipiis, seu Colonis convenire, universi ordines Pisanorum coirent. Ita Ferentini in patronum cooptaturi suum, hospitali tabula, decreto incisa, T. Pomponium Bassum, Clarissimum Virum, in Curia Aedis Mercurii consensere. Vide Par. I. Inscr. Ant. Etr. pag. 65. Plebiscita pariter sacro in loco facta observo ex Reinesiana Tabula Cl. I. n. X. scilicet IN. FORO. PRO. ROSTRIS. AEDIS. DIVI. IVLI.

In Decreto, quod sequitur, Pisani Magistratus de augendis honoribus L. Caesaris consentiunt; data cura C. Canio Saturnino Duumviro, & Decemprimis, ut delecto magis idoneo loco, empto publica pecunia a privatis, approbatoque, ad Aram in eo constitutam, quotannis ante diem XII. Kalendas Septembres solenni ritu, ac funebri pompa, publice, vel si qui privatim velint, Manibus eius inferiae mittantur; cippoque grandi secundum aram defixo, hoc Decretum cum superioribus ad eius honorem pertinentibus incidatur, sculpaturve. Ex quibus perspicue intelligimus ante hoc, quod exstat, alia Decreta a Pisanis Magistratibus condita fuisse in honorem L. Caesaris, quae eo in loco, ubi haec inventa sunt, scilicet ante regiam ianuam Pisanae Basilicae fortassis hodie delitescunt, omnique cura tunc fuerant; & nostro quoque aevo essent anquirenda, Haec pariter decreta in publicas tabulas referri per Scribam publicum mandatur. Constat siquidem columnas Decretis inscriptas, in fanis consecratas fuisse, earundemque apographa exemplaria in publicis archivis reposita; quod etiam factum de Sepulcrorum honoratiis inscriptionibus testantur Marmora Oxoniensia pag. 130. n. LXXIX. & edita a Spornio in Miscellaneis pag. 351. n. 8. Legati insuper a Pisanis missi ad Imperatorem Caesarem Augustum, qui ea omnia quae decreta sunt, adprobante Romano Senatu, facere exsequique permetteret.

2. Quantum haec Pisavorum Decreta, in honorem Lucii, & Caii Caesarum, Historiae, atque eruditionis fines amplificarint, compertum satis est ex Dissertationibus praeclaudati celeberrimi viri Henrici Noris, qui ea luculentissime explicavit, omnique doctrinae, & eruditionis fruge referit; quem operae pretium est adeat Lector, qui Antiquitatis cognitionem admiratur, & colit. Quod ad rem nostram attinet, ea hic tantum notare libet, quae ad genuinam eorumdem scripturam spectant, a qua in his Noris absuit, quae *αὐτίκως* deprehendi.

In 2. versu Noris habet, Q. PETILIVS. Marmor Q. PETILLIVS. In pluribus inscriptionibus Gruteriani Thesauri unico L scriptum Petiliae familiae nomen. Clarum Petillii nomen ex tessera gladiatoria penes Fabretum Inscr. Ant. Cap. I. pag. 39. n. 197. qui dominus fuit Rufionis Gladiatoris, qui spectavit Idibus Novembris, C. Iulio Caesare III. M. Aemilio Lepido Consulibus A. U. 708.

In fine 6. versus, Noris exscripsit, MAXSVMI. Marmor habet, MAXVMI.

In fine 12. versus, STUDIO, reliqua quae sequebantur deleta, antiqua manu; quod omisit Noris. Ita quoque, ut in marmore, descriptum legi in apographo Bibliothecae Stroziae Florentiae, quod ex alio persimili caractere, Marcelli Hadriani mihi visum est. Nec Reinesius omisit Cl. VII. n. 12. & 13. licet pluribus mendis inquinata haec Decreta dederit.

Versu 13. Noris habet; C. CANIO. SATVRNINO. II VIRO. Marmor, II. VIR.

Versu 15. Noris omisit apices in his locis; PECVNIA. A. PRIVATIS.

Versu 17. Noris exhibet; EOSQVE. QVI. IVRI. &c. Marmor, EOSVE.

Versu 19. Noris, ATRI. INFVLIS. Marmor, ATRI, INFVLIS.

Versu 26. Noris, COMPONATVR. Marmor, CONPO-NANTVR.

In

In fine versus 29. Noris , AD . EIVS . Marmor , AD . EI.
 VS abest .

Versu 30. Noris , QVOD . AD . Marmor QVODAD . Fors
 QVOAD , ut in pluribus aliis inscriptionibus eodem sensu
 legitur .

Versu 31. Noris , CAVERIQVE : Marmor , CAVERIVE .

Versu 33. Noris , IMPER . CAESARE . Marmor , IMP.
 CAESARE . idest ; *Caesarem* .

Tempus inferiarum quotannis mittendarum L. Caesari
 per Magistratus Coloniae Obsequentis Iuliae Pisanae, togis
 pullis amictos, ut vidimus, notatur A. D. XII. KAL. SEPT.
 qui dies ab eo discrepat, qui praescriptus est in Fragmento
 Tabulae Musei Albani, Antii eratae, cui subiectum est non
 integrum Romanum vetus Kalendarium, quod edidit
 Clariss. Praeful Franciscus Blanchinus in fine Plolog. Tom.
 II. in Vitis Pontificum Anastasii pag. cxxi. in quo scrip-
 tum. XIII. Kal. Sept. INFER. L. CAESARIS ; quae melio-
 ribus curis eruditorum expendenda relinquo . Fabrilis erra-
 tum manifesto ostendi in vetusta nostra Tabula Par. I. In-
 script. Ant. Etruriae pag. 136. n. 64. in qua Coloniae Flo-
 rentinae Decuriones, Natales dies Augusti, & Tiberii Cae-
 sarum, & Liviae Augustae, quotannis divinis honoribus,
 ludis, & statuarum dedicationibus celebrandos censent ;
 in qua Natale Augusti notatur VIII. KAL. OCTOBR. quum
 in aliis vetustis monumentis VIII. KAL. OCTOBR. signetur .

*Huic marmoreae Tabulae sequens titulus additus, qui summam
 quae decernuntur exponit .*

COLONIA IVLIA PISANA NVNCIATA MORTE
 L. CAESARIS AVGVSTI F. CENSVIT QVOTANNIS
 INFERIAS ILLIVS MANIBVS CERTO RITV
 MITTENDAS PER MAGISTRATVS EOSVE
 QVI IBI IVRI DICVNDQ PRABESSENT
 POST VRBEM CONDITAM ANNO DCCLVL
 CHRISTI VERO ANNO IIII.

Alte

3. In principio omnium versuum huius Tabulae, ubi minusculae litterae diversi characteris positae sunt, ab imo ad summum marmor in duas partes scissum est, eoque in hiatus suppletur litterae desunt. Primae lineae, quae exhibetur a Noris, aliqua vestigia apparent.

Versu 8. Noris exhibet, CAIVM. CAESAREM. Marmor, C. CAESAREM.

Versu 16. Noris habet, PRONI. NOSTRI. Marmor, PATRONI. NOSTRI.

Versu 18. Noris, QUANDO. EO. CASV. Marmor, QUANDO. EO. CASV.

Versu 25. Noris, A. D. VIII. K. MARTIAS. Marmor, A. D. VIII. K. MARTIAS.

Versu 50. Noris, CAESARI. AVGVSTO. PONTIFICI. Marmor, PONTIF.

Versu 56. Noris, OBSERVARIQVE. VTIQVE. L. TITIVS. Marmor, OPSERVARIQVE VTIQ. L. TITIVS.

Versu 57. Noris, EX. DECRETO. Marmor, EX. DECRET.

Præterea Noris multis in locis puncta interdum vel prætermisit, vel de suo addidit; apicum sedem mutavit, nec eodem modo, ut in marmore visuntur, repræsentavit. Nam tria apicum genera in his Tabulis observantur. Primus Graecum accentum *acutum* refert, secundus *gravem*, tertius lenem aspirationem, hoc modo, quos interdum variat Noris; adeoque pro gravi accentu lenem aspirationem ponit, & pluribus in locis I longum, uti in marmore sculptum est, non exhibet.

Illud quoque indicandum videtur in his Pisanis Tabulis, Augusto aeo scriptis, quas non semel diligentissime, & oculatissime observavi, multo plures notari apices, sive accentus, quam pronuntiarint Christophorus Cellarius in Orthographia Latina, & Fabrettus Inscr. Ant. Cap. III. pag. 168. nam in Lucii Caesaris Decreto supra quinque voces, in Caiano vero supra decem sculpti sunt; itemque non raro scriptum est A, hoc modo A, absque

absque transversa linea, ut Graecum A referat; quod scribendi genus in pluribus aliis lapidibus Augusteo seculo exaratis, cussisque in numis eruditi observarunt. Alicubi etiam observavi has Tabulas perforatas, sed clarius eam, quae ad Lucium Caesarem spectat: siquidem in primo versu post haec verba **IN FORO**, visitur foramen, in quo plumbi fragmina supersunt; ut hinc ostendi possit haec Decreta aliquo in loco celebri, ac conspicuo, vel in aliquo Templo, vel potius circa locum, ubi annuae inferiae in honorem Caesarum mitti debebant, fixa fuisse; quod etiam indicitur in superiori Decreto Lucii Caesaris; lin. 29. & 30. In magno Gruteri Thesauro plures aeneae Tabulae ad oram perforatae afferuntur pag. CCCLXII. CCCLXIII. CCCLXIV. 1. CCCC. 8. CCCCI. 1. quas cum viros clarissimos hospitali tessera per Legatos missa, in patronos suos sibi cooptarent Municipia, ac Coloniae, in eorum domo poni figique curabant; aliis tabulis similibus sibi reservatis, quas vel in archivis, vel publico in loco, vel in fanis reponerent. Id quoque diserte testatur praeaudata Tabula Hospitalis Musci Medicei, Ferentinorum Decreto insignis, quae, ut in fine scriptum est, *ad Augusti templum* posita fuit. Ita quoque Tabulas honestae Missionis Militum, & Etruscorum Eugubii, perforatas cernes. Tabula honestae Missionis data ab Imperatore Servio Galba Veteranis qui militaverunt in Legione Prima Adiutrice, fixa fuit Romae in Capitolio, in Ara Gentis Iuliae; quae vero data ab Imperatore Domitiano Augusto, fixa fuit Romae in muro post Templum Divi Augusti, ad Minervam; quas vide in Par. I. Inscript. Ant. Etruriae Urb. pag. 257. & 69. ibique item fixas alias Classiariis datas, quae a Grutero pag. DLXXIII. 1. & a Fabretto de Col. Traiani Cap. III. afferuntur. Columnae Decretis; & foederibus Urbium, ac Populorum inscriptae, in Deorum templis repositae, festo die quotannis legi, decemque antequam legerentur dies nunciari solebant; quod per Cosmos faciendum quotannis, in Hiperboiorum festo, cavetur in-

Foedere inter Hierapytnienses, & Prianfios Cretae populos inito, quod vide in serie Marmorum Oxoniensium n. LVII. pag. 116.

Pisanum Decretum, quod ad Caium Caesarem pertinet, non uno eodemque tempore totum exaratum fuisse, cum Pisis inspicerem, suspicatus sum; nam in fine aliquantulum variat character; idque facile, ni fallor, argui potest, quod Duumviri, vel Duumvirorum nomina in principio, ut in alio, non apponuntur, quae postea versus finem adnectuntur; huiusque rei statim initio causa a Pisanis affertur; quod scilicet propter contentiones Candidatorum Magistratus in Colonia non essent; neque Duumviri, neque Praefecti, neque quisquam iure dicundo praefectus; quare universi Decuriones, Colonique de annuis inferiis quotannis mittendis in honorem Caii Caesaris inter se consensere; eo tamen consilio, ut quae ipsis placuissent, quamprimum per Duumviros, per legem Coloniae creandos, referrentur in publicas Tabulas; data interea provincia T. Statuleno Iunco, Flamini Augustali, Pontifici minori Publicorum Populi Romani Sacrorum, ut libello reddito Imperatori Caesari Augusto cum Legatis, excusata praesenti Coloniae necessitate, hoc officium publicum, & voluntatem universorum indicaret.

Infra hanc Tabulam, in marmore, recenti manu scripto, haec leguntur, quae non omittenda censui.

COLONIA IVLIA PISANA AVDITA MORTE C. CAESARIS
AVGVSTI FILII CENSVIT VT A DIE QVO ILLIVS OBITVS
VNVCIVTVS EST VSQVE AD EVM DIEM QVO OSSA
RELATA SVNT AB OMNI LAETITIAE GENERE
ABSTINERETVR VTQVE ILLI EODEM MODO QVO
L. FRATRI PARENTATVM FVERAT PARENTETVR
ARCVS INSVPER ET STATVAE PONERENTVR
POST VRBEM CONDITAM ANNO DCCC LVII.
CHRISTI VERO ANNO V.

Fra-


Tabula I. post

Tabula marmorea Romanos pedes V. uncias V. lata ped. III. unc. I. inserta in pariete interiore
Coemeterii continens Decretum Parentium, quotannis celebrandorum a Colonia

PISANAE, in honorem L. CAESARIS Augusti F.
PATRIS. PATRIAE. PONTIFICIS. MAXIMI
TRIBVNI. AVGVRI. CONSVLIS. DESIGNATI. PRINCI:
IVVENTV. NOSTRAE. Q. D. E. R. F. P. D. E. R. I. C.
CVM. SEN. INTER. CETEROS. PLVRIMOS. AC. MAXSIMOS
HONORES. ARIS. PATRIS. PATRIAE. PONTIFICIS. MAXIMI. TRIBV
NICIAE. PO. RI. CONSVLI. DESIGNATO. PER
CONSESVM

TETVR. D. NINO. II. VIR. ET DECEN. PRIMIS. ELIG:::
ASPIDENDI. MAGIS. IDONEVS. VIDEATVR. EMEND:::
PVBLICA. LOCL. QVEM. MAGIS. PROBAVERINT. VTIQVE
APVD. EAN. XII. K. SEPT. PVBLICE. MANIBVS. EIVS. PER. MAGIS
TRATVS. E. O. PRAERVNT. TOGLS. PVLLIS. AMICTOS
QVIBVS. EC. DIE. EIVS. VESTIS. HABENDAE. INFERIAE. MIT
TANTVR. B. LIS. CAERVLS. INFVLATI. DLS. MANIBVS. EIVS
MACTENTVR. OCO. ADOLEANTVR. SVPER. QVE. EAS
SINGVLAE. EI. FVNDANTVR. AC. TVM. DEMVM. FACTAM
CETERIS. TIM. VELINT. MANIBVS. EIVS. INFERIAS. MITTERE
NIVE. QVIS. AVE. FACE. CORONAVE. MITTAT. DVM. II. QVL. IM
PATREM. PMVM. TRIBVNICIAE. POTESTATIS. XXV
ADEANT. POLONIS. IVLIENSIBVS. COLONIAE. OPSEQVENTI
:::LIAE. PIS. EA. OMIA. FACERE. EXSEQVQVE. PERMITTAT

Litterae asterac deletae in hac Tabula ; itidem quae punctis notantur .



Altera Tabula marmorea, eodem in loco constituta, alta ped. Romanos V. unc. V. quotannis celebrandorum a Colonis Iulienſibus Coloniae Obſequentiſ Iuliae Pl.

FVER. Q. SERTORIVS. Q. F. ATILIVS. TACITVS. P. R.
P. F. THALLVS. Q. SERTORIVS. Q. F. ALPIVS. P[RE]CA. C.
M. F. PRISCVS. A. ALBIVS. A. F. GVTTA. TI. PETRONIVS
SE X. APONIVS. SEX. F. CRETICVS. C. CANIVS. C. F. SATV

QVOD AD SVNT. CVM. IN COLONIA. NOSTRA. PROPTER. CONTE
RV M. MAGISTRATVS. NON. ESSENT. ET. EA. ACTA. ESSENT
CVM. A. D. IIII. NONAS. APRILES. ALLATVS. ESSET. NVNTIVS. C
AE. PONTIF. MAXSVMI. CVSTODIS. IMPERI. ROMANI. TOTI
SIDIS. FLIVM. DIVI. NEPOTEM. POST. CONSVLATVM. QVE
LL. ROMANI. BELLVM. GERENS. FELICITER. PEREGERAT. BEN
CATIONES. NIVE. SPONSALIA. NIVE. CONVIVIA.

EOVE. DIE. QVI. DIES. ERIT. A. D. VIII. k. MART. FIAN
TVRVE. NIVE. QVI. LVDI. SCAENICI. CIRCIENSESVE. EO. I
VTIQUE. EO. DIE. QVOD. ANNIS. PVBLICE. MANIBVS. EIVS
QVI. PISIS. IVRE. DICVND. PRAERVNT. EODEM. LOCO. E
L. CAESARI. PARENTARI. INSTITVTVM. EST. PARENTETVI

VTIQUE. ARCVS. CELEBERRIMO. COLONIAE. NOSTRAE. LOCO.
TVS. SPOLEIS. DEVICTARVM. AVT. IN FIDEM. RECEPTAR
EVM. ST ATVA. PEDESTRI. IPSIVS. TRIVMPHALI. ORNATV.
EQVETRES. INAVRATAE. GAI. ET. LVCI. CAESARVM. STA

QVAE. SEX. AELIO. CATO. C. SENTIO. SATVRNINO. COS.
STITVTA. SVNT. PER. CONSENSVM. OMNIVM. ORDINVM. I
BERI. OPSEVARIQVE. AB. L. TITIO. A. F. ET. T. ALLIO. T
QVE. POSTEA. IN. COLONIA. NOSTRA. II. VIR. PRAEFECT
ERVNT. OMNIA. IN. PERPETVOM. ITA. FIERI. AGI. HABEE
A. F. T. ALLIVS. T. F. RVFVS. II. VIRI. EA. OMNIA. QVI
NOSTRO. CORAM. PRO. QVAESTORIEVS. PRIMO. QVOQVE
BLICVM IN. TABVLAS. PVBLICAS. REFERENDA. CVRENT.

*versum capita distant ab ora huius Tabulae uncias Rom. ped. IV. S. Inde post paucis
sumum fractum est. Literae quae in eo desiderantur, minoribus indicantur. In 44.
tium est capax, & stylum scripturae imitatur, secutus etiam Ch. Curtius Pichenam,
edidit in Notis ad Tacitum, Edit. Era*

lata ped. II. unc. XV. Decretum continens Parentalium
SANAÆ in honorem C. CAESARIS Augusti F.

ASINIVS. L. F. BASSVS. L. LAPPIVS
VETTIVS. L. F. VIRGVLA. M. HERIVS
TI. F. POLLIO. L. FABIVS. L. F. BASSVS
NINVS. L. OTACILIVS. Q. F. PANTHERA

NTIONES. CANDIDATO
. QVAE. INFRA. SCRIPTA SVNT
. CAESAREM. AVGVSTI. PATRIS. PATRI
VSQVE. ORBIS. TERRARVM. PRAE
M. VLTRA. FINIS. EXTREMAS. POPV
E. GESTA. RE. PVBLICA. DEVICTEIS. AVT
. CONCIPIANTVR. INDICAN
DIE. FIAN. SPECTENTVRVE
. PER. MAGISTRATVS. EOSVE
ODEMQVE. MODO. QVO

CONSTITVATVR. ORNA
VM. AB. EO. GENTIVM. SVPER
CIRCAQVE. EAM. DVAE
TVAE. PONANTVR

FVERVNT. FACTA. ACTA. CON
IA. OMNIA. ITA. FIERI. AGI. HA
. F. RVFO. II. VIRIS. ET. AB. EIS. QVICVM
. SIVE. QVI. ALI. MAGISTRATVS
I. OPSERVARIQVE. VTIQ. L. TITIVS
AE. SVPRASCRIPTA. SVNT. EX. DECRET
TEMPORE. PER. SCRIBAM. PV
CENSVERE.

literas sequitur magnus hiatus marmoris, quod misere ab imo ad
versus reposui VTI
Senatorem Flor. EGATIS. cuius additionis I. spa
las primus, licet valde mendosus,
notos. MDCVII.

*Fragmentum marmoreae ingentis Tabulae in exteriori
pariete eiusdem Basilicae.*

4 PRONEPOTI
T. AELIO . HADRIANO
ANTONINO . AVG . PIO . PONT
MAX. TRIB. POTEST. III. COS. III. P.P.
INDVLGENTISSIMO

4. In MS. Fr. Iohannis Iucundi Veronensis penes spectatissimum Equitem Antonium Franciscum Marmium Florentinum, haec ipsa inscriptio integra affertur pag. 199. ibique haec notantur; *Tisis ad marmoreum parietem Maioris Ecclesiae.*

IMP. CAESARI . DIVI . HADRIANI
FIL. DIVI . TRAIANI . PARTH. NEP.
DIVI . NERVAE . PRONEPOTI
T. AELIO . HADRIANO
ANTONINO . AVG. PIO . PONT
MAX. TRIB. POTEST. III. COS. III. P.P.
INDVLGENTISSIMO
PRINCIPI

Integram quoque exhibet Apianus pag. 180. & Gruterus CCLIII. & ex Panvinio, & Manutio. Tertius Antonini Pii Imperatoris, optimi Principis, Consulatus incidit in annum U. C. 893. Chr. 140. In alio marmore apud Fabretum pag. 681. n. 62. appellatur *Optimus maximusque Princeps*, & cum summa benignitate iustissimus, ob insignem erga caeremonias publicas curam, ac religionem.

Alia praegrandia marmoris fragmenta, ibidem.

⁵ AR . T. AE

⁶ TRA

⁷ MAE . MINORVM

5. 6. 7. Imperatorem Antoninum Pium, cuius nomen in his fragmentis penitus non oblitteravit antiquitas, multis maximisque beneficiis, & honoribus Pisanos sibi devinxisse perspicuum est; quod ipsi devoti numini maiestatique eius, his monumentis testatum posteris voluerunt. Ea ex Thermarum ruinis in exteriorem parietem maioris Basilicae deportata suspicatur Noris in Cenotaph. Pisana Dissert. III. Cap. 2. pag. 365. propterea quod nulla alia vetustiora monumenta Pisis supersint. Ne vacuum heic locum relinquamus, libet in laudem eximiae probitatis huius Imperatoris, Scriptorum asserre testimonia. Eutropius Lib. VIII. Hist. Rom. scribit. *Vixit ingenti bonestate privatus; nulli acerbus, cunctis benignus: in re militari moderata gloria; defendere, magis provincias, quam amplificare studens; viros iustissimos ad administrandam Rempublicam quaerens, bonis honorem habens, improbos sine aliqua acerbitate detestans.* Victor in Epitome Cap. XV. tantae, inquit, bonitatis in principatu fuit, ut haud dubie sine exemplo vixerit. Hinc merito in eius numis TEMPORVM FELICITAS expressa. Capitolinus Cap. II. *In cunctis postremo laudabilis, & qui merito Numae Pompilio ex bonorum sententia comparetur.* Idem Cap. VII. subdit, Provincias sub eo cunctas floruisse.

Co-

*Columna milliaria marmorea , superius atque inferius fracta ; eruta
in Agro Pisano , Romam versus ; nunc alta Roman. Ped. II.
unc. XIII. semiclusa interiore pariete
eiusdem Pisani Coemeterii .*

CAES I AE
HADRIANVS ANTONINVS
AVG. PIVS. P. M. TR. P. VI. COS. III
IMP. II. P. P. VIAM . AEMILIAM
VETVSTATE DILAPSAM OPERIB
AMPLIATIS . RESTITVENDAM . CVR
A . ROMA . M . P . CLXXXVIII

8. Post ultimum versum huius milliariae columnae nonnullae minores literae cernuntur ; sed vel abrasae , vel temporum iniuria consumtae . In marmorea basi , quae paucis ab hinc annis ei subiecta est , haec leguntur :

CENTESIMVS HIC SVPER OCTOGESIMVM
OCTAVVM AB VRBE LAPIS IN VIA AEMILIA
AD PISANVM MARE VERGENTE A CAESARE T. AELIVS
HADRIANO ANTONINO PIO IMPERATORE
OLIM POSITVS EOQVE IN LOCO QVI VVLGO
RIMAZZANO NVNCVPATVR INVENTVS
HVC AD MEMORIAM ANTIQVITATIS TVENDAM
TRANSLATVS EST EQVITE IVLIO GAETANI
AEDILE . A . D . MDCCIV .

Primus versus facile ita suppletur . IMP. CAES. T. AEL.
Colum-

*Columna milliaria marmorea in Porticu Ecclesiae S. Petri in Grado,
aliquantulum temporis iniuria labefactata.*

9 IMP. CAES. D. NRO
PIO. FELICI. SEMP. AVG
IMP. CAES. DN FL. GRATIANO
PIO, FEL. SEMP. AVG
DIVI VALENTINIANI AVG. FILIO
IMP. CAES. FL. VALENTINIANO
PIO. FELICI. SEMPER. AVG
DIVI VALENTINIANI AVG. FILIO

CIVIT. PISANA
M. P. IIII

*Ex schedis autographis V. Cl. Chimentellii, in Bibliotheca
Strozia MS. LH. 110.*

9. In columnae huius Inscriptionem haec adnotavit eruditissimus Chimentellius de Honore Bisellii Cap. ult. quae heic non omittenda esse censui.

Prima linea explenda est, apponendumque nomen Fl. Valentis (IMP. CAES. D. NRO FL. VALENTI) quod penitus abierat, nullo apparente vestigio, ac necesse tamen est ibi non defuisse. Hi tres imperii Romani gubernaculo una assederunt, Fl. Valens cum Gratiano, & Valentimiano filius Valentimiani primi. Uterque heic nominantur, mortuo iam parente, quem Divi titulo ex more indicant. Multae exstant in Cod. Theodof. & Iustiniano trium A. A. A. constitutiones Valentimiani, Valentis, & Gratiani, ut & in Inscriptione Gruteriana CLX. 5. Sed non putem confundendos cum tribus hisce nostris. In iis namque legibus, & in veteri Inscriptione, Valentimianus ponitur primo loco, dein Valens, & Gratianus; at in columna nostra Valentimianus ultimo locatur, quoniam hic filius est illius Valentimiani iam defuncti, de quo in Codicibus, & saxo.

Histo-

Historia lux veritatis rem confirmat; quoniam Valentianus I. non nisi socium Gratianum adscripsit filium natu maximum, ad habenas imperii, ex duobus alteris filiis, quorum utrique nomen paternum. Valentianus, nullum aut vocavit, aut vocare potuit in consortium regiminis; alter quippe trimulus intra fascium consularium stetit cancellos, obitusque curvo parente: alter, mortuo demum parente, cum Gratiano fratre praefedis reipublicae, etiam tum quadrimus A. U. C. MCXXVII. Ante hos fratres Valens Valentiani senioris frater, & istorum patruus communione imperii laetabatur; qui altero post mense, quam Valentianus frater summae rerum adesset, consortionem inivit regnandi: atque hi tres tunc numerabantur, quos in Codice legimus. Distinguendus pariter est hic Valentianus regnans, de quo columna nostra, ab altero Valentiano fratre, qui saepe praereptus, ut diximus, ad imperium pervenire non potuit; & passim tamen ex duobus Valentianis perperam, & confuse fit unus. Sed primus hunc errorem discussit doctiss. Valles. ad Ammiani lib. 31. pag. 412. & 433. post eum Christoph. Adam. Rup. ad Synops. Besoldi pag. 450. vir tersissimi iudicii in rebus gestis, earumque temporibus adnotandis. In columna itaque hac Tisana Valentianus Valentiani filius erit ille, quem secundae cunae exceperunt, qui partim cum Valente, & Gratiano (ut hic exprimitur) imperium tenuit, partim deinceps cum Theodosio, & Arcadio; Abrogasti tandem perfidia occisus apud Viennam A. U. C. MCXLIV.

Alia praeterea a Chimentellio observantur, quae minime contemnenda sunt. Nonnullis mendis resperfam Sponius edidit in Miscell. pag. 175.

Tisis inventa sequens Inscriptio.

10

D . M . S
FELIX . HERCVLEO
EQ. P . AED. II. COS. I
PONT . PERP
REIP . PIS

Hoc

Hoc est : *Dis Manibus Sacrum. Felix Herculeo Equo publico, AEdilis iterum, Consul semel, Pontifex Perpetuus Reipublicae Pisanorum.*

EQ. P. In quamplurimis inscriptionibus additur, quod hic subintelligendum est; *donatus, ornatus, exornatus, honoratus*. Saepae etiam Imperatoris nomen ponitur, a quo hoc honore donabantur, vel *Coloniarum*, aut *Civitatum*, in quibus equestris ordinis gradu insigniti erant.

AED. II. Felicem hunc equo publico ab Imperatore ornatum iterum AEdilitatem gessisse dicit Cl. Noris Dissert. I. in Cenotaph. Cap. III. pag. 42. Verum quum haecenus in nullis vetustis faxis post hanc notam AED. numerales litteras signatas viderim, ad indicandam aedilitatem *semel, vel iterum* gestam; sed solum ante hanc notam VIR. positas, ut II. VIR. III. VIR. IV. VIR. VI. VIR. ad indicandum *Duoviratus, Triumviratus, Quatuorviratus, & Seviriatus* honorem, ac dignitatem; sculptum puto in marmore, quod Pisis exstat in Horto; in quo cerae dealbantur, AEDIL; ut in quamplurimis aliis inscriptionibus; scilicet *AEdilis*. Facili negotio, extrito crure, L. potuit I similis videri, quod saepissime a veterum monumentorum exscriptoribus factum; nec semel etiam in antiquissimo Virgilio Mediceo.


COS. I. De Consulibus *Colonicis, & Municipalibus* supra nonnulla diximus. Illud hic notandum. utrumque & Consulis, & Pontificis munus gessisse L. Minicium Exortum Flaminem Divi Augusti Vespasiani, ut Comense marmor ostendit in Gruteriano Thesauro CCCCXXXVIII. 7.

Ob honorem Pontificatus perpetui data magna pecuniae vis, & Circenses ludi editi leguntur in Lugdunensi marmore in Gruterianis CCCCXXXI. 1.

REIP. PIS. Id est; *Reipublicae Pisanae*. In aliis lapidibus Pisanorum, per singulares litteras P. R. *Pisana Respublica*, non ut aliquis dixit, *Populus Romanus*, indicatur. Pisanorum Colonia honorifico Reipublicae, & Civitatis nomine insignita est, quod observat Cl. V. Val. Chimentellius in Marmor Pisanum de Honore Bisellii Cap. XLII. p. 231.

In

11



11. Haec Ara marmorea, ornata in lateribus simpuvio, & patera, alta pedes Romanos tres, uncias undecim; lata pedem unum, uncias quindecim, illustris est eruditissimo Commentario Cl. V. Valerii Chimentellii Florentini, in Pisano Athenaeo humaniorum literarum Professoris, qui ei *De Honore Biselli* titulum fecit; necnon Observationibus magni Henrici Noris Dissert. I. in Cenotaphia Pisana pag. 38. & 39. ad quos, ne aliorum serinia expilare videat, lectorem libenter mitto. In eam non pauca quoque notavit Fabrettus Inscr. Ant. Cap. III. pag. 227. 228.

Igitur Q. Largennius Chresimus, qui ob honorem Biselli sestertius quinquaginta nummum Reipublicae Pisano-

C

rum

rum dedit , aram hanc dedicavit Diis Manibus Q. Largen-
nii Severi filii sui , Galeria Tribu cens , & AEdilis Pitis .

Marmoris fragmentum in Abbatia D. Zenonis.

12 ONIANO . OCTAVIO . P. F.
..... PRAEF. VRB. FERIAR. ET
..... LEG. LEG. PRIM. ITAL. COS. II
..... ANTONIAN . VERIAN . LEG. AVG.
..... ORIS. PRAETORI. ETRVRIAE. V. PISIS
PVBLCIE
D . D
..... PATRIAM . SVAM . BENEFICIA
.....

12. Descripsi hoc marmor , quod intercidit , ex autogra-
pho Clariss. Senatoris Caroli Strozii . Edidit quoque Tho-
mas Dempsterus de Etruria Regali Lib. V. Cap. I. pag. 257.

*In Sarcophago marmoreo , ornato Geniis encarpia-sustinentibus in
angulis ; super his figurae quaedam vetustate labefactatae ,
& tropaeum , sub quo captivi religatis post terga mani-
bus ; exstat in Pisano Coemeterio .*

13 G. BELLICVS NATALIS TEBANIANVS COS
XV VIR FLAVIALIVM

13. Rara admodum esse Sarcophaga Inscriptione ornata
alibi , & hic quoque observavimus . Ex hoc vero discimus G.
Bellicum Natalem Tebanianum , Consularem , Quindecim-
virum Flavialium fuisse ; qui in honorem Flaviae Gentis ,
& qua Vespasianus , Titus , & Domitianus Imperatores ,
consecrati sunt . Quemadmodum enim , mortuo Augusto ,
& ut

&, ut stulte credebant, in Deorum numerum relato, inter cetera honorum genera, quae ei decreta sunt, Sodalium Augustalium sacerdotium novis caeremoniis, ut scribit Tacitus Annal. Lib. I. institutum est, appellatique sunt ex eius nomine Augustales; itemque, eodem Tacito teste, instituti Cultores Augusti, qui per omnes domos in modum Collegiorum habebantur; ita quoque in aliorum Caesarum honorem consecrati Sacerdotes, Sodales, Cultores, Flamines, Quindecimviri sacris faciundis, & ex eorum nomine desumptis appellationibus nuncupati *Flaviales*, *Traianales*, *Hadrianales*, *Antoniani*, *Marciani*, *Helviani*, *Severiani*, *Alexandrini*. Qui inter hos Sacerdotes adlegebantur, sortem ducti, e primoribus civitatis erant, quibus & ipsi Caesares adiciebantur, ut eodem in loco docet Tacitus, ac vetusti lapides non pauci testantur. In Gruteriana Ara. CCCLI. 1. memoratur L. Aradius Quindecimvir Sacris faciundis *Pontifex Flavialis*. His Flavialibus sacerdotibus dati ministri, & apparitores, inter quos in Gruteriano Thesauro CCCIV. 9. recensetur Q. Caecilius Ferox *Kalator Sacerdotum Titialium, Flavialium*. In eo quoque leguntur Sodales *Flavii*, & *Flaviales*. 7. CCXLIV. 11. CCCXXXVII. 2. MXXV.

Bellica gens clara est ex quatuor Inscriptionibus Gruterianis; quam nonnulli cum Bellicia confundunt. Qui vero fuerit hic C. Bellicus Natalis, vir consularis dignitatis, diximus ad insigne monumentum Musei Andreinii Par. I. pag. 259. quod exhibet honestam Missionem, eamque omnium, quae editae sunt, antiquissimam, a Servio Galba Imperatore Caesare Augusto datam Veteranis, qui militaverunt in Legione Prima Adiutrice, ante diem XI. Kalendas Ianuarias, C. Bellico Natale, P. Cornelio Scipione Consulibus; qui non ordinarii, sed suffecti fuere anno U. C. 821. Chr. 68. teste Huberto Goltio in Consulum Catalogo. Additur TUBANIANVS, quod nomen adoptionem significat, ut alibi observavimus.

U. C. 821. Chr. 68. teste Huberto Goltio in Consulum Catalogo.

Pisis in antiquo marmore.

14

C . SATVRIVS . SATVRI . PICENTIS . P . P
FILIVS . FAB . SECVNDVS . EQVO . PVBLICO
EX . V . DECVRIS . PRAEF . COH . II . ASTYRV
AVGVR . PATRONVS . COLONIAE . ASCVLANORVM
VIX . ANN . XIX . DIEBVS . XXVII.
PATER . FIL . PIENTISSIMO . FEC

14. Primus omnium Franciscus Robertellus Utinensis hanc Inscriptionem illustravit, ac protulit in Libro II. Annotationum Cap. XXI. ex eo postea Gruterus CCCCLXV. 10. In primo versu P.P. putat *Patris Patrati* per has notas significari; ego vero *Propraetoris*; cuius lectionis non pauca exempla suppeditant vetusti lapides.

EX. V. DECVRIS. Idest: *Ex quinque Decuriis*, quae quinque erant Equitum, quum quatuor ab Augusto constitutis unam adiecisset postea Caius Caesar, cuius rei insigne est Plinii testimonium lib. XXXII. Cap. 2. quod ibidem profert Robertellus. Opportune hoc in loco minime praetereundus L. Peregrinus Decurio Legionis XIII. item Decurio Pisis, & Quaestor ad AErarium, ut legitur in quodam lapide, qui Lucae exstat ad quemdam puteum, & descripsit Cyriacus Anconitanus.

THALIAE . COCCIAE
L . PEREGRINO
DECVRIONI . LEG . XIII
DECVRIONI . PISIS
QVAESTORI . AD . AERAR . II
HEREDES

PRAEF . COH . II . ASTYRV . Putat Robertellus ita denominari

nominatos, qui Hispanis, ab Asturia regione, uterentur equis, de quibus Plinius meminit Lib. VIII. Cap. XLII. & Martialis Lib. XIV. Epigr. 199.

Venit ab auriferis gentibus Astur equus.

Nisi fortasse quis velit ab Astura, oppido Latii, nuncupatos Asturas. Virgilius Aeneid. Lib. X. v. 179.

Hos parere iubent Alphea ab origine Pisae,

Urbs Etrusca solo: sequitur pulcherrimus Astur,

Astur equo fidens, & versicoloribus armis.

Promiscue in Gruterianis legitur ASTYRVM, & ASTVRVM. Vide DLXII. CCCCXXXIX. 5. & CCCCLXV. 10. ubi ex Robertello hanc ipsam Inscriptionem produxit.

Non abs re puto hoc in loco Patronum Pisanæ Coloniae ex Octavia gente indicare, ex sequenti Inscriptione; quam ex schedis Vaticanis exhibuit Fabrettus pag. 411. n. 351. qui sub Traiano contra Parthos militavit.

..... NEP. L. PRON
..... D. OCTAVIO. PRISCO
..DIVI. TRAIANI. PARTHICI. PRAEF.
..... SEVIR. EQVIT. ROMAN
SEVIRO. QVINQ. II. PATRON. COLON
COL. PISANA

In Collectaneis Cl. Viri Iohannis Baptistae Donii allata. Inscriptio exstare dicitur Lucae, apud Martinum Liliū, & haec alia ibidem subiicitur.

L. PAPIRIO L. L
MANDATO. CLVP.....
AVG. PISIS. ET. LVCAB...
L. PAPIRI.....
APELLI : PAT.....

In Aedibus Nobilium Roncioniarum.



15. Idest: *Vrventes fecerunt*. Q. Anquirinnius Secundus. Occia. Agile Vxor Q. Anquirinnio Galeria (Tribu) Severo, Quintili Filio &c. Sibi & suis Libertis Posterisque eorum, Reliquas siglas VI. D. S. E. AN. D. XXV quid significant, aliis explicandas linquo. Contra marmoris fidem Noris Dissert. I. in Cenotaph. Pisana Cap. I. pag. 16. & Fabrettus pag. 604. n. 44. excipserunt: Q. ANQVIRINIO GAL. SEVERO. F. M. D. S. F. SIBI. ET. SVIS. P. hoc est: Q. Anquirinio (marmor habet Q. ANQVIRINNIO) Galeria Severo Filio Monumentum de suo fecerunt &c. Reinesius Cl. XI. n. 109. edidit ex Octavio Boldonio Q. ANQVIRINIO GAL. SEVERO. F. VI. D. S. E. propius ad fidem marmoris, verum cum mendis, quae conferentibus patebunt. Mutillam dedit, seu potius indicavit Valerius Chimentellius de Honore Bisellii Cap. III. pag. 7.

Sculpta sunt in hac marmorea Tabula feralis mensa in medio,

medio, epulis referta, sub qua arcula sepulchralis, hinc inde imagines Viri, & Feminae, & fasces ardentium cereorum, vittis religati, inferius acuminati, quasi in terram in parentalibus sacris defigerentur.

Praegrandis Tabula marmorea apud eisdem.



16. Hoc est: *Diis Manibus Mettia Ianuaria hic adquisit.* Coniugi bene merenti Q. Obsequentius Severinus Augustalis (vel Augur) Pisis, Curator Kalendarii Florentinorum sibi posterisque suis. A Colonia Pisana, quae Iulia Obsequens cognominata est, nomen suum accepisse videtur Obsequentia Familia, e qua hic Q. Obsequentius Severinus.

In Colonia, & Municipiis Augustales sacrorum curam agebant; de quibus Reinesius ad Inscriptionem LXIII. Cl. VI. Kalendaria in Municipiis, in Colonia, atque in Collegiis, erant libri rationum accepti, & expensi de pecunia publica, quae ne otiosa esset in arca, sub usuris solebat collocari, eique negotiationi praefici unus, qui Curator Kalendarii dicebatur, quae idem Reinesius ad XXIV. Cl. I. adnotavit. Procuratorem Kalendarii Domus Augustae observo in sequenti Inscriptione, in qua praeterea sepulcrum defunctorum Heroum appellatur, maceria cinctum cum superficie, & in insulae modum constructum, eam vulgavit inter marmora Felsinea Carolus Caesar Comes Malvasia pag. 322. & Romae existare ait in Aedibus Massarinis.


D. M

D . M
 AVRELIVS . HERMAS . AVG . LIB
 PROC . K . HEROVV
 MACERIA
 CINCTVM CVM CVPERFICIO
 INSVLA CONPARAVIT
 SIBI POSTERISQVE SVIS
 IN FR . P . XII . IN AGR . P . XIIX

Sed in hunc Pisanum lapidem videnda quae Reinesius adnotavit Cl. I. n. 24. & Cl. XIV. n. 166. licet vitiose descriptum vulgaverit, quod & Gruterus fecit CCCCXLIV. 5. item Noris ad Cenotaph. Pisana Dissert. I. Cap. III. pag. 37. & Chimentellius de Honore Bisellii Cap. VII.

Augustales in Pisana Colonia, ut in aliis, fuisse perspicuum quoque est ex alio marmore eruto Cascinae, prope Pisas, anno MDCXXVI. quod postea Florentiam translatum, in Hortis Nobb. Spighiatorum hodie cernitur; in quo Q. Caecilius Amandus Augustalis, ex Decuria Prima Cultorum Herculis Somnialis nominatur; quod vide in Parte I. pag. 291. Praeter hoc Sodalitium Cultorum Herculis Somnialis duo Pisis Collegia fuisse discimus ex sequenti lapide, qui olim Pisis exstabat, ibique descripsit Vir Cl. Vincentius Borghinius, cuius autographum vidi inter schedas doctissimi Petri Victorii, quas mecum perhumaniter communicavit Illustris. Franciscus Victorius, Vir Equestri Ordinis, quem honoris causa nomino; sed apud Gruterum, qui inemendatum profert pag. MXXXI. 5. prope Ferrariam exstare dicitur. Pisana Collegia, quorum in hoc marmore fit mentio sunt *Fabrum Navalium stationis vetustissimae*, & *Fabrum Tignuvariorum*.

D. M



 D M
 VENVLEIA
 PELAGIA
 HIC . ADQ
 FIL. MATR. PISS.

M. NAEVIVS. M. F.
 GAL. RESTITVTVS
 MIL. COH. X. PR. H. AQ.
 QVI RELIQ. TESTAM. COLL
 FABR. NAVAL. PIS. STATION'
 VETVSTISS. ET. PISS. H-S. III.
 N. EX CVIVS REDITV. PA
 RENTAL. ET. ROSAR. QVOT
 ANN. AD SEPVLCHRV
 SVVM. CELEBRENT. QVOT
 SI FACTVM. AB EIS. NON
 ESSET. TVNC. EA. IPSA. CON
 DICIONE. FABR. TIG. PIS
 ACCEPT. PRO. POENA. A
 FABR. NAV. H-S. III. N. IPSI
 CELEBRARE. DEBEVNT

Pisanos ingenti rei navalis gloria floruisse, maritimique Etruscorum imperii partem fuisse maximam, testantur Appianus Lib. V. & Dio Lib. XLVIII. Hinc colligere possumus celeberrimum habuisse portum, classes innumeras, stationemque vetustissimam Fabrū Navalium, qui naves aedificarent, & Collegium Tignuariorum, qui ligna praeberent. Nec praetereundum Strabonis testimonium, qui Lib. V. pag. 154. ait, Pisānam Urbem quondam floruisse, nec suo quoque tempore esse ignobilem, ob fertilitatem, lapidicinas, & navalem materiam, qua olim usi sunt ad maritima proelia. Eius verba attulit Dempsterus de Etruria Regali Lib. V. Cap. CXVIII. pag. 250. Id quoque Claudianus diserte testatur de Bello Gildonico, versus finem:


— arripiunt nares, ipsique rudentes
 Expediunt, & vela legunt, & cornua summis
 Affociant malis: quatiur Tyrrhena tumultu
 Ora, nec Alphea capunt navalia Pisae.

D

Ara

Ara, sive Urna marmorea in Aedibus Nobb. Tortorum.

17



17. C. Virrius Iucundus annorum sex, mensium septem, dierumque decem supra novem spatio, gradum in militia fecit ex Tesserario, ac deinde ex Optione ad Vexillarium Cohortis Secundae Vigilum, Centuriae Viserti Latini; cum nomen militiae dedisset anno fere vigesimo aetatis suae. Is Aram cum base sua, testamento poni sibi iussit, arbitrata Luciliae Lacaenae, & C. Virrii Iucundi Filii.

Tesserarius miles is erat, qui tesserae per contubernia militum dandae, colligendaeque muneri praeficiebatur. Tesserae brevia erant sigilla, ut docet Polybius de Castra-

men-

mentatione, vel ligna characteribus notata, Deorumque nominibus, vel imaginibus interdum sculpta, quae cum per manus militum discurrerent, ipsi quid faciendum esset, an curanda corpora, an prandendum, an currendum ad arma, an excubiae agenda, intelligebant. De militari- bus tesseriis plura doctissimi viri Liplius in Comment. ad Annal. Taciti Lib. XIII. Daniel Heinsius, aliique in An- notationibus in Silium Italicum Lib. VII. v. 447. Si quis vero legat non *TESSERARIUS*, sed *TESSERARI OPTIO*, quod scilicet hic C. Virrius Lucundus Optio, idest Adiu- tor Tesserariorum fuerit, deinde Vexillarius, non repugno; suo quisque iudicio fruatur. Optionem Tesserariorum affert Scaliger in Indice, ex Gruteriano lapide CCCCXLV. 10. Lazius vult legendum Signiferi Optionem. Videtis Fabret- tum de Col. Traiani Cap. III. pag. 67. 68. & Reinesium ad 3. Cl. I. Vexillarius, ut notat Robortellus in hanc In- scriptionem Annotat. Lib. II. Cap. XVI. 8. est qui vexil- lo uni praeerat. Vexillum vero, ut docet Livius Lib. VII. primae Decados, continebat milites CLXXXIII.

Duobus in locis peccat Noris in Cenotaph. Pisana Dis- fert. III. Cap. IV. pag. 385. hanc afferens inscriptionem, quae olim in Aede S. Matthaei Pisis exstabat. In tertia- linea *VISERTI. LATINI.* pro 7. *VISERTI. LATINI.* In sexta *IN. EIS. TESSAR. OPTIO*; pro *IN. EIS. TESSERAR. OPTIO.* Ceterum nonnullis item mendis infecta est apud Robortellum, in loco, quem praediximus, & apud Grute- rum DLXIX. 1. & DLXX. 5. Multa erudite observat Gu- therius de Iure Manium pag. 279. qui & ipse hanc Inscr- iptionem profert, & Noris loco supra scripto. Exstat apud Gruterum DLVIII. 10. alia inscriptio, quae Pisanum mi- litem nobis exhibet; & quidem Galeria Tribu Pisanorum censum, qui in Cohorte VIII. Praetoria, Centuria Sal- vii Bassi, annos quinque militavit, quam rursus in medium afferimus. In marmoreo laterculo Musei Medicei, pag. 31. n. LVI. in quo militum nomen, patria, ac non pauco- rum officium exprimitur, legitur: *CLEMENS PISAS.*

P. RANFANIVS
P. F. GAL
CYRINICVS
PISIS
VIX. ANN. XXIII
MIL. ANN. V. IN. COH
VIII. PR. 7. SALVI
BASSI. H. S. E

Alium militem Pisanum, Cohortis IIII. Praetoriae, Centuria
Flori, M. Aurelium Iustinianum habemus in sequenti lapide.

Apud Templum S. Zenonis.

*In arcula marmorea apud
Nobb. e Tortis.*

18
M. AVR. IVSTINIANVS
MIL. COH. IIII. PR
7. FLORI
VIX. ANN. XXXIII
MIL. ANN. XIII
SATVRNINA. IOVINA
CONIVNCX. CONIVGI
B. M. F

19
D M
AQ CALP. RVSTICVS
EVOK. VIX. ANN. P. M
LX. CAL. PHOTINVS
LIB. PATRONO
MRT-

19. Ni quadratarii sphalma fit in secundo versu huius inscriptionis, quae ut oculate observavi habet AQ CALP. RVSTICVS, novum praenomen fortassis occurrit, cuius non meminit Fabrettus Inscr. Ant. Cap. I. pag. 22. qui etiam hunc lapidem edidit, sed mendis nonnullis respersum pag. 164. Verum eam notam AQ non indicare praenomen libentius crederem, sed potius explicandum. *Diis Manibus adquiscit &c.* observato usitato marmorariorum Pisanorum genio, sepulcrales lapides inscribendi his singularibus, ADQ.
hoc

hoc est adquisivit, quae in allatis superius Titulis, & infra afferendis occurrunt.

VIX. ANN. P. M. LX. &c. Hoc est: Vixit annis plus minus LX. Calpurnius Photinus Libertus Tatrono merenti. Evocati, quos Graeci ἀνακλησται dicunt, ii erant, ut diserte docet Dio Lib. LXV. qui militiae laboribus defuncti, emeritis stipendiis, missionem honestam consequuti, virtutis causa, ab Imperatoribus rursus in bellum evocabantur. Hic Calpurnius Rusticus fortassis ex numero fuit Evocatorum, quos Imperator Galba in Hispania instituit, ut narrat Suetonius, in eius vita c. 10. Delegit & Equestri Ordinis iuvenes, qui manente anulorum aureorum usu, Evocati appellarentur, excubiasque circa cubiculum suum vice militum agerent. C. Iulium Ingenuum, Pisanum civem, ut indicat Galeria Tribus, stipendia militaria XIX emeritum, in bellum duodecies evocatum, libet adnotare in sequenti lapide, quem Fabrettus protulit ex Schedis Barberinis pag. 136. n. 112.

C. IULIVS. C. F. GAL. INGENVVS
MILITAVIT. COH. V. PR. SIGNIFER
STIPENDIA. MILITAR. XIX. EVOCAT. XII
VIXIT ANNIS LX

In Sarcophago marmoreo elegantissimo, in Pisano Coemeterio, sub dio, variis figuris ornato.

In Aedibus Marci Antonii ab Acquapendente.

20

D M
L. IVLIVS. LARCIVS
SABINVS. TRIB. PLEB
V. ANNIS. XXIIII. DIEBVS III
.....
.....

Reliqui versus desperatae
lectionis sunt.

21

M. COSSVTIVS. M. L. DOR
L. VALERIVS. L. L. ANTIOS
MARMORARI


P F
D . D . L . M

21.

21. M. COSSVTIVS . M . L . DOR . Forte DORVS , vel DORIO . ANTIOS . idest ANTIVS . Plautus ; *raso capite calvos capiam pileum* . MARMORARI . Marmorarii , qui marmora caedunt , secant , expoliunt . Alium libertum marmorarium , L . Armodium Nicephorum , producit Fabrettus Inscr. Ant. pag. 195 . n. 463 . Plures liberti non solum in Domo Augusta , verum etiam in privatis familiis , peculiaribus artibus operam dabant ; erantque qui eas tum domi , tum rure in villis exercerent . In Tabula Antii reperta , quae exstat in Museo Albano , inter Artifices recensentur ; Topiarii , Poliores , Tectores , Spectarii , Sandaliarii , Parvimentarii , Tegularii , Pictores .

In Aede D. Petri in Gradu , in urna , quae lustrali aquae inservit .

22



22. H . M . H . N . S . Hoc monumentum heredes non sequuntur . vel non sequitur . Simili formula cavetur & in Graeca inscriptione inter marmora Oxoniensia pag. 272 . n. CXXXVI .
TOIS ΔΕ ΚΑΗΡΟΝΟΜΟΙΣ ΜΟΥ ΟΥΚ ΕΠΑΚΟΛΟΥΗΣΙ ΤΟΤΟ
ΤΟ ΜΝΗΜΕΙΟΝ .

In

In pereleganti Sarcophago marmoreo in Coemeterio Pisano.

In alio ibidem :

23 D M
T. AELIVS . AVG.
LIB . LVCIFER
VIBVS . SIBI,
POSIIT

24 D . M
RAFIDIAE . P . LIB
CHRYSIDI . FECIT . SIBI

In sinistro latere :

IN . FR
P . VIIS
IN . AG
P . IIII

In alio ibidem :

25 T. CAMVREN
MYRONIS

In Vico Pisano :

26 DIS . MANIB.
L . CALPVRNI L . L . TIBYCI
QVINTRIMATV . DECES

23. Idest : *Dis Manibus T. Aelius Augusti Libertus Lucifer Vibus (Verus) sibi (posuit)*. Viventes sibi sepulcrum condebant , ut securi posteritatis essent ; quemadmodum fecit hic libertus Imperatoris T. Aelii Antonini.

LVCIFER . Gr. φάσφορος. Adolescentes nitidi , venusti , & ornati Lucifero , seu Phosphoro comparantur ; idest Veneris stellae lucidissimae . Virgilius Aeneid. Lib. VIII. v. 587.

—— ipse agmine Tallas

In medio eblamyde , & pictis conspectus in armis :

Qualis , ubi Oceani perfusus Lucifer unda ,

Quam

*Quam Venus ante alios astrorum diligit ignis,
Extulit os sacrum caelo, tenebrasque resolvit.*

Sumsit hanc Latinus Poeta maximus a Gracco maximo
Poeta comparationem Iliad: XXII.

Ὅλος δ' ἄσθρ' εἶσι μετ' ἀστράσι νυκτὸς ἀπολγῶ
Ἑσπερος ὅς κ' ἁλλίκετος ἐν οὐρανῷ ἑσπας ἄσθρ'.

Hic de Hespero, qui noctu idem ac Phosphorus mane
emicat, Plato in epigrammate a Laetio allato in eius vita:

Ἀστὴρ πρὶν μὲν Ἑσπερος ἐν ζήουσιν ἔδος;
Νῦν δὲ θανὼν λάμπεις Ἑσπερος ἐν φθιμένοις.

Quod ita vertit doctissimus, ac piissimus Frater Ambrosius:

Lamduum vivis, lucebas Lucifer, at nunc

Extinctus laces Hesperus Elgys. (Salvinus adnot.)

VIBVS. Male Apianus, & ex eo Gruterus DCIII. 6.
descripsit VRBIVS, quasi alterum cognomen T. AElui Lu-
ciferi. Libertos Caesarum duplici cognomine appellatos
nusquam hactenus legi, praeter quam cum adoptivum no-
men tenent.

POSIT. In pluribus faxis in Gruteriano Thesauro POSIT;
ut in Scaligeriano Indice eorum, quae ad Grammaticam
pertinent Cap. XIX. Ita in allatis Tabulis, Decretis Colo-
niae Pisanae insculptis, in honorem Lucii, & Caii Caesarum,
legitur OBIT, pro OBIIT. In lapide Agri Atinatis allato a
Grutero CL. 6. legitur POSEIVI, idest POSIVI. quod in
usu apud veteres Latinos erat, pro POSVI. Plautus in
Pseud. 5. 1. 35.

Commato illica pallium, illud posvi.

Catullus in Carmine in honorem Dianae, XXXIV. v. 5.

O Latonia, maximi

Magna progenies Iovis,

Quam mater prope Deliam

Deposuit olivam.

25. T. CAMVREN. Idest: T. Camureni. Camurena fa-
milia nota ex aliis lapidibus Gruterianae Gazae CCCVIII.

3. MCXL. 11.

26. QVINTRIMATV DECES. Hoc est: Qui in trimatu de-
cessit.

ceſſit. Trium annorum ætate . Utitur hac voce Plinius Lib. VIII. c. 42. Columella Lib. VIII. c. 5. quam nullibi , præter quam in hoc marmore legiſſe memini . In Florentino Muſei Strozii pag. 393. n. 162. M. CLODIVS MARO VIXIT. TRIMVS; τριετής . In alio eiſdem Muſei pag. 421. n. 275. ΤΡΙΕΤΙΟΝ ΑΦΕΛΑΑΤΟ ΜΟΙΡΑ ΚΡΑΤΕΡ . . Ι. ΚΡΑΤΑΙΗ . Quem mors rapuit robuſta triennem . Infantes mortuos diem ipſos abſtulit dicit Virgilius AEneid. Lib. VI. v. 426.

*Continuo auditæ voces , vagitus & ingens ,
Infantumque animæ ſtantes in limine primo :
Quor dulcis vitæ exſortis , & ab ubere raptos ,
Abſtulit atra dies , & funere merſis acerbo .*

Apud Nob. V. Reinerium Equitem del Torto , Urna marmorea ſemirotunda , ornata Viri , & Feminae imaginibus .

27

D

M

ALBIAE IONICENI P. ALBIVS , ATHICIVS
CONIVGI . BENEMERENTI FECIT ET SIBI

*In alia Arcula marmorea
apud eundem .*

28

TI . CLAVDIO . AVG . L
SEVERO
VIXIT . ANNIS . XXXVII

In alia ſimili apud eundem .

29

P . SVILLIO
CERYLO
VIX . ANN . LIII

*Hic ſculptum candelabrum
accenſum , quod utrinque
Gryphes tenent .*

E

Apud

Apud eundem :

30

D	M
FANIAE. C. F. CHARIS	
VIXIT. ANNIS. XXX.	
MENSIBVS. III. DIEBVS. IIII	

27. Albiae Gentis Romanae familia in Decretis Pisanae Coloniae in honorem Lucii, & Caii Caesarum memoratur; nam A. Albius Gutta unus ex iis fuit, qui Pisis in Foro in Augusteo scribundo adfuerunt.

28. M. Ulpium Traiani Augusti Libertum Vernam, ab Epistulis Latinis, in Pisana marmorea Ara, dedimus in Parte I. pag. 11. n. VI. quae hodie exstat in Mediceo Museo.

Apud eundem Urna marmorea quadrata, ornata capitibus arietinis, encarpo, aquilis, & monstro marino, supra quod Genius.

31

M. PVBLILIO
MOTALI
B. M. FEC. P. PVBLILIUS
DIO. PATER. ET
M. PERELIVS. EVPHEMVS
LIB. ET. FL. ARESCVSA. CON

32 *In Aede S. Matthaei.*

CAECINIAE . OPTVMAE
FEMINAE
C. CAECINIVS . THEODORVS
PATRONVS

In Aede S. Andreae.

33 A . NONIVS
VICTORINVS . HIC
////////////////////////////////////

33. HIC . . . Forte HIC SITVS EST. vel HIC ADQVIESCIT , ut in aliis Pisanis Inscriptionibus.

In Aedibus Nobilium Reuencioniorum.

34

▲ PARTHENI ▲ HAVE ▲
▲ BENE ▲ BALEAS ▲
▲ QVI ▲ ME .. SALVTAS ▲
▲ CVM ▲ SOSSIA ▲ FILIA ▲ MEA ▲
////////////////////////////////////

34. Quemadmodum , ut docet Vitruvius de Architect. Lib. III. c. 8. si circum vias publicas essent aedificia Deorum , ita constituebantur , uti praetereuntes possent respirare , & in conspectu salutationes facere ; ita Deorum Manium arae , sepulcra , & cippi , secus vias positi , ita collocabantur , ut praetereuntes titulum legerent , & mortuos salutarent ; quod plures lapides testantur , & hic quoque Pisanus , in quo Parthenis a viatore salutarur , saluatoria voce HAVE , & ipsa salutantem bene valere dicit , cum Sossia sua filia superstite . Ultimus versus scalpro antiqua manu deletus . Notanda puncta in principio , & fine versuum , eaque conduplicata in tertio versu . QVI . ME .. SALVTAS .


E 2

Lite-

Litterae huius marmoreae Tabulae utrinque striatis columnis ornatae, altae sunt uncias V. & semis; ipsa vero Tabula alta ped. III. unc. V. long. ped. VII. unc. III. Non satis accurate descripsit Aldus, & ex eo Gruterus DCCCLXXXIII. 8.

Ibidem Cippus marmoreus.

35



35. T. MVRTIO. Venus *Murtia*, a myrto Veneri dicata. Plinius Lib. XV. Cap. 29. Inemendatum producit Reinesius Cl. XIV. 165. Cippum hunc, ima sui parte, in monumento, in terram delixum fuisse, perspicuum est; quod hodie in Hebraeorum Sepulcretis extra moenia observatur. Saepe utraque facies Cippulorum inscribatur defunctorum nomine, ut videre est in Florentinis pag. 149. n. 61. p. 164. n. 14. p. 167. n. 130. Ita quoque Decretum Pisanorum ad honores Lucii Caesaris pertinens, cum aliis Decretis, statuitur, ut incidatur in Cippo grandi, SECVNDVM ARAM DEFIXSO. Cippi quoque, quo ad ordinem, in monumentis numerabantur; ac ne quis erraret, si eos reperire vellet, locus describebatur; ut ex alio a Fabretto edito pag. 239. n. 639. colligitur.

Ibi.

Ibidem, Ara e candido marmore affabre facta:

36



*Ibidem, Arcula marmorea elegantissima, ornata utrimque columnis
friatis, capitibus arietinis, & Gorgone anguibus crinita in
medio, & Grypbibus in utroque latere. Sub titulo Sa-
tyrus & aries corniscantes, adstantibus hinc inde
Geniis, pedum dextra, corollam sinistra
tenentibus.*

D . M
37 VMMIDIAE. CALE
FELICIO PATER
CALE & MATER
MYRTILVS TATA
ET EROS CONIVNX
FECER
VIX. A. XVI. M. VIII. DIEB. VIII.

37:

37. Edidit hanc Inscriptionem doctissimus Petrus Victorius in Castigationibus in Ciceronem, & ex eo Gruterus DCLXII. 4.

Ibidem, Ara marmorea intus vacua, colligendis cineribus destinata.



*Urna marmorea in AEdibus
Bartholomaei de Tigro.*

39

DIS MANIBVS
SALLVSTIA . HOMILIA
QVAE . ET . CAECILIA . VIX
ANN. XXXV. CAECILIVS
DIVS. CONIVGI. B. M. F

*Alia Urna marmorea apud
eundem.*

40

L. AQVILIVS
EPAPHRODITVS
FL. MAGNIAE
HERIDI
CONIVGI

38.

38. Edidit Reinesius Cl. XII. n. 110.

40. Apianus, & ex eo Gruterus MAGIAE HERIDI. pag. DCCLVI. 11. HERIDI. Forte ἀπὸ τῆς ἡρας, *ab Iunone*, ideoque cum densa aspiratione. Ceterum ἥρις, *discordia*, leni spiritu effertur; & nomen esset male ominatum, quod contra rationem imponendorum nominum est. Ceterum sicut ἡλπιε, *ψιλουμένη*, i. spiritu leni apud Graecos prolata in Inscriptionibus Latinis cum aspero spiritu constanter scribitur, ita poterat HERIDI accidere; sed hoc non convenit ut id nominis feminae inuratur, nisi quis cum Hesiodo, qui duas discordias facit, non malam, sed bonam hoc loco interpretetur, de qua ille:

— ἀγαθὴ δ' ἥρις ἥδε βόρταισιν.

— *Lis haec mortalibus aequa.*

Bonam acmulationem intelligit, qua quis in rebus honestis alius alium superare nititur. (Salvinus haec adnotavit.)

Ad S. Zenonis.

41. D M

GALERIA. FELICISSIMA
FECIT. SIBI. ET. DECIAE. RESTITVTAE
ET. L. CALPVRNIO. ABASCANTO
PARENTIBVS
ITEM. LIBERIS. SVIS. ET
VOLVSIO. SECVLARI
CONIVGI. ET. CALPVRNIO
FILIO. FELICISIMO
ET. NICIAE. ET. MARCO
FRATRIBVS. ITEM. LIBERTIS
LIBERTABVSQ. POSTERISQVE
EORVM
H. M. H. E. N. S

41. GALERIA. Sumto nomine a Tribu Galeria, in qua Pisani suffragia ferebant. H. M. H. E. N. S. *Hec monumentum heredes exteros non sequitur.* Reinefius ex Langermanno non paucis resperfam mendis edidit Cl. XIII. n. 30.

Ibidem.

Ad D. Fabroniae.

42 D M
IVLIAE. ISIADIS. CONIVGI
B M
P. SEXTILIVS. VITALIS
P S
P. C. R
IN. F. P. CLX
IN. AG. P. L.

43 D M
M. VALERIO
GLYCONI
V. IX. ANN. VI
M. XI. D. X
CALLIPPVS. FIL
DVL CISSIMO

42. P. S. P. C. R. Fortassis: *Pecunia sua ponendum curavit.* Exhibet Gruterus ex Apiano pag. DCCXCIII. 2. & in quarto versu habet, P. SEXTILIVS. TITIALIS.

Ibidem.

44 TI. CAMIDENVS. TI. F. GAL
NODVLVS FECIT
L. L. LYCHNIS
C. HERENNIO. C. F. FAB. VIRO
HERENNIAE. C. F. PRIMAE. FIL

Ex Collect. Cl. V. Iob. Bapt. Donii P. Flor.

In Aede S. Silvestri.

45 DIS. MANIBVS
VITELLIAI. DIODOTAI

Tiffr,

Pisis, ex Fabretto Inscr. Ant.
Cap. III. pag. 186. n. 420.

Apud Iob. Mariam Baiardum,
ex Schedis Vaticanis.

46 D M
 AVRIDIAE VICTORIAE
 P. VETVRIVS
 MARTIALIS
 CVM QVA VIX
 ANNIS XXV
 MENSIB. X. DIEB. XV
 HORIS VII
 S O V

47
 T. ALFI. ARISTON
 SIBI. ET. SVIS
 LIBERTIS
 LIBERTABVS
 L. Q. P. XVI

Pisis, ex Schedis Cl. V. Caroli Senatoris Strozii.

48

D	M
L. VETTIVS. ZOSIMVS	
CHRESTINI. CONTV	
BERNALI. B. M. F	

46. S O V i. *Sine offensa ulla.* In pluribus aliis Inscriptionibus in coniugum laudem ponitur, *sine querela*, ἀπαυτοῦ vizisse. Eadem phrasi utitur S. Lucas Evangelista Cap. I. v. 6. loquens de sanctissimis Iohannis Baptistae parentibus: *Erant autem iusti ambo ante Deum, incedentes in omnibus mandatis, & iustificationibus Domini, sine querela.*

47. L. Q. P. XVI. *Idest: Locum quadratum, vel Locum (dedit) quadratis pedibus sexdecim.* Vide Fabrettum Cap. III. Inscr. Ant. pag. 179. n. 371. qui & hanc Inscriptionem affert.


48. CHRESTINI. xϥησιγ. *Ita pro eis.* sic NICENI, & familia sexcentis in locis.

F

Pisis

Tifis, ex Apiano dedit Gruterus pag. DCCLVIII. 6.

49



49. Idest: *Asclepiodote Stratonico*, suavissimo viro, columnam, (seu cippum) de meo construxi, qui vixit annis XXXV. Vale Viator. ΤΗΝ. ΣΤΗΑΗΝ. Columnae erigi solebant super mortuorum tumulos, eorumdemque nomine inscribi. Propertius Lib. IV. Eleg. VII. v. 83.

Hoc carmen media dignum me scribe columna,

Sed breve, quod currens vector ab urbe legat.

In quodam Graeco Epigrammate apud Reinesium Cl. XVII. n. XXXVI. quod totidem elegantissimis Latinis versibus reddidit Cl. Vir Antonius Maria Salvini, legendum videtur in primo versu ΕΠΙ ΣΤΑΑΑ, non ΕΠΙΕΤΑΜΑΙ, ut Reinesius ex Capacio Hist. Neapol. Lib. I. c. 7. exscripsit, quod hoc in loco emendatum afferre libet,

ΣΤΑΕ

ΣΤΑΣ ΕΒΕΝΕ ⁽¹⁾ ΤΑΝΔ ΛΟΡΗΣΟΝ ⁽²⁾ ΕΠΙΣΤΑΜΑΙ ΚΛΕΟΠΑΤΡΑΝ
 ΑΝ ΘΘΟΝΟΣ ΕΙΣ ΑΙΔΑΝ ΟΥ ΧΡΟΝΟΣ ΗΓΑΓΕΤΟ.
 ΜΟΡΦΑΣ ⁽³⁾ Α ΠΡΩΤΕΙΟΝ ΕΧΕΙΝ ΔΟΡΗΣΑΤΟ ΚΤΙΡΙΣ
 ΕΡΓΑ Δ ΑΘΑΝΑΙΑ ΤΕΡΠΙΝΑ ΣΑΦΡΟΣΤΗΝΑΣ.
 ΜΟΤΣΑ ΔΕ ΚΑΙ ΣΟΦΙΑΝ ΚΑΙ ΠΑΚΤΙΔΑ ΤΑΝ ΦΙΛΕΡΑΣΤΟΝ
⁽⁴⁾ ΣΤΜΦΩΝΙΑΝ ΕΡΑΤΟΙΣ ΜΕΙΣΑΜΕΝΑ ΜΕΛΕΞΙΝ.
 ΚΑΙ ΓΝΩΤΩ ΩΣ ⁽⁵⁾ ΘΑΝΑΤΟΙΟ ΟΥΔΕΝ ΓΑΤΚΕΡΩΤΕΡΟΝ ⁽⁶⁾ ΑΥΤΑΣ
 ΖΗΘΙ ΚΑΛΟΝ ΤΕΙΝΑΣ ΟΥΡΙΟΝ ΕΥΦΡΟΣΙΝΑΝ.
 ΕΙ ΚΑΙ ΣΟΥ ΚΕΤΘΕΙ ΚΑΛΛΟΣ ΝΕΟΝ Ω ΚΛΕΟΠΑΤΡΑ
 ΤΥΜΒΟΣ ΚΑΙ ΦΡΟΤΑΟΝ ΣΩΜΑ ΔΕΛΟΓΧΕ ΚΟΝΙΣ.
 ΑΛΛ ΑΡΕΤΑ ΒΙΟΤΑΣ ΑΙΕΝ ΖΩΟΙΣΙ ΜΕΤΕΣΤΙ
 ΨΥΧΑΣ ΜΑΝΤΟΤΣ ΕΤΚΛΕΑ ΣΩΦΡΟΣΤΗΝΗΝ.

*Stans, Hospes, cippo Cleopatram conspice in isto;
 Orco illam baud Tempus, Parca maligna tulit.
 Huic primos formae donavit Cypris honores;
 Atque opera huic, Pallas, grata pudicitiae.
 Musa dedit sobriam, & lactis concentibus aureae
 Permiscens unâ fila canora lyrae:
 Nosceus ut vitae nil luce suavius ipsa,
 Tu vive, & da vela omnia lactitiis.
 Si tumulto hoc tegitur iuvenilis gratia formae,
 O Cleopatra, atque est corpus inane cinis.
 At virtus vitae florens, & virva virefcit,
 Offensans nomen rite pudicitiae.*

In prima linea ⁽¹⁾ forte, ΤΑΝΔ. ⁽²⁾ lege, ΕΠΙ ΣΤΑΛΑ. ⁽³⁾ ΑΝ
 ΠΡΩΤΕΙΟΝ, ⁽⁴⁾ ΣΤΜΦΩΝΙΑΝ. ⁽⁵⁾ Forte, ΒΙΟΤΟΙΟ. ⁽⁶⁾ ΑΥΤΑΣ.

In aede D. Christophori.

50

DIS MANIB
 Q. CAECILI CELERIS ET
 NAEVIAE IADIS

In

In Sepulcro pervetusto .

51

BENE MERENTI. IN. PACE
SILVANA. QVAE. HIC. DORMIT
VIXIT. ANN. XXI. MENS. III
HOR. IV. SCRVPVLOS. VI
DEPOS. IX. KAL. IVLIAS.....
QVI..... IN.....

51. In hanc Christianam Inscriptionem videndus Fabricius, Cap. II. Inscr. Ant. pag. 96. n. 219. qui quota pars horae sit scrupulus erudite investigat. Fortassis, ni fallor, minutis nostris respondet. Hora siquidem in quatuor partes dividitur; quaelibet pars in minuta quindecim. Ultima linea QVI.....IN fortassis QVIESCIT IN PACE. Suprema veterum Christianorum acclamatio, in suorum funere; quae non solum amoris, verum etiam pietatis, sanctaeque fidei plena est. Hinc ADQVIETORIVM, promonumento, in quo mortuorum corpora quiescunt.

Tiffs.

52

M. MANLIVS. BLASTVS. SIBI
ET CISDIAE FORTVNATAE. CONIVGI
BENEMERENTI IN PACE. ET
FELICITATI DEI RATE. QVAE VIXIT
ANN. XVII. MEN. V. DIES. XVII. H. IIII
IN F. P. XV. IN. A. P. XV

*Ex veteri MS. Gregorii Baialivii Redii, Patricii Arretini,
in quo dicitur exflare in Basilica Primitiali.*

In


*In quodam marmoreo Sarcophago, in quo ferunt Sanctorum
Corpora quiescere.*

HIC OLYMPI QVA
TVOR QVIESCVNT
AVVS PATER FILIVS NEPOS
IAM PLENVM EST
NON MOLESTER
AVTEM MALO MEO
ET MEORVM

Ex MS. Brunelleschi in Biblioth. Nobb. Gaddiorum Flor.

*Duo sequentes Cippi reperti sunt in Agro Tifano, non longe
ab Oppido Tetrae Sanctae, Via Aurelia.*

53



54



Pisis restituo has Inscriptiones, quibus inter Florentinas
locum feceram in Parte I. huius Operis, pag. 463.

Caeti-

Caecinae, in Agro LŪNENSI, Ditionis Magni Ducis Etruriae, Tabula marmorea, alta Romanos pedes II. ac totidem uncias; lata vero uncias XIV. inventa in AEdibus Morefchiorum, ubi ad hoc tempus exstat.

Dextra parte eiusdem Tabulae.

DIVAE. POPPAEAE. AVGVSTAE
IMP. NERONIS. CAESARIS. AVGVST
L. LICINIUS. L. F. GAL. GLAVCVS. LVCRETIANVS. FLAM. ROMAE
ET. AVG. II. VIR. IV. P. C. SEVIR. EQ. R. CVRIO. PRAEF. FABR. COS. TR. MILIT
LEG. XXII. PRIMIG. PRAEF. PROLEGAT. INSVLAR. BALIARVM. TR. MIL
LEG. VI. VICTRICIS. EX VOTO SVSCEPTO PRO SALVTE IMP. NERONIS
QVD BALIARIBVS VOVERAT ANNO A LICINIO NERVA COS. II VIR
A VFETO VEGETO ET Q. ABVRIO NEPOTE VBE VELLE PONERE. V. COMPOS
POSIT IOVI IVNONI MINERVAE FELICITATI ROMAE DIVO AVG.

Laeva parte eiusdem Tabulae.

IMP. NERONI. CLAVDIO. DIVI. CLAVDI. F. GERM
CAESARIS. N. TI. CAESARIS. AVG. PRO. N. DIVI. AVG. AB. N
CAESARI. AVG. GERM. P. M. TR. POT. XIII. IMP. XI. COS. III
L. LICINIUS. L. F. GAL. GLAVCVS. LVCRETIANVS. FLAM. ROMAE. ET. AVG. II. VIR
III. P. C. SEVIR. EQ. R. CVRIO. PRAEF. FABR. COS. TR. MIL. LEG. XXII. PRIMIG. PRAEF. PRELEG
INSVLARVM. BALIARVM. TR. MIL. LEG. VI. VICTRICIS. EX. VOTO SVSCEPTO PRO SALVTE
IMP. NERONIS. QVOD BALIARIBVS VOVERAT. ANNO. A. LICINIO NERVA COS. II VIR A. VFETO
VEGETO. ET. Q. ABVRIO. NEPOTE. VBE. VELLE. PONERET. VOTO COMPOSIT IOVI
IVNONI MINERVE FELICITATI ROME DIVO AVGVSTO

Po-

Postremam huius Inscriptionis partem ita interpretor : Imperatori Neroni Claudio , Divi Claudii Filio , Germanici Caesaris Nepoti , Tiberii Caesaris Augusti Tronepoti , Divi Augusti Abnepoti . Caesari , Augusto , Germanico , Pontifici Maximo , Tribune Potestatis XIII , Imperatori XI , Consuli IIII , Lucius Licinius , Lucii Filius , Galeria (Tribu) Glaucus , Lucretianus , Flamen Romae , & Augusti , Duumvir (IIII . P . C .) Sevir , Equum Romanorum Curio , Praefectus Fabrum , Consularis , Tribunus Militum Legionis undevicesimae Primigeniae , Praefectus , Prolegatus Insularum Balearium , Tribunus Militum Legionis Sextae Victricis . Ex voto suscepto pro salute Imperatoris Neronis , quod Balearibus reverat , anno Aulo Licinio Nerva Consule , Duumviris Aulo Ufeto Vegeto , & Quinto Aburio Nepote , ubi vellet poneret , voti compos possit Iovi , Iunoni , Minervae , Felicitati , Romae , Divo Augusto .

Locupletiori commentario , non brevibus notis illustranda esset haec pereximia Tabula votiva , quae nunc primum in conspectum eruditorum prodit ; quae mihi peramicè communicata est a Moreschini , ex ipso lapide diligenter , & accurate descripta . Ex ea discimus votum susceptum in Insulis Balearibus , quas laudat Romanae Historiae Princeps Livius , Lib. XXVIII. Consule A . Licinio Nerva ; ac postea persolutum ab L. Licinio Glaucio Lucretiano , ex Galeria Tribu Pisianorum , earundem Insularum Praefecto , & Prolegato , *ἐπὶ σελήπαι* , pro salute , & incolumitate Neronis Claudii Caesaris Augusti , quartum Consulis ; quo quidem tempore collegam habuit in consulatu Cossium Lentulum , Cossi filium ; anno videlicet U . C . 813 ; Christi 60. quemadmodum etiam notatur in Fragmento Inscriptionis Collegii Fratrum Arvalium in Gruteriano Thesaur. pag. CXVIII. 4. in quo legitur III. Nonas Ianuarias , Sulpicium Camerinum , Magistrum eiusdem Collegii , Fratrum Arvalium nomine , vota nuncupasse pro salute eiusdem Caesaris Neronis Claudii ; qui tamen ut notatur in lapide , erat TRIB . POT . VII . IMP . VII . COS . III itemque pro Octavia , eius coniuge , quam cito aspernatus dimisit , relegavitque ; ac tandem adulterii pretextu , iussit

iussit occidi ; immolatis solenni ritu victimis in Capitolio in honorem Deorum , quae superioris anni Magistrī voverant .

Primo loco , velut digniori , ponitur in hac Tabula Poppaeae Sabinae Augustae coniugis nomen , quae etiam DIVAE titulo exornatur . Audiendus in hanc rem Tacitus Annal. Lib. XVI. qui haec scribit de Thrasea . *Quin , & illa obestabat , principio anni , visitare Thraseam solenne insurandum .* NVNCVPATIONIBVS VOTORVM non adeste ; quāvis quindecemvirali sacerdotio praeditum ; nunquam PRO SALVTE PRINCIPIS , aut caelesti voce immolasse . Et paullo post ; *Eiusdem animi est Poppaeam DIVAM non credere , cuius in acta Divi Augusti , & Divi Iulii non credere .* Poppaeae Augustae , Veneris nomen attributum notat Fabrettus in quodam lapide , in Commentariis in Columnam Traiani Cap. VIII. p. 249.

L. Licinii votum adprobatum est a Duumviris Coloniae suae , scilicet ab A. Ufeto Vegeto , & a Q. Aburio Nepote , datumque eorum permisso , ut ubi vellet , poneret , donaria videlicet , ut auguror , in honorem Iovis , Iunonis , Minervae , Felicitatis , Romae , Divi Augusti . Fortassis pro *Divo Augusto* , ipse Nero Claudius Caesar voluit L. Licinius , adulationis causa , ut intelligeretur , nec tantum Augustus , cuius ipse abnepos fuit .

Summa fuit veterum in Caesares vel caritas , vel adulatio ; adeo ut pro salute eorum , atque imperii aeternitate , ad Aras Numinum in Capitolio , vel in Templis victimas mactare , & quotannis eadem vota renovare non dubitaverint . Quin etiam ut gratiora tum Diis , tum Caesaribus acciderent vota , quae iuramento conceperant , de quo adducendus Petrus Fabri in Comment. de Magistratibus Romanorum Cap. II. gladiatoria munera , ac ludos edere , statuas Numinibus dicare , donaria Templis offerre , vel a solo ea erigere , vel reficere , epulum praebere consuevere ; ut ex pluribus vetustis inscriptionibus colligere possumus , ac praesertim ex Graeca Musei Medicei , edita in Par. I. pag. 22. pro salute , & victoria , & incolumitate L. Septimii Seve-

Severi Caesaris , totiusque Domus Augustae , & ex Suetonio in Vita Augusti c. 8. & 37. & Caligulae c. 6. & 27. ubi haec narrantur . *Ut vero in adversam valetudinem incidit , pernoctantibus cunctis circa Palatium , non defuerunt , qui pugnaturos se armis pro salute aegri , quique capita sua , titulo proposito , voverent . Solennibus votis , ac sacrificiis diem quoque prosecuti sunt quo imperium acceperissent , vel quo nati essent ; quae quidem non solum Romae , verum & in Provinciis , Municipiis , ac Coloniae Romanorum persolvebantur .*

Quum vota facerent ad Orientem se convertebant , ut auctor est Clemens Alexandrinus Stromatum Lib. VII. quod etiam divinis rebus operantes , & orantes servabant , ut compertum est . Vota nuncupantes , ac persolventes stabant velato capite , ut narrat de Vespasiano Iosephus de Bello Lib. VI. c. 34. & dexteram manum ad caelum levabant , quo gestu in actione vota prosequerentur , ut ex Pausania Lib. V. p. 337. observavit Vir longe Clarissimus Philippus Senator Bonarrotius in Numismata maximi moduli pag. 195. Summo quoque mane orabant , vota suscipientes , & in argumentum sacrae festivitatis alba veste induiebantur , ut sacra solennia peragerent , sine quibus nefas erat vota nuncupare . Tullius Philipp. III. *Neglectis sacrificiis solennibus , ante lucem , vota ea quae nunquam solveret nuncupavit .* Et hoc de publicis votis ; idem quoque factum in privatis . Persius Sat. II.

At ego nutrici non mando vota , negato

Iuppiter haec illi quamvis albata negatis .

Si quando contingeret , ut nocte persolvi deberent , coruscante templo luminum pompa id fiebat ; quod in Capitolio noctu factum testatur Suetonius , aegrotante Caligula , c. 7. Quare ea omnia servabantur in votis-suscipiendis persolvendisque , quae in sacrificiis servari mos erat . Vovebant etiam cum lampade , & cereis accensis ; quod Graecis primum in usu fuisse innuit Seneca in Agamemnone :

Tibi votivam matres Graiae

Lampada iactant .

G

De

De lampadum, ac cereorum votivorum significatione erudite Antonius Clarus Sylvius in Commentario ad Leges tum Regias, tum XII. Tabularum Cap. XX. pag. 454. 455. Qui vota faciebant, vel votivas aras Numinibus dicabant, ut populi amorem, & benevolentiam sibi conciliarent, augerentque obsequium suum erga Caesares, se ex monitu, iussu, imperiove Deorum vota solvere testabantur.

In principio quartae, vel quintae lineae huius Inscriptionis quid haec singularia significant, IV. P. C. — IIII. P. C. ut ingenue fatear, nescio. Fortassis scriptum in marmore IIII. L. C. hoc est, *Quatuorvir locorum coirandorum; vel Quartum Proconsul.*

Insularum Balearium, quod addit huic marmoris pretium, semel fit mentio in Gruteriana Gaza, pag. CCXCVIII. 3. in fragmento Fastorum triumphalium, Romae effosso ad radices Esquiliarum, in quo memoratur triumphus Q. Caecilii Metelli Proconsulis de Balearibus, quique Consul fuit cum T. Quinctio, anno sexcentesimo trigesimo, ut narrant Cassiodorus, Eutropius Lib. IV. Orosius Lib. V. Cap. XI. & Florus; quare cognominatus est Balearicus, teste Strabone Lib. XIII. & Gruteriano marmore, in quo etiam scribitur BALIARIB. eodem modo ut in nostra Tabula; & BALIARIC. i. *Baliaribus. Baliaricus.*

Q. CAECILIUS. Q. F. Q. N. METELLVS. A. DCX:::

BALIARIC. PRO. COS. DE. BALIARIB. PR.....

Noster L. Licinius Glaucus Lucretianus fuit Flamen Romae, quam Romani colebant, de qua Martialis Lib. XII. Epigr. 9.

Terrarum Dea, Gentiumque ROMA,

Cui par est nihil, nihil secundum.

item Augusti, sive Augustorum, in quorum honorem, quum post mortem inter Deos relati essent, & consecrati, Flamines instituti fuere, quorum originem narrat Tacitus Annalium Lib. I. Cetera summi honoris, & dignitatis officia eiusdem L. Licinii, quae clara sunt, exposuimus.

Luna

*Lunae, Etruriae Urbe, Ara marmorea
in eius rudinibus inventa.*

56



Dedit Iob. Baptistae Donio Patric. Flor. Franciscus Angelonius.

56. IVSTA N. Fortassis *Iunoni Iusta Nepos*. Quid alii sentiant de hac sigla N, melius exponere, dummodo probe exscriptum sit ex lapide. Interim hac occasione non abs re erit notare, Libertos vota Diis nuncupasse pro salute suorum Dominorum, ipsisque dona quaedam, & munera dedisse, quae in manumissione sponponderant, ut docet vetus Horatii Interpres in Epist. Lib. II. de qua celebritate alibi locupletius agam. Ex hac ara, & ex sequenti perspicuum est Iunonem, & Iovem cognomento *Sabazium*, [fortassis ab Etruscis primum ita denominatum] praecipuo honore cultos ab ipsis fuisse, quod etiam edita monumenta Etrusca testantur. Luna una e XII Etruriae Urbibus, portu maximo iuxta ac pulcherrimo nobilis, augurum, & aruspicum sedes, marmoribus insignis, quae etiam in vetustis Inscriptionibus laudantur. Vide Gruterum DXCIII. 5.

G 2

Ibi.

Ibidem, Ex MS. antiquo Redio.

57



Sergianae (Serzana) in Agro Lunensi.

58

D & M. ANNIANVS. MA
FILIVS. FLAVIANVS. EX. SE
PALESTINA. ANTONIA. AG
CONIVGI. KARISSIMAE. VI
RELIQVIT. FILIOS. ET. NEPOTES

Descripta. Iob. Petrus Stephanonius. Ex Collect. Cl. V. Donii P. Florent.

57. De Iove Sabazio, & de eius sacris diximus ad Florentinam Musei Suburbani Strozii Par. I. pag. 331. 332. Hanc affert Gruterus cum mendo, qui ait existare Lucae; ex Apiano p. XXII. 4.

IN-

INSCRIPTIONES ANTIQUAE SENIIS.

*In Lapide Tiburtino, extra moenia, ad laevam
Portae Romanae.*

SILVANO. SAC.
C. VITRICIVS
MEMOR. VI. VIR
AVGVSTAL
VO. SOL

SENAS, Urbem Etruriae antiquissimam, putant viri do-
cti Coloniā deductam fuisse ab Augusto, una cum
aliis viginti septem, quarum Suetonius meminit his verbis
cap. 46. *Ad hunc modum Urbe, urbanisque rebus administratis,
Italiam duodeviginti Coloniārum numero ab se deductarum fre-
quentarvis, operibusque, ac vestigalibus publicis plurisariam instruxit;*
etiam *sare, ac designatione Urbis quodammodo pro parte adae-
quavit: excogitato genere suffragiorum, quae de Magistratibus urbi-
cis Decuriones Colonici in sua quique Colonia ferrens, & sub di-
em Comitiorum obsignata, Romam mitterent.* Huius Urbis anti-
quitatem, religionem, instituta, mores diserte quoque tes-
tantur vetusti lapides, vel Etruscis, vel Romanis literis
inful-

iosculpti, qui in ea, iam pridem eruti, exstant. De Etruscis monumentis nihil inpraesentiarum agendum, quum erudite fatis, & luculenter illustrata fuerint, & addita praeclearo Operi Dempsteriano. Augustales, ac Seviros Augustales in honorem Augusti institutos, in Senensi Colonia fuisse, docet allatum marmor votivum, quod ibidem antiquitus effossum, ac parietinis affixum ad haec usque tempora eo, ut praediximus, loco conspicitur. Idem marmor C. Vitricius Memor, voti compos, fortassis ob susceptum a Decurionibus honorem, a quibus Sevir Augustalis creatus fuerat, Silvano Deo, Numini suo tutelari, ac domestico, in perenne grati animi monumentum sacravit. Quoties enim aliquod munus obeundum, vel aliquid agendum esset, ea fuit Gentium Ethnicae superstitioni additarum religio, ut voto in honorem Deorum suscepto, iisdem praesentibus, ac propitiis se se obligarent. Eodem modo in Reinesiana Tabula Cl. I. 99. [paucis utar exemplis in re omnium exploratissima] L. Iunius Putecolanus, Decreto Decurionum Sevir Augustalis creatus, primus, & perpetuus, omnibusque honoribus exornatus, quos Libertini gerere potuerunt, epulo dato de sua pecunia, grati animi causa, aram Neptuno Augusto dedicavit. In alia item penes Fabrettum pag. 405. n. 312. Q. Manilius, Palatina Tribu, Severianus, Sevir Augustalis, & Flamen Titialis factus, Neptuno reduci libens animo votum solvit.

Penes Augustales cura sacrorum, & ludorum erat, quibus honor Bisellii promiscuus, & ex aequo communis, quemadmodum auctoritate decreti Veientium Municipii ostendit Fabrettus pag. 170. & 227. De his pluribus in locis erudite differit Reinesius Cl. I. n. 12. 92. 168. Cl. IV. n. 22. 41. 63. Henricus Noris in Cenotaphia Pisana Diss. I. Cap. VI. Fabrettus Inscr. Ant. Cap. V. pag. 402. 403. quibus paucula addam, quae in vetustis lapidibus legendis adnotavi; atque illud primum, Seviros Augustales, quemadmodum Decuriones, apud quos summa auctoritas erat, aliquando ius habuisse decernendi loca, in quibus statuae

in

in honorem illustrium virorum dedicarentur ; itemque arcam habuisse, in qua pecunia pro statuis tuendis inferretur, verum permissu Caesarum, ut ex Brixienſi lapide perspicue colligitur, apud Gruterum CCCCXIX. Id totum diserte docet Narbonensis Tabula in Gruteriano Thesaurο 12. CCCXXIV. ex qua intelligimus, Liciniam Palladem statuatam dedicasse Q. Iulio Servando, Sevirο Augustali Coloniae Narbonensis, marito suo optimo, atque in tutiōem eius statuae, arcae Sevirorum certam pecuniae summam intulisse, quorum decreto locus datus est, in quo eadem statua honoris causa poneretur. Hinc in duabus Gruterianis Inscriptionibus CCCCLVII. 3. & CCCCLX. 9. Allifis, inter Augustales fuisse legimus, qui Quaestoris Augustalium munere fungebatur ; nam diserte marmora habent, AVGVST · ALLIF · ET · AVGVSTALIVM QVAESTOR. Scilicet, *Augustalis Allifis, & Augustalium Quaestor*. Quare perspicuum est, communem arcam habuisse Augustales ad stipes colligendas, quam quoque habebant Collegia, Sodalitates, ac Corpora, & Virgines Vestales, quemadmodum me legisse memini in antiquo lapide Gruteriani Thesauri.

Fuere praeterea in Municipiis, & in Coloniis Seviri Magistri Augustales, sive Augustalium ; quorum nomina occurrunt quoque in Florentinis lapidibus editis Par. I. pag. 214. n. 2. pag. 290. n. 12. qui universum Collegium, seu Corpus Augustalium moderabantur. In Puteolano marmore a Reinesio allato Cl. VI. n. 22. primum recensentur Decuriones, deinde Sodales Augustales, postremo vero Seviri Augustales, qui in pecuniae distributione pares sunt Sodalibus Augustalibus, utrique vero Decurionibus inferiores ; quare quem ordinem in Coloniis, ac Municipiis haberent, vel quo in loco in eorum albo referrentur perspectum habemus. Praeterea cum Seviris Augustalibus Flaviales coniunguntur, quorum fit mentio in Gruterianis 9. XIX. 10. XCVI. Vitricia gens plebeia, ex qua hic C. Vitricius Memor, cognita ex alio lapide penes Gruterum 2. DLXVIII. Hanc Inscriptionem reperi inter Collectanea.

Cl. V. Iohannis Baptistae Donii , qui ait Ugurgerio dedisse Fabium Chisium .

Tabula marmorea prope Balnea Avenionis , in Agro Senensi , in AEdibus Nobb. Amerigbiorum .

2
 NYMPHIS . SACR .
 L . TREBONIVS . PATERN^I
 LIB . FORTVNATVS .
 VOTO . POSVIT .
 SIGNVM . CVM . BASIM
 ET . AEDEM . F . CVR .

2. Idest : *Nymphis Sacrum . Lucius Trebonius Taterni, Libertus Fortunatus , voto posuit signum cum basi marmorea , & aedem faciendam curavit .* Quum hoc marmor Nymphis sacrum , prope Balnea Avenionis in Agro Senensi , ut diximus , repertum fuerit , non de Nymphis Caelestibus , Terrestribus , seu Campestribus , Montensibus , & Nemorensibus , vel Hortis praesidentibus heic puto intelligendum , sed de Aquatilibus , ac Fontanis , scilicet Naiadibus , quae aquis , & fontibus praeesse credebantur , ac saepe cum Fontibus , & Lymphis coniunguntur . Aquas salubritate , medendisque corporibus nobiles experti veteres , vota Nymphis ceterisque tutelaribus Diis nuncupare , donaria pro gratiarum actione consecrare , sacrificia instituere , sacella , templa , aedes , aras , signa construere , ac dedicare consueverunt , vel si mortis periculo fuissent liberati ; quod ex Gruterianis colligi potest 2. 9. XCIII. 2. XCIV. Nymphis vota quoque soluta ab Aquariis , & Aquilegibus reperimus 3. XCIV. & a Magistris Fontium , sive Fontanis , Genio Fontium , & Minervae , apud Fabreium Inscr. Ant. pag. 24. n. 100. & pag.

332. n. 493. quod horum Deorum ope, ac praesidio indigerent, ut rem suam bene gererent. Fontinalem Deum, qui aquis, & fontibus, cum Libero, qui vino praeerat, coniungit Plautinus Sagarinus in Stichio, Aët. V. Sc. 4. v. 17. qui conservo suo dat optionem, an aquae, seu vino praesse malit in convivio.

Speciosis vero cognominibus Nymphae appellantur in vetustis faxis, nempe, *Sanctissimae, Augustae, Novae, Salutiferae, Dulcissimae, Nutrices, & Dominae* in Hispalensi ara in Collectaneis Cl. Viri Iohannis Baptistae Donii, quae in lucem quamprimum proferam. Apud Hierapyntios, Latios, & Olontios, Cretae populos, tam reverendum fuit Nympharum numen, ut in foederibus sanciendo, per ipsas, ceterosque Deos iurare consueverint. Foedera, & iuramenta horum Populorum a Grutero pag. DV. 2. & a Reinesio Cl. VII. 26. afferuntur: verum quum in his Nymphae post Curetas nominentur, non Nymphas aquarum praesides, sed Bacchi nutrices intelligendas esse censeo. Aedes, lucos, recessus Fontibus proximos, in honorem Nympharum veteres condidere, uti ex Pausania pluribus in locis constat. Quare L. Trebonium Fortunatum, Paterni Libertum, de domino suo optime meritum, utpote qui eius nomen posteris clarum esse voluerit, circa aliquem fluvium, vel fontem, seu potius circa antiqua balnea aedem Nymphis faciendam curasse facile crediderim. Praeterea expresse legitur in marmore ipsum voto posuisse Nymphis signum cum basi marmorea. Signum ex qua materia fuerit non indicatur. Signorum materia multiplex, aurum, argentum, aes, marmor, ebur. De his Aldus Manutius de Quacstis per Epistolam Lib. II. n. V. ubi inquit sit ne idem signum cum statua, an aliquid intersit. His adde lignum, cretam, & argillam. E ligno plura Deorum signa Pausanias recenset, quae etiam inaurari solebant, vel eximio aliquo colore pingi. Plinius fictilia quaedam simulacra memorat servata in Nymphaeo Lib. XXXV. Cap. 12. quem locum aliqui putant Nymphis dicatum fuisse, multiplici voluptatum, & deliciarum genere locupletem. H Si-

Signum voto positum a L. Trebonio Fortunato, cum basi marmorea, Nymphas exhibuisse puto, quamvis sciam Diis dedicari quandoque solita aliorum Deorum simulacra; quod ex Gruterianis colligo LXXVII. & LXXXII. 8. ubi signum Liberi Patris Panthei Fortunae Primigeniae, & Isidi signum Harpocratis dedicantur. Nympharum simulacra, quomodo repraesentarentur ostendunt vetera anaglypha; in quibus vel palla virginea amictae exprimuntur, stantes, aquam ex hydria, vel ex marina concha fundentes, folium cuiusdam herbae aquaticae tenentes, quae fortassis ea herba est, quam *Nymphaeam* appellat Dioscorides, ab aquis stagnantibus Lib. III. Cap. 149. eoque modo sculptae videntur apud Sponium in Miscellaneis Sect. II. Art. VII. vel seminudae, corpore inferius velato, ut in Mediceo marmore, in inscriptione, & anaglyptico opere exornato, quod habes Par. I. pag. 47 n. LXXXVII. vel nudae, ut in alio apud Mazochium pag. CV. tum numero, tum habitu corporis omnino Gratiis similes, quarum sociae sunt, risu & ipsae amabiles, comitis comis, omnique cultu decentes. Perpulchra haec, & alia Nymphabus dicata monumenta exhibet Fabrettus Dissert. II. de Aquis, & Aquaed. in quibus rariorem solitariae Nymphae iacentis imaginem observavit.

Cum Nymphis sculpta quoque in votivis marmoribus alia numina, Diana venatrix, Silvanus, & Hercules, ut apud Sponium loco superscripto pag. 31. item Mercurius, Hercules aquaticus, & Genius fontis, seu amnis apud Fabretum Inscr. Ant. pag. 432. n. 5. Nymphas Musarum comites, ac socias facit Pausanias, qui in Libethrio monte vidit signa Musarum, & Nympharum cognomine Libethridum. De votivis sacris, quae quotannis fieri solebant in honorem Nympharum, Virgilius Ecl. V. v. 74.

Haec tibi semper erunt, & cum sollemnia vota

Reddemus Nymphis, & cum lustrabimus agros.

De votis, quae Nymphis solvebantur, agit Tomasinus Cap. XXV. qui allatum lapidem Senensem illustrat, iam pridem editum in Gruteri Thesauro XCIII. 10.

Non

Non paucas Senenses antiquas Inscriptiones collegit Sigismundus Titius, e Castilione Arretino oriundus, sed civis Senensis, in huius Urbis Historiis, quae ineditae sunt; qui Tom. I. pag. 324. haec memorat, quae mecum omni humanitatis officio communicavit Vir Cl. Umbertus Benevolentius, Patricius Senensis. *Lapis vero tempestate nostra non longe a Talamone inventus est in aedificio amplo, atque collapsa, coniectoque tellure; in quo huiusmodi literae incisae erant: TERME [lege THERMAE] DIOCLETIANI.* Titius Senas migravit paulo post annum 1480. vivebatque anno 1530.

In Tom. VIII. pag. 203. legitur. *Siquidem per hos dies fistulae, & cannae plumbeae apud Talamonis Senensium portum conspectae sunt, ingenti numero advectae, ut venderentur. Destruere quidem Florentini, & superne demoliti sunt nobilem aquaeductum, olim a superioribus locis Tiburtinis in Urbem ad Campum Martium, & Pontem Mammolium a Domitiano Imperatore deductum per millia passuum viginti quinque, ut fistulas plumbeas longitudinis brachii unius, & quartae partis, amplissimi meatus, & crassitudinis digitorum duorum, ut eruentes illas venditarent; nec puduit eos, lucris causa, tam prisca destruere, quae aliquando restituent. Quid enim putamus Domitianus egisset, si tunc futurorum consensus fuisset. Senam pars non modica fistularum delata est, a mercatoribus coempta; ad eas visendas vocati nos fuimus dolentes, & in duabus has litteras deprehendimus, videlicet.*

DCXC. IMP. DOMITIANI AVGVSTI GERMANICI
CVRA POLLVDVICIS L. PROC.
PHILIATVS LIB. FECIT


Fortassis legendum; CVRA POLYDEVCIS L. PROC. PHILETVS. LIB. FECIT

Idem Titius Senensium Historiarum Tom. VI. pag. 241. haec narrat: *Laurentio autem Mediceo caput Iovis abeneum, tenuis pectore, arte fabricatum eximia, Senenses dono impenderunt; nam dextra benigne, sinistra vero parte irato, ac torvo oculo intuebatur: emptum enim fuerat a Dominico Callimacho, viro Antiquitatum amatore, ducatis septuaginta.*

H 2

Mar-

*Marmoreae Tabulae fragmentum , repertum in Agro Senensi ,
in praedio S. Fidelis , Nobilium de Vecchis .*



3. Ita fortassis supplenda , & interpretanda haec inscriptio . *Diis Manibus Auli Vicirii , Auli Filii , Arniensi [Tribu] Tribuni Militum Legionis Quartae Scythicae , Praetoris Etruriae , Flaminis Romae , & Augustorum . Huic Decreto Decurionum sumus publice datum ob merita .*

Singula breviter percurram , ne magis ingenio , quam veritati iudulsiſſe videar . Viciriae Gentis nomen cognitum ex alio lapide Gruteriani Thesauri 4. DCCXLVII. Vicirii cognomen , quod deest in marmore , aliis investigandum trado . In Gruterianis plures habemus Tribunos Legionis IV. Scythicae , nempe P. Obsidium Rufum , in Patavino marmore 9. LXXII. C. Octavium Modestum , in Beneventano ; & L. Octavium Rufum , in Suasienſi 5. 8. CCCCXLIV. praeter Centuriones , Veteranos , & Signiferos eiusdem Legionis ; quos gradus , utpote inferioris conditionis , Vicirio nostro ratus sum haud convenire . Legio IV Scythica , alias Mace-

Macedonica, ut ait Panvinus in Imper. Rom. ab Augusto in Syria lecta, in Germaniam superiorem a Claudio transportata est. Praetoris officium, ac dignitatem arbitratum sum gessisse A. Vicirium in Etruria, cum eius provinciae nomen scriptum in marmore inspexerim; exemplo Pisani lapidis, superius allati pag. 18. n. 12. qui diserte meminit Praetoris Etruriae. De Praetorum origine, processu, numero, ac varietate nihil dicam post praestantes doctrina viros Lipsium in Comment. in Lib. I. Annal. Taciti, Lazium in Comment. Reip. Romanae Lib. II. Cap. I. Pancirolum in Not. Imper. Orient. Cap. XCVIII. In Vulsiniensi lapide penes Gruterum CCCLXXXV. 1. laudatur L. Canuleius Praetor Etruriae XV Populorum; tot enim Etruriae Populos fuisse constat apud omnes, uti etiam notat Reinesius in 105. & 114. Class. VI. Ita quoque XV Umbriae Populi recensentur in lapide Fulginate in Sponii Miscellaneis pag. 183. De Flamine Romae, & Augustorum supra diximus pag. 50. n. 55. Reliqui versus cum Florentina Inscriptione pag. 213. n. 1. & cum ceteris iam editis consonant; quae videlicet funus publice datum, locum sepulturae, funeris impensam, laudationem, statuas, ornamenta, aliosque honores habitos post obitum summis viris, optime de republica meritis, exponunt.

Arniensem, sive Arniensem Tribum; ut testatur Carolus Sigonius Lib. I. de antiquo Iure Civium Romanorum, ab Arno Flumine appellatam, nemo dubitare poterit.

In Museo Nob. V. Hadriani
Sani, Patricii Senensis.

4 | IVLI. MARTIALI
OP. CHOR. IIII. PR
V. VALENTIS Q. VIXI
AN. XXXIII. HER.
BENEMERENTI

Vetus tabula, olim inventa in
aedibus Gigantum Hieronymi
Ticstori; bodie exstat in
Valesudinario S. Mariae,
Scalae nuncupatae.

5 | C. GAVIVS. A. F
FAB. TVSCVS

4. Idest;

4. Idest; *Iulii Martialis*, vel *Iulio Martiali*, *Optioni Cohortis Quartae Tractoriae, Centuriae, sive Centurionis Valentis*, qui vixit annis triginta tribus, *Heres benemerenti*. Ex alio lapide in Hortis Matthaeis apud Fabretum pag. 157. n. 269. habemus *L. Sertorium Secundum, Optionem Cohortis Primae, Centuriae Rennii*; & in alio pag. 31. n. LIX. Q. *Iulium Donatianum, Optionem Centurionis Cohortis Tertiae*. Optiones erant in militia adiutores, qui aegrorum, vel alias impeditorum munera subibant, quibus etiam interdum adiutores dabantur, qui Suboptiones dicebantur. Vide Reinesium in 3. Classis Primae, & Fabretum in Traiani Columnam Cap. III. pag. 67. & 68. In nonnullis Legibus pro his accipiuntur, qui annonam militibus dividebant; uti Lege IX. C. de iure Fisci l. IX. C. de exact. tribut. l. III. C. de Apoch. public. & Novel. Martiani de indul. rel. Novel. Iustiniani 129. De Optionibus integro capite agit Langlaeus J. C. Lib. VII. Otii Semestris pag. 312. Consule Pareum in Lexico Plautino.

*Apud Senalongam in lapide Tiburtino, ante
Ecclesiam, sive Paganicam.*

6

D	M
C.VMBRICIO CELERI	
ARRETINO . EQVITI	
~~~~~	
~~~~~	

6. Hoc modo fortassis supplendus lapis in primo versu;
C. VMBRICIO C. F. POM. CELERI. Pomptina Tribu;
in qua suffragia ferebant Arretini. Umbricia Familia clara
ex vetustis lapidibus, atque ex Florentino Musei Medicei
pag.

pag. 28. n. L. quem invenit Vir longe doctissimus Petrus Victorius in Aedícula quadam iuxta Divi Cassiani, ac primus edidit Variarum Lectionum Lib. XXXVII. Cap. XI. Ea forte ex Umbria id nominis nata est.

In Palatio Archiepiscopi.

7 D O M

C. VIBIO. C. F. OV

CLEMENTI

EQVO. PVBL

VIX. ANN. XVIII

ME. IIII. DIEB. XVIII

P.....

In Domo Burgessorum, Tabula marmorea.

8

P. AEL. THEOPHILETIS

COENONA. AD CLAR

P. AEL. THEOPHILETIS

STACTVM. AEL

P. AEL. THEOPHILETIS

P. AEL. THEOPHILETIS

7. OV. *Ousentina Tribu.* EQVO. PVBL. *Equo publico.* Qui strenue operam suam in bello navassent, vel in suis Colonis, & Municipiis gladiatoria munera, omnemque spectaculorum apparatus edidissent, ob merita, & plurimas liberalitates, militaribus ornamentis, armillis, torquibus, coronis, phaleris, hastis puris argenteis, & equo publico, qui scilicet publica pecunia alebatur, ab Imperatoribus donabantur. Quamvis enim quis esset ex ordine equestri, equo etiam publico honoris gratia exornabatur; ut observat vir longe eruditissimus Henricus Noris in *Cenotaphia Pisana Dissert. I. Cap. 3.* Equites annulo, & equo publico a Censoribus donabantur; quod si in censu agendo strigosum, aut male habitum equum ducerent, multabantur, & equo illo privabantur. Census hic *Transvectio*, vel *Equorum probatio* vocabatur, quae in Romano Calendario, & in lapidibus, & nummis memoratur. Insignem locum Val. Maximi notavit Dempsterus in *Notis ad Rosinum Lib. I. Cap. XVII.* quem vide. In vetusto lapide apud Mazochium pag. XXIII. hominum quoque armigerorum ostentationem adnotavi, quae vulgo a nostris dicitur (*mostra, rassegna.*) In

In Museo Nobb. Saniorum.

9

D^IS. MANIB. C. PERPERNÆ
 C. F. SER. GEMINO. C. PERPER
 AGATHOPVS. ET. SATVRNINA
 ET. FORTVNATA. H
 LIB. FEC. V. A. LXVIII

9. Perpernorum Gens diversa a Perpennis, quorum meminere complures vetusti lapides, verum cum altera sapius confusa. Causa Q. Roscii Comoedi acta est apud C. Pisonem iudicem a Praetore datum, cui M. Perpernia vir Consularis in consilio adfuit, ut videre est in Oratione Ciceronis; in qua Hottomannus, & Turnebus, magni nominis viri, *M. Perpernam*, non *M. Perpennam* legendum censent.

SER. Idest; ex Tribu Sergia. H. LIB. FEC. *Heredes Liberti fecerunt*, ut puto. Liberti enim patronis, & patroni aequo libertis heredes erant; cum aut intestati, aut sine filiis obissent. Ita mortuo Pompeio Vindullo, hereditas ad Magnum Pompeium pertinuit, teste Cicerone ad Atticum. Lib. VI. Epist. II.

Ibidem Urna marmorea.

10

C. TANVSI. C. F.
 BALBINI
 ANICI

10. *Tanusia*. Gens haec hactenus incognita, ex hac Urna in conspectum eruditorum prodit. Nullum profecto licet exiguum antiquitatis frustulum contemnendum videtur, ex quo novi aliquid semper disci potest; quicquid garriant seculi quidam in omni eruditione infantissimi pueri, quos inania, ac stulta quaedam in conspectu doctorum virorum interdum effutire minime pudet, ut rerum omnium, ne dicam antiquarum, ignoracionem suam solennius testentur. Perperam edidit Gruterus DCCCLVII. 12. qui habet CL. ANVSI. C. F: BALBINI ANVCI.

*Ibidem Urna e Tario marmore, quae
in Monte Alcino reperta est.*

11

Q . . M .
Q . CAECILIO,
EVHELPISTO.
AVITIANO. Q. V. A.
XXXII. M. I. D. VIII.
CAECILIA . HELPI
DO . MATER
INFELICISSIMA.
F E C .

Ibidem .

12

D . . M
M. VALERIO
IVSTO. VIXIT
ANN. XIII.
M. XI. D. XIII. F.
VAL. EVMOFVS. F
COMINIA . IVSTA
III . DVI.

*In tegula reperta in quodam praedio Villae Lornanensis
Clar. ac Nob. Viri Umberti Benevolentii.*

13

L . N V M E R I
E X P E D I T I

I

12.

12. Sextum verum ita legendum auguror ; VAL . EV-
MOLVVS (forte EVMOLPVSE ,) et Cominia Iulila . Literas
in coronide sculptas , forte pro FIL . DVL . hoc est , Fi-
lio dulcissimo .

13. L. NVMERI . h. e. Numerii . Virgilius AEneid. Lib.
I. v. 247.

Hic tamen ille urbem Patavi , sedesque locavit .

Frequenter veteres Poetae in huiusmodi genitivis geminan-
tibus ii, alterum ex iis subtrahunt, ut decennes pueri norunt.
In vetustis saxis idem factum observatur, licet non raro ubi
cum uno tantum I scribendus esset, cum duobus genitivus re-
praesentetur ; ut DIVII, pro DIVI . HOMERII, pro HOMERI,
ut in Titulo Columbarii edito n. CXXXIII.

*In Villa Nobb. Bonsignoriorum
in Agro Senensi .*

14 T. MANLIVS
O. L. PRIMIO. AN. VII
MANLIA
PRISCA . AN. VI

*In exteriore pariete Domus
D. Canonici Buti.*

15 DIS. MA.
SEX. PETILIO
PRIMIGENIO
IVSTA
PATRI

*In quadam Urna reperta prope
Senas ad [Camporfevoli]*

16
L. FABRICIVS LVSCINI
L. AMPHIO CAPITO

*Apud Augustum Mannium I. C.
Urna marmorea .*

17
L. ARRIVS
L. F. RESTIT
VTVS . VIXIT
ANNIS. OCTO

Ma-

Marmorea Tabula apud V. Cl.
Celsum Cittadinum, effossa
juxta Altari Aedis S. Lau-
rentii Sacrarum Virginum.


Alicubi, ex Schedis Bibliothecae
Vaticanae in Collectaneis
Cl. V. Donii Patr.
Flor.

18 D M
PUBLILIAE
MARCELLAE
QVAE. VIXIT
ANNIS. XXXVII
.....TEM

19 T. FL. MENECRATI
A N O
HELENA. CONIVGI
CARISSIMO. B. M. F

In Museo D. Canonici Benedicti Bandinelli,
Patricii Senensis.

20

D  M
M. CORNELIVS. HILARVS
CORNELIAE. FORTVNATAE. FILIAE
KARISSIMAE. FECIT. QVAE. VIXIT.
AN. XXII. M. V. ET. BVRSVLIAE. SECVN-
DAE. CONIVGI. KARISSIM. ET SIBI FECIT

20. Eruditorum omnium virorum consensu, optime de
Antiquitatis studio meriti sunt non ii tantum, qui in eo
amplificando, atque illustrando sedulam navant operam,
verum etiam qui vetera monumenta, omni ope qua pos-
sunt, undique sibi conquirunt. Sequentes inscriptos lapi-
des Romae congestos a Nobili Viro Francisco Bandinio,
sua impensa Senas asportari fecit Dionysius Marefcottius,
Vir Equestris Ordinis, Patricius Senensis, quo mortuo in

antiquariam suppellectilem venere D. Benedicti Bandinellii, Canonici Senensis.

Solent viri, maeroris quadam formula in monumentis non raro adhibita, posteris testari, uxores suas celeri facto interceptas, nil aliud praeter dolorem reliquisse, ac de ipsis nihil dolere, nisi earum mortem. Verum quandoque votum maritorum elucet, quod fuit uxoribus supervivere, uti e contra uxorum maritis; ut supremos honores propter mutuum in se amorem, & benevolentiam persolverent. Id ex aliis pluribus, & ex hac Inscriptione eruitur in qua postremo in loco ET SIBI, conditum sepulcrum indicat M. Cornelius Hilarus, quasi supremum obire diem velit, praemortua uxore sua Bursulia Secunda. Votum maritorum supervivendi uxoribus, uti e contra uxorum maritis pluribus exemplis confirmat Pareus in Electis Plautinis. Praeterea id quoque notandum ex hoc Senensi lapide, veteres liberorum procreationem tam summum decus existimasse, ut pari appellatione, amoris causa, tum filios, tum coniuges affecerint, filiosque ipsis coniugibus praepo-
nere, & honoris ergo prius nominare non dubitaverint.

Hic M. Cornelius Hilarus, unus, ni fallor, fuit ex Ordine Corporatorum Lenunculariorum, Tabulariorum, Auxiliariorum Ostiensium, cuius meminit Romanus laterculus a Reinesio allatus Class. X. 1. n. 165. qui floruit Imperatore Caesare Helvio Pertinace, iterum Consule, Anno U. 945. Chr. 193. Bursulia gens Grutero aliisque antiquariis hactenus incognita, ex hoc lapide optatam lucem sibi vindicat.

Ibidem.

21 T ARRVTIVS
FLORVS. H. S. EST
L. NOVVS. DECEMBER
POSVIT

Ibidem.

22 D. M. S
FABIAE OENANTHIAE
CONIVGI
BENEMERENTI

Ibi-

Ibidem.

23

D . M
CEIONIO DIAGORAE
COIVGI BENEMERENTI
QVI VIXIT ANNIS LXIII
M. V. D. VIII CUIVS MATRI
MONIO VIXIT ANNIS XXX
D. VII
VATERNIA IVSTINA
COIVX

Ibidem.

24

D . M
OGVLNIAE
IANVARIAE
M. PLAVTIVS
ALEXANDER
CONI B M FEC
V. A XXXXV

23. Ceioniorum non pauca exstant monumenta iam edita. Vide Henr. Norisum in Epist. Consul. p. 47. Perfacpe notantur in lapidibus uxorum, & virorum anni in matrimonio exacti, vel si in eo vixerint sine lite, querela, aut controversia; tunc siquidem se felices putabant, idque sibi pro magna laude ponebant. Horatius Carm. Lib. I. Od. 13.

Felices ter, & amplius

Quos irrupta tenet copula: nec malis

Dirvulsus querimoniis

Suprema citius solvet amor die.

Quos versus Graece ita mihi reddidit Vir Clarissimus, meique amantissimus Antonius Maria Salvini, noctu secum meditato, cum morbo exagitatus, horas duceret insomniae;

Ευαλβοι γὰρ τρις ἑλπίσι,

Οὓς ἀρήκτων ἔχει τὸ ζυγὼν. ὃ κακοῖς

Ἐπαρσέντι τε λύπῃς

Ὅμοι τῆς μάταις τάχιστα λύσει ἔρος χρόνον.

Quod si mariti viverent cum odiosa uxore, Hercules labores se sustinere arbitrabantur, ut apud Plautum testatur Periphanes, in Epid. 2. 1. v. 9.

*Hercules ego fui, dum illa mecum fuit; neque sexta Aeternitas
Acerbior Herculi, quam illa mihi, obiecta est.*

Tunc

Tunc siquidem infelices coniuges alter alteri mortem exoptat : Sic Megadorus ille de filia Euclionis in Plauti *Aul.* 2. 1. v. 32.

— *Ut quidem emoriar , priusquam ducam .
Sed his legibus , si quam dare vis , ducam : quae
Cras veniat , perendie foras feratur .*

24. Ogulnia gens , sive , ut Capitolini Fasti habent, *Oculnia* , variis Magistratibus insignis est , & ex numis cognita ; cuius sepulcrum fuisse docet Fabrettus *Inscr. Ant.* pag. 67. 68. dextrorsum , 11. lapide Viae Appiae , in Vineae Brunona . Vide etiam pag. 99. Quincti Ogulnii nomen celebre est in Romana Historia , qui unus fuit e numero Legatorum , qui , cum triennio continuo pestilentia Roma vexaretur , ad Templum AEsculapii Epidauri missi sunt , ut aliquid ex eo salubre patriae accerferent ; ubi anguis specie religiosa omnium admiratione conspectus , appetitae clarioris sedis alacritatem ferens , ad Romanam turrem perrexit ; ac paventibus inusitato spectaculo navitis , eo conscendit , ubi Q. Ogulnii legati tabernaculum erat , quod ille locus dignior sibi visus esset ; ut memorat Valerius Maximus *Lib. 1. de Mirac. Cap. IX.*

Ibidem .

Ibidem .


25	FUTIAE VITELLAE	26	D O M I T I A
	ATHENODORVS		CN. F. IRENA
	COIVGI. KARISSIMAE		VIX. ANN. XXVII

25. Futiae gentis fit mentio in tribus sepuleralibus Titulis apud Fabrettum , in quorum primo *Cap. III. n. 387.* C. Futius Onirus iterum Duumvir epulas , & profusiones , natali filiae suae Futiae Lollianae , quotannis celebrandas , ac confrequentandas a Decurionibus instituit ; in altero *Cap. VI. n. 161.* Futia Longina ob dedicationem statuæ L. Lollii Marciani filii sui , Decurionibus , Augustalibus epulan-

lantibus, & populo viritim divisiones dedit. Vide etiam
Cap. IX. n. 204.

Ibidem.

27



Ibidem.

28



Ibidem.

29

M ANNIO VITALI
IVNIA POLYCARPI
A FILIO PISSIMO
QVI VIXIT ANNIS
XII MENSES VIII
DIES X

Ibidem.

30

D M
AEBVTIAE
FLORAE
V A. XXX. F.
AEBVTIVS
PRIMIGENIVS
CONIVGI. S
B M

28. Plaetoriam Familiam ex Sabinis originem duxisse co-
nūcit Fabrettus cum Fulvio Ursino Inscr. Ant. pag. 709. In
numo Musei Ricchardi ex una legitur CESTIANVS, cum
Cybelis capite; ex altera, M. PLEAETORIVS AED. CVR
EX, S. C. cum sella curuli.

Ibi-

Ibidem.

31

♂ D M ♀
 AELIA . AMPLIATA SE VI
 VA . FECIT . SIBI . ET . AVREL
 AVG . LIB . ARRIANO . COIV
 GI . ET LIBERIS EORVM . LIB .
 LIBERTABVSQVE . POSTERIS
 QVE . EORVM . H . M . H . N . S

Ibidem.

32

D . M
 C . SEPTIMIO . DECIANO
 QVI VIXIT ANNIS
 XXXIII MENSIBVS XI
 DIEBVS XVII . H . X
 RVFINA VXOR
 COIVGI DVLCISSIMO
 B . M . FECIT

Ibidem.

33

D . M
 VETTIAE FELICITATI
 QVAE VIX . ANN . XIII
 D . XXIX . FECERVNT
 PARENTES

Ibidem.

34

DIS MANIBVS
 AGATOPVS LACA
 ENE CONSERVAE
 PIENTISSIMA
 E ET CARISSIMAE

In Urna marmorea , ibidem .

35

D M . C . LIVINEIO
 TVRPILIANO
 SOLANIA . C . F
 NIGRINA . COIVGI
 BENEMERENTI FECIT

31. Veteres ut securi posterorum essent, ut alias monui-
 mus, viventes sibi sepulcrum parabant; quod a mulie-
 ribus quoque factum docet haec inscriptio, & sequens n.
 39. quamquam ipsae praesertim mortem extimescant. Plau-
 tus in Rud. 3. 3. v. 23.

Sed

*Sed muliebri animo sum tamen ; miserae ubi venit in mentem
Mibi mortis metus , membra occupat edepol.
Verum ut ait Horatius Carm. Lib. I. Od. 4.
Vitae summa brevis spes nos vetat inchoare longam.*

Ibidem.

36



36. Quid *rebus* redolere videtur hoc marmor , recentio-
ri manu , ut puto , confectum .

Ibidem.

37

D M
M VLP IVS
LYSIMACHVS
VLP IAE LYSIDIAE
DVLCISSIMAE
FILIAE FECIT

Ibidem.

38

ANTONIA . L . ET . > . I
FECIT . SIBI . ET
L . ANTONIO . PHILI . . .
PATRONO . ET
FILIS ET FILIABVS . . .

38. Liberti , dominos suos , a quibus in manumissione li-
bertatem consecuti sunt , *patronos* iure merito appellant ;
quod eorum praesidio servantur , ac defendantur . Perfre-
quenter etiam coniuges viros suos *patronos* , & *dominos* vo-
cant , uti plures antiquae Inscriptiones testantur : e con-
tra viri pariter coniuges suas *patronas* , & *dominas* honoris
gratia compellant , ut ex Florentina pag. 184. n. 223. di-
scimus .

K

Ibi-

Ibidem.

39

Hic protome mulieris
 VI VA
 FECIT SIBI
 D M
 CORNELIA
 OLYMPIAS

Ibidem.

40

D M
 C. NVMMIO . MECVRI
 ALI. QVI. VIX. AN. X. M. IX
 NONIA . CLYMENE . ET
 VESVLLIVS HELIVS
 PARENTES FILIO
 DVLCISSIMO
 FECERVNT

40. VESVLLIVS HELIVS. *Vesulliae* Gentis, haftenus antiquariis incognitae, nunc primum fit mentio in hoc lapide.

Ibidem Christiana Inscriptio.

41

MARSAE BON
 E COMPAR LABOR
 ONI BONE QVI M
 ECV BIXISTI ANNO
 S VIII DORMI IN PA
 CE BENE FIL TVI TIBI FE
 CERVT VINCENTIVS

SVANAE, quae nunc est Urbs
Etruriae, in ditone Senensi,
 marmorea tabula in exteriori
 pariete cuiusdam Domus
 in Via maiori.

42

N V M
 S A C
 A L . . A S S I
 R I V S
 I V S T V S
 E X V O T O

41. Deletis soloecis ita interpretandam arbitror: *Marsae* bonae, compari laboris, coniugi bonae, quae mecum vixisti annos octo. dormi in pace. bene filii tui fecerunt, Vincentius.

Compares dicuntur Coniuges Συζυγαι, Συζυγην, Συζυγίτης; & quidem eiusdem laboris, qui in cura filiorum, & do-

& domus impendendus est. Plautus in *Casina* 4. 2. v. 18.

Sed ecomprogredditur cum corona, & lampade,

Meus sociennus, compar, conmaritus villicus.

Horatius Carm. Lib. II. Od. 5. Amantes quoque ab eodem Plauto *σύνουσι* *compares* appellantur.

DORMI IN PACE. Consueta funebris Christianorum acclamatio, quibus supremis verbis religiosissimis, pia defunctorum officia in die depositionis eorumdem prosequantur.

42. Idest; *Nymphis Sacrum*. AL. forte, *Flavius Assyrius Iustus ex voto*.

*Ibidem, in eadem Via maiori ad
Aedem D. Mamiliam.*

*In basi Urnae aquae lustralis in
Ecclesia S. Mamiliam.*

43

D	M
CANINIO LIB	
COMMUNI	
CANINIVS	
LEGITIMVS PATER	
OPTIME DE SE	
MERITO. F	

44

D	M
VARIO. EVDAE	
MONI. CONIVGI	
BEN. MER	
AGRIA. INGENVA	
ET. VARI	
INGENVVS. ET	
EVDAEMON. FIL	

44. Gruterus ex Cl. Cittadinio edidit pag. MCXLV. 9. VARI INGENVVS. ET EVDAEMON. FIL. i. *Filii*. Ne familiae nomen singulis qui nominantur ex eadem familia repeterent, unum ut singulos indicaret praepone consueverunt. Ita apud Sponium in Miscell. pag. 72. aram Iovi dicarunt Cingii duo, idest Stabulo, & Aulus, ex Cingia Gente; non vero cognomen est Iovis *Cingidui*. In ara quoque Florentina, quam Dianae invictae dicarunt Volumnii duo, Verus, & Severus, legendum est Volumnius Verus, & Volumnius Severus; vide pag. 333. n. 2.

K 2

Dum haec scribo, die XVII Mensis Decembris huius anni MDCCXXVIII. prope antiquum opidum *Montis Aperti*, in Villa huius nominis Nobilis Viri D. Iohannis Baptistae Tommasi, quae a Senensi Urbe IV millia passuum distat, iuxta Arbianam, dum fossae quaedam fierent inventum est Etruscum Hypogaeum, quadrata forma in lapide excisum, duodecim circiter palmorum quoquoersus latum, in quo positae quindecim arculae e lapide Tivertino, literis Etruscis in operculo inscriptae, praeter non paucas Urnulas fictiles, quarum etiam aliquae Etrusca Inscriptione ornatae. Ostii huius Hypogaei superliminaria Etruscis literis insculptis valde insignia observata sunt; quae omnia quamprimum in eruditorum manus venient, quum eximium decus addant Senensi Urbi, eamque veteres Etrusco incoluisse perspicue ostendant. Locus, ubi praeclara haec Etruscae antiquitatis monumenta inventa sunt, proximas habet Villas, quae vulgo appellantur *Tancole*, & *Dofana*; quarum prima a Senensibus Historicis interpretatur *Tan collis*, quasi *Tanor Dei collis*; altera *duo Fana*, quae ibidem fallis Numinibus dedicavit Ethnicorum religio.




IN.

77

INSCRIPTIONES

ANTIQUAE

FAESULIS.



Ex Schedis L. Holstenii.

FÆSULARUM antiquissimi, validissimique Etruriae Opidi, ac Municipii, priscis seculis, praeclarum fuit nomen, summae opes, insignis potentia; quae clarissimo veterum Scriptorum tum Graecorum, tum Latinorum testimonio memorantur. Reiecto Iohannis Villanii, Florentinae Historiae eximii Scriptoris, deridiculo nominis Faesulae etymo, quod patria nostra lingua sonat *se sola*, videlicet, *fiat sola*; originem accuratius his verbis illustravit do-

doctissimus Politianus in Epistola secunda ad Petrum Medicem, quum de Colonia Florentinorum a Triumviris deducta disseruisset: *Faefulae restant, quas ab Atlante illo caelifero conditas & vetus fama fert, & homo, ut illis temporibus, doctissimus Iohannes Boccaccius confirmat: quae ne diutius tamen vacillet auctoritas, Hesiodum citare possum vetustissimum Poetam, qui Faefulam fuisse unam, sed & primam Nympharum declarat, a quibus Hyadum, seu Latine Sicularum fidus exprimitur; quarum scilicet positum Luna repraesentat, quod adhuc insigne Faefulanis est: nisi potius ob id Lunam gestant, quod ultima erraticarum verticem ipsum Atlantis caelum fulcientis potissimum premit. Sed audi iam versus Hesiodios, quos ex libro ipsius, cui titulus *Astraea*, partim gravis auctor Theon, partim Zegez ille Grammaticus repetit in Epistolarum suarum commentariis, incomparabilis memoriae vir, atque infinitae pene lectionis:*

Νύμφαι χαρίτεσσι θυαία
 Φαυλὴ ἡδὲ Κορὴς, εὐσιφανὸς τε Κλέω,
 Φαυλὴ ἱερόεσσα ἔ, Εὐδήρη παύτεπλος.
 Νύμφαι αἱ ὑάδες καλίσσι φύλ' ἀνθρώπων.

Vides ut Faefulam nominat Hesiodus inter Hyadas potissimam, quod apud Eustathium quoque reperias, quamvis in eo mendosis codicibus AEsula sit. Sed & Ammonius Grammaticus Faesulae meminit, ut unius e Bacchi nutricibus. Hyadas autem fuisse Atlantis filias, & easdem Bacchi nutrices, nullus credo paullo humanior ignorat.

Verum haec, ut verbis utar T. Livii Romanarum Historiarum conditoris praestantissimi; poeticis magis decora fabulis, quam incorruptis rerum gestarum monumentis traduntur; quae nec adfirmare, nec refellere in animo est. Haud tamen abnuerim Faesulas, vel a Pelasgis, vel ab aliquo ex Etruscis Regibus, seu Praefectis, qui Lucumones appellabantur, ut originem, ita & nomen habere potuisse. Hanc meam opinionem Silii Italici fulcit auctoritas, qui Lib. VIII [cuius verba paullo inferius adducam] Etruriae recensens populos, qui Cannensis pugna in acie Romana steterunt, non tantum inter reliquas Etruriae urbes hanc connumerat, verum etiam prae ceteris praecipuam ei tribuit divi-

nan-

nandi augurandique peritiam, quam Etruscorum fuisse propriam exploratissimum est. Id praeterea, allato Polybii textu ex Lib. II. diserte affirmat Philippus Cluverius Italiae Antiquae Lib. II. Cap. I. pag. 452. qui omnium eruditissime, & luculenter de Etruria disseruit. *At*, inquit, *praedicta tamen Urbis Faesulae, trans Arnun sita, semper Etruscorum fuit, postquam hac Etruriae parte Pelasgi illis cessere.* Quod si alia quis cupiat argumenta, quae idem probare possint, complura in Faesularum rudерibus asseram inventa Etrusca monumenta, inter quae illud insigne est ex arenario lapide, Faesulis, ut a maioribus acceptum est, repertum; quod servatur in Aedibus celeberrimi aequae ac clarissimi Senatoris Philippi Bonarrotii, cuius anaglyphum, Etrusca pariter Inscriptione exornatum, repraesentat militem aperto capite, solutis capillis, & super humeros defluentibus, rudiori vestitu, & armatura, ut antiquioribus temporibus mos erat, incedentem: nam milites vel nudi, vel angusto indumento, velut thorace & braccis, utebantur; quod editum est in praeclaro Dempsteri Opere de Etruria Regali Tab. LXXII. n. 2. & ab eodem Senatore illustratum in Explicationibus, & Coniecturis Operi Dempsteriano additis pag. 48. & 95. Alium militem delineatum vidi in autographo Caroli Strozii Senatoris Florentini, antiquarii insignis, in eius Bibliotheca; qui adnotavit se eum excepsisse ex rudi quodam lapide, longa vetustate pene consumto, & inferius fracto, altitudinis fere palmorum quinque, qui anno MDCLIX. erutus est in praedio Nobilium de Carlinis, in Villa Faesulis, non longe a Villa Medicorum Principum, quae *Tetraria* appellatur, quaeque a Faesulis parum distat: Hic miles in eo lapide ruditer sculptus, Bonarrotiano admodum similis est; recto videlicet statu, eodemque modo armatus, mucronatam hastam, quae fere eius staturam aequat sinistra manu, & brevem gladium dextra gerens; caput vero galea cristata munitum habet: quae crista, iniuria temporis detrita, fere nascentem lunam imitatur, cornibus deorsum inversam, eo prorsus modo, quo sculpti sunt

sunt Etrusci milites in pluribus monumentis , ac praesertim apud Dempsterum Tab. LXXVIII.

Faefulas in XII principum Etruriae Urbium numero fuisse plures viri docti scripsere , primusque omnium Flavius Blondus in Etruria sua pag. 300. operum editionis Frobenianae : quem secuti postea sunt Carolus Sigonius de antiquo Iure Italiae Lib. I. Cap. 9. & noster Vincentius Borghinius de Etruriae Urbibus differentes pag. 330. Ex eo numero Faefulas expunxerunt praecellentissimi viri Cluverius, Holstenius , & Iustus Fontaninus Archiepiscopus Ancyranus, in eruditissimo opere de Antiquitatibus Hortaë Lib. I. Cap. I. quem operae pretium facies si consulas.

Non parum vero laudis , & gloriae Faefulanis civibus accedit ex his quae subnectam . Constat enim in Etruria, claros imprimis Augures fuisse , & prodigiorum per fulmina ostentorum Interpretes, seu Haruspices Fulguriatores, quorum his verbis meminit Cicero II. de Divinatione . *Nonne intelligis, eadem uti posse & aruspices, & fulguratores, & interpretes ostentorum?* Pro fulguratores, legendum forte fulguriatores, auctoritate vetustissimi lapidis Pisauriensis, Latina & Etrusca Inscriptione, quae ei raritatis laudem affert, exsculpti, in memoriam T. Atilii Haruspis FVLGVRIATORIS, ex Stellatina Tribu, quae & Cortonensium fuit, ut inferius ostendam. Hic lapis accuratius quam a Fabretio editus sit pag. 696. n. 171. eruditorum oculis subiicitur in praeclaro Dempsteri Opere de Etruria Regali Lib. III. Cap. 3. Ab Etruscis ad Romanos allatam fuisse Augurum, & Haruspicum veterem disciplinam perspicue docent tum Graeci, tum Latini Scriptores, e quorum illustri copia duos eligam Ciceronem, & Diodorum Siculum; quorum luculentissimum testimonium silentio minime praeterendum est. Primus igitur haec scribit Libro I. de Divinatione : *Etruria de caelo tacta scientissime animadvertit, eademque interpretatur. quid quibusque ostendatur monstris atque portentis.* Alterius vero haec sunt verba ex Libro V. *Γράμματα τε ἡ φυσιολογίαν ἐξεπύθησαν ἐπὶ πλείων, ἢ τὰ περὶ πῶς κεραιωσσεύονται. μάλιστα πάντων*

πάντων

πάντων ἀνθρώπων οἱ τῆς οἰκουμένης σχεδὸν ὅληι ἡγήμενοι θαυμάζουσι τε τὰς ἀν-
δρας, & κατὰ τὰς ἐν τοῖς περηνναῖς διοσημίας τύποις ἐξηγηταῖς χρίσιν .
Hoc est : Literis vero & in primis naturae perscrutationi plurimum
studii impenderunt ; fulminum considerationi prae cunctis mortalibus
summopere intenti . Quapropter hac etiam aetate totius prope orbis
moderatores [Romanos intelligit] hos viros admirantur , & pro-
digiorum per fulmina ostentorum interpretibus illis utuntur .

Id veteri lege sancitum erat , in haec verba : Prodigia &
portenta ad Etruscos haruspices , si Senatus insserit , deferunt . Etru-
riaeque principes disciplinam discunt , quibus Divis decreverint ,
procurant , isdem fulgura & ostenta pianto , auspicia servant ,
auguri parent . Quanta vero Augurum dignitas fuerit osten-
dit Alexander ab Alexandro Dierum genialium Libro V.
Cap. XIX. cuius verba in medium proferre minime piget .
Hi ergo velut interpretes , internunciique Deorum , tantae dignationis
habiti sunt , ut eum qui haruspicinam fecerat , in Senatum adscribi ,
& inter Patres legi fas esse duceretur . Regibus quoque sicut iura
dare , & sapere , ita divinare regnum munus erat . Itaque a primo
artu Urbis , iidem reges & augures erant , qui futura praedicerent ,
& iura darent . Denique Romulus hoc sacerdotio praeditus , opti-
mus augur fuisse traditur ; proditumque est , Romae optimatum filios
sex Etrusiae populis , ut augurandi artem edicerent , ex decreto Se-
natus in disciplinam tradi solitos , ut Romae augurandi scientia , &
ars innotesceret .

Horum vero Haruspicum , Augurumque , & fulminum
Interpretum Faesulis clarissimam sedem , & domicilium
fuisse testatur idem Alexander ab Alexandro Genialium die-
rum Libro V. Cap. XIX. & aperte ostendit Silius Italicus
Libro VIII. v. 478. qui ait :

Adfuit & sacris interpres fulminis alis

FAESULA —

Fulmini alas tribuit Silius , non solum ad eius velocita-
tem , & impetum indicandum ; verum etiam quia Etrusci
tum Deorum imaginibus , tum rebus sacris alas tribuere
consuevere , veluti quaedam insignia , ut augustiores habe-
rentur . Aliud praeterea ex his verbis liquet , ut id obi-

L

ter

ter moneam scilicet **FAESVLAS** cum diphthongo scribendum esse, quod sane habent omnes Graeci auctores, & antiqui lapides, quos inferius adducam; & inde, ut observat Cluverius, ea prima syllaba a Silio producitur: quod nomen postea imperiti transcriptores in prima syllaba fecere simplici vocali *Fesulae*, ut in plerisque auctorum exemplaribus legitur.

Neque vero dum *Faefulas* extollo, in aliis quoque Etruriae Urbibus praeclaros Augures, & in fulminum ostentorum observatione scientissimos Haruspices haudquaquam extitisse contendo, quum hanc laudem universae Etruriae tribuant insignes auctores, ac diserte testentur vetusta marmora, praesertim vero celebre illud Pisarense, superius laudatum; sed id certum atque perspectum esse affirmo, *Faefulanos* in rerum naturae, fulminum, prodigiorum rerumque e caelo tactarum perscrutatione, denique in Haruspicinae disciplina facile principes prae cunctis Etruriae populis fuisse; qui scilicet, fulgura, seu fulmina diurna, quae *dia* dicebantur, ab Iove Fulgeratore, & Fulminatore, vel nocturna a Deo Summano iaculata peritissime interpretabantur; monstrabantque quid significarent, quid interesset, ex qua parte venissent, quum caelum, ut docet Cicero Lib. II. de Divinatione, in sexdecim partes Etrusci divisissent. Hinc Alcanius ubi laeva micare fulgur aspexit, contra Mazentium pugnavit, & vicit. Virg. AEn. Lib. IX. v. 630.

Sed quum detur haec venia antiquitati, ut, miscendo humana divinis, primordia urbium augustiora faciat, Livio auctore, *Faefularum* antiquissimos colonos Astronomiae quoque consultissimos fuisse coniecere facile possumus ex veteri fama, quae fert, ut ait Politianus, *Faefulas* [fortassis quod praecalto in monte constitutae sunt] ab Atlante conditas fuisse, non qualem Poetae fingunt, sed astronomo summo, siderumque spectatore insigni; quem Plinius astrologiae, & sphaerae inventorem fuisse tradit Libro VII. Cap. LVI. & Libro II. Cap. VIII.

Maxima vero omnium laudum quae huic Urbi tribui possit

fit ea est, quam praeterire silentio nefas esset, totius etiam Italiae salutem referri acceptam Faesulanis oportere; videlicet in quorum iugo, ut Politiano occinam, Radagafius olim Gothorum rex immanissimus, cum ducentis hominum millibus orbem terrarum vastantibus, divinitus conclusus, exceptus trucidatusque fuerit, quae clades a probatissimis scriptoribus Paulo Orosio Lib. VII. Cap. XXXVIII. a Paulo Diacono Lib. XIII. a Procopio Gothicarum rerum Lib. II. aliisque memorata est.

Antiquissima huiusce munitissimi mediterranei opidi memoria (ita enim a Ptolemaeo appellatur) exstabat, ut observat Cluverius Italiae antiquae Lib. II. Cap. II. pag. 509. apud Diodorum Lib. XX. in consulatu Q. Fabii Maximi Rulliani, & C. Marcii Rutillii Censorini, anno Urbis Romae CCCCLIII. sed nomen eius *Φαίσολαν* librarii corruerunt in *Κασόλαν* & quum *Κασόλα* urbs nulla umquam fuerit in Italia. Libet Diodori verba afferre, qui haec narrat de Q. Fabio Maximo: *Μετὰ δὲ ταῦτα περὶ τὴ καλυμένην Περυσίαν διωτὴρ μάχη τῶν Τυρρηνῶν κρατήσας, πολλὰς αἰελῶν, κατεπλέετο τὸ ἔθνος, πρῶτος Ρωμῶων μετὰ θανάτου ἐμβεβλήκει εἰς τὴν τότε. καὶ πρὸς μὲν Ἀθήναις καὶ Κορινθίαις, ἐπὶ δὲ Περυσίῃ, ἀνοχὰς ἐποίησεν. πόλιν δὲ τῶν ὀνομαζομένων Κασόλαν ἐκπολιορκήσας, σπυλιώγαυον τὴν Τυρρηνίαν λύσει τῶν τῷ Συτρίῳ πολιορκίας. Id est: Post haec altero ad Perusiam proelio Etruscis operatis, multisque caesis, gentem perterrefecit; primus Romanorum cum exercitu has oras ingressus: Et Arretinis quidem ac Cortonenfibus Perusinisque inducias concessit; Castulam vero urbem, dum expugnat, ad omittendam Sutrii obsidionem Etruscis adegit. Sed pro *Κασόλαν* legendumne sit *Κασόλας*, seu *Κασόλας*, quas illustrat idem Cluverius Libro II. pag. 683. & 638. hanc meam coniecturam expendant viri docti. Proxima hinc Faesularum memoria exstat apud Polybium Libro II. ubi res gestas refert anno Urbis Romae DXXVIII. L. AEmilio Papo, & C. Atilio Regulo consulibus; anno ante Christum natum CCXXV. Post hunc Livius Libro XXII. ubi de Hannibalis ex Gallia Togata per Apenninum in Etruriam transitu narrat: *Regio*, inquit, *erat in pri-**

mis Italiae fertilis, Etrusci campi, qui Faesulas inter Arretium-que iacent. Et statim: Quoquo pronior esset in vitia sua [Flaminii consul] agitare eum atque irritare Poenus parat. & Faesulis profectus; a laeva relicto hoste, Etruriae agros praedatum petens, quantum maximam vastitatem potest caedibus incendiisque consuli procul ostendit.

Postea Colonia Romanorum facta est; quam L. Sulla dictator, parta civili victoria, deduxit una cum aliis in Etruria, quae ferme tota contra eum venerat, & arma strenue sumserat: quas quidem Colonias non enumeravit Velieus Paterculus, praefatus Libro I, *quod caussae, & auctores, & ipsarum praefulgerent nomina*. Eas vero fuisse praeter Faesulas, in qua Sullanorum militum robur constitutum est, Arretium, Cortonam, & Volaterras indicavit doctissimus Sigonius de antiquo Iure Italiae Libro III. Cap. IIII. Accedit praeterea disertissimum Ciceronis testimonium in Oratione III. in Catilinam; cuius verba dum haec afferuntur, Faesularum ceterarumque in Etruria Coloniarum quanta fuerit opulencia, luxus, fastus, & in aedificiis magnificentia perspicue patebit. *Hi sunt, inquit, homines ex iis coloniis, quas Faesulis Sulla constituit: quas ego universas civium esse optimorum, & fortissimorum virorum sentio: sed tamen hi sunt coloni, qui se insperatis repentinisque pecuniis sumtuosius insolentiusque iactarunt. hi dum aedificant tanquam beati; dum praediis, lecticis, familiis magnis, conviviiis apparatus delectantur, in tantum aes aliquem inciderunt, ut, si salvi esse velint, Sulla ab iis inferis sit excitandus.* Etruscorum luxus caussas soli praestantiae, & regionis fertilitati tribuit Diodorus Siculus Libro V. ac fusius de eo Athenaeus Libro XII. quibus auctoribus Ciceronis locus illustrari potest. Neque enim exigua, sed summa fuit Faesulanae Coloniae potentia, & in armis praestantia, quae Romanarum legionum victrices aquilas non solum terrere, verum etiam evertere ausa sit. Nec tanta profecto sibi promississet L. Sergius Catilina, nefaria illa in patriam coniuratione, si fretus amicitia, opibus, viribusque Faesulanorum, summum in ea praesidium, sum-

sumumque in armis robur, in militibus fociis, ad quos confugerat strenuam, bellandi peritiam haudquaquam esse comperisset: neque in agro Faesulano castra contra Rempublicam in Etruriae faucibus, ut ait Cicero, collocasset. Belli faciundi princeps fuit Caius Manlius, qui dextrae, Faesulanus quidam, cuius nomen Sallustio scriptori nobilissimo excidit, sinistrae exercitus alae praefectus est. Catilina vero cum libertis & colonibus propter aquilam adstetit, quam bello Cimbrico Caius Marius in exercitu habuisse dicebatur. Urbis excidium molitus, ex omni copia, quam *et ipse adduxerat, et Manlius habuerat, duas legiones instituit*; ut ait Sallustius Belli Catilinarii Cap. LVI. *cohortes pro numero militum complerit: deinde, ut quisque voluntarius, aut ex fociis in castra venerat, aequaliter distribuerat, ac brevi spatio legiones numero hominum expleverat; cum initio non amplius duobus milibus habuisset. Sed ex omni copia circiter pars quarta erat militaribus armis instructa: ceteri, ut quemque casus armaverat, spuros, aut lanceas, alii praecutis sudes portabant. Quare Faesulanorum militum fortitudinem, & egregiam in pugnando virtutem eximio elogio ita commendat idem Sallustius ad finem belli Catilinarii. Sed confecto proelio, tum vero cerneret quanta audacia, quantaque animi vis fuisset in exercitu Catilinae: nam fere quem quisque virus pugnando locum ceperat, eum, amissa anima, corpore tegebat. pauci autem, quos medios cohors praetoria dissecerat, paullo diversius, sed omnes tamen adversis vulneribus conciderant. Et paullo post: Neque exercitus Populi Romani tam laetam, aut incruentam victoriam adeptus: nam stremissumus quisque, aut occiderat in proelio, aut graviter vulneratus discesserat. Multi autem qui de castris, visundi, aut spoliandi gratia, processerant, volventes hostilia cadavera, amicum alii, pars hospitem, aut cognatum reperiabant. Fuere item qui inimicos suos cognoscerent: ita varie per omnem exercitum laetitia, maeror, luctus atque gaudia agitabantur.*

Perpicuum igitur est quam illustis, ac praepotens fuerit haec Sullanorum militum Colonia, quam antiquitus permulta opera, & aedificia tum publica, tum privata,

exor-

exornasse credibile est. Nam Cicero etsi beatos praedicet colonos omnes a L. Sulla deductos in Etruriam, quod aedificiis, praediis, conviviis, lecticis, familiis magnis, omni-que luxu, ac deliciis delectarentur, eius tamen oratio tota in eo fuit ut Faesulanorum praesertim mores, fastum, opulentiam, luxum, & in conviviis, & in aedificiis ingentes sumtus fieri solitos exagitando, virium eorundem imbecillitatem, & exhaustum avitum robur Patribus conscriptis exponeret, ac declararet. Vincentius Borghinius, vir eruditissimus, differens de origine Faesulanae Urbis, memorat pag. 219. sua tempestate inventum in ea fuisse quoddam antiquum balineum, prope palatium Principum Mediceae Domus, infra Aedem D. Hieronymi, quod perpulchro, & operoso pavimento eleganter stratum erat; minime tamen constabat, nulla reperta inscriptione, a quonam dedicatum fuisset; verum statua in eo posita fuerat, & ex quadam tegula inter rudera reperta, sexto imperii Traiani Caesaris Augusti anno conditum fuisse perspectum est: Tegula figlinariae seu doleariae officinae hanc notam in intimo in orbe praeferebat, ut ex Schedis eiusdem Borghinii didici, quas vidi in Bibliotheca Strozia, & in exteriori orbe hae literae obsignatae legebantur:

OPP DIONYS DOMIT P F LVCIL

in interiore vero :

PAE E APR COS

Pactinus, & Apronianus qui haec nominantur, Consul-les fuere anno Urbis conditae 876. post Christum natum 123. qui in pluribus Figlinarum signis notati sunt paenes Fabreum Inscriptionum antiquarum Cap. VII. pag. 503. 509. 513. 516. 519. qui non pauca in his erudite observavit.

Nunc vero haec Urbs tam antiqua, & potens armis, praeter Episcopalis sedis, & Ecclesiae insigne decus, no-
men,

men, & dignitatem, quam divina aeternum victrix servavit Religio, quamque pastoralis sollicitudine, pietate, doctrina, morum candore, & integritate, omniumque virtutum exemplo illustrat ALOYSIUS MARIA STROZIVS eiusdem Urbis Episcopus, item praeter perpauca sacras Aedes, Episcopium, Seminarium, & exiguas casae, quae in ea conspiciuntur, pene nil aliud quam immania saxa, & rudera undique ostentat. Quare Claudii Rutilii Numantiani hos versus, quibus Populonium Etruscorum urbem opulentissimam descripsit, suo tempore pene dirutam, de hac quoque proferre mihi liceat, qui mirifice eidem quadrant.

*Agnosci nequeunt aevi monumenta prioris,
Grandia consumpsit moenia tempus edax.*

*Sola manent interceptis vestigia muris:
Ruderibus latis tecta sepulta iacent.*

*Non indignemur mortalia corpora solvi,
Cernimus exemplis oppida pone mori.*

Verum Plinianum illud monitum occurrit, qui Epistolarum Lib. VIII. haec Maximo scribit: *Recordare quid quaeque civitas fuerit; non ut despicias, quod esse deseris. & paullo superius: Reverere gloriam veterem, & hanc ipsam senectutem, quae in homine venerabilis, in Urbibus sacra est.* Quamvis enim tempus edax, & saeva bellorum vis praeclara quamplurima huius Urbis monumenta attriverit, ac perdidit, haec tamen, licet perpauca, quae haec afferuntur, non contemnenda omnino sunt; ex quibus, quod attinet ad erudite vetustatis elegantiam, discimus, qui nam proprii communisque Dii fuerint Faesulanis, quos privatos ludos celebrare consueverint, quae Collegia, quive Magistratus huic Coloniae praefuerint, quae celebres in ea fuerint Familiae, nempe *Manlia, Magilia, Centonia, Tacuvia, Terentia, Novicia, Tettia, Messia, Baebia, Avillia, Iunia, Crispina*, quam ingenuam, & generosissimam fuisse memorat Plinius Libro VII. Cap. XIII. his laudibus: *In actis temporum Divi Augusti invenitur, XII Consulatu eius, Lucioque Sylla collega (anno scilicet U. C. 749. & ante Christi*

sti

fli ortum sexto) a. d. IIII. Idus Aprilis , C. Crispinum Hilarum , ex ingenua plebe Faesulana , cum liberis novem (in quo numero duae filiae fuerunt) nepotibus XXVII , pronepotibus XXIX , abnepotibus IX , praelata pompa , cum omnibus his in Capitolio immolasse .

Ac primum quod attinet ad Deorum cultum , quos caeca invexit Ethnicorum superstitio , Faesulanorum peculiaris Dea , quam venerati sunt , fuit ANCHARIA , cuius diserte meminit allata ara . Huius Numinis imaginem seu vetustate , seu alio quovis casu collapsam privato sumtu restituit nobilis civis L. Magilius Paullinus Variscus , quum Triumviratus honore in eadem Colonia fungeretur. Eiusdem Anchariae Deae propriae , & localis Faesulanorum , quam celebre notumque omnibus sanum apud eos habuisse deprehendimus , expresse meminit Tertullianus Libro II. ad Nationes Cap. VIII. & in Apologetico Cap. XXIV. his verbis , quae paullo altius repetere libet : *Unicuique etiam provinciae & civitati suus Deus est , ut Syriae Atargatis , ut Arabiae Dufayes , ut Noricis Belenus , ut Africae Caelestis , ut Mauritaniae Reguli sui , Romanas (ut opinor) provincias edidi , nec tamen Romanos Deos earum , quia Romae non magis coluntur , quam qui per ipsam quoque Italiam municipali consecratione censentur , Casinensium Delventinus , Narniensium Visidianus , Faesulanorum ANCHARIA , Volsiniensium Nortia , Ocriculanorum Valentia , Sutrinorum Hostia , Faliscorum in honorem patris Curis , & accepit cognomen Iuno .* Librariorum incuria vexatissimum hunc Tertulliani locum ope , & auctoritate huius marmoris restituit antiquariorum lumen Reinesius , Classe I. n. XXIII. qui hanc Inscriptionem evulgavit : nam pro *Faesulanorum* , in codicibus perperam scriptum fuit *AEsculanorum* . Nonnulli , ut Rigaltius , legerunt *Aesculanorum* , aliqui *AEsculanorum* . Huiusce emendationis rationem affert Reinesius , quod Tertullianus Deos recenset a municipiis praefectim Etruriae adoptatos ; Aesculani autem , & AEsculani Latii . Etruriae vero Faesulani erant , ut supra vidimus. Adsimilem lapsum , memoratu dignum , observavit vir eruditissi-

ditissimus, priscorumque patriae monumentorum consultissimus Salvinus Salvinius, Canonicus Florentinus, in Historia Canoniorum Florentinae Ecclesiae, quam ut in lucem edat, in dies luculentius exornat; qui lapsus scriptorum oscitantia irrepsit in Acta Concilii Oecumenici Florentini; in quo inter Patres conscriptos legitur *Bernotius Episcopus Esculanus*; cuius profecto Episcopi nulla fit mentio in Tabulis Ecclesiae Asculanae, seu ut aliqui dicunt Esculanae: pro quo reponendus est *Bernotius Episcopus Faesulanus*, seu ut plures perperam scripsere *Fesulanus*, e nobilissima Federighiorum Familia Florentina ortus, qui revera Concilio Florentino, ut in autographo est, subscripsit: qua quidem Actuum restitutione difficultatum omnium ambages e medio tolluntur, in quas incidit R. P. Julius Ambrosius Lucentius Abbas Cisterciensis, in Compendio Italiae Sacrae ab Cl. V. Ferdinando Ughellio illustratae pag. 364. in quo Asculanorum in Piceno Episcoporum seriem producit.

Sed ut redeam ad Anchariam Faesulanorum Deam, sacris municipalibus cultam, hoc nomine eam appellatam, putat praestantissimus Turnebus *Adversariorum* Lib. XVII. Cap. 23. quod furorem erroremque immitteret in eos, quos suo numine afflaret; eaque de causa eius cultores, ac ministri *Ancharii*, seu *Ancarii* vocarentur; quasi furiosi, & immisso ab ea errore perciti: quemadmodum, ut ipse notat, in antiquo Lexico *Bellonarius* vocatur Bellonae furore correptus; nam ut de furioso loqui videtur Lucilius, qui ita apud Nonium scribit:

Haec eadem rudet e rostris atque eiulabit;

Concurrans velut ancarius, clareque quiritans.

Quod si a verbo Graeco *ἄγχω* Anchariae Deae nomen aliquis deducat, quod significat *strangulare*, iam priscum hoc Numen ultionem, & poenam praeferebat appellatione sua: fortassis indicans Nemefin, sive Adrasteam, quae libro primo de Nuptiis Philologiae describitur a Martiano Capella, maleficiis, vel improbis ac noxiis hominibus, nimiaque felicitate elatis adversa: quam veteres putarunt

M

poe-

poenam delinquentibus infligere, nec mala ab iis averruncare. Consule Gyraldum de Diis Gentium Syntagmate XVI. n. 50. Verum coniecturam propono, nihil statuo; libera omnibus iudicandi, ac differendi facultas esto. Ab hac Faesulanorum Dea, ut auguror, nomen habuit *Ancharia* mater Octaviae sororis Caesaris Augusti, de qua Plutarchus in Antonii vita. Ceterum & multis viris inditum *Ancharii* cognomen quilibet observabit, qui tantum habeat otii ut vetusta marmora percurrere velit legendo. Forte fortuna mihi occurrit P. Iubentius Ancharius Duumvir Municipii Cumani apud Reinesium Cl. I. n. 296.

Reliquum nunc esset ut aliqua de L. Magilio heic subtererem, cuius nomen nullibi praeterquam in hoc saxo memoratum invenio. Perspicue tamen ex eo deprehendimus, mortuo Sulla, unum ex Triumviris fuisse rursus deducendae Coloniae Faesulanorum; nam Triumviri ad id munus creabantur. Ita in Patavino marmore penes Gruterum, CCCCXXXIII. 8. L. Manilius Acidinus Triumvir Aquileiae Coloniae deducendae creatus est. In Putolano edito a Reinesio Cl. VI. n. 22. T. Catinius Titius Severus AEdilis & Triumvir in Colonia Auximate fuisse legitur; ni tamen heic, & in ara superius edita Anchariae sacra, pro III. VIR. legendum sit IIII. VIR. quod valde suspicor, multarumque inscriptionum auctoritate, & testimonio probare possum. A. Antonius Pelagianus Quatuorviratus honore exornatus fuit, cura, & patrocinio Reip. Petilinarum, ut observavi apud Fabretum Inscr. Ant. Cap. III. n. 1. L. Suetonius Priscus IIII Vir iure dicundo, & patronus Municipii fuisse dicitur Cap. V. n. 263. At Cap. VI. n. 93. M. Menconius Leo Patronus Municipii, & IIII Vir Lege Cornelia nobis proponitur, de qua consule eundem Fabretum pag. 485. & inscriptionem ibi n. 159. ex qua intelligimus plures quam quatuor viros in lapide numerari, licet IIII Viri appellentur. Sed in marmore Interamnate Cap. IX. n. 160. licet IIII Viri appellentur, duo tamen viri T. Albius Panfa Caii Filius, & T. Albius Titi Filius recensentur.

tenentur. In eodem quoque Cap. XI. n. 113. C. Cavarus Apulus IIII Vir Iure dicundo, Pontifex & Patronus Municipii nuncupatur. Alia huiusmodi exempla habes apud eundem Fabretum in superscripto Capite IX. n. 210. 260. 515. & 516. Neque omnino improbabile est L. Magilium Patronum fuisse Faesulanae Coloniae, rursus post Sullam deductae; nam & Capua Sullae Colonia, sexies deducta est, praeter illas a Rullo, rursusque ab Antonio tentatas *Arvinas*, uti erudite ostendit vir disertissimus Alexius Symmachus Mazochius Cap. I. de Campana Colonia.

Illud praeterea perspicue haec ara ostendit Romanos cives, Faesulas deductos, Anchariam propriam eius municipii Deam coluisse, sacrisque municipalibus operatos esse, non tamen desertis Romani victoris gentium populi sacris publicis, ludis, festisque diebus; contra Sigonii sententiam Lib. I. de antiquo Iure Italiae Cap. IV. quam refellit Norisius in Cenotaphia Pisana Dissert. I. Cap. V. Marmor, quod huic proxime subiicimus, docet Romanorum Numinum cultum in hanc militarem Coloniam delatum fuisse, institutumque Collegium omnium Fabrum, quod Romae summo in honore erat.

Locus ad ponendum Anchariae Deae signum, a L. Magilio Paullino Varisco proprio sumtu restitutum, datus fuit decreto Decurionum, idest Senatorum Faesulanorum. Decurionum in Municipiis, & Coloniis maximus erat magistratus; quorum singulis, teste Plinio Lib. I. Epist. 19. ut eam dignitatem consequerentur, centum milia numum census esse debebat. Ad eos quoque cura tribuendorum religiosorum locorum spectabat; quae in Curia convenientes decernebant adsignabantque. Quamvis id perspicuum sit, haud tamen inutile, & iniucundum erit ut praelaudati Plinii Secundi clarissimo testimonio illustretur, qui Traiano Augusto haec scribit Lib. X Epistolarum. *Cum deus pater tuus, Domine, & oratione pulcherrima, & honestissimo exemplo, omnes civis ad munificentiam esset cohortatus, petii ab eo ut*

*Statuas principum, quas in longinquis agris, per plures successiones traditas mihi, quales acceperam, custodiebam, permisteret in municipium transferre, adiecta sua statua, quodque ille mihi cum plenissimo testimonio indulserat, ego statim Decurionibus scripseram, ut adsignarent solum in quo templum pecunia mea extruerem: illi bonore operis ipsius electionem loci mihi obtulerunt. Pliniana Villa, eiusque agri, qui Tusci appellabantur, fuere prope Tiberis ripam, supra Tifernum opidum; quem locum cum doctis viris Cluverius Ital. ant. Lib. II. Cap. III. pag. 390. censet fuisse Etruriae opidum, nunc Episcopalem Civitatem, vulgari appellatione *Borgo San Sepolcro*; de qua infra dicam cum veteres inscriptiones afferam, quae in ea reperiuntur.*

Pro corollario huiusce lucubrationis, nam ad clepsydram non scribimus, non abs re erit adiciere non consuevisse veteres Deorum templa vel signa reficere, ac restituere, vel in melius, & in maius mutare, neque ex aliquo loco in alium transferre, absque Haruspicum monitu, qui victimarum exta introspectantes, per ea monebant quid futurum faciendumve esset. Idem factum puto & in restitutione signi Anchariae Deae Faesulanorum, cuius consuetudinis testem alium non spondeo nisi ipsum Plinium, qui Cereris aedem refecturus in suis praediis, quae nuper laudavimus, haec scribit Mustio Architecto ad finem Libri IX Epistolarum. *Haruspicum monitu reficienda est mihi aedes Cereris in praediis, in melius & in maius. Vetus sane & angusta, cum sit alioqui statodie frequentissima. Nam laibus Septembribus magnus e regione tota coit populus, multae res aguntur, multa vota suscipiuntur, multa redduntur: sed nullum in proximo suffugium aut imbris, aut solis. Videor ergo munifice simul, religiosoque facturus, si aedi quam pulcherrimam exstruxero, addidero porticus, illam ad usum Deae, has ad hominum. Velim ergo ut emas quatuor marmoreas columnas, cuius tibi videbitur generis: emas marmora, quibus solum, quibus parietes excolantur. Erit etiam vel faciendum, vel emendandum ipsius Deae signum, quia antiquum illud e ligno quibusdam fuparibus vetustate truncatum est. Alia quae Plinius mandat Architecto suo vide; haec, allato integro textu, sine piaculo mini-*

minime praetermitti poterant, in quibus ad antiquitatis monumenta illustranda multa notatu digna sunt; quamvis sciam non defuturum aliquem sciolum, qui me, ut vulgus ait, Faesulana cavarum penetrasse effutiet.

Inventum in ruinis Faesularum.

2

M A V O R T I

M. CENTONIUS. SEX. F. POL. ANI QVO

IIII VIR. AVGVST. IIIII. VIR

QVINQVEN. COLLEG. OMNI::::

F A B R V M

PROC. PECVN. PVBL::::

OB. MERITA. EIVS::::

Q. PACVIVS. Q. F. POL. VIRIVS

CALVINVS. IIIII. VIR. AVG::::

II VIR. QVINQVENN::::

A V G V R



SIGNVM. AIRE. DEDERONT

PON. N. LXXV

Ex Schedis Mantuanis Biblioth. Vatic. exscripta Cl. Dominus in Collectaneis.

2. Quantum lucis, & utilitatis afferant vetera monumenta ad Scriptorum loca illustranda, & ad Municipiorum Coloniarumque ritus & consuetudines observandas, non heri aut hodie apud omnes pervulgatum est. Neque enim aliunde scire potuissemus Faesulis celebre fuisse Anchariae Deae fanum, itemque Martis templum stulta veterum Ethnicorum superstitione dedicatum, si horum marmorum luce destituti fuissetmus; quae quidem iamdiu
omni-

omnino intercidissent , ni doctissimi viri , ac de antiquitate optime meriti Aldus Manutius , & Lucas Holstenius sua tempestate descripsissent , & ab interitu vindicassent . Igitur in Martis templo apud Faefulanos signum aeneum statuerunt M. Centonius Autiquus , & Q. Pacuvius Virius Calvinus , qui in Tribu Pollia , quae ex rusticis fuit , in qua ingenui tantum conscripti , censi fuere . Horum virorum gestos magistratus , honores , & sacerdotium paullo infra breviter exponam . Nunc vero illud primum animadvertendum est cur M. Centonius , & Q. Pacuvius in Tribu Pollia descripti sint , quum tamen ex militaribus faxis , quae subiicio , constet Faefulanos cum Florentinis in eadem Tribu Scaptia suffragia tulisse . Arula sive Cippulus , qui primus heic affertur , Romae exstare dicitur in aedibus Desiderii Mangonii in Campo Martio , quem edidit Gruterus DXXV. 4. verum nonnullis mendis depravatum ; alter vero producitur DXXXIII. 5. Moguntiae ab Apiano descriptus ; quos accuratius exceptos vidi in Borghinii schedis , quamvis paullo aliter ediderit in suis Dissertationibus pag. 217. & 289.



Sed

Sed Faefulas , quum deducti sunt coloni ab Augusto ; ex Tribu *Tollia* in *Scaptiam* transisse facile hinc coniecere possumus . Ita quoque , ut simili utar exemplo , Hortae Colonia militaris , ab Augusto deducta , & in Tribu *Quirina* descripta , ad *Arniensem* Tribum , sive *Arnensem* antea pertinuit ; quod auctoritate veterum lapidum , qui Hortae reperti sunt , nec aliunde in eam translati , diserte ostendit numquam satis laudatus Clarissimus Praeful Iustus Fontaninus de Antiquitatibus Hortae Libro I. Cap. II. & Cap. IX. Sed in Florentina insigni Tabula , quam locupletissimo commentario illustrare in votis habeo , differens de Natali die Principum , edita in Prima Parte pag. 316. n. 64. quum legam Duumviros , diversa Tribu censos , Coloniae Florentinae iure dicundo praefuisse ; nam Cn. Acccius Rufus in Tribu *Arniensi* descriptus est , & T. Petillius in *Quirina* ; non levi coniectura hinc assequor nobiles cives , qui Augusti imperio in Coloniis ab eo deductis magistratum gesserunt , Tribuum Coloniarum suarum , in quibus primitus descripti fuerant , nomen praeferre maluisse ; quod accuratius alibi Deo favente expendam . In sequenti Cippulo militari , ex lapide Tiburtino , Romae reperto iuxta B. Mariae de Anima , ex Schedis Manutianis Bibliothecae Vaticanae descripto a Viro Clariss. Iohanne Baptista Donio , legimus P. Iunium Arvufum , militem Legionis undecimae Claudiae , Piae , Felicis , patria Faefulis (licet ut in praeclaudato lapide Gruteriano pag. DXXV. 4. mendose scriptum sit FERSVLIS pro FAESVLIS) ex Tribu POPILIA fuisse , ni tamen & hic mendum cubet , & pro POPILIA , scriptum sit in lapide POLLIA . His Faefulanis militibus alius addendus erat , si temporum iniuria eius nomen haud intercidisset in Florentino Militum Cohortium Praetorianarum laterculo , quod supra in Parte I. allatum est pag. 132. in quo hae tantum literae in extrema ora supersunt :: AESVL FISC ; idest ; FAESVLIS FISci Curator ; qui Fiscli curam egit , & cum aliis Municipiorum , & Coloniarum militibus descriptus fuit secundo , & tertio L. Septimii Severi Imperatoris Augusti consulatu .

P. IV.

P. IVNIUS. P. F. PVBLILIA
 ARVVSIVS
 FERSVLIS. MIL
 CENTVR. FABRICI
 LEX. XI. CLAVD. P. F.
 MILITAVIT. ANNIS. IX
 VIX. ANN. XLIX
 M. IIII. D. XI
 H . S . E
 IN FR. P. IIII. IN. AGR. P. IIX

Igitur ut ad honores veniam qui in lapide recensentur ,
 M. Centonius in Faesulana Colonia fuit Sevir Augustalis ,
 item Sevir Quinquennalis Collegii omnium Fabrùm , Pro-
 curator pecuniae publicae . Q. vero Pacuvius Sevir Augu-
 stalis fuit , Duumvir Quinquennalis , & Augur ; qui Martis
 signum ex aere dedicarunt , PON . N . LXXV , forte *pondo*
librarum numero septuaginta quinque . Solet enim in votivis
 tabulis frequenter enunciari cuius ponderis aurea sive ar-
 gentea aereave signa Diis donata fuerint . Singulos honores,
 quibus hi praestantes viri functi sunt , non moror , quum
 non pauca superius disseruerim . Ad Quinquennales venio ,
 qui in Colonia , ut observat Norisius in Cenotaphia Pisana
 Dissertatione I. Cap. V. iidem ac Romae Censores fuere ,
 qui singulis lustris creabantur . Binos creari solitos in sin-
 gulis civitatibus colligit ex Ciceronis Verrina quarta , & ex
 antiquo marmore Gruteriani Thesauri DCLXVI. itemque
 a Pontificibus distinctos ex alia inscriptione CCCCLXXIX.
 8. Verum non semper hunc numerum observatum fuisse
 colligo ex pluribus Inscriptionibus , quae a Reinesio affer-
 rentur : nam praeter Duumviros Quinquennales , recen-
 sentur

sentur etiam Triumviri Quinquennales in ara Afulana. Veneri Caelesti sacra, Classe I. n. 287. item Quatuorviri Quinquennales in Ostiensis Tabula Cl. I. n. 33. ac demum Sexviri Quinquennales, ut in ara Genio Municipii Hispelli dicata Classe I. p. 297. Hi in quinquennialitate sua ludos edere solebant, quod a L. Cornelio factum docet Tabula Surrentina apud Sponium in Miscell. pag. 108. 6. Sacrorum, & Ludorum curam Quinquennales egisse ostendit Reinesius ad 63. Classis VI. Illud praeterea notandum est Quinquennales non tantum in Municipiis, & Coloniis fuisse, verum etiam in Collegiis. Nam in allato Faesulano lapide M. Centonius Sevir Quinquennalis fuit Collegii omnium Fabrum, at Q. Pacuvius Duumvir Quinquennalis fuit & Augur Coloniae Faesulanae. Hanc diversitatem virorum qui Quinquennalicia potestate fungebantur vel in Coloniis, vel in Collegiis, observavi in pluribus inscriptionibus a Reinesio, relatis Classe I. n. 255. 283. & ibidem n. 167. A. Tuccius Quinquennalis iterum fuisse dicitur Collegii Tibicinum Romanorum. Apud Gruterum. CCCLVIII. 1. laudatur L. Antonius Peculiaris Sevir Augustalis Quinquennalis Collegii Fabrum Ostiensium, Lustrari XXV. nam ad quinquennium eo munere fungebantur. Qui ceteris Quinquennialibus praecir; & Collegii instituta ordinabat Magister Quinquennalis Collegii dicebatur, qualis fuit L. Aquilius Modestus apud Ostienses, ut in Gruteriana CCCLX. 2. Alia huiusmodi exempla, ne lectorum aures onerem, habentur apud Reinesium Cl. VI. 35. apud Fabrettum Cap. V. n. 303. 308. 322. 323. 344. Fabrorum Collegia in Coloniis, ac Municipiis qua de causa essent instituta docet Plinius Libro X, in Epistola ad Traianum Augustum; in qua, ob incendium vastissimum Nicomediae factum, constituendum esse monet Collegium Fabrorum in ea urbe, his verbis, quae subdit: *Alioqui nullus usquam in publico fipbo, nulla bama, nullum denique instrumentum ad incendia comescenda, & haec quidem, ut iam praecepi, parabantur. Tu domine dispice* N
Fabro-

Fabrorum, dumtaxat hominum CL. ego attendam ne quis, nisi Faber, recipiatur; neve iure concesso in aliud utatur: nec erit difficile custodire tam paucos. Ceterum quum ex allato marmore constet Faefulis constitutum fuisse Collegium omnium Fabrum, praeter eos qui ferrum, & aes in varios usus, ac praesertim arcendorum incendiorum causa arte disponere poterant, puto in eo etiam cooptatos fuisse Fabros Argentarios, Flaturarios, Sigillarios, Tignuarios, Materianos, Balneatores, Centonarios, Dendrophoros, aliosque, qui in Scaligeriano Indice Cap. IX. penes Gruterum recensentur. Haec vero Collegia nonnisi ex Senatus consulto, vel Caesaris auctoritate institui poterant, ne in factionem eo praetextu coirent, uti auctores sunt veteres Jurisconsulti Martianus & Callistratus de Iure immunitatis.

M. Centonius Procurator pecuniae publicae Faesulano- rum fuit; cuius officii aliud exemplum depromit Fabrettus Cap. X. n. 28. in Nonio Tettio Rufo ex Galeria Tribu, qui Curator fuit pecuniae publicae, cui Cultores Iovis aram & statuam posuere; quare hinc deducitur quanto in honore fuerint huius generis viri, qui aes publicum curabant, administrabant redditus, & obventiones ex iis colligebant, & publicis necessitatibus impendebant.

Quod attinet ad Q. Pacuvium ex ea gente ortum, quam M. Pacuvius Poeta Tragicus, aliique clarissimi viri nobilitarunt, inter quos Marcus, & Quinctus Pacuvii fratres, qui in M. AEmilium Scaurum subscripserunt, defendente illum Cicerone, ut auctor est Asconius Pedianus; hic praeter Seviratus Augustalitatem, & Duumviratus Quinquennalitatem, qua functus est in Faesulana Colonia, Augur quoque in eadem fuit; cuius dignitatis insigne decus quum Plinius Caecilius Secundus a Traiano Imperatore consecutus esset, his verbis extollit, quae adnotavi in Epistol. 8. Lib. IV. ad Arrianum. Gratularis mihi, quod acceperim auguratum; iure gratularis: primum quod gravissimi principis iudicium in minoribus etiam rebus consequi pulchrum est: deinde quod sacerdotium ipsum cum primum & religiosum, tum hoc quoque sacrum plane, & insigne est;
quod

quod non adimitur viventi. Nam cetera, quamquam dignitate prope-
modum paria, ut tribuuntur, sic auferuntur; in hoc fortunae licet,
ut dari possit. De Augurum dignitate, auctoritate, atque am-
plitudine dixi paullo superius: de eorundem numero, habi-
tu, & de auspiciorum differentia qui plura cupit consulat
doctissimos viros Norisium in Cenotaphia Pisana Disertatione
II. Cap. VII. Antonium Clarum Sylviu in Commenta-
riis ad Leges tum Regias, tum XII. Tabularum Cap. I. Non
enim ingenui animi est aliorum scrinia expilare, & quae ab
aliis labore observata sunt pro suis recudere, ac venditare.

Privatus quisque, ut sacrificia domestica rite perageret,
suos privatos augures, & interpretes consulebat: qui ta-
men minoris erant dignitatis, nec Sacerdotio insigniti; e-
quorum numero quilibet ex infima plebe esse poterat, non
vero augur publicus, qui ingenuo sanguine natus esse debe-
bat. Vide veterem Titulum editum in Parte I. Inscriptio-
num Etruriae Urbium pag. 122. n. 3. Caesares habuisse
suos Libertos augures observavi in antiquo lapide penes Fa-
bretum Cap. X. n. 423. in quo M. Aurelii Imperatoris au-
gur fuisse dicitur M. Aurelius Satorius. Privatos Interpretes
qui haruspicinam exercebant in Domo Augusta observavit
ingenio, & eruditione praestantissimus Cuperus pag. 273.
in Explicationibus veterum monumentorum.

Publici Augures in Coloniae lege Triumvirali constituti,
ex decreto Decurionum creabantur, uti Gruteriana Tabu-
la testatur CLXXII. 1. Praeterea erant & in Collegiis Au-
gures, qui, ut sacrificia Deorum rite ac solemniter fierent,
auspicia praemittebant. An vero Q. Pacuvius in Faesulana
Colonia fuerit Augur publicus, vel Collegii omnium Fa-
brum, quod facilius crederem, alii expendant. Illud igi-
tur certo constat ex allato inscripto marmore, Martis Tem-
plum Faesulis fuisse, in quo signum eiusdem ex aere con-
flatum praestantes cives M. Centonius, & Q. Pacuvius suis
impensis dicarunt. Sed an hoc Templum Martis publicum
fuerit, seu proprium, ac peculiare Collegii omnium Fa-
brum (nam Collegia Templum habuisse, & privata Sacra

suorum Numinum, in quorum tutelam se se receperant, supra diximus ad Florentinum marmor Herculi Somniali dicatum in Parte I. pag. 292.) plane mihi incompertum esse fateor. Memoriae proditum est Florentinos quoque, Faesulanis fere ad tria milia passuum proximos, praeter Nortiam Deam, cuius meminit vetustum marmor Florentiae antiquitus erutum in fundamentis Aedis D. Reparatae, quod inter Florentina edidi pag. 329. n. 85. Romanorum exemplo, Martem quoque coluisse; cuius celeberrimum fuit Florentiae Templum, & simulacrum, quae ostendunt veteres Florentinae Historiae Scriptores, testanturque illud idem Templum esse quod nunc cernitur, revera splendidum, & magnificum, D. Iohanni Baptistae Florentinorum Patrono dicatum: sed an id verum sit, seu a maioribus nostris primitus pro sacro Baptisterio dicatum atque constructum fuerit, alibi, faciente Deo, erit optatus dicendi locus.

Spurium lapidem heic proferre in animo mihi est, nulla nota insignem, nisi quod in adulationem nobilissimae Altovitarum Florentinae Familiae a clarissimo auctore producit, nempe ab Aenea Sylvio in Libro I. Comment. qui prope Faesulas inventus dicitur in MS. Bibliothecae Stroziae.

FVRIVS. CAMILLVS. ALT
OVITA. MAGNI. FVRII
CAMILLI. PRONEP. QVOD
ME. AVITA. VIRTVS E BE
NEMERITA IN. PATRIAM. RO
Q. POP. ILLVSTRABANT. CIVI
VM. INVIDIA. AETRVRIAE. PO
PVLOS. IN. EXILIVM. PVLSVS
DVM. AD. EMPL. MARTIS. VOTO. ME
OB. RECUPERATAM. VALETVD
CONTVLISSEM. APVD NO
VAM. INFELIX. COLONIAM
PROPE FESVLAS. OCCVBVI
RELICTIS. VII. LIBERIS
VALE. SOBOLES. PIENISSIMA
O Q V A M F A V S T V M
FELIX. Q. FATVM POSTERIS


Quam




Quam mire ineptum, & ridiculum puri putique figmenti exemplum ! Certe impudentissimum aliquem impostorem [nam his semper aliqui perditae credunt] maxime redolet. Neque alium nisi huius generis auctorem agnoscere possumus in sequentibus inscriptionibus, quas nuper vidi in Villa spectabilis Viri Iohannis Petri de Paulis, prope Pontem Rifredium, a quo tria circiter milia passuum Faesulae distant. Mecum ipse diu animo haesitavi ederem nec ne; quum probe sciam fictos lapides sinceris monumentis vel officere, vel eorumdem messem, veluti lolium & stirpes faciunt inter laetas segetes, non parum inquinare: producendas tamen censui, Gruteri exemplo, eaque ratione, quod supposititiis inscriptionibus animadversis, facilius quae sincere notae sunt dignoscantur. Igitur ita se se habent.



In praelongo nitidissimo marmore, utrinque emblematico opere sculpto, cum hoc titulo in medio.



In alio simili.



Neque in his pauca sunt *notae* indicia; genus marmoris, uti in primo, subcaerulei & variegati s. nimis affecta-

ta

ta literarum elegantia ; ductuum vel parum vel nimis profunde caelatorum inaequalitas, & inconstantia ; duo simul puncta sculpta , quod rarissimum , imo inusitatum in Romanis inscriptionibus , quamvis in Etruscis non solum unum, sed etiam duo puncta unum super alio sculpta conspiciantur. Praeterea haec vox INFOELICISSIMA imperitissime scripta cum diphthongo OE, quod plures & hodie faciunt , qui nec Romanos lapides legerunt , neque an usquam gentium reperiantur didicerunt . In ea tamen Villa praeter aliqua veterum anaglyphorum fragmenta sincerum sepulchrale Cippulum observavi , Diis Manibus Hostiliae Zoes a coniuge dedicatum, quem paullo superius pag. 45. n. 53. alicubi in Agro Pisano exstare credebam . Ab eo iam edito in hoc tantum differt , quod post pectinem , & speculum ornatoria muliebria instrumenta , non guttulus , sive ampulla unguentaria sculpta est , sed , ut puto , discerniculum , seu calamistrum ad crispandos vibrandosque crines , nam utriusque instrumenti figuram referre videtur . Alter vero Cippulus , omnino huic similis , supra relatus pag. 45. n. 54. ibidem non exstat .

Mira quaedam , sed eiusdem generis supposititia de Faesulanis confixit ; veterumque scriptorum nulla auctoritate firmata in lucem edidit Petrus Leo Casella Cap. II. de primis Italiae Colonis , & Tuscorum origine , editionis Lugdunensis , anno MDCVI. quae ea de causa heic tango , ut omnes reiicienda esse censeant . Ait enim , de origine Faesulanorum disserens , quosdam viros , improbata Fescenninorum lascivia , & procaci locutione , occasionem hinc arripuisse , ut ab ipsis deficientes , melioribus auspiciis Faesulas castiores conderent ; ubi pro Fescennino , quod reiecerant , seculare Carmen instituere in honorem Dianae , cuius tutelae se se manciparunt ; quod pueri integri ingenuaeque puellae alternatim in honorem Dianae decantare consueverunt . Ad hunc cultum , & hoc amplius , ut ipse ait , ad sacras caerimonias peragendas servandasque valde conferebat Faesularum situs , virentes montes , nemora , fontes , fluvius , quem

quem Munionem, lacus quem Album appellant; quibus *montium custos, nemorumque Virgo* Diana summo opere delectatur. Lestissimos illos pueros virginesque puellas in quodam Collegium cooptatas commentus est; in quo seculare Carmen, quod statim tempore canere debebant, edicerent. Praetereo alia quamplura putidissimo atramento scripta; ac fortassis ea quae attulimus silentii tenebris potius damnanda erant, quam expromenda: verum ne quis commentitio scriptori credat, ea hoc loci indicanda censuimus.

Neque vero inficias ibo Faesulanos Dianae cultores esse potuisse; nam & alios Deos coluisse probabile est, nondum allata Evangelii luce a D. ROMULO, primo Faesularum Episcopo, a D. PETRO misso, qui eas fide, & sanguine suo consecravit: verum Dianae cultum nulli scriptorum vel veterum monumentorum, quae ad aetatem nostram venerint, auctoritate probare possumus. AENEUM donarium paucis ab hinc annis vidi apud D. Henricum Comitem Vatzdorfium, apud Italiae Principes Ministrum, quum Florentiae moraretur, quod duo capita arietina referebat, insertis argenteis oculis exornata; Mercurio, ut auguror, cui aries sacer est, fortasse in eius Templo Faesulis dicatum: nam ibidem a quodam rustico in vineis effodiendis, cum aliis hinc inde collectis tum argenteis tum aereis numis inventum constabat. Aliud ex chalcedonio perparvum donarium Faesulanorum servat Vir pereximius Benedictus Brescianus, Palatinae Bibliothecae Magni Ducis Etruriae post celeberrimum Antonium Magliabechium Praefectus, in quo, ut puto, Nymphae caelatae sunt. Non pauca item numismata, & sacrificiorum instrumenta ex aere Faesulis reperta in suis praediis mihi ostendit Dominicus Lerus Civis Florentinus.

Sed ut perditam operam in referendis Petri Leonis Caesellae nugis compensem, eximium & vetustissimum proferam anaglyphum, imperita tamen, ac rudi manu exsculptum in Faesulano lapide arenario, qui a nobis dicitur *pietra serena*, quo Faesulae abundant, ibidem inventum

an-

anno MDCCXXII. quod olim exstabat in Villa Nobb. de Baldefis; e qua postea dono sibi datum Florentiam in-
avit. Aedes transtulit vir illustrandae atque amplifican-
dae antiquitatis studio natus Philippus Senator Bonarrotius;
qui etiam ut de eo disliceret multa notatu digna veterum
scriptorum loca in suis Adversariis observavit, quae inferi-
us ostendam. Altitudine; adiectis sex unciiis, Romanos pe-
des tres aequat; latitudine vero pedem unum, & uncias
quinque; crassitie; quum sit fractum, uncias novem.



Hunc lapidem, antiquitus quadrata forma excisum,
unum ex antepagmentis, seu parastatis alicuius Aedis Fae-
sulanorum, fortassis Baccho sacrae, fuisse coniicimus; quae
aereis anulis; seu laminis per parietes adfixae fuere; nam
hic

hic profundo item foramine laeva antica parte terebratus conspicitur supra caput viri..

In eo igitur cernitur vir nudus personatus, calvitio, barba, passis capillis, super humeros defluentibus, ludibundo corporis motu ac gestu ad risum excitandum mirifice conformatus: nam retrorsum collapsus terram natibus percussit, atque haec agens lyrae fidibus canit. Pone hunc ludentem positus est uter inflatus, vino plenus, superne religatus. Lapis inferius Tuscanicum stylobatam imitatur; superne vero hinc inde, ornatus gratia, additae sunt columnae ordinis Ionici, cum epythilio, astragulis, & cymatiis; quasi theatrum referant in quo hic ludus spectatoribus dabatur: quem tamen Virgilius, in rem meam paulo infra adducendus, in ollibus pratis edere consuevisse affirmat, ne scilicet cadentes laederentur, ut notat Servius. In laevo capite eminent Etrusco diagrammate caelata ornamenta quaedam, quibus admodum similia sunt quae observavi Florentiae in Aedibus amplissimi Senatoris Ferrantis Capponii in quodam perpulchro spectandae molis antiquo fragmento ex marmore porphyretico, quod praestanti artificis manu sculptum exhibet leonem horrentibus iubis, & rictu frementem; quibus parergis, quoque opere valde delectatos esse veteres Etruscos observatum est.

Auspice igitur hoc insigni monumento, quod non Faesulanorum tantum, verum etiam Graecorum certamina, festa, ac celebres ludos mirifice illustrat, Faesulanos antiquitus Liberi patris cultores fuisse, & eius sacra statuto tempore his ludis celebrasse, quovis pignore certaturus, adfirmo. Nam praeterquamquod id clare testatur quidam locus prope Faesulas, qui ad haec usque tempora appellatur *la Torre di Baccano*, ex quo Bacchanaliorum festorum celebritas facile argui potest. In hoc vero anaglypho vetus saltatio super utres oleo unctos, seu lixivis, ut ait Servius, ac vino plenos exhibetur in honorem eiusdem Numinis, quod vinum invenisse veteres finxere. In hoc ludo victores ii censebantur, qui ita se dextere gerebant, ut uno pede calca-

to utre, lubricitatem ipsam eluderent, & humi haudquam caderent; qui, victoriae praemium, utrem ipsum vino plenum ferebant: qui vero, id quod accidere frequentius solebat, cadentes (quod signato verbo dicebatur *cernuare*) terram natibus percutiebant, non sine magna voluptate spectatoribus risum movebant. Hos ludos atque haec certamina Athenienses instituere, quae ἀσφάλια appellarunt; in quibus, ut diximus, utres ex caprinis pellibus confecti atque inflati, ac vino pleni saltibus calcabantur in caprorum contemptum, qui vitibus adeo infecti esse creduntur, teste Phormuto de Natura Deorum, de Baccho Cap. XXX. & de Hirco. De his ludis ita Virgilius Georg. Libro 11. v. 380.

*Non aliam ob culpam Baccho caper omnibus aris
Cacidiur, & veteres ineunt proscenia ludi:
Praemiaque ingentis pagos & compita circum
Theſidae posuere, atque inter pocula laeti
Mollibus in pratis unctos saliere per utres.*

Veteres auctores, qui hunc Graecorum ludum celebrant, clarissimi sunt, videlicet Plato in Convivio; ubi Aristophanes Amoris originem lepidissime exponit, Iulius Pollux Libro II. Cap. XIV. & Libro IX. Cap. VII. Eustathius ad Odysseam Libro κ. v. 19. Hesychius, Etymologici magni auctor, Aristophanis Scholiaſtes in Plautum, cuius verba affert Suidas in voce ἀσάλια, a quibus Eubulus Poeta Comicus citatur, qui ita ait:

— ἢ πρὸς γε τοῖς ἀσάλιας αἰς μέσσην
Καταβήντες, ἐνάλιας, ἢ παγχάζετε
Ἐπὶ τοῖς καταβήσιν, ἀπὸ κελύφματος.

hoc est: — & praeterea utribus in medio positis
Super eos saltate, & ridete
Eos qui in terram decidunt, dato plausu.

Titulus Comoediae Eubuli ἀμαλία fuisse dicitur a Suida; quem tamen titulum omisit Aristophanis Scholiaſtes; ni vero fuerit, ut erudite observavit V. C. Salvinius, ἀμαλία, quae Eubuli Comoedia recensetur ab Athenaco Deipnosophi-

phistarum Libro II. nusquam vero ab eo *Δαμάλις* nominatur.

Sed illud notatu dignum in hoc anaglypho, quod vir ille in terram delapsus, non solum lyram pulsat, verum, etiam, si quis ipsam sculpturam probe inspiciat, intento in caelum vultu, & ore semihiente, eo modo repraesentatur, ut procul dubio canere videatur. Ex quo intelligimus veteres in hoc ludicro certamine, Baccho sacro, saltare consuevisse ad lyrae modos, & ad quasdam cantilenas, seu carmina, quae ab his ludis forsitan *ἀσκολίαι* appellatae sunt, quorum meminit Pollux Libro IV. Cap. VII. quamvis alii ex Proclo apud Photium legant *σκόλια*, scilicet *convivencia*. Saltatorum exemplo utitur Aristoteles in Libro I. de Arte Poetica, qui per rhythmos figuratos imitabantur & mores, & affectus, & actiones; ad quem locum vide longe doctissimi Viri Petri Victorii Senatoris Florentini Commentaria pag. 10. Quod vero ad lyrae concentum Dionysia festa celebrarentur, id quoque perspicue testantur sarcophagorum anaglypha, in quibus Genii Dionysia dum celebrant, lyram barbita pulsantes inducuntur, ut supra vidimus in sarcophago Musei Marchionis Riccardii. Eodem Polluce teste Libro II. Cap. XIV. aliisque auctoribus, quos supra indicavimus, *ἀσκολιάζον* dixere veteres altero pede saltare; qui saltandi modus ad hunc diem a nostris rusticis servatur in ludicris choreis; in quibus illi ceteris praestare videntur, qui cum puellis saltantes, longiori mora uno pede saltant, sublato alternatim pede altero, variis cum gestulationibus.

In supersaliendis utribus, saltatores sinistra parte, utpote faciliori, saltasse, & a dextera motum, a qua naturaliter oritur, sumxisse ostendit hoc anaglyphum, quod mirifice Aristoteles, uti observo, illustrat his verbis in Libro de Animalium ingressu §. IV. pag. 130. editionis Vechelianae. Francofurti MDLXXXV. ubi horum Ascoliorum ludorum exemplo utitur ad suam sententiam declarandam: *ὅτι διὰ τὴν τοῦ δεξιῶν ἢ ἀρχῇ τῆς κινήσεως ἐστὶ, σημεῖον ἔχον τὸ φέρειν τὰ φορτία πάντας ἐπ' αὐτῇ.*

ἐπὶ ταῖς ἀριστεροῖς . ὥτως γὰρ ἐνδέχεται κινῆσθαι τὸ φέρον , λελυμένῳ τῷ κινήσαντος . διὸ καὶ ἀσκηλάζοντι ἴσθαι ἐπὶ τοῖς ἀριστεροῖς . κινῶν γὰρ πέφυκε τὸ δεξιὸν , κινῆσθαι δὲ τὸ ἀριστερόν . ὥστε καὶ τὸ φορτίον ἢ ἐπὶ τῷ κινήσαντι , ἀλλ' ἐπὶ τῷ κινησομένῳ διὰ ἐπικινῆσθαι . αὐτὸ δὲ ἐπὶ τῷ κινωμένῳ καὶ τῷ ἀρχῇ τῆς κινήσεως ἐπιτεθῆ , ἢ ὅλως ἢ κινήσεται , ἢ καλεπώτερον . : Hoc est ; Quod autem a dextris motus est initium , argumento sunt omnes , qui sinistra solent onera bandulare ; ita enim genulus soluto eo quod moturus est , ac disuncto facile moveri potest : quocirca & facilius a parte sinistra saltant super utres ; quoniam dextra natura sua movet , sinistra movetur . quapropter onus non in eo quod movere debet , sed in altero quod movendum est insidere oportet : si enim in ipso morvente ; & motionis principio imponatur , aut omnino non movebitur , aut difficilius .

Illud praeterea observandum est in his ludis , saltatores oscilla , & personas Faunorum , vel Satyrorum , vel Silenorum induere consuevisse ; quod ex eo coniicio , quia vir ille , qui in hoc Faesulano anaglypho saltator idemque Lyristes inducitur , effigie , & habitu corporis non obscure Silenum recalvistrum repraesentat . Nemo id improbabit , qui legerit Romanos Etruscorum , & Graecorum more , produxisse homines ludentes , ac saltantes Silenorum , & Satyrorum instar personatos ; quod ex Dionysio Halicarnassensi veterum rituum , & consuetudinum peritissimo colligitur , qui de armata saltatione agens , ita ait versus finem Libri VII. Σκευὰ δὲ αὐτοῖς ἦσαν , τοῖς μὲν εἰς Σιληνὸς ἑκαστοῖσι , μαλλὼν τοὶ χεῖρες , καὶ ἑνὶ χορταίνε καλύσι , καὶ περιβάλλουσιν ἐν παντὶ ἄνθρωπος τοῖς δὲ εἰς Σατύρους , περιζώματα καὶ δορὰ τράγῳν , καὶ ἀνδρότευχες ἐπὶ ταῖς κεφαλαῖς φορεῖν , καὶ ὅσα τέτοις ὅμοια . Id est ; Apparatus autem erant , illis quidem qui Silenos repraesentabant , tunicae villosae , quas nonnulli χορταίνε vocant , & amacula ex variis floribus contexta ; illis vero qui Satyros repraesentabant , erant subligacula , & bircinae peller , & setae in capite borrentes , & erectae , aliaeque his similia . Hunc locum mihi indicavit Philippus Venutus Patricius Cortonenfis , priscarum omnium elegantiarum egregius cultor , qui de hoc Faesulanorum monumento erudite differere moliebatur .

Sed in his ludis in Faesulano anaglypho designatis , per-

spi-

Spicuum est haudquaquam in usu fuisse subligacula , quae uti observat Casaubonus Cap. IV. de Poesi Satyr. ex hircinis pellibus conficiebantur : nam saltator sculptus est nudo corpore , eo prorsus modo uti exhibetur in fictili lucerna apud Licetum Lib. VI. Cap. 82. qui in his ludis vicisse videtur : nam , ut in numis Coloniæ apud Vaillantium , laetus dextram in altum attolit , & graditur utrem in laevo humero ferens ; quem tamen Licetus praeter rem putat Cursorem phaleratum , seu Tabularium , & utrem esse peram.



Libet heic quoque exponere aliud exemplum ex veteri marmoreo anaglypho , quod exstat Florentiae in AEdibus Nobilium Gaddiorum , altum Romanos pedes plus minus tres ,

tres, ac duos circiter latum. Cernitur in eo Faunus sub pinu, vinum ex utre, quem super humeros deferit, in quoddam vas vinarium effundens; ac fortassis aliquem victorem repraesentat, qui in hac ludicra saltatione, accepto praemio, nempe utre vini pleno, laetus pro victoria, Libero Patri, qui in his ludis colebatur, libationem instituit; qui plane nudus, & absque subligaculis cernitur.

Laudat hos Liberales ludos Eustathius, ut diximus, in Odyseam, & vindemiarum diebus fieri solitos apud Graecos affirmat; quos a Romanis quoque in Vinalibus celebratos fuisse auguror ex antiquo pereleganti sarcophago edito a V. C. Iusto Fontanino Archiepiscopo Ancyrano in praeclaro Opere de Antiquitatibus Hortae Libro II. Cap. I. pag. 6. in quo Vinaliorum festum exhibetur, atque inter ceteros Genios Dionysios, qui in eo sculpti sunt, duo prope sarcophagi angulos conspiciuntur, pedum in manibus, & utrem in humeris ferentes: fortassis ut non solum vindemiarum laetitia, verum etiam hanc ludicram saltationem super utres designent, in honorem Bacchi autumnii tempore institutam; quam & Faefulanis in usu fuisse hactenus ostendimus.

Idem Eustathius docet valde celebrem Ascoliorum ludum fuisse praesertim apud complures Syriae urbes, & colonias; quod quidem earundem numismata testantur, quae mihi idem amicus meus Philippus Venutus indicavit apud Clarissimum Iohannem Vaillantium de Coloniais, praesertim in Tyrriorum numo in honorem Elagabali percusso pag. 137. & in alio Coloniae Beryti pag. 111. atque in alio Coloniae Damasci Metropoleos in honorem Marciae Otaciliae Severae pag. 259. in quibus horum ludorum, ut puto, victores exhibentur, Silenorum personam induti, qui dextram attollunt, & hircinum utrem in humeris gestant, Baccho debitas grates, & sacrificia, ut solebant, vel in eius templo reddituri. Plura si quis cupiat adeat doctissimum Meursium Graeciae Feriatae Lib. I. in Ἀσκολία, & de Ludis Graecorum in Ἀσκολιάσμος, item Mercurialem de arte Gymn. Lib. II. Cap. 2. & Commentaria in allatum Virgilii locum.

Me-

Memoriae posterorum non abs re mihi videtur tradere, ad simile ludicrum spectaculum, quod Florentiae olim exhibebatur, atque hoc plane modo fuerat institutum. Homines proceri, ac praevalidi, exertis brachiis, & aperto capite, in lineis saccis pectore tenus religatis inclusi, ad cursum mittebantur; proposito praemio illi qui ceteros cursu tam difficili, & impedito anteisset: quo in certamine quum quisque in terram ridiculo lapsu caderet, maximum in spectatoribus risum creabat. Praetereo pugilum edita in plateis spectacula, equestres decursiones, quas maiores nostri *giostre*, *tornei*, *armeggiamenti* appellarunt, aliaque festiva, ac ludicra certamina, quae ad tibiatarum modos in nuptiis nobilissimorum virorum, & optimatum, vel in honorem clarissimorum hospitum celebrabantur, quorum identidem meminere nostri scriptores. Nulla enim Italiae Urbs spectaculorum & certaminum omnis generis studiosior Florentia, quae gymnicos omnes ludos, Atheniensium exemplo, exercere nobiles adolescentes voluit, quo facilius ad ignaviam depellendam, & ad virtutem sudore parandam excitarentur. Petrus Victorius optimarum literarum, & Florentinae togae decus, in Commentariis in Librum VIII. Aristotelis de Republica pag. 664. rem gymnasticam veterum commendans, Florentiae haec tam utilia exercitia sua tempestate paene defuisse dolet, his verbis: *Restant adhuc in nostra civitate vestigia quaedam huius artis, ac fortasse plura, quam in alia ulla Italiae urbe: in qua tamen & ipsa cotidie magis dediscuntur, & inertia luxuriaque huc inructa, communi visio huius temporis, negliguntur.*

His observatis, de ipso lapide, anaglyptico opere exsculpto, dicendum aliquid superest; quod plane Etruscum esse, & Etrusci artificis manum redolere non levi coniectura adsequor, & suadere videntur macandra, & vortices, quibus ornatur dextrum eiusdem latus; quae, si diligenter observavi, in nullis tum Graecis tum Latinis caelaturis occurrunt; frequenter tamen adhibentur ad ornatum Etruscarum paterarum, uti in pluribus editis facile quisque obser-

vare

vare poterit . Praeterea ipsa anaglyphi huiusce rudis scul-
ptura admodum similis est duobus aliis lapidibus anagly-
pho , & Etrusca inscriptione ornatis , qui in lucem editi
sunt in Opere Dempsteriano Tab. LXXII. n. 2. & 3. quo-
rum primus , ut diximus , Faesulis inventus , hodie visitur
in Aedibus praclaudati V. C. Philippi Senatoris Bonarro-
tii , alter Volaterris apud Nobb. de Maffeis . Neque etiã ,
quod hic Bonarrothianus lapis repraesentat , nempe ludi-
cram super utres saltationem , si veterum Etruscorum Histo-
riam spectemus , institutis , & moribus eorundem adverfa-
tur : nam certum est saltatores in Etruria praestantissimos
fuisse , & magno in pretio habitos . Ludiones memorat
Livius initio Libri VII. Decad. I. ad tibicinis modos sal-
tantes ex Etruria Romam accitos fuisse , C. Sulpicio Peti-
co , C. Licinio Stolone consulibus , nempe anno Urbis con-
ditae CCCXCI. Etruscam saltationem exhibent plura mo-
numenta in Dempsteri Opere de Etruria Regali , ac prae-
sertim Tabula XIV. XIX. & LXIV. Lyrae quoque con-
centum Etrusci adhibuere non solum in sacrificiis , verum
etiam in ludis , uti observavit oculatissimus Senator Bonar-
rotius §. IX. qui de Bacchi cultu penes Etruscos eruditissi-
me disseruit : ex quibus omnibus colligere possumus salta-
tionem super utres in honorem Bacchi in usu apud Etru-
scos fuisse .

Haecenus de tutelaribus Diis , aris , templis , sacrificiis ;
magistratibus , & ludis Faesulanorum ; nunc venio ad fu-
nera , & sepulcrales memorias , quarum profecto uberiores
cumulum proferre possem , ni maiorum incuria , quae in
antiquis monumentis vel negligendis , vel perdendis maxi-
ma , ac plane pudenda fuit , intercidissent . Vincentius Bor-
ghinius de Faesulana civitate disserens pag. 220. narrat sua
tempestate frequenter Faesulis , vel in proximis agris , &
villis erui solita vetera sepulcra , & urnas cinerarias , seu
osuaras , quas procul dubio , more maiorum , sepulcrali ti-
tulo inscriptas fuisse nullus dubitat , quae hodie vel non
exstant , vel alio translatae fuere , exstarent tamen si anti-
quita-

quitatis studiosi viri , qui eo tempore florebant , literis consignatas posteris reliquissent . Iohannes Nardius , in Pisano Athenaeo Medicinae Professor , ad Lucretii Librum VI. in Animadversione XLIX. in qua erudite agit de funeribus Atheniensium , memorat pag. 620. in quodam loculo sepulchrali eruto inter parietinas , atque rudera antiquissimae Faesularum Urbis , sua tempestate inventa fuisse duo vitrea vascula lacrymatoria , una cum fictili lucerna , ornata oscillo , sive larva cum hianti ore , ac terrifico vultu , itemque operto capite velo utrinque pendulo ; quae singula quum in eius Museo asservarentur , curiosis communicavit aere incisa in Tabula VIII. Fig. IV. & V. quae si vacat videri possunt. Inscriptos lapides dedicatosque Diis Manibus , quotquot Faesulis reperire potui , heic primus in lucem proferam.

In Lapide Faesulano , Faesulis eruto , anno MDCCXIV.

3	D	M
	L. T E T T I O	
	P R I M I T I V O	
	L. T E T T I V S	
	O N E S I M V S	
	A L V M N O	

3. *Alumnus* , ut observant viri docti , sumitur active , & passive , tam pro eo qui alit , quam qui alitur . Consulendus doctissimus Taubmannus in Plauti Mercatorem 4. 5.

P

v. 7.

v. 7. Frequenter in antiquis titulis sepulcrorum eo nomine veniunt tum filii, tum pueri ingenui, qui educati sunt, ut notat Fabrettus Inscr. Ant. Cap. V. pag. 351. quibus addo vernas, sive servos domi natos, qui post filios honoris gratia nominabantur, & pari cum filiis iure sepulturae donabantur ab heris educatoribus, ut docet praeter cetera monumenta vetustus lapis, quem Cl. Iohannes Baptista Donius in suis Collectaneis exscripsit ex Schedis Manutianis Bibliothecae Vaticanae, ac postmodum ex Schedis Barberinis eiusdem Donii autographis edidit Fabrettus Cap. I. n. 281. Alumnos in filios adoptatos ab educatoribus facile agnoscere poteris si educatorum suorum praenomen, & nomen familiae praeferrant, uti in allato Faesulano lapide, cuius titulum mecum communicavit praeclaudatus Benedictus Brescianus, monuitque paucis ab hinc annis intercidisse. Infantem alumnum indico apud Fabrettum Cap. III. n. 619. qui quarto aetatis suae anno, supra septem menses, praenomine, nomine, & cognomine donatus est, ex Gente Terentia; & per menses novem frumentum publicum accepit. Alumnum item trimulum agnomine donatum habemus in Selectis Inscriptionibus apud C. V. Vignolium pag. 253.

Qui Alumnos alumnaeque aiebant vel *Paedagogi*, vel *Educatores*, vel *Nutricii*, seu *Nutritores* dicebantur; feminae vero *Nutrices*, & *Educatrices*. Vide eruditissimum Ioh. Iacobum Claudium in Diatriba de Nutricibus & Paedagogis; Fabrettum Inscr. Ant. Cap. IV. n. 488. & n. 413. Cap. III. n. 153. 154. 155. 156. 157. &c. In nutriendis educandisque liberis tum Graeci, tum Romani fervorem, & ancillarum ministerio usi sunt; & apud Graecos tenue admodum vileque munus fuit, ut notat omnigena doctrina, & eruditione excultissimus Petrus Victorius Var. Lect. Lib. XXVII. Cap. I. verum apud Romanos non parvo in pretio, quod Plinius in epistola 16. Lib. V. ostendit; praesertim si alumni admodum nobiles, & primi urbis essent; quod ex Suetonio in Nerone c. 50. colligi potest, qui ait, Neronis Claudii Caesaris

faris reliquias conditas gentili Domitiorum monumento ab Ecloge, & Alexandria nutricibus; quod supremum officium propinquorum, & affinium erat, & ex hoc lapide Domestici Musei Raphaelis Fabretti Cap. IV. n. VIII. colligi potest.

D . M . S
CRISPINAE. COIVGI
DIVINAE NVTRI
CI SENATORVM
DVVM ALBV S
COIVNX. C. Q. F
AN XVII. H VIX
AN XXX. M. II
B . M . F

Θ . Κ
ΚΑΤΑ. ΚΕΛΕΤ
CIN. ΤΗΣ ΔΕΣΠΟΙ
ΝΗΣ. ΠΡΕΙΣΚΙΛΛΙ
ΝΗ. ΘΡΕΠΤΗ. ΖΗ
CACH. ΕΤΗ. Ε. ΜΗ
ΝΑC. Δ. ΕΜΕ
PAC. ΙΕ ϙ

Adiunctam alteram inscriptionem Graecam, in sepulchrali Cippulo caelatam, Romae exstantem in vinea Maffei, exhibeo ex Donianis Collectaneis; quae exscripta fuit ex Schedis Bibliothecae Vaticanae, antiquariis haecenus incognita; quae haec significat: *Dies Manibus. Iussu Dominae Priscillinae Alumnae. quae vixit Annos V. Menses IIII. Dies XV.* Ex quibus perspicue liquet quanto amore, & honore nutrices, & nutritores alumnos suos prosecuti sint, quos tum filios frequenter appellant, tum etiam Dominos, & veluti divinos existimant; nam ea formula ΚΑΤΑ ΚΕΛΕΤCIN. cui aliae similes, ΚΑΤΑ ΠΡΟΪΤΑΓΜΑ. ΕΞ ΕΠΙΤΑΓΜΑΤΟΣ, ex iussu, ex imperio, ex praecepto; in votis aris Deorum. Dearumque frequentissime adhibentur.

Tettia Familia nota est ex pluribus antiquis monumentis. Paucos viros ex his indicabo, nempe L. Tettium Fuscum, Equitem Singularem, & L. Tettium Gratianum Veteranum Equitum, qui voto suscepto aram Genio Coloniae Puteolanorum dedicavere, ut in Reinesiana Cl. I. 295.

Item L. Tettium Hermetem, qui ex iussu Iovis optimi maximi Defensoris, seu Depulsoris cum coniuge, & filiis suisque omnibus cantharum cum base sua dedicavit, ut legitur in Florentina Par. I. pag. 105. n. 74. Lucernam aeneam pensilem, bilychnem, Iovi dono datam a L. Tettio Alypo, exhibuit V. C. Causus in Museo Romano Sect. IV. Tab. IV. cui similem protulit Fortunius Licetus Libro VI. Cap. 58. ni eadem sit, depravata inscriptione, vel alia. Tettii in clientela Claudiorum fuere, ut notat Iohannes Glandorpius in Onomastico Historiae Romanae. C. Tettius infans, matre Petronia natus, ab Augusto in bona patris, a quo facto testamento praeteritus erat, ire iussus est, auctore Val. Maximo Lib. VII. Cap. VII.

*In Domo quadam Canonici Faesulani, sequentes lapides
exstant, qui Faesulis eruti sunt.*

4



4. Meram iuris distinctionem inter nomina *contubernii*; & *coniugis* notavit ex antiquis lapidibus Fabrettus Inscript. Ant.

Ant. Cap. IV. pag. 314. Nam coniuges etiam ingenui promiscue se se *contubernales* appellant, uti ex hoc quoque Faesulano Cippulo manifestum est. Feminas tum in virorum, tum in feminarum contubernio vixisse, & contubernales appellatos ingenuos filios, ac filias me adnotasse memini in Plinianis Epistolis, & praesertim in Lib. IV. Epistola XIX. in qua Plinius gratulatur sibi & Hispullae, quod uxorem habeat eius filiam Calphurniam, quae se dignam maioribus suis ostenderet; atque inter ceteras eius laudes has quoque reponit: *Non enim, inquit, aetatem meam aut corpus, quae paulatim occidunt, ac senescunt, sed gloriam diligit. Nec aliud decet tuis manibus educatam, tuis praeceptis institutam: quae nihil in contubernio tuo viderit, nisi sanctum honestumque: quae denique amare me ex tua praedicatione consueverit.*

Collegius Compitalicius, qui hunc Cippulum posuit Diis Manibus L. Terentii Fidi, & Noviciae contubernalis eius, a feriis Compitaliciis cognomen habuit, quae in honorem Deorum Larium celebrabantur, & ludi per urbem in compitis agitabantur; auctore Macrobio Saturnalium Libro I. Cap. VII. In his Compitaliciis festis celebrandis familiae omnes occupabantur IIII. Nonas Ianuarias; quare Cicero ne Pompei familiae Compitalicia celebranti molestus esset, Attico suo scribit, uti in epistola VII. Lib. VII. se nolle eo die in Albanum ire. Collegia Familia, quae inter alias Faesulanas memoranda est, iamdiu perspecta ex Gruterianis DCCCXC. 5. DCCCLV. 12. & ex Reinesianis Cl. XIV. 198.

De Diis Faesulanorum, & eorum templis cum supra disserterem, illud indicare praetermiseram in sinceris Aetis Passionis D. ROMULI haberi mentionem Templi Iovis, ad quod Repertiani Praefidis iussu adductus est idem S. Martyr, ut falso numini divinos honores faceret. Faesulis item inventum Idis sigillum, insculptum Aegyptiacis Hieroglyphicis supra exhibui, & explicavi in Prima Parte Tab. XVII. n. 1. pag. LXXX. quod exstat Florentiae in Museo Bonarrotio.

Ibi-

*Ibidem.**Ibidem.*

5. In his Cippulis haud notati sunt anni quibus unusquisque vixerit; quod indicat viventibus positos fuisse, usitato more tum Ethnicis, tum Christianis viris, ac feminis, ut de supremis officiis certi, ac securi essent. Plinius id diserte testatur in epistola 10. ad Albinum ex Libro VI. in qua conqueritur, Virginii Rufi viri clarissimi post decimum mortis annum nondum absolutum sepulcrum, atque ita ait: *Tam rara in amicitii fides, tam parata oblivio mortuorum, ut ipsi nobis debeamus etiam conditoria exstruere, omniaque heredum officia praesumere. Nam cui non est verendum, quod videmus accidisse Virginio? cuius iniuriam, ut indigniorem, sic etiam notiozem ipsius claritas facit.* Hinc non raro legimus in antiquis inscriptis sepulcralibus Titulis aras Deorum Manium, vetustate labefactatas sedulo sibi restituisse, & novam inscriptionem superinduxisse, priore iniuria temporis detrita, & consumpta; quod me apud Fabretum in veteri lapide obfer-

servasse memini. Putarunt enim inquietari post mortem animas defunctorum, si debito sepulcri honore carerent; neque in Elysiis beatam vitam agere, neque illis frui deliciis, quae in hoc Graeco Epigrammate Romano, Latinis versibus elegantissimis converso a Cl. V. Antonio Maria Salvini, describuntur; quod quidem absque ulla versione edidit Gruterus DCCIII. 1.

ΟΤΚ . ΕΘΑΝΕC . ΠΡΩΤΗ . ΜΕΤΕΒΗC
 ΔΕC . AMINONA . ΧΩΡΟΝ
 ΚΑΙ . ΝΑΙΕΙC . ΜΑΚΑΡΩΝ . ΝΗCΟΤC
 ΘΑΛΙΗ . ΕΝΙ . ΠΟΛΛΗ
 ΕΝΘΑ . ΚΑΤΗΛΥCΙΩΝ . ΠΕΔΙΩΝ
 CΚΙΡΤΩCΑ . ΓΕΓΗΘΑC
 ΑΝΘΕCΙΝ . ΕΝ . ΜΑΛΑΚΟΙCΙ . ΚΑΚΩΝ
 ΕΚΤΟCΘΕΝ . ΑΠΑΝΘΩΝ
 ΟΤ . ΧΕΙΜΩΝ . ΑΤΚΕΙC . ΟΥ . ΚΑΤΜΑ
 ΟΥ . ΝΟCΟC . ΕΝΟΧΔΕΙ
 ΟΥ . ΠΙΝΗC . ΟΥ . ΔΙΨΟC . ΕΧΕΙ C
 ΑΛΛΟΤΔΕ . ΠΟΘΕΙΝΟC
 ΑΝΘΡΩΠΩΝ . ΕΤΙ . CΟΙ . ΒΙΟΤΟC
 ΖΩΕΙC . ΓΑΡ . ΑΜΕΜΠΤΩC
 ΑΤΓΑΙC . ΕΝ . ΚΑΘΑΡΑΙC . ΕΝ . ΟΛΤΜ
 ΠΟΥ . ΠΛΗCΙΩΝ . ΟΝΤΩC
 Π . ΑΙΔ . ΑΒΑCΚΑΝΤΟC . ΑΙΜΑ
 ΠΡΩΤΗ . ΘΥΓΑΤΡΙ . ΕΖΗCΕΝ . ΕΤΗ
 Ζ . ΜΗΝΑC . ΙΑ . ΗΜΕΡΑC . ΚΖ

*Mortua non es, PRIMA. loca in meliora migrasti.
 Teque beatorum dapibus tenet insula festis.
 Elysia exultans passim per plana vagaris
 Mollibus in pratis. cura & procul exulat omnis.
 Non te laedit byemi, aestus, non denique morbus;
 Non sitis atque fames cepit, vitaeque prioris
 Te desiderium tenet: inculpabile namque
 AEvum agitas felix, nitidaque in sede resulges,*

Pro-

Proxima qua sedes clarum contingit Olympum .

*P. AELIUS Abascantus AELIAE Protæ Filiae
Vixit Annos VII. Menses XI. Dies XXVII.*

*In Cathedrali Ecclesia Faesulana , marmorea Tabula posita præ gradu
Altaris Hypogei , quod Confessio dicitur .*

7

MESSI HIC ROMVLI . CORPVS . LONGA . IN PACE QVI
ESCIT . QVI . XPI . CVM PRIMIS IVSSA SERVARET AB ANNIS
TVM LECTOR DOMINI ANNIS QVINDECIM IVSTVS ✠
CONTINVIS PROBATVSQ . FVIT MERITOQ IVVATVS
AECCLISIAE SANCTAE DIACONII EST ORDINATVS HONORE
..... ENIS CORDE TENERET

Hæc tres lineæ penitus consumtae

.....:XACTIS N : VEM MENSIBVS ANNO
.....: RELINQVENS
.....: CAELO HINC . ISSE PVTANDA EST
.....: CVM SANCTIS IVSTVS HABETVR


7. Sepulcræ eelogium Messii Romuli continet hæc Inscriptio , qui a D. ROMULO Etruriae , ac Faesularum Apostolo , accepto nomine , ut mos erat , in sacro Baptismo , exacta infantia , Lector Domini in Faesulana Ecclesia factus , & per annos quindecim sanctitate omniumque virtutum genere probatus , eiusdem sanctæ Ecclesiæ postea Diaconus ordinatus est , ac tandem plenus meritis cum Deo fuit caelo receptus . Lectorem non moror , quum multa in hunc lapidem erudite observaverit V. C. Philippus Senator Bonarrotius , qui edidit pag. 115. Observationum in Vasa Vitrea Coemeteriorum .

IN-

121

INSCRIPTIONES ANTIQUAE PISTORI ET PRATI.

Pistorii, in magna Aula Palatii Dominorum.



1. **I**llustraturus reliquas Etruriae Urbes, vellem equidem, uti, quae meae sunt partes, non inanibus verbis, sed vetustis anaglyphis, aris, & signis Deorum, inscriptisque lapidibus; quorum ope prisca ritus, instituta; mores, sacrificia, & magistratus Municipiorum Romanarumque Coloniarum in lucem clarissime proferuntur. Sunt enim vetera monumenta civitatum omnium praeclara decora; atque, ut apud omnes in confesso est, Romanae Historiae veluti praelucentes quaedam faces; quorum ductu, ac praesidio, multa notatu digna posterorum memoriae mandantur. Verum siue superioris aevi incuria, quae summa fuit, siue barbarorum Italiam igne, ac ferro vastantium teterrima clade id contigerit, perpauca sane;

Q

aut

aut fere nulla in aliquibus Etruriae Urbibus hodie supersunt veteris elegantiae, & magnificentiae vestigia, quae triste fatum minime subierint; cuius rei exemplum esse potest PISTORIUM Etruriae opidum perantiquum, & nobile, in quo id solum memorant, quod attinet ad vetustatis eruditae reliquias, olim inventum fuisse marmoreum signum, Etrusca inscriptione exornatum, quod; ut tradit R. P. Sanctes Marmocchi, a Philippo Bonarrotio Senatore amplissimo citatus in Explicationibus, & Coniecturis Operi Dempsteriano additis §. XLIV. ad manus venit magnifici Laurentii Medices. Verum praeter allatum lapidem, & aliquot Caesarum Augustarumque numismata eruta in Agro Pistoriensi, nullum hoc tempore exstat saxum, antiqui literis inscriptum, quod ibidem repertum fuerit.

Positus vero fuit hic sepulchralis Titulus, ut legentibus liquet, Lucio Baebio, Publii Filio, ex Velina Tribu, Quatuorviro Iuri dicundo Pistorii. Ex quo intelligimus, uti adnotavit Valerius Chimentellius Cap. IV. in marmor Pisani de Honore Bisellii, qui hunc ipsum lapidem in lucem edidit, Pistorii, veteri Romanorum Municipio, Quatuorviros iuri dicundo praefuisse; qui magistratus municipalis eximiae tum dignitatis tum auctoritatis fuit, utpote prope consulatui, aut praeturae compar, notante id Sigonio de antiquo Iure Italiae Libro II. Cap. IV. Velina Tribus una ex iis fuit Populi Romani in Sabinis, a lacu Velino denominata, de quo Plinius Libro II. Cap. LXII. & Libro XXXI. Cap. II. In hanc Tribum censi Pistorienses, Romanaeque civitate donati, suffragia, ut auguror tulerunt, quod disertius assererem nisi aliorum lapidum luce destitueret, ac praecipue militarium, in quibus militum nominibus frequenter patria, ac Tribus, & in Cohortibus, sive Legionibus officium adiungitur.

Post adscriptam Velinam Tribum L. Baebii cognomen additum non est, ut in aliis saxis; qui defectus cognominis antiquitatem nobilitatemque eiusdem L. Baebii Quatuorvirii Pistoriensium, & iure dicundo praefecti perspicue de-

declarat, quemadmodum observat Fabrettus ad monumentum pervetustum L. Rusticellii ex Tribu Scaptia, Inscriptionum Antiquarum Cap. III. n. 639. & ad Inscriptionem Pontis Fabricii Cap. V. pag. 368. Siquidem consulares, ac summi viri antiquitus tamquam solo nomine, ac Tribu fatis omnibus noti essent, cognomina omittere consuevere in publicis monumentis; quo item destituti C. Marius, itemque Q. Sertorius, qui Hispaniam obtinuit, & L. Mummius, a quo Corinthus deleta est, ut tradit Plutarchus initio vitae C. Marii; idque antiqua numismata factum a pluribus egregiis viris testantur. Plures viri ex Gente Baebia, (ut hos tantum memorem) in Gruterianis Inscriptionibus proprio cognomine carentes occurrunt, pag. C. 9. DCCLXIII. 5. DCCCLXI. 8. & in aliis non paucis vetustis lapidibus.

In tertio versu PISTOR. legendum puto PISTORIS pro *Tistoriis*. Quamvis enim a Plinio Libro III. Cap. V. *Tistorium* appelletur, tamen apud Ptolemaeum *Ticopia*, *Tistoria* a recto casu generis neutri pluralis numeri dicuntur. Quod vero *Tistoriis* legendum sit in allato lapide, non vero *Tistorii* confirmat vetustum laterculum, quod edidi inter Florentinas Inscriptiones pag. 132. n. 17. in quo L. Septimio Severo Imperatore iterum ac tertium Consule, Militum Cohortis Sextae Praetoriae nomina, & patria, & quorundam militaria officia recensentur; in quo linea 14. habetur:

C. VERATIVS SEVERVS PISTORIS

Quare vetus Tabula Itineraria, in qua scriptum est PISTORIS, neque corrupta est, neque E in I mutata, quasi habuerit AD PISTORES, ut putat Cleyerius Italiae Antiquae Libro II. Cap. I. sed procul dubio, ut supra diximus, scriptum est PISTORIS, pro PISTORIIS. Pervulgatum est enim veteres tum in antiquis inscriptis faxis, tum in codicibus alterum I, si aliud praecederet, subtrahere consuevisse; vel non raro etiam, fortassis ad maiorem sonum in pronuntiatione exhibendum, addere in illis vocibus, in

quibus manifeste redundare cognoscebant : ut in voce DIS pro DIIS, interdum scriptum DIIS vel DILS . item PIEN-
TISSIMA, vel PIEN-
TISSIMA pro PIEN-
TISSIMA . HOMERII
pro HOMERI, ut diximus ad Titulum Sepulcri Libertorum,
& Servorum Liviae Augustae, & in aliis his similibus, ac
praesertim in genitivis casibus . Quare vehementer erraret
qui in recto pronunciaret *Homerius*, quod genitivus habeat *Ho-
merii* . Idem dicendum in aliis exemplis ; nam si quis inve-
niret scriptum ZENODORII, APOLLODORII, ISIDORII,
CASSIODORII &c. valde hallucinaretur si legendum scriben-
dumque decerneret ZENODORIVS, APOLLODORIVS, ISI-
DORIVS, CASSIODORIVS &c.

In Antonini Itinerario videtur fuisse AD PISTORES . An
vero *Pistores*, & *Pistorienses* appellati fuerint, quod pa-
nis optime conficiendi, & in mille figuras exstruendi artem
primi in Etruria vel invenerint, vel amplificavint, alii ex-
pendant . Coniecturae, ut arbitror, favere potest Plauti-
nus Hegio in Capteiveis Aët. I. Sc. II. v. 55. qui conviva-
torem comparans cum Imperatore exercitus, populorum
nomina ad esculenta per iocum transfert, ac Pistoriensium
una cum aliis ita meminit :

Non pot mirandum est fugitare hanc provinciam ;

Multis & multigeneribus opus est tibi

Militibus . primum dum opus est Pistoriensibus :

Eorum sunt genera aliquot Pistoriensium .

Opus Paniceis, opus Placentinis quoque .

Opus Turdetanis, opus est Ficedulensibus ;

Iam maritimi omnes milites opus sunt tibi .

Iovi *Pistori* ara a Romanis posita est, teste Lactantio de
falsa Religione Libro I. Cap. XX. quod eos in quiete mo-
nuisset, ut ex omni frumento quod haberent, panem confi-
cerent, & in hostium castra iactarent ; quo facto soluta est
obsidio, desperantibus Gallis inopia subigi posse Romanos .

Antiquior Plauti testimonio nulla haecenus mentio Pi-
storii, ac Pistoriensium inventa est ; qui floruit anno Ur-
bis conditae quingentesimo quinquagesimo, circa finem se-
cun-

cundi Belli Punici , & ante Christi Domini ortum ducen-
tesimo primo . Plauto proximus est Sallustius , qui agri Pi-
storienfis meminit Cap. LVII. Belli Catilinaris , atque L.
Sergium Catilinam , abductis copiis in agrum Pistorien-
sem , uti per tramites occulte perfugeret in Galliam Tranf-
alpinam , a L. Antonio consule interemptum deletumque
cum exercitu suo , eodemque in agro , cruentissimo utrinque
praelio , perniciosissimi civis in patriam extinctam fuisse ne-
sariam coniurationem . His alii addendi scriptores Plinius ,
Ptolemaeus , Iulius Obsequens de Prodigis Cap. CXXII.
Cassiodorus in Chronico , & Ammianus Marcellinus Libro
XXVII. qui Correctorem , seu Praesidem Tusciae ius dixisse
Pistorii tradit , cuius testimonium avert Dempsterus de
Etruria Regali Lib. V. Cap. XII. qui multa ex Borghinio no-
stro excerptis in Dissertatione de Etruria , eiusque Civitatibus.

Neque vero abnuerim Pistorium Romanorum Coloniam
factam fuisse , deductis a L. Sulla militibus , quos magnis
& muneribus & honoribus profecutus est . Constat enim
ex Ciceronis Orationibus in L. Catilinam non paucos eorum
Faefulas , alios Arretium , & Volaterras , alios in alia opida
Etruriae , & Latii deductos fuisse . Pistorienfes vero non
obscuri nominis fuisse tum multo antea , tum eo tempore
ostendit Plauti-allatum testimonium . Ab hac Urbe Pisto-
rii familia Romana *Pistoria* nomen accepit , quae in vetu-
sto lapide penes Fabretum nominatur Cap. X. n. 380. &
apud Gruterum LXXX. 1. ara votiva occurrit dicata Deae
Nemefi , sive Fortunae a Pistorio Rugiano Viro Clarissi-
mo , Legato Legionis XIII Geminae Gordianae .

Deest nomen eius viri , qui L. Baebio hunc feralem
Cippulum supra cineres in terra defigendum dedicavit ; nam
in inferiori parte fractus est . Neque enim honorarium
lapidem puto ; nam figura ipsa , & in fastigii tympano
foliacea sive myrtea corolla insculpta , quae sepulcris de-
functorum apponi solet , id negat ; quamvis , ut in aliis
similibus , desit Diis Manibus monumenti dedicatio .

De Pistoriensium proprio , ac locali Deo , aliisque falsis
Nu-

Numinibus dicendi locus heic esset : sed quum nulla verstorum marmorum lux ad hanc diem affulserit , de his mihi non constat . Iovem inferum , sive Plutonem , cognomento *Summanum* , quasi *Summum Manum* , uti cum appellat Martianus Cappella de Nuptiis Philologiae Libro II. quod in eius potestate sint Dii Manes , Pistorienses praecipuo honore coluisse coniicio ex nomine cuiusdam montis , qui circa Pistorium est , qui ad hoc tempus antiquam appellationem retinet , & *Mons Summanus* dicitur . Summano Deo , ut diximus , nocturna fulmina attribuebantur , diurna Iovi , auctore Plinio Libro II. Cap. LII. quorum scientia , & observatione peritissimi omnium Etrusci haruspices , & interpretes fuere . Est quoque hinc non longe alius mons ab Iove appellationem sortitus , qui & hodie *Mons Iovis* vocatur . Exploratum siquidem est priscos mortales primum in montibus sacra Diis facere solitos fuisse .



Herculis cultum proxima in regione indicat allata ara.
vo-

votiva eucharistica, quam non longe a Bisentio Etruriae opido exstare tradit Gruterus, qui edidit pag. MXII. 7. ex Fulvio Ursino. Nullum opidum in Etruria hoc nomine nuncupatum invenio, sed solum fluvium, qui decimo ab Florentia lapide, PRATUM, olim validissimum opidum, ac Rempubicam, ut scribit Dempsterus de Etruria. Regali Libro VI. Cap. XV. iam dudum civitatis nomine donatum circumfluit.

De huius civitatis origine, ac progressu, quasi Pratenfis Historiae Prodromum, pereruditam Dissertationem exornavit pietate, ac doctrina Clarissimus Vir Iohannes Baptista Comes Casottius, Ecclesiae Beatae Mariae Virginis Imprunetanae Praepositus, quae Venetiis superiore anno edita est. Ex proximo monte, qui *larvellus* dicitur, veteres populi ad planitiem descendentes, Pratum condidisse ostendit, qui an fuerint ex reliquiis Sullanorum Colonorum circa Faefulas, an vero sequiori aevo ex primoribus ipsis Faefularis potentibus, ac nobilibus viris, qui post excidium, & eversionem Faefularum Urbis a Florentinis factam, Florentiam, vel in hanc, vel in alias proximas sedes migrarunt, incertum est. Quod vero ex priscis Faefularum Colonis esse potuerint, coniecere non levi argumento possumus ex ipsis plurium Villarum, ac praediorum circa Pratum antiquis appellationibus, quae a praecipuis Colonorum Romanorum Civium familiis denominationem accepere. Ac primum Iavello monti proximum est rus Albanum, deinde Vaianum, Baebianum, Popilianum, Arminianum, Pontianum, Cilianum, Secianum, Sabinianum, Caianum, ex Albia, Vaia, Baebia, Popilia, Arminia, Pontia, Cilia, Secia Gente, vel ex praenominibus, vel ex cognominibus eorumdem Colonorum, Cui videlicet, ac Sabiniani, quae praedia, seu rura hodie dicuntur *Albiano*, *Vaiano*, *Bibbiano*, *Popigliano*, *Armignano*, *Ponzano*, *Ciliano*, *Secciano*, *Caiano*, *Sarvignano*. His addam rus Fabium, Manlium, hodie *Fabio*, *Maglio*, e gente Fabia, & Manlia, quae inter Faefularum princeps fuit, nam C. Manlius princeps Faefularum

rum a Sallustio vocatur ; item Sifinianum in valle Bisentii , vulgari nuncupatione *Sofignano* , & *Sofmiano* pro Sifiniano ; a gente *Sifia* denominatum , de qua meminit vetustum hoc aeneum sigillum , prominentibus inversis literis expressum , quo veteres rem suam obsignabant , tuebanturque , quod eodem in praedio , seu Vico Sifiniano , admodum populofo , inventum est ; qua de re me monitum voluit amicus meus Innocentius Bonamicus Canonicus Pratenfis , quem summo opere diligo , tum propter eximiam in sacris Litteris interpretandis peritiam , & eruditionem , & in antiquis monumentis colligendis praeclarum studium , quibus antiquariam suam supellestem exornavit , tum etiam propter morum candorem , & probitatem , quae quidem nobilis animi dotes iamdiu mihi probe perspectae fuerunt . Sed en laudatum sigillum , cui alterum subiicio item penes eundem Bonamicum , quod nomen Fotidae gentis inscriptum praefert , in Pratenfi agro & ipsum repertum .



Eadem in Villa , seu praedio Sifiniano ; cui nomen fecit *Sifia* gens , e qua producta appellatione *Sifinia* orta est ; quae in pluribus antiquis inscriptionibus nominantur , non pauca habet antiqua aedificia nobilis Familia Bonamicorum Pratenfium , quae avitum domus splendorem ostendunt . Plura item praeclaudatus Bonamicus servat numismata inventa in suis praediis , quae mihi ostendit ; atque inter haec argenteum , in cuius antica cernitur virile caput cum epigraphae SABIN. quod apud praedium Sabinianum , nunc
Savi-

Savignano, eiusdem-Familiae Bonamicorum, a quodam rustico inventum est.

Lares Deos domestica, ac familiaria Numina antiquarum gentium, quae Pratensem civitatem ante quam conderetur incoluerit, exhibeo in his duobus aeneis sigillis, quae ibidem inventa sunt; quorum primum apud se servat Iohannes Baptista Cafottius, alterum Innocentius Bonamicus.



Non omnino indigna eruditorum aspectu iudicavi; quamvis admodum rudi manu sculpta fuerint. Quin etiam prae-
laudatus Cafottius alios huic similes Lares Deos mihi ostendit, quos una cum proxime allato, prope portas, & moenia civitatis Prati quidam rusticus egesta humo invenit. In his observandus est tutulus, quo eorum capita ornantur

R

tur

tur, seu pileus, quasi indicetur Lares ex Asia ab Aenea in Italiam inuestos fuisse. Nam pileus viatoribus convenit, hisque tribui solet ad arcendas imbrum, & frigoris iniurias; quod iampridem in AEsculapio, & in Ulyse, & in venatoribus ex vetustis anaglyphis erudite adnotatum est. Quod vero veterum Etruscorum Penates, ac Praestites Dii esse potuerint ex eo coniicio, quod Cafottianum illud sigillum torque circa collum in plures radios distincta, & circa pectus strophio ornatur, quae ornamenta Etruscorum. Numinibus, & Furiis adtributa cernuntur in pluribus antiquis Etruscis pateris, & monumentis Dempsteriano Operi summa cura, & studio additis, & illustratis. Si quis vero non torquem sive monile, sed vestem malit in collo similibris ornatam, quam etiam segmentum appellat Iuvenalis Sat. II. non repugno; certe ipse habitus, & ornatus capitis in his Familiaribus Diis ab aliis huius generis maxime differt. Exemplum subiicio in sequenti Tabula, in qua tres Dii Lares exhibentur ex prototypis ex aere, qui exstant in Museo Cafottio, atque inventi fuere septimo circiter ab Urbe Florentia lapide, una cum quibusdam animalculorum, & serpenticulorum simulacris ex aere, quibus alibi Genios locorum praesides, & tutelas indicari asseruimus, quum fierent substructiones Ecclesiae Beatae MARIAE Virginis Imprunetae, cuius Historica Monumenta eruditissimo labore exornavit prae laudatus V. C. Cafottius, qui quum in eo haec vetera Deorum sigilla aere incisa non exhibuisset, haec adiicienda curavit. Perspicue enim ostendunt locum illum in quo, caelo auspice, inventa est vetustissima, ac venerabilis Dei Genitricis Imago, quae tanto in honore est, ac tantopere ibidem colitur, primum Ethnicae superstitioni patuisse. Praeterea loci antiquum nomen in *Pineta*, in *Pruneta*, atque aliae ex his appellationes a vulgo corruptae, indicant, ut ferunt, fanum sive aediculam falso alicui Numini prisca seculis dedicatam ibidem fuisse, itemque lucum pinis undique constitum; circa quae, ut tradunt, fons aquae manabat, quo se se veteres perluebant, lustrabantque ut sacris Deorum rite operarentur. Igi-



Igitur in hac allata Tabula adnotare libet cultos Lares promiscui sexus, tum masculos tum feminas, atque inter se eo discrimine sculptos, ut aliqui vel sinistram, vel dexteram in bonum omen extendant, ac peculiari gestu ad opem ferendam se paratos exhibeant, quare *Traestites* appellati fuere. Alii admotis ad femora manibus eo habitu statuque corporis inducuntur, quem in Aegyptiorum simulacris cernimus, vel in Mensa Isiaca expressi apud Pignorium, vel in Faesulano Isidis sigillo superius edito in Prima Parte Tab. XVII. n. 1. alioque Tab. XVIII. n. 3. ex quo deducitur ab Aegyptiis exemplum eo modo fingendi horum Domesticorum ac Familiarum Numinum simulacra, propagatum fuisse; ac fortassis cum Aegyptiorum Dii tutulum, vel calathum in capite praeferant ad augendam oris dignitatem maiestatemque, ut falsa, ac superstitiosa religione imbutae gentes credebant, hinc vetustis his quoque signis, quae praesertim in Etruria frequenter occurrunt, datum tutulum, & praealtum illum pileum acuminatum, non vanus interpret coniciio. Ludiones, quos ex Etruria Romanos accersivisse constat, in antiquo musivo opere pictos exhibet antiquitatis optime meritis Petrus Sanctes Bartoli Tab. XVII. in eo libro qui inscribitur *Gli antichi sepolcri* &c. qui saltantes inducuntur, & capita habent eodem modo pileata; aliosque his similes observavi pro apophragismate fictilis lucernae in Museo Florentino Nobb. DD. Comitum e Gherardesca.

Plurima his similia Deorum Larium sigilla superiori parte nuda sunt, quemadmodum Iupiter in vetustis monumentis repraesentatur, inferius vero velato corpore, instita pectore tenus religata, & ad talos defluente. Non pauca item in ima parte sub pedibus in mucronem desinunt, sive in acutum clavum, ut vel in suis basibus, vel humi, vel in aediculis figi, ac statui facile possent. Lares in mensis quoque veteres statuere consuevisse testatur Petronius Arbitr. in Satyr. Cap. LX. qui haec scribit: *Inter haec tres pueri candidas succincti tunicas intraverunt: quorum duo Lares bul-*
latos

*latus super mensam posuerunt : unus pateram vini circumferens .
Dio propitius , clamabat . Hunc morem Horatius quoque ex-
pressit in Ode 5. Lib. IV. in qua Augustum ita alloquitur :*

Hinc ad vinum redit laetus , & alieris

Te mensis adhibet Deum .

Te multa prece , te prosequitur mero

Diffuso pateris , & Laribus tuum

Miscet mimen .

Sed Familiares , ac Praestites Dii , quos in allata Tabula exhibemus , sub pedibus globulum quemdam habent , cuius figura flammam ignis vel linguam referre videtur . Ignem Dei Laris symbolum esse docet Plinius Lib. XXXVI. Cap. 27. eisdemque sacrum esse passim Poetarum praesertim testi- monia clamant ; quod magna eius virtus sit , quam descri- bit Lucianus in Prometheo . Plautus in Aulularia Aët. II. Sc. VIII. v. 16.

Haec imponentur in foco nostro Lari ,

Ut fortunatas faciat gnatas nuptias .

Mercurius , apud Lucianum , Prometheo exprobat , quod ignem Deorum substantiam , & thesaurum praestantissi- mum subriperit .

Primum privati Lares paupere cultu lignei fuere , ut docet Tibullus Lib. I. Eleg. XI. deinde aheni , atque apud di- xites argentei , quorum sit mentio apud Petronium Cap. XXIX. & in antiquis lapidibus penes Gruterum CLXXIV. 7. & Sponium in Miscellaneis eruditae Antiquitatis pag. 114. qui in aediculis reponi solebant . Quoniam esset figu- ra aedicularum supra vidimus in explicatione elegantis ana- glyphi in AEdibus Florentinis DD. Salviatorum . AEdicul- las quoque ex argento factas discimus ex Actibus Aposto- lorum Cap. XIX. v. 24. in quibus sit mentio Demetrii ar- gentarii aliorumque opificum , qui argenteas aedes portati- les Magnae Dianae Ephesiorum faciebant .

Illud vero quod in maiori illo familiaris , ac domestici Dei sigillo in eadem Tabula designato n. 1. & in altero n. 3. observari potest , minime silentio praetereundum . Nam

paene

paene clausis oculis ita sculpti sunt ut somnum capere videantur; quasi veluti *Somniales Dii* culti fuerint, quo cognomine appellatur Hercules in Florentino marmore Par. I. n. 291. de quo saepius meminimus; eo quod divina somnia, ut superstitiose credebant, immitterent, & quid futurum, faciendum fugiendumve esset per somnum consulentes admonerent. Putarunt enim somnia esse mirifica, & mira operari solere, ut auctor est Lucianus, qui dum somnium suum narrat, *θαυματοποιὸν γὰρ αἱ ὄνειροι*, inquit. Neque enim inconsulte ab artifice sculptos hoc modo Deos fuisse putandum est. Nam ex eorum infinita turba paene omnes apertis oculis exhibentur; qui interdum gemmeos oculos, vel argenteos ornatus cultusque gratia insertos habent; qui tamen caeci fuere, & duces caecorum. Hos igitur Averuncos Deos domestico cultu magno in honore habitos fuisse puto, quod malorum omnium vindices, expulsoresque per somnia, quae immittebant, haberentur. Bonum vero eventum somniorum indicare mihi videtur manus dextera, quam eo modo elatam ostentat; in sinistra vero vitam, sive diadema praefert, ut auguror.

Non indignam eruditorum aspectu inter Pratenfes Deos Lares supra n. 111. pag. 129. exhibui ex Bonamici Cimeliis Gorgonam in argentea perparva lamella expressam, hiantem, ac terrifico vultu, quae se munire veteres consuevere, quod crederent eidem inesse vim quamdam abigendi pericula, & praestandae securitatis: circa quam sculpti sunt exotici characteres, quos aliis interpretandos relinquo.

Post haec observanda duo emblemata ex aere eleganter sculpta, quae exhibentur in allata Tab. n. 4. & 5. ex Museo Casotio, in Pratenſi Agro inventa, quae scyphum aliquem, vel aliquod vas Deliacum Herculi sacrum exornasse perspicuum est. Nam in altero n. 5. eminet ex ore adpositae Larvae, sive oscilli epistomium ad liquores fundendos; & in postica adeo curvantur, ut ad nullam aliam rem nisi ad aliquod vas ornamandum inservisse videri possint. Haec vasculorum ornamenta, *emblemata, erustae, & sigilla* appellan-

Iantur a Cicerone in Oratione IX. Libri IV. in Verrem : De his consulendus Plinius Libro XXXIII. Cap. 12. Horatius Sat. III. Iuvenalis Sat. V. Martialis Lib. II. Epigramm. XLIV. item DD. Lib. XXXIII. tit. 10. & Lib. XXXIV. tit. 2. & DD. de auro , & argento . Haec sigilla , crustae , emblemata , quae vel animalia Diis sacra , vel ipsorum Deorum imagines , & fortia facta illustrium Heroum referebant , ab ipsis vasibus avelli poterant , quod a Verre factum saepius inculcat Cicero .

Haec igitur emblemata , quae altitudine Romani pedis uncias quatuor supra dimidiam exaequant , quaeque Herculem referunt , capite leonina pelle circumtecto , quamvis coniciere aliquis possit ornasse aliquod vas Deliacum , sive Corinthium , quod athletic victoribus in certaminibus dari solebat ; nam Hercules athletarum Genius , & tutelare Numen fuit , cui etiam athletica certamina sacra ; idque Athletae nobilissimum signum ex marmore ostendit , quod exstat in regio Mediceo Museo , qui insigne vas gestat , & intuetur , suorum laborum praemium ; ego tamen conferta eadem fuisse puto aheneo vasi , seu phialae , seu amphorae , quibus ad vinum fundendum in cyathos veteres in conviviis utebantur . Nam Hercules in his emblematis , sive crustis , sigillisve sculptus est sereno atque hilari admodum vultu , qualem convivas habere decet , virili aetate , & ad senium minime vergente , ad omnem animi laetitiam exprimendam creandamque composito ; neque ea facie torva ac truci , curis ac laboribus confecta , qualem mira arte expressit praestantissimus Lysippus vel in Colosso , quod Florentiae visitur in regia AEde Magni Ducis Etruriae , vel in alio ex aere signo sequenti Graeco Epigrammate celebrato , quod ex antiquo marmore , hoc tempore exstante Venetiis in Palatio Erizzorum , in Anthologiam quoque Graecorum Epigrammatum antiquitus relatum est , editumque ex fide marmoris a Sponio in Miscelaneis eruditae Antiquitatis Sect. II. Art. X. pag. 51. totidem elegantissimis versibus Latinis redditum ab eximio vi-

ro Antonio Maria Salvini, quos subnectere libuit, propterea quod & Herculum Medicum, Lysippi opus, ad vinum expriment.

ΗΡΑΚΛΕΣ ΠΟΤ ΣΟΙ ΠΤΟΡΘΟΣ ΜΕΤΑΣ ΗΤΕ ΝΕΜΕΙΟΣ
ΧΛΑΙΝΑ ΚΑΙ Η ΤΟΞΩΝ ΕΝΠΛΕΘΟΣ ΙΟΔΟΚΗ
ΠΟΤ ΣΟΒΑΡΟΝ ΜΙΜΗΜΑ ΤΙΣ ΕΠΛΑΣΕΝ ΩΔΕ ΚΑΤΗΘΗ
ΛΤΣΙΠΠΟΣ ΧΑΛΚΩ Δ ΕΓΚΑΤΕΜΙΣΕ ΘΑΤΝΗΝ
ΑΧΘΗ ΓΥΜΝΩΘΕΙΣ ΟΠΑΩΝ ΣΕΟ ΤΙΣ ΔΕ Ε ΕΠΕΡΣΕΝ
Ο ΠΤΕΡΟΕΙΣ ΟΝΤΩΣ ΕΙΣ ΒΑΡΥΣ ΑΘΛΟΣ ΕΡΩΣ

Alcides, ubi clava ingens? ubi laena Nemea?

Torva ubi nam facies? plena ubi nam pharetra?

Effinxit quis te delecto lumine tristem?

Hic a Lysippo mixtus in aere dolor.

Armis nudatus maeres; quis te expoliavit?

Aliger, atque gravis, mi labor, acer Amor.

Epistomium, quod supra caput Herculis eminet in altero sigillo, fustum in mensis vinum ostendit. Pervulgatum siquidem est veteres in conviviis non solum libare vina in honorem Deorum consuevisse, verum etiam cum plausu, & cum odoribus in mensam effundere, cuius rei exemplum in Didonis convivio apud Virgilium, in fine libri primi, in omnium oculis est. Quod vero Hercules Deus convivalis haberetur, sive mensarum praeses, & Genius *Epitrupeus*, Papinius Statius Sylvarum Libro IV. disertissime ostendit. Nam ad cenam invitatus a Nonio Vindice veterum signorum, & tabularum studiosissimo spectatore, & conquistore egregio, inter cetera artificum praestantissimorum opera, quae apud ipsum contemplatus est, laudat Herculis sigillum mensae adpositum, in cuius base Lysippi artificis nomen sculptum erat; quod etiam celebrat Martialis Libro IX. Epigramm. XLIV. & XLV. notatque antea in deliciis fuisse, ac mensis adhibitum ab Alexandro Macedonum rege, ab Annibale, & a Sulla Dictatore, a

qui-

quibus postea ad Vindicem pervenit . Sed praestat ipsum Statium audire :

*Haec inter , castae Genius tutelae mensae
Amphitryoniades , multo mea cepit amore
Pectora , nec longo satiavit lumina visu :
Tantus bonos operi , firmosque inclusa per artus
Maestas . Deus ille Deus seseque videndum
Indulsit Lysippe tibi , parvusque videri ,
Sentirique ingens : Et cum mirabilis intra
Stet mensura pedem , tamen exclamare libebis
(Si visus per membra feras) hoc pectore pressus
Vastator Nemees , haec exitiale ferebant
Robur , Et Argoos frangebant brachia remos .
Hoc spatium tam magna brevi mendacia formae .*

Sed qua de causa Hercules mensarum Genius , & tutela fuerit , eiusque simulacrum adpositum mensis , & in convivalibus vasculis exsculpta eiusdem imago , perspicue declarat Athenaeus Deipnosophistarum Libro XII. Cap. I. qui ait Herculem epulandi studiosissimum fuisse , omnisque laetitiae ac voluptatis ; atque eam inolevisse apud homines , eius exemplo , consuetudinem , ut libantes nihil in calice vini relinquunt . Praeterea quemadmodum Iupiter passim apud Lucianum aliosque veteres auctores *averfor tristium* dicitur , vel ut Bacchus *laetitiae dator* ; ita Hercules *ἀλγισταχος* , malorum depulsor , tristiumque curarum averruncus Deus fuisse passim perhibetur .

In conviviis vero laeta omnia esse debent , laeti convivae , curarumque omnium vel memoria penitus abigenda . Hinc quemadmodum Liberi Patri cantharus , ita Icyphus Herculis poculum est . Idcirco veteres fectores sculptoresque gemmarum exiimi non sine causa cum poculo fecerunt , & nonnumquam quassabundum , & ebrum , ut ostendit Macrobius Saturnalium Lib. V. Cap. 21. non solum quod is heros bibax fuisse dicatur , sed etiam , quod antiqua historia est , Herculem poculo tamquam navigio (seu navigio cui *Icyphus* nomen fuit) ventis immensa maria trans-

S

fisse

fisse, Multa in Herculem Bibacem, Admonis opus, Sardaë incisum Tabula I. adnotavit Vir Clarissimus Philippus De Stosch, qui praeclaram spartam egregie adornavit, collectis LXX Gemmis antiquis praestantissimorum Scalptorum nominibus insignitis. Sed non scyphos tantum Herculi Heroi multibibo sacravit antiquitas, quod primus his usus fuerit, ut tradit Athenaeus Deipnosoph. Lib. XI. verum etiam crateras, ut docent vetusti lapides. In Gruteriano 1. XLVIII. legitur cratera argyrocorynthia cum basi sua, & hypobasi marmorea Herculi invicto dono data a L. Curtio Abascanto, & L. Curtio Gaudente eius filio, propter immunitatem annorum quatuor sibi datam, ut puto, a Corpore Custodiariorum. Item ex inscriptione apud Sponium in Miscellaneis pag. 50. constat Herculi Victori crateram marmoream cum basi sua dedicatam fuisse a Cn. Domitio Cn. L. Polymnesto.

Si coniecturis indulgere liceat, alia afferri possunt pro explicatione horum emblematum, vel quod alicui vasculo Herculi sacro ornamento fuerint. Nam vasa voti causa Diis donari dedicarique solebant. Ita scyphos Veneri dicatos, cantharus Iovi, Herculi crateras non semel observavimus. Si quis vero pro vase accipiat, quo in sacris Herculis uti consueverint, recte id quoque convenire potest; cum nemo ignoret narrare veterum fabulas Herculem pene totum terrarum orbem peragrasse, atque expulsis profligatisque vitiorum monstris Deorum cultum ubique restituisse. Neque eorum opinioni adversabor, qui haec emblemata non vinario vasi, & in sacrificiis adhibito, sed aquario inserta fuisse fortassis putabit: nam in re perobscura, & nobis incognita coniecturis uti cuique licet, dummodo in his aliqua verisimilitudo, vel probabilitas sit. Nemo enim ignorat ante sacrificia, & discubitionem in tricliniis, aquam manibus sumere solitos fuisse, & pedes abluere si balneo loti, unctique prius non fuissent: Aquam in manus nivatam ex camella infusam ab Alexandrinis pueris narrat Petronius Satyr. Cap. 31. antequam in-
vita-

vitati accumberent in triclinio delicatissimi Trimalcionis .
Aquis vero & ipsum Herculem cum Nymphis , & Mer-
curio , ceterisque Diis praepositum ostendunt vetusta ana-
glypha , in quibus comes additus est , ut apud Fabretum .
Inscriptionum Antiquarum Cap. VI. pag. 432.

Observatis hisce eruditae vetustatis reliquiis , quae vel in
Civitate , vel in Agro Pratenſi reperta sunt , ad sepulcrales
memorias exponendas gradum facio , quas Romae erutas ,
Pratum advehi iussit praeſlaudatus Caſottius , & in ſui Mu-
ſei ornamentum dedicavit .

*Marmoreus Cippus , altitudine fere Romanos pedes duos colligens ,
latitudine vero unum ſupra dimidium .*



3. Argaeus puer nondum in familiam Naeviam adſcitus,
& praenomine , ac nomine domini ſui donatus , propriam
appellationem ſortitus eſt ab Argaeo filio Apollinis , & Cy-
renes . Immatura morte raptos pueros a Diis in caelum af-
portari credidero , & miniſtros ſtatuſi Deorum menſae ,
quemadmodum colligi poteſt ex ſequenti Epigrammate .

S 2

Cre-

Graeco Smynae, caelato in basi marmoreae columnae, Latine reddito a V. C. Antonio Maria Salvinio, quod edidit Guil. Fleetwood. in Sylloge antiquarum Inscriptionum pag. 245. 1. quod etiam clarissime docet veteres de animarum immortalitate minime dubitasse.

ΝΥΣ ΜΕΝ ΕΜΟΝ ΚΑΤΕΧΕΙ ΖΩΗΣ, ΦΛΟΣ ΤΙΤΝΟΔΟΤΕΙΡΗ
 ΛΑΤΕΙΝΟΝ ΑΥΣΑΣΑ ΝΟΣΩΝ ΔΕΜΑΣ ΗΔΕΙ ΤΙΠΝ
 ΛΗΘΗΣ ΔΩΡΑ ΦΕΡΟΤΕ ΕΠΙ ΕΜΟΙ ΠΡΟΣ ΤΕΡΜΑΣΙ ΜΟΙΡΗΣ
 ΨΥΧΗ ΔΕ ΚΡΑΔΙΗΣ ΔΙΑ ΜΕΣΑΙΘΕΡΟΝ ΕΙΚΕΛΟΣ ΑΤΡΗΙ
 ΚΟΥΦΟΝ ΕΠΑΙΩΡΟΥΣΑ ΔΡΟΜΟΥ ΠΙΤΕΡΟΝ ΠΕΡΙ ΠΟΛΛΩΙ
 ΚΑΙ ΜΕ ΘΕΩΝ ΜΑΚΑΡΩΝ ΚΑΤΕΧΕΙ ΔΟΜΟΣ ΑΣΣΟΝ ΙΟΝΤΑ
 ΟΥΡΑΝΙΟΙΣ ΤΕ ΔΟΜΟΙΣΙ ΒΑΣΙΛΩ ΦΛΟΣ ΗΡΓΙΤΕΝΕΙΗΣ
 ΤΙΜΗ Δ ΕΚ ΔΙΟΣ ΕΣΤΙ ΣΤΗΝ ΑΘΑΝΑΤΟΙΣΙ ΘΕΟΙΣΙ
 ΕΡΜΕΙΔΩ ΛΟΓΟΙΣ ΟΣ Μ ΟΥΡΑΝΟΝ ΗΓΑΓΕ ΧΕΙΡΩΝ
 ΑΤΗΚΑ ΤΙΜΗΣΑΣ ΚΑΙ ΜΟΙ ΚΛΕΟΣ ΕΣΘΛΟΝ ΕΔΩΚΕΝ
 ΟΙΚΕΙΝ ΕΝ ΜΑΚΑΡΕΣΣΙ ΚΑΙ ΟΥΡΑΝΟΝ ΑΣΤΕΡΟΕΝΤΑ
 ΧΡΥΣΕΙΟΙΣΙ ΘΡΟΝΟΙΣΙ ΠΑΡΗΜΕΝΟΝ ΕΣ ΦΙΛΟΤΗΤΑ
 ΚΑΙ ΜΕ ΠΑΡΑ ΤΡΙΠΟΔΕΣΣΙ ΚΑΙ ΑΜΒΡΟΣΙΕΙ ΤΡΑΠΕΖΑΙΣ
 ΗΔΟΜΕΝΟΝ ΚΑΤΑ ΔΑΙΤΑ ΘΕΟΙ ΦΙΛΟΝ ΕΙΣΟΡΟΥΣΙΝ
 ΚΡΑΤΟΣ ΑΠ ΑΘΑΝΑΤΟΙΟ ΠΑΤΡΗΣΙ ΜΕΙΔΙΟΥΝΤΕΣ
 ----- ΠΡΟΕΧΑΙΣΙΝ ΕΠΙΣΠΕΝΔΩ ΜΑΚΑΡΕΣΣΙ

*Somnifera en nostrae vitae iubar occulvit nox ;
 Exsolvens morbis dulci anxia membra sopore ;
 Ad Parcae fines mihi Letbes munera portans
 Spiritus & cordis , velut aura per aethera pennas
 Suspendis rapidas cursusque ad sidera fertur ,
 Meque beatorum recipit domus alta Deorum .
 Proximus ac domibus Auroram cerno supernis .
 Est honor ab Iove cum immortalibus ; & magnis Dis ;
 Mercurii qui me ad caelum deduxit ab ore ,
 Praebuit atque decus , pulchroque adfecit honore ;
 Stelliferum ut caelum immortales inter haberem ,
 Adfessor fieri gaudens in sedibus aureis .
 Atque apud ambrosias mensas tripodasque vivens*

Ac-

*Accumbens epulis Divisque ego specter amicis.
Immortale Dei morveant caput arridentes
..... latices ego libo beatis.*


Ibidem:

A . D . M .
C. Q. EVFEMVS. AELIAE. TYC
HENI. CONIVGI. BENEM
ERENTI. FECIT. Q. VIX
AN. XIV. ET. C. Q. HERMIAE
Q. VIXIT: AN. IIII. MENS
IIII. DIEB. VIII. BENEM
FECIT. QVINTIA. PARTHEN
OPE. NVTRIX. ET. P. FARSV
LEIVS. ISIDORVS TATA

4. Unicus hic sepulcralis Titulus duos defunctos complectitur, & notat conditos in uno eodemque monumento; nempe AELIAM Tuchenem, quae vixit annis quatuordecim, cui maritus Caius Q. (forte *Quintius*, neque enim raro notatum familiae nomen, utpote admodum cognitae, per unicam initialem literam) hanc memoriam fecit; deinde ut puto; C. *Quintium* Hermiam quadrimulum eorumdem filium, quem tumularunt Quintia Parthenope Nutrix, & P. Farsuleius Isidorus Tata, scilicet *Nutritor*, vel *Nutricius*, nobis il *Balio*; non vero pater naturalis, ut observat Fabrettus Inscriptionum Ant. Cap. III. pag. 142. quem vide. Ita quoque Papiria Antigona Mamma appellatur, idest *Nutrix*, in sequenti Titulo, duplici ollae superposito columbarii Monumenti Gentis Papiriae Romae:

Ibi.

Ibidem.



§. Blanditiarum causa quemadmodum Nutricius dicitur *Tata*, & *Tatulus*, ita Nutrix saepe in antiquis lapidibus *Mamma*, & *Mammula* appellatur. Nam ab amore, quo se mutuo Nutrices, ac Nutritores, Alumnī, & Alumnae complectebantur, ortae sunt blandae voces, quibus invicem se compellabant; quas tum apud Graecos, tum apud Latinos adnotavit Cl. V. Iohannes Iacobus Claudius in Dissertatione de Nutricibus, & Paedagogis Cap. V. Alias haec addam ex vetusto lapide Gruteniano pag. DCLXIII. §. quem propter festivam elegantiam, ut in exemplum subicerem, minime supervacuum esse putavi.

v. SALVIDIENA. Q. L. HILARA. SIBI. ET. SVAE
LIBERTAE. SALVIDIENAE. FAVSTILLAE
DELICIAE. SVAE. ERVDITAE. OMNIBVS
ARTIBVS. RELIQVISTI. MAMMAM. TVAM
GEMENTEM. FLANGENTEM. FLORANTEM
VIXIT. ANNIS. XV. MENSIB. III. DIEB. XI. HOR. VII
VIRGINEM. ERIPVIT. FATVS. MALVS. DESTITVISTI
VITILLA. MEA. MISERAM. MAMMAM. TVAM

Salvidienam Hilaram Libertam Q. Salvidieni, nutricem Libertae suae Salvidienae Faustillae notare possumus, quae alumnam *deliciam*, & *vitillam suam* peramanter appellat.
Ma-

Matres etiam sequioribus seculis, ut & hodie *mammæ* appellantur, uti fratres, ac sorores *tatae*. In Romano epitaphio, quod edidit V. Cl. Montfauconius in Diario Italico Cap. X. pag. 147. & nonum circiter seculum præferre putat, hæc leguntur:

Hocce puellæ iacet tumulo corpus Elisabet

Quod manet in sancta aula nunc Baptistæ Iohannis:

Illebrandus eius gemitor Theodoraque mamma. &c.

C. Papirius Romanus, ut in laeva Tituli parte notatur, in COL. idest *Collina* Tribu civis suffragium tulit.

Ibidem.

Ibidem.

6

D	M
L. MVNILIO RHODONI	
QVI. VIX. ANN. III.	
DIE. XXXV. HYLAS. ET. MV	
NILIA FILVMENE	
PAR. FIL. DVLC. B. M. F.	

7

D	M
FELICISSIMVS.	
AVG. LIB. MYRONI	
COLLIBERTO. ET.	
COLLEGE. BENE	
MERENTI. FECIT	

6. Munilia gens hæctenus antiquariis incognita ab oblivione, ac tenebris ex hoc lapide vindicatur. PAR. FIL. DVLC. B. M. F. Hoc est: *Parentes filio dulcissimo bene merenti fecerunt*. Hylas pater, ut observo, solo suo cognomine contentus, prænomen, & nomen Muniliae gentis hic reliquit.


7. COLLIBERTO. ET. COLLEGE. Idest COLLEGAE: Eodem fere modo ut summi viri eos quos sibi adlectos habent in Magistratum dignitate, & officio collegas vocant; ita quoque liberti eos quos in Domo Augusta aequali ministerio, & officio sibi adiunctos acceperant collegas appellant, honoris causa, quod & in explicatione Cippi mar-
morei inventi in Monumento, sive Columbario Libertorum,

ac

ac Servorum Liviae Augustae, & Caesarum observavi pag. 227. Ita quoque milites in Legionibus socios appellant collegas, ut videre est in militari lapide apud Sponium in Miscellaneis eruditae Antiquitatis Sect. V. pag. 162.

Ibidem.

8




9



10



11



12



9. :: TEPHANION. Lege STEPHANIONI, adolescentis nomen; cuius honore sepulchralis titulus coronatur. STEPHANIVM puella introducit a Plauto in Stycho.

11. OFFICIA. Fragmentum sepulchralis Tituli, qui, ut ex his quae supersunt colligitur, amorem & voluntatem erga defunctum aedificandi magnificentius sepulchrum continebat, & suprema officia propensius exhibendi; de quo alia exempla alibi notavimus, ac praesertim in Prima Parte

te

ANTIQ. PISTORII ET TRATI. 145

te pag. 210. n. 51. Supremorum officiorum erga defunctos meminit hic lapis Romanus, nuper editus a V. Cl. Boldetto in Observat. ad Coemeteria SS. Lib. I. Cap. XXXIX. in Museum Albanum postea translatus; sed recognosci non potuit an in primo vel in secundo versu mendum irrepperit.

C. IVLIVS. AVG. LIBERTI.

LIBERTVS. EROS

PISTOR. CANDIDARIVS.

PER. ANNOS. QVOS. INTER

MORTALIS. FVIT. ANTE. EVM. DIEM

QVI. FVIT. VI. IDVS. MAI. VIXIT

ANNOS. L. HVIVS. SACRAVIT

IVLIA. GLAPHYRA. COLLIBERTA

ET. PRAESTITIT. OFFICIA.

M. ÆMILIO. LEPIDO. T. STATILIO

TAVRO COS.

Ars, & officium haftenus incognitum C. Iulii Erotis Liberti PISTORIS CANDIDARII, in eo fuisse mihi videtur ut candidum panem, omnium optimum, & probatissimum, ex molli filigine conficeret in usum mensae Augusti domini sui, quem ita laudat Iuvenalis Sat. V. v. 72.

Sed tener, & NIVEUS, mollique filigine factus

Servatur Domino —

Sed Augustum maxime appetivisse *secundarium panem*, vulgarem cibum, auctor est Suetonius in eius vita c. 76.

Pro coronide antiquarum Inscriptionum Musei Casottii en aereum collare Servi fugitivi, quod collo eiusdem videtur clausum fuisse, percussis clavulis, qui supersunt.

13

SVIIVTENE MENE FACIA:

T

13. Cir-

13. Circuitu suo , ac longitudine Romanum pedem unum , ac dimidium aequat ; altitudine vero unciam unam supra dimidiam . Literae , si postremis nonnullas ex superioribus scriptis adicias , id significant :

TENE ME NE FVGIAM I (ITERVM) A TE

Ex hoc proculdubio pendere debuit aerea lamella , in qua erat expressum domini nomen , item via & locus omnibus notus , in quo ipse habitaret , ut servus fugitivus facili negotio revocari ad eum posset ; quod ostendunt rotundae laminae , quas ex Donianis Collectaneis exhibuimus Classe II. n. 172. & 273. Vide & Sponium in Miscellaneis pag. 300. & Fabretum Inscriptionum Antiquarum Cap. VII. pag. 322. Primum constat fugitivos inustis servilibus notis , & stigmatis in facie inscriptos fuisse , ac dominorum nomina praetulisse , ad quos revocarentur ; quae Petronius *fugitivorum epigrammata* , & *argumentam* vocat ; quare ut apud Plautum in *Casina* Act. II. Sc. VI. & Apuleium Lib. IX. *Metamorph.* servi *literati* appellabantur Ex hoc vero collare probe perspicitur quomodo literae per puncta in fronte primum scriberentur , quae postea ex ore , ne facies hominis ad divinae pulcritudinis imaginem expressa tantopere foedaretur , Constantini Augusti iussu , in collaria translatae sunt , servata interdum earundem forma , ac scribendi ratione , quam exhibet hoc singulare monumentum : Has illustrent Plinii Secundi verba in Panegyrico ad Traianum : *neque , ait , ut antea ex sanguem illam , & ferream frontem nequaquam convulnerandam praebeant PVNCTIS , & notas suas videant.* De huiusmodi puncturatis literis , & stigmatibus vide Ioh. Rhodium C. V. in Scribonium Largum , & R. P. Theophilum Raynaudum Soc. Iesu Theologum perinsignem. Sect. II. Cap. II. de Stigmatismo sacro , & profano . Sed quibus verbis utatur D. Paulus ut Onesimum servum fugitivum revocet in gratiam Philemonis , a quo fugerat , vide in Epistola ad eundem ,



IN-

147

INSCRIPTIONES ANTIQUAE VOLATERRIS.

Inventa in Agro Volaterrano, apud Montem viridem.



*Ex Schedis Davianis, & ex Collectaneis Petri Tancredi MS. Cl. P.
Uberti Benevolentis Patricij Senensis.*

QUam inter omnes Etruriae Urbes VOLATERRAE
sint antiquissimae, & nobilissimae, summorumque
Scriptorum testimonio, ac laudibus celebratae,
propositum mihi non est edita ab aliis longa verborum as-
tutiae rursus recudere, (id enim supervacaneum, ac do-
ctis viris iniucundum esset) sed quae hactenus haud satis
nota, & pervulgata sunt in medium asserre; declaratis an-
tiquis

T. 2

tiquis

tiqvis Inſcriptionibus, aris, anaglyphis, & ſignis, quae in iſtis ad haec tempora conſpiciuntur. Primum igitur, ut ex ordine procedam, de patriis, ac localibus Dīs Volaterranorum, de Templis, ac publicis aediſiciis, de ſtatuſ & monumentis Etruſcorum, qui hanc opulentiſſimam Urbem condiderunt, diſſeram: deinde de Magiſtratibus, de illuſtribus viris, qui in ea floruerunt, de optimis civibus, quorum egregia facta domi foriſque tum auctorum, tum veſtitorum lapidum inſigni documento poſteris commendata fuere.

Igitur inter reliquos communes Deos Etruſcorum, Bellonam Volaterris praecipuo honore cultam fuiſſe indicat haec ara marmorea votiva, eidem ſacra, quae a Donace Liberto Auguſti Menſore dicata eſt. Scriptum MESOR pro MENSOR, praetermiſſa N, quod alibi non raro ab antiquis quadratariis factum notavimus. In arte, ſive officio huius Liberti Menſoris in Domo Auguſta nil opus eſt ut diutius verſer, cum aliqua de Menſoribus, & de Decurionibus Menſorum, qui rei cibariae menſuris praecerant, dixerim ad Titulum XXVIII. Monumenti, ſive Columbarii Libertorum, & Servorum Liviae Auguſtae. Menſoris aediſiciorum, operumque publicorum meminit Plinius Secundus in Libro X. in epiſtula ad Traianum, cuius teſtimonium Gutherius de Officiis Domus Auguſtae, & de Menſoribus agens, minime obſervavit; ac pro eo accipitur qui metiendorum publicorum operum curam habet, & calculat impenſas, & lites aeſtimat, quae in his non raro occurrunt. Sed en Plinii verba: *Quintodecimo Kal. Octobres, Domine, provinciam (ſcilicet Bithyniam) intravi, quam in eo obſequio, in ea erga te fide, quam de genere humano mereris, inveni. Diſpice, Domine, an neceſſarium putes mittere huc MENSOREM. videntur enim non mediocres pecuniae poſſe revocari a curatoribus operum, ſi menſurae fideliter agantur: ita certe proſpicio ex ratione Pruſienſium, quam cum Maximo tracto.*

Sed ut ad Bellonam Volaterranorum Deam revertar, quam veteres Martis ſororem, vel etiam coniugem fuiſſe fabu-

fabulantur, & cum eo bellorum curam gerere, & ad bellum necessaria arma, currus & equos parare, eam ab Etruscis cultam fuisse peculiari ritu, facile hinc credere possumus. Exstat in Gruteriano Thesaurο MLXVIII. 4. alia inscriptio Bellonae sacra, in ruinis Lunae antiquissimi Etruriae opidi reperta, quam voti causa libens merito consecravit Stephanus Imperatoris Vespasiani Libertus. In Etruscis anaglyphis, urnis, & sepulcris additis Dempsteriano Operi, pugnantibus viris interdum assistit femina, facem dextra gerens, ut Tabula XXI, interdum alata ut Tab. XXV. & armillis ornata in brachiis Tab. LXXI. n. 2. vel solutam corollam manibus praefereus, quasi ad pugnandum premio instigatura, vel tenens hastam, & clypeum Tab. LXVIII. n. 2. & LXX. Videant viri docti an hac imagine Bellona designata fuerit ab Etruscis, quae videlicet non solum bellis praeeset, & bella curaret, verum etiam furorem, roburque pugnantibus immitteret; quare a Graecis dicta est Enyo, quam Homerus, teste Pausania, Libro V. Cap. 30. una cum Pallade bellantibus ducem praefecit. Facem hinc Bellonae tributam puto, quam ita describit Silius Italicus Libro V. Punicorum v. 220.

Ipsa facem quatens, ac flavam sanguine multo

Sparsa comam, medias acies Bellona pererrat.

Stridit Tartareae nigro sub pectore Divae

Letibiferum murmur, feralique horrida cantu

Buccina lymphatas agit in certamina mentes.

In aliis Etruscis anaglyphis, in quibus sculptae sunt feminae succinctae, armatae facibus dextera vel sinistra manu, vel cum gladio, vel cum bipennibus, Tab. LII. LIII. LXXXIV. LXXXVI. recte Furiae intelligi possunt, ut observat Etruscarum Antiquitatum longe consultissimus Philippus Senator Bonarrotius; vel, si placet, Bellona quoque, cui aliqua Furiarum comes addita sit, ut indicat Petronius in Satyr. Cap. CXXIV. his versibus:

At contra, sedes Erebi qua rupta debiscit;

Emergitque late Disis chorus, horrida Erinyes,

Et Bellona minax, facibusque armata Megæra.

Bello Etrusco confecto Appius Claudius Caecus aedem Bellonae constituit Romae, in IX Regione, ante portam Carmentalem, non procul a Circo maximo, de qua Ovidius Fastorum Libro VI. Huius Deae Sacerdotes Bellonarii dicti sunt, qui se cultris ferientes, proprio sanguine numen placabant, furentesque vaticinabantur, qui & Fanatici ab aede Bellonae appellantur in Gruteriano lapide CCCXIII. 1. quare Iuvenalis Satir. IV. v. 124.

— *sed ut fanaticus æstro*

Tercussus, Bellona, tuo, divinat, & ingens

Omen habet. —

Ex allatis igitur indicatisque monumentis, quae in Etruria Urbibus eruta sunt, conicimus Bellonae cultum, & sacra ab Etruscis manasse ad Romanos. Illud vero constat magno in honore fuisse hanc Deam apud Volaterranos & ipso Augusteo aeo; quae non solum aram in eorum Municipio & Colonia habuit, Decreto Decurionum publico in loco positam, verum & fortassis aedem, ut auguror, cuius tamen nulla prorsus exstat memoria.

Bellonae, aliud Numen nobis incognitum, a Volaterranis Etruscis cultum, addendum est, quod in Dempsterianis Monumentis Tabula XLII. ex archetypo delineatum, cernitur. Id exhibet marmorea statua Mulieris, puellum in sinu sustinentis, literis Etruscis inscripta, quae, ut cives testantur, Volaterris inventa est, & apud Nobiles de Massis servatur. Fortunam, Nortiae Deae nomine ab Etruscis cultam, ut Scriptores indigitant, eam repraesentare, modesta, sed erudita divinatione credit V. Cl. Senator Bonarrotius, apud Etruscos effingi solitam speciem mulieris, puerum in ulnis gestantis; quemadmodum Fortunae Praenestinae simulacrum cum Iove puero describitur a Cicero de Divinatione. Id quoque confirmant Praenestinae inscriptiones duae in Gruteriano Thesauro pag. LXXVI. 6. 7. quarum prima in basi statuae caelata, Fortunae Primigeniae Iovi puero dicata est; altera Fortunae Iovis pueri Primigeniae

geniae: quo signo veteres indicarunt fortunam, quam omnes homines natali suo consequuntur. Idem numen, ut prae-
laudatus Senator observat, forte occurrit in anaglypho ur-
nae marmoreae Clusinae Tab. LXVIII. n. 1. in quo pugna
repraesentatur. Potest etiam hoc Etruscum simulacrum,
ne ab auctoris clarissimi mente, & ab opinione eruditorum
civium Volaterranorum discedam, referre Pacem, quam,
ut notat Pausanias, Cephisodotus apud Athenienses fecit
infantem Plutum in sinu habentem; ut hinc deduci possit
Volaterranos praecipuo honore has Deas coluisse, quarum
prima bellorum, altera pacis arbitra credita est. Huic sta-
tuae persimile aeneum sigillum, altum fere uncias sex, ob-
servavi in Regio Museo Mediceo, quod mulierem exhibet,
fortassis Fortunam, Plutum infantem in sinu gerentem, fas-
ciis involutum, cui retro e cingulo pendet pera viatoria,
ni sit marsupium, quod pecuniam in eo servari indicet.

Verum quum Cl. V. Philippus Bonarrotius Etruscos
in haec Italiae loca ex Aegypto profectos fuisse non levi-
bus, sed doctis argumentis opinetur, & habitum, & for-
mam Numinum Aegyptiorum imitatos fuisse, Fortunam
eos repraesentasse auguror eo modo quo Isis apud Aegy-
ptios colebatur effingebaturque, puerum Horum vel lactans,
vel in ulnis gestans, quae in Gruteriano lapide LXXXIII.
11. MYRIONIMA, & in Reinesiano Classe I. n. 213. MA-
TER appellatur, atque una omnia esse dicitur, cum qua
etiam plura numina credita convenire.

Cereris Frugiferae Templum Volaterris fuisse fortassis in-
dicat hoc marmorei anaglyphi fragmentum, ibidem in-
ventum, quod hoc tempore exstat penes Nobilem Virum
Iohannem Equitem Falconcinium. Cernitur in eo scul-
ptum bucranium baccis coronatum, e cuius cornibus pen-
dent encarpia lemniscis religata. Capiti insidet locusta,
quae fruges depascitur; quod symbolum, ut puto, decla-
rat Cererem Volaterranis aliquando opem tulisse, & eo-
rum arva, ac fruges ab exorta vi locustarum, quibus in-
terdum ille regionum tractus & nostro seculo obnoxius
fuit,

fuit , opportune liberalisse . Non tantum formicae , verum etiam locustae sculptae sunt in Gemmis , quae praefereunt imaginem Cereris , & Dei Panis , ut observavi in pluribus gemmis , quae studii gratia in suis Schedis delineavit prae-
laudatus Philippus Senator Bonarrotius ; quare si quis Deo Pani aedem Volaterris fuisse constitutam ex hoc anaglypho suspicetur , non abnuam ; liceat cuique erudite divinare .



Metapae huiusce altitudo , ac
latitudo Pedem I. circiter
Romanum aequat .

Habuerunt enim veteres in more ea animalia Numinibus appingere , & dedicare , quae vel in eorum tutela essent , vel tamquam noxia hominibus e regionibus abegissent . Hinc Hercules cultus & Conopius ab Oteis appellatus , teste Strabone , Libro XIII. quod eos a culicibus quos *conopas* vocant , a quibus vexabantur , liberaasset . Apollo item a Rhodiis templo donatus , vocatusque Erythibius , quod agros a rubigine , quam *erythibiam* dicunt , tueretur . Idem Apollo Smintheus , & Panorpius cognominatus , quod mures , & culices ab Asiae populis abegisset , eodem Strabone teste .

In

In fronte vero templorum caelata fuisse animalia , quae in Deorum tutela erant , nemo ignorat . In capitulis quoque columnarum sculpta Deorum simulacra , quibus aedes sacra erat , ut in duobus Pisanis elegantibus capitulis pag. 2. superius adnotavimus . Effictum Pugilem victorem in flore capituli exhibet Fabrettus de Columna Traiani Cap. VIII. pag. 261. Zophorus inde dictus quod sculpta animalia in metopis referret , vel bubula capita festiva fronde , aut floribus coronata , intersculptis lancibus , & triglyphis , de quibus Philander in Vitruvium Libro III. Cap. VIII. Id quoque egregie illustratur sequenti inscriptione , quae in Gallia Cisalpina inventa est , anno MDCLXXXVI. quam profero ex Donianis Schedis .

M. IVNIVS. SABINVS
III VIR. AEDILICIAE. POTEST
ET LEGE IVLIA MVNICIPALI
PATRONVS
COLLEGI CENTONARIORVM
FRONTEM TEMPLI
VERVIS ET HERMIS
MARMOREIS PECVNIA SVA
ORNAVIT ET IN TVITION
DEDIT H-S
N. CCXXXXII

His Volaterranorum Diis addo Herculem , quem volvere , & de eius nomine Portam antiquitus appellarunt , quae postea pro *Porta Herculis* , *Porta ad Arcum* dicta est , ut putat Raphael Volaterranus Commentariorum Urbanorum Libro V. Herculem ab Etruscis praecipuo honore cultum indicant plures aeneae paterae Deorum sigillis caelatae , inter quos Hercules cernitur.

V

His

His observatis ad aedificia cum publica, tum privata Volaterranorum gradum facimus, qui, ut ait Plinius Lib. III. Cap. 5. cognomine *Hetrusci* appellati sunt, quod, ut arbitror, primum, teste Strabone, Lib. V. e Tyrhenis plerique constiterint in hoc opido munitissimo, quod in planitie arduae, ac difficilis rupis constitutum est. Inter haec antiquum Theatrum occurrit, conditum extra moenia, quae Strabo libro superscripto commendat. Quamvis aggesta humo penitus obrutum sit, eius tamen forma cernitur, ac vestigia supersunt in Prato Vallis Bonae, ut vulgo dicitur; quo in loco plures marmoreae columnae eximii operis, paucis ab hinc annis, inter rudera inventae sunt, ac praesertim iuxta viam, quae ducit ad Portam Pisanam; nam Pisis ad tricesimum circiter lapidem Volaterrae distant. De hoc Volaterranorum Theatro aliud agens disseruit vir pereruditus, ac diligens Vincentius Borghinius de Origine Urbis Florentinae pag. 183. ac certa eiusdem vestigia suo tempore apparere asseruit.

VADIS Volaterranis, Ciceroni in oratione pro P. Quintio, Plinio Libro III. Cap. 5. tribus Tabulis Itinerariis, & Rutilio Numantiano memoratis, contiguae sunt **SALINAE**; hisque proximum ostium fluminis, quod antiquum & ad haec tempora integrum nomen retinens, **CAECINA** dicitur: cuius item meminere Plinius loco superscripto, & Mela Libro II. Cap. 4. de quo plura Cluverius Italiae antiquae Libro II. Cap. I. pag. 469. Supra Salinas **ALBINI** Viri Consularis fuit Villa, quae a praelaudato Rutilio Consulari Viro ita celebratur in suo Itinerario v. 453.

In Volaterranum vero Vada nomine tractum

Ingressus, dubii tramitis alta lego.

Despectat prorae custos, clarumque sequentem

Dirigit, & puppim voce morvente regit,

Incertus gemina discriminat arbore fauces,

Defixasque offert limes uterque fudes.

Illis proceras mos est adnectere lauros,

Conspicuas remis & fruticante coma;

*Ut praebente algam densi symplegade limi
 Servet inoffensas semita dura notas.
 Illic me rapidus consistere Corus adegis,
 Qualis sylvarum frangere lustra solet.
 Vix tuti domibus faevor toleravimus imbres,
 ALBINI patris proxima VILLA mei.*

Huius Albini Cl. Viri fit mentio in duabus aris marmoreis penes Gruterum, quarum prima pag. CCLXXXVI 7. indicatur Romae in impluvio Palatii Archiepiscopi Ravenatis; declaratque Albinum Urbi Praefectum fuisse, imperantibus Honorio, & Theodosio Augustis, & operi cuidam splendidissimo iam a se facto novum adiecisse, & ornasse. Consules, qui in dextro latere leguntur, teste Grutero, procul dubio vel in alia ara, vel multo antea ita notati fuere:

DEDICATA. PRIDIAE sc
 NONAS. NOVEMBREIS
 RVST... II.... LINIO COS

Iunium Rusticum, & C. Vettium Aquilinum intelligo; qui Consules fuere anno V. C. 914. Christi Domini 162. ac proinde ita restituendos puto: RVSTICO ET AQUILINO COS. Hoc Consulum Collegium, si vere in dextro latere marmoris scriptum sit, & non ex alio lapide a descriptoribus, ut facile evenire potest, confarcinatum, facile credendum hanc aram alia inscriptione antea praetulisse, quae posita, ut huic sequioris temporis locum daret, deleta fuerit. Idem & huic alteri arae a Grutero relatae CCLXXXVII. 2. accidisse arbitror; nam teste C. V. Iohanne Baptista Donio, qui oculata manu Romae descripsit in Hortis Alexandri Massinii, & retulit in sua Collectanea, in lateribus sculptam habet pateram, & simpuvium; quae, ut ingenue fatear, non in aris votivis, vel honorariis Caesarum, sed Deorum tantum tum superum, tum inferorum conspiciuntur. Sed en ipsa ara uti ad Donio exscripta est.



Fuit igitur ALBINVS Vir Clarissimus Praefectus Urbis, vice sacra iudicans, summa tum familiaritate, tum benevolentia valde coniunctus Claudio Rutilio Numantino Gallo, Viro Clarissimo, idemque Praefecto Urbis, qui eius Villam lustravit; cui subiecta falsa palus Volaterranorum; quae SALINAE dicebatur, ut ex sequentibus eiusdem versibus cognosci potest, qui laudes Albini continent:

Namque meus, quem Roma meo subiunxit honori,

Per quem iura meae continuata togae.

Non expectator pensavit laudibus annos;

Vitae flore puer, sed gravitate senex:

Mutua germanos iunxit reverentia mores,

Et fador alternis crevit amicitiiis.

Tractulit ille meas, cum vincere posset, habenas;

Praedecessoris maior amore fuit.

Subie-

Subiectas VILLAS vocat adspectare SALINAS;

Namque hoc censetur nomine falsa palus.

Fortassis hic Caecina Albinus ille ipse est, qui apud Macrobiū Saturnalium Libro I. Cap. 2. cum ceteris convivis de doctis quaestionibus erudite colloquitur. Sequitur apud Rutilium longe elegantissima Salinarum Volaterranarum descriptio, quam, ut verbis utar V. C. Casparis Barthii, dubito utrum pari modo, & tam absolute aliam in omni antiquitate reperiās. Sed de Albini patria, quae Volaterrae fuerunt, & de eius Villa supra Salinas condita, miror nihil dixisse Barthium, nihil Dempsterum, qui in Opere de Etruria Regali celebriores Villas in Etruria recenset; nihil Iosephum Castilionem, qui Albinum nostrum cum Rufio Volusiano Albini filio, quem supra in Itinerario laudat Rutilius v. 166. turpi lapsu confundit. Illud praeterea ex allatis versibus notandum est, Rutilium in officio Praefecti Urbi non successisse Albino, in quo errore fuit Felix Contelorius, Praefectos Urbi recensens Cap. VI. sed e contra illustrem honore, ac iure togae Albinum successisse Rutilio; quod ex verbis eiusdem Rutilii a Contelorio non animadversis ipsa luce clarius est. Hunc Albinum Praefectum Urbi, ut auguror, respicit aerea lamella, literis argenteis aere inclis ex uno latere ornata, quae servatur in Museo Bonarrotio, & haec habet, quae praelaudatae arae Gruterianae pag. CCLXXXVI. 8. respondent.

SALVIS DD NN ALBINVS FECIT

Ad alia ut veniam, quae tum ex Rutilio, tum ex allatis inscriptionibus notanda sunt, Albini Consularis Viri patria, ut diximus, Volaterrae fuerunt; nam praefert proprium inclytæ gentis nomen CAECINA, quae Volaterris orta, clara in primis domi forisque fuit, summaeque auctoritatis, ut vetusti lapides, & scriptores diserte testantur. An vero a Caecina fluvio Volaterranorum nomen acceperit affirmare non audeam. Id tamen verisimile esse scribit Raphael Volaterranus, ab Iohanne Glandorpio citatus in

Ono-

Onomastico Historiae Romanae ; dubitat vero Thomas Dempsterus Libro IV. Cap. 5. de Etruria Regali . Pro re mea duos lapides in medium proferam , Volaterris erutos , quorum primus ibidem visitur in atrio Nobilium de Guarnaccis , alter in Foro , sed vitiose editus a Grutero CCCLXXVIII. 3.

2

L. CAECIN
EX DECVR
L. VOLAT

3

CAECINA. L. F
PRIMA. V. AN. XII
POMPONIA MATER
FILIAE

Virorum illustrium , qui ex hac Familia prodierunt , ducit agmen A. Caecina , Tuscae disciplinae peritissimus , & Volaterris augurum princeps , quem laudat Cicero eiusdem A. Caecinae filio scribens Libro VI. Epistolarum , & nobilissimum , atque optimum virum praedicat . Sequitur A. Caecina filius , ad quem Ciceronis , & ipsius ad Ciceronem epistolae exstant Libro VI. ut diximus , quem item Cicero mirifice laudat , appellatque auguralis disciplinae consultissimum , prudentem , fortem , & sapientem virum , singulari pudore , virtute cognita , & spectata fide amplissimum , in utraque fortuna cognitum multis signis & virtutis & humanitatis . Patria siquidem exulare coactus est , quum non modo contra Caesarem pro Pompeio pugnasset , verum etiam illi edito libro maledixisset ; quem idem Cicero P. Servilio Isaurico commendat in Epistola 66. Libri XIII. Pro hoc A. Caecina , cui post obitum viri sui M. Fulcinii Tarquinienensis nupsit Cesennia , exstat oratio eiusdem Ciceronis , quae acta est P. Dolabella Praetore Urbano . Et hic fuit , ut putat Franciscus Hottomannus Ciceronis interpres clarissimus , Caecina Volaterranus , equestris ordinis , quadrigarum dominus , quem Plinius scribit Libro X. Cap. 24. comprehensas hirundines in Urbem secum auferen-

ferentem, victoriae nuntias amicis misisse, in eundem nidum remeantes, illito victoriae colore. Idem, ut observat Glandorpius, librum scripsit de procurandis fulguribus, quem Seneca se fatetur imitari, de quo Naturalium Quaestionum Libro II. ita loquitur: *Hoc apud Caecinam invenio, facundum virum, si habuisset in eloquentia nomen, & nisi illum Ciceronis umbra pressisset.* Sed Glandorpius Caecinam Equitem, de quo Plinius meminit, Auli Caecinae, Ciceronis amicissimi, filium esset putat, qui in sua epistola cuiusdam libri meminit per filium transmissi. Exstat quoque in Epistolis Ciceronis ad Atticum Libro XVI. mentio Caecinae cuiusdam Volaterrani, Caesaris familiaris, qui ab eodem Caesare ad Ciceronem missus est. Ex quibus omnibus locis, & ex allatis inscriptionibus manifestum est Caecinarum patriam Volaterras fuisse. Vix enim credibile est quum Caecinas Volaterranos tot in locis dicat Cicero, & Plinius, librariorum omnes unanimi consensu nos decipere voluisse, & pro *Volaterranis*, scripsisse *Volturensis*, vel *Vulturrensis*, cuius lectionis vindex est nuperus quidam scriptor, qui medicas docti viri manus expectat.

Modum excederem, lectorumque aures nimis onerarem si vellem illustres omnes viros ex Caecina ortos gente, qui in Historiis memorantur, recensere. Ex his non paucos indicavit Glandorpius. Tres tantum declarabo, quorum nomina ex antiquis lapidibus posteritati commendata sunt. Primus omnium est C. Caecina Largus, qui ad celebrandum in Capitolio Natalem Augusti, & Augustae, ac Caesarum, & ad sacrificandum pro eorum salute, Fratrum Arvalium nomine, adfuit statis diebus, & victimas solemniter immolavit. Is in pluribus fragmentis memoratur, quae spectant ad Collegium Fratrum Arvalium, quae videre potes apud Gruterum CXVI. 3. CXVII. 1. 2. 3. item in fragmento nuper a me edito ad Monumentum sive Columbarium Libertorum, & Servorum Liviae Augustae, & Caesarum pag. 217. ex Codice Bibliothecae Stroziae n. 356. ex quo item hoc alterum perinsigne depromo, haec-

nus

mus antiquariis incognitum, quod item Romae olim exhibebat in aedibus Conitorum, ac postea fato quodam, ut opinor, intercidit.

ADSVIT. M. ENNIVS. VINICIANVS
IN CAPITOLIO

PROMAGISTRO. MAGISTERII
FRATERCVLI. CONLEGI. FRATRV ARVA-
LIVM. OB. NATALEM. GERMANICI
IOVI. BOVEM. MAREM. IVNONI. VACCAM
IMMOLAVIT

L.
TAVR

M. ENNIVS. VINICIANVS. M. SILANVS. C. CAECINA M
LARGVS. TAVR. STATILIVS. CORVINVS

K . IVNIS

ADSVIT. PRO. MAGISTRO. MAGISTERII
FRATERCVLI. CONLEGI. FRATRV. AR
VALIVM. NOMINE. AD. DEAM. DIAM. VACCAM
IMMOLAVIT

ADSVERVNT

IMP. CAESAR. AVG. GERMANICVS
C. CAECINA. LARGVS. TAVRVS. STATILIVS
CORVINVS. M. ENNIVS. VINICIANVS. C
CALPVRNIVS. PISO. M. SILANVS
N. IVN. IN. CAPITOLIO

ADSVIT. PRO. MAGISTRO. MAGISTERII
FRATERCVLI. CONLEGI. FRATRV
ARVAL. NOMINE. OB. NATALEM
GERMANIC. AVG. IOVI. BOVEM. MAREM
IVNONI. VACCAM. MINERVAE. VACCAM
ADSVERVNT. C. CAECINA. LARGVS. M. SILANVS
M. ENNIVS. VINICIANVS. C. CALPVRNIVS. PISO

C. Caecinam Largum inter proceres numeratum a Plinio
Histor.

Histor. Libro XVII. Cap. I. Consulem, & collegam Imperatoris Claudii in secundo eius consulatu, de quo Noris in Epistola Consulari. Sequitur C. Caecina Pactus imperante Vespasiano Augusto Consul cum L. Annio Basso, ut in Gruteriana ara CCXXXIX. 3. Inter Pisanos cives adlectum ostendo in antiquo lapide penes Gruterum CCCLXXIX. 2. L. Caecinam Severum, Galeria Tribu censum, qui Tarracone obiit Duumvir Quinquennalis, Flamen, Praefectus Fabrum, Praefectus item Cohortis I, & Orae maritimae: His Caecinam Lollianam clarissimam, & illustrem feminam adiungo, quae cum Flavio Rufio Sabino Volusiano, ni fallor, viro eius, statuam ex aere sua pecunia Romae dedicavit in honorem magnae Deum Matris: Ideae, & Attini: quod docet antiqua Tabula penes Reinesium. Classe l. n. 1279, eruta in Via Appia. Libet Volusianorum cognomen saeculae daturae notare in sequenti epigrammate Volaterrano.

Supra ostium Domus Nobb. de Guarnaccis.

4 OCTAVIAE . C . F . VOLVSIANAE
PIENTISSIMAE . QVAE . VIX . AN . XIII
M . III . D . XII . OCTAVIA . SOTIRA
MATER . PIENISSIMA . ET . C . OCTAVIVS
SPARSIVS . FRATER . PIENISSIMVS
ET LICINIVS . LICINVS . MARITVS
OPTIMVS . FECERVNT . SIBI . ET . SVIS
LIBERTIS LIBERTABVS . P . Q . E

4. Mendum delendum ex Plinii Epistola XVII Libri VII monet hic lapis, in quo legitur Octavia Sotira mater *pienissimae*. In vulgatis editionibus, nam sermo est de uxore Domitii Tullii, legitur *acceptis amoenissimae villas*, *acceptis*

pio magnam pecuniam uxor optima, & patientissima. Legendum procul dubio, uxor optima, & pientissima.

Praeter hanc Caecinarum nobilissimam, & splendidissimam Gentem, quae Volaterras magnopere illustrat, alias adtexo non modo civium, sed etiam optimorum Civium Volaterranorum, ut Ciceronis utar laudibus in Oratione pro Domo sua ad Pontifices. Harum perspicua est memoria in vetustis lapidibus, qui ad hanc diem supersunt; plurimos autem periisse non dubito. Sunt autem: *Aelia*; *Aurelia*, *Agatimia*, *Baebia*, *Calpurnia*, *Casticia*, *Cerisia*, *Cilnia*, *Flavia*, *Licina*, *Laucunna*, *Manneia*, *Norvia*, *Norbania*, *Ostavia*, *Pergonia*, *Persia*, *Petronia*, *Pollia*, *Redicia*; *Traula*, *Varrina*, *Velmia*, *Verinia*, *Vibia*, *Volasennia*. His addo *Arminiam* ex militari laterculo superius edito inter Inscriptiones antiquas Musei Medicei pag. 31. in quo scriptum C ARMINIVS PROBUS VOLATER. qui militavit Torquato, & Attico Consulibus, anno V.C. 896. Christi vero 143. Ad-do & *Rufiam* in sequenti Cippulo militari, qui exstat in Vineae Bonamonetae, a Fabretto editus Inscriptionum Antiquarum Cap. III. n. 102.

A. R V F I V S
A. F. S A B
V E R V S
V O L A T E R R I S
M I L. C O H. V. P R
S. R V T I L I
M I L. A N. X V I

Ex quo intelligo Volaterranorum Tribum fuisse *SABATINAM*, in qua censebantur, & Romanae fruebantur iure civi-

civitatis ; quam L. Sulla victor Republica recuperata , comitiis centuriatis , eripere non potuit . Audiendus Cicero in Oratione pro Domo sua ad Pontifices : *Populus Romanus , L. Sulla Dictatore ferente , comitiis centuriatis , municipii civitatem ademittit , ademittit iisdem agros . De agris ratum est : fuit enim populi potestas , de civitate ne tamdiu quidem valuit , quamdiu illa Sullani temporis arma valuerunt . Hanc vero Volaterranis , quum etiam tum essent in armis , L. Sulla victor , Republica recuperata , comitiis centuriatis , civitatem eripere non potuit ; hodieque Volaterrani non modo CIVES , sed etiam OPTIMI CIVES , fruuntur nobiscum simul hac civitate .*

Volaterranorum gloriam , & nomen Aulus PERSIUS Flaccus , Poeta Satyricus auget , qui , ut Quinctiliani utar elogio , ex Libro X. Institutionum Oratoriarum Cap. I. multum *et verae gloriae , quamvis uno libro meruit , quem optimis Philosophiae praeceptis , & ad mores Romanorum corrigendos utilissimis luculenter instruxit . Volaterris natus educatusque est ; postea Romae liberalibus disciplinis eruditus apud Grammaticum Remmiam Palaemonem , & apud Rhetorem Virginium Flaccum : In Philosophia Annaeum Cornutum , Stoicae disciplinae Philosophum , quem summis laudibus effert in Satyra quinta , amicum & magistrum habuit . Equestri quoque ordine donatus , principum doctrina , & eruditione hominum amicitia floruit , fuitque sanguine , & affinitate primi ordinis viris coniunctus , ut eius vitae auctor testatur . Rigidissimus fuit morum improborum vindex , de quo Sidonius Apollinaris Carm. IX. v. 260.*


Non Persi rigor , aut lepor Propertii .

Casaubonus hac , ut puto , de causa SEVERI cognomen . Persio fuisse existimavit , auctoritate praeterea vetusti lapidis Volaterrani , in quo A. Persii Severi nomen , & cognomen leguntur ; verum hic Titulus ad ostentem puerum ex eius familia , non vero ad ipsum A. Persium Poetam Satyricum pertinet ; quem edidit non satis accurate Gruterus pag. DCC. 4. & DCCCXX. 10. Alium huic adiun-

go hactenus ineditum , ex quo discimus Verginiam Saturninam A. Persii Severi , fortasse fratris eiusdem A. Persii Flacci Poetae , coniugem optimam fuisse , filiam Virginii Flacci Rhetoris , a quo Persius Poeta institutus.

*In Domo Duccii , prope
Portam Florentinam .*

In AEdibus Nobb. Massaciorum ;



Veniendum nunc esset ad sanctissimos illos Viros , quorum nomina in caelis scripta sunt , qui Volaterras patriam habuere , quique maximarum virtutum , & sanctitatis eximiae gloria totum terrarum orbem impleverunt . Inter hos eminet Beatissimus Pontifex , & Martyr LINUS , qui primus post Beatum PETRUM Apostolorum Principem , & IESU CHRISTI Vicarium Romanam Ecclesiam gubernavit , seditque annos undecim , menses tres , dies duodecim , qui ex praecepto D. Petri constituit ut mulier in Ecclesiam velato capite introiret ; sepultusque est iuxta corpus eiusdem Apostolorum Principis in Vaticano . Huic Summo Ecclesiae Pontifici adiungendi S. LEO . I , Ecclesiae Doctor , & Pontifex , item SABINIANVS , de quibus Demosthenus de Etruria Regali Libro V. Cap. IV. qui Sanctorum Martyrum Volaterranorum , reliquorumque Virorum tum
san

sanctitate, tum doctrina, tum armis illustrium catalogum
evulgavit. Inter viros memoria, ac laude dignos ex Pe-
tronia Gente, quae Volaterris floruit, T. Petronium Sergia-
num recenseo ex sequenti lapide, Legatum amplissimum,
Praefectum Primipilorum Caesaris, Praefectum Cohorti-
um Praetoriarum, eloquentiae laude insignem, cui, ho-
noris causa, sepulcrem memoriam obtulit T. Petronius
Bironius Decurio Volaterranorum. Aliorum Titulorum
exemplo putabam scriptum INTVL. intulit, non OBTVL.
obtulit, quod nusquam usurpatum legi. Vide quae adno-
tavimus ad Titulum primum Monumenti, sive Columba-
rii Libertorum, & Servorum Liviae Augustae.

Ad Ecclesiam S. Alexandri.

D	M
T. PETRONIO. SERG. LEGATO. AMPL.	
PRAEF. PRIM. CAES. PRAEF. COH.	
PRAET. ELOQVENTIAE. EXOPT.	
T. PETRONIVS. BIRONIVS. DEC. VOL	
O B T V L	

7. Dummodo scriptus sit hic lapis ingenua, non spuria
manu, discimus honorifico nomine Legatos *amplissimos* ap-
pellatos fuisse. In aliis inscriptionibus legitur LEGATVS
AMPLISSIMI ORDINIS. LEGATVS AMPLISSIMI SENATVS
Gruterum vide CCCXXI. 3. CCCCLXXI. 8. quod indi-
care volui, cum fortassis aliquis dubitare possit an scriptum
sit AMPL. ORD. idest, *amplissimi Ordinis*, vel SEN. hoc est,
Senatus. Exoptatae eloquentiae laude ornatur T. Petronius,
quae scilicet votis omnium exoptata fuerat, ut talis, ac tan-
ta

ea in aliquo summo viro inveniretur. Nam Legati nomen; ut Carolo Paschalis occinam Cap. XV. de Legato, uti est augustum, sic munus arduum; cui eo excipiendo non nisi dite pectus, sustinendo non nisi magnus animus par est. Eloquentia vero inter omnes animi dotes Legato perquam necessaria est. Nam *Legatus*, ut Cicero de Oratore Lib. I. definit, *is esse debet, qui non tam caduceo, quam nomine ORATORIS ornatus, incolumis vel inter hostium tela versari possit.* Atque tenoris Troiani laudes apud Homerum Iliad. Lib. III. in omnium ore sunt; quibus orationem Menelai succulentam, & nervosam, Ulyssis, Legatorum Agamemnonis, copiosam, & potentem, nivibus hiemalibus similem celebrat. Spectat ad laudatum virum T. Petronium Turpilianum Bironium Decurionem Volaterranorum Praefectum tertium Cohortium, iterum Quaestorem, quintum Praetorem sequens inscriptio, quam eius filius P. Petronius Quadratus in honorem patris sui dedicavit.

Ad Repariam, inventum sub Arce; pene Nobb. de Guarnaccis.

8

<p>T. PETRONIO TURPILIANO BIRONIO. DEC. VOL PRAEF. III. COH. II. QVAEST. V. PRAET P. PETRONIVS. QVADRATVS FILIVS</p>
--

8. T. Petronii Turpiliani cognomen ex gente Turpilia, Sallustio, Plutarcho, & Plinio laudata, de qua videndus Glandorpius in Onomastico Romano. *Apud*

Apud eisdem, ibidem inventus.

Ad Portam Siliceam :

9
P E T R O N I A E
H E T A E R A E
T R A V L V S Q V A
D R A T V S V X O R I
O P T I M A E

10
C. TRAVLVS. C. L
PHOEBVS. SEVIR
AVG. V. A. XXXVII
PERGONIA. PRIMA

9. TRAVLVS QVADRATVS. Idem nomen Familiae Traulae legitur in sequenti lapide, qui probe, ac diligenter exscriptus est; quare mendum indico apud Fabretum Cap. IX. n. 123. qui ex Schedis Vaticanis edidit C. TRAVIVS. C. L. PHOEBVS. pro C. TRAVLVS. C. L. PHOEBVS.

10. Libertus hic C. Traulus Phoebus, Sevir Augustalis Volaterranorum, me monet, ut auspice doctissimo Petro Victorio Variarum Lectionum Lib. XXXII. Cap. XXIII. nonnulla adnotem de instituto administrandae Reipublicae veterum illorum Tyrrenorum, qui Volaterras incoluerunt, & quantopere fuerint studiosi libertatis retinendae. Id enim declaravit Aristoteles in Commentario, cuius index est περ δημοσίων ἀντιστάτων, quod in eo collectae sint multae res novae, & inauditae auribus Graecorum. Cum igitur Aristoteles ostendisset Volaterrarum oppidum in excelsa colle conditum, natura loci valde munitum fuisse, addidit, cives timentes, ne ab aliquo suorum, freto opibus; imponeretur communi libertati, solitos magistratus creare liberos, qui apud ipsos antea servitutem servissent; qui cum legibus definitum tempus imperii absolvisent, in eorum locum alii eiusdem generis sufficiebantur: atque ita semper ipsos volentes illic traditum est se iusto imperio privasse, & ad infimae sortis homines honorem illum detulisse,

lisse, ne aliquando iniusto imperio inviti premerentur. In laudato Aristotelis textu, librariorum negligentia, mendum irrepfit, quod delevit Petrus Victorius, & Iacobus Dalechampius, qui conveniunt, quod pro *ὑλατίερα* scriptum sit *σιγαρία*, falsum scilicet nomen pro vero acceptum. Consonat Aristotelis descriptio Volaterrarum cum Strabonis descriptione, in qua situs, & positura loci indicatur; quod etiam intelligi potest ex superiore proxima Aristotelis expositione, in qua de Ilyva insula, propinqua sedibus ipsorum, quiddam commemoratur; ac deinde Populonii vetustissimi oppidi, quod Volaterranorum Coloniam fuisse aliqui tradunt, teste Servio ad Lib. X. Aeneidum, fit mentio; licet haec nomina, librariorum incuria, deformata, & corrupta fuerint, ut ostendit loco superscripto diligentissimus Victorius.

Ad C. Traulum Phocbum ut redeam, perspicuum est in Municipiis, & Coloniae in Augustalium Sexvirum numerum adlectos fuisse etiam Libertos, quamvis & ingenui viri non raro memorentur in vetustis faxis, qui cum honorem consecuti sunt. Exemplum subiicio in sequenti inscriptione Volaterrana, quae honoraria est, posita Aulo Novio Pliconti Seviro Augustali a Sodalibus eius Collegii.

Ad statuum quendam.

In Platea.

11

SODALES
A. NOVIO. A. F.
PLICONTI
SEVIRO
AVGVSTALI

12

C. CILMVS. C. F.
VARVS. IIII. VIR

11. Adnotatur in apographo quodam Bibliothecae Stroz-
zianae

ziae Florentiae hoc epigramma descriptum fuisse a Cyriaco Anconitano, in Itinerario anni MCCCCXLII. qui Volaterris legit cuidam statuae adpositum absque capite, & manibus. Viros de re publica optime meritos statuis donatos alibi me dixisse memini. Hoc eodem honore Patroni Municipiorum, & Coloniarum exornabantur; quamvis primum effigies hominum exprimi non solerent nisi aliqua illustri causa perpetuitatem merentium, ut ait Plinius Lib. XXXIV. Cap. 4. cuius haec tantum subiiciam. *Excepta deinde res est a toto orbe terrarum humanissima ambitione; & iam omnium Municipiorum & Fori Statuae ornamentum esse cepere: proptereaque memoria hominum, & honores legi aervo, & haustus inscribi, ne in sepulchris tantum legerentur. Mox in foro, & in domibus privatis factum atque in atriis. Honos clientum instituit se colere patronos.* Publicum aliquod insigne monumentum in honorem M. Tullii Ciceronis Volaterris positum fuisse indicant, ni fallor, eiusdem Ciceronis verba, quibus Volaterranos clientes suos accurate commendat Q. Valerio Orcae Libro XIII. Epistola 4. ut omnibus rebus integros & incolumes esse velit; ex qua pauca haec depromam, quae ad rem meam faciunt, quum reliqua diligens lector legere, atque observare possit. *Cum municipibus VOLATERRANIS mihi summa necessitudo est; magno enim meo beneficio affecti, cumulatissime mihi gratiam retulerunt; nam nec in honoribus meis, nec in laboribus unquam defuerunt.* Ex his vero non obscure colligi potest ipsum Ciceronem Volaterranorum Patronum extitisse; nam clare adfirmat se summo studio Populi Romani eos in suo consulatu defendisse, cum Tribuni Plebis legem iniquissimam de eorum agris promulgavissent; & facile senatus populoque Romano persuasisse, ut eos cives quibus fortuna pepercisset salvos esse vellent. Quam Ciceronis actionem C. Caesar primo suo consulatu lege in Agraria comprobavit, agrumque Volaterranum, & opidum omni periculo in posterum liberavit. Tanta igitur dignitate tantoque splendore fuerunt olim res Volaterranorum.

In Augustalium Collegio licet Liberti adlecti fuerint, sum-

summi tamen magistratus, scilicet Decurionatus honore, haudquaquam insigniti leguntur. Soli item ingenui Quatuorviri lecti sunt; inter quos numerandus Varus Volaterranus ex Cilnia nobilissima, & antiquissima gente, de qua inferius dicam.

In Foro.

13. C. VARRIVS
STEPHANVS

Alicubi.

14. POLLIA. L. F
ALETIA

In pavimento Ecclesiae Cathedralis.

15. DIS MANIBVS
VOLASENNIAE. PYRAMIDAE
L. VOLASENNA. NOVIANVS
MATRI. PISSIMAE

13. Edidit quoque Reinesius ex Schedis Langermani Cl. XVII. n. 129. sed perperam habet C. VAARIVS, pro C. VARRIVS.

14. Idem habet Cl. XVII. n. 94.

15. Volasenniam Familiam recensuit ex hoc lapide Fabricius Cap. IX. n. 490. inter Gentilitia nomina, quorum Gruterus non meminit. Reinesius item vulgavit Cl. XVII. v. 57. Ex Novia Familia Volaterrana, cuius in superiori lapide fit mentio, ortum Noviani cognomen a Baebiiis desumptum.

In

ANTIQUAE VOLATERRIS. 171

*In AEdibus Nobilibus
de Massiacis.*

16

D	♂	M
L. BAEBI. AVRELIANI		
BAEBI. NOVIANVS. ET		
SECVNDINVS. PATRI		
ET. AVRELIVS. MAXIMVS		
FRATRI. ET. VIBIA. PRO		
FVTVRA. CONIVGI		
CARISSIMO		
B	♂	M

*In Ecclesia S. Alexandri
extra moenia.*

17

D	M
CASTICIAE. VICTORI	
NAE. CONIVGI. DVL	
CISSIMAE. ET. DESIDERA	
NTISSIMAE. CASTICIVS	
COCCEIANVS. CONIVGI	
B	M

*Volaterris, in Urna marmorea
figuris ornata.*

18

DIS MANIB
C. NORBANI
DEMETRI

*In AEdibus Nobilibus
de Massiacis.*

19

AGATINIA. L. F.
ANN. IV.

16. Hic sepulchralis Titulus olim exstabat in AEdē B. Lazari extra moenia, ut habet Gruterus ex Apiano pag. DCCXXII. 2. apud quos mancus, & aliquibus mendis resperfus est.

17. Turpibus mendis deformatus hic Titulus legitur apud Reinesium Cl. XII. n. 40. & Fabrettum Cap. IV. n. 69. Quod vero heic silentio minime praetereundum est scriptum in marmore non DESIDERATISSIMAE, sed DESI-
Y 2 DE-

DERANTISSIMAE, atque ita expresse habent plures Tituli, inter quos primum indico Florentinum ex Museo Riccardii Par. I. pag. 116. n. 97. & Gruterianum pag. MCXVI. 7.

18. Idem Gruterus habet DCCCCXIX. 10. aitque olim exstasse Romae in AEdibus Mani Maffaei.

19. Ex vetustis Schedis Bibliothecae Stroziae accepi hanc Inscriptionem Volaterris conspici in Cathedrali Ecclesia. Gruterus Parmae ex Apiano adscripsit pag. DCCXXV. 9.

In eodem loco.

20

D	M
CERFICIO. SEVERINO. CERFICIA. SEVERINA	
CERFICIVS. SEVERINVS. FRATRI. ET. VELINIA	
ARTEMIDORA. CONIVGI. BENE. MERENTI	

*In AEdibus Nob. V. Iobannis
Equitis Falconcini.*

21

D	♂	M
FL. GALLO		
MAXIMINO		
LAVCVNNIA		
FELICITAS		
CONIVGI		


*In AEdē D. Alexandri, Urna
cineraria figuris ornata
circa ostiolum.*

22

C. MANNEIVS
CORANVS
ARCHIMIMVS

22. ARCHIMIMVS. Princeps Mimorum, qui aliorum personam exprimebant imitabanturque, & tum voce, tum gestis

gestis aliorum facta, & dicta referebant. Hanc artem feminas quoque exercuisse docet Romanum marmor a Grutero relatum pag. CCCXXX. 2. in quo laudatur quaedam Liberta Fabia Arete Archimima temporis sui prima diurna. Archimimos in funere divitum virorum adhibitos, ut eorum personam, & dicta referrent, observo apud Suetonium, qui haec narrat de Vespasiano c. 19. *Sed & in funere Favus archimimus personam eius ferens, imitansque, ut est mos, facta, & dicta viri, interrogatis palam Procuratoribus, quanti sumus, & pompa constaret; ut audist H-S centies, exclamavit, centum sibi sestertia darent, ac se vel in Tiberim proicerent.* Pantomimi commissi in theatrum leguntur, honoris gratia, in funere Numidiae Quadratillae, quibus dum viveret effusus delectata est, quam principi feminae convenirent, ut narrat Plinius Secundus Libro VII Epistola 24. cuius adferam verba, quae pantomimos describunt, ita appellatos, quod omnia imitatione praestarent: *At, Hercule, alienissimi homines in honorem Quadratillae (pudet me dixisse honorem per adulationis officium) in theatrum cursabant, exultabant, plaudebant, mirabantur; ac deinde singulos gestus dominae cum canticis reddebant; qui nunc exquisitissima legata theatri operae corollarium accipient ab herede, qui non spectabat.* Archimimos, & Pantomimos Lesbomax Mitylenaeus, uti apud Lucianum de Saltatione, *χυρσόςφω*, hoc est, *manibus sapientes* appellavit, propterea, quod ut observat disertissimus Benedictus Averanius in Anthologiam Dissertatione XVI. etiam vultu, oculis, & statu corporis, motuque res ob oculos ponerent, pleraque tamen manibus significarent. Id quoque perspicue confirmat elegantissimum Graecum Epigramma, quod, hactenus incognitum, primus in lucem profero Latina versione donatum, & notis illustratum a doctissimo Viro Antonio Maria Salvinio, qui accepit a Clarissimo Praefule Francisco Blanchinio ex eius Museo; quos Viros nuper summo omnium maerore, ingentique ingenuarum artium damno amisimus. Blanchinius amicus meus optimus fato functus est V. Nonas Martias; Salvinus praeceptor meus XVII. Kal. Iunias huius anni MDCCXXVIII.



Idem Epigramma totidem versibus Latinis ita interpretatur.

*Historias monstrans, manibus & cuncta locutus,
Expertus doctam Bacchi sacramque choream.
Illustrans omnem doctrina divite scenam.
Affectus vanis personis edere motus.
Iste magisterii linquens encomia laeti;
Hic situs est. senio gravis. haud mors funere meritis.
Discipulorum etenim virtute ars ludicra vivit.*

Ver. 1. ΧΕΙΡCΙΝ · χείρων. sed χείρων, servata origine, a poetico χυρίων. Martialis chiragra, cberagra in exámetro pentámetro, ut versus constet, lege metri.

Ver. 2. ΕΝ ΠΕΙΡΟC. legendum antiqua scriptura, quae integras scribit praepositiones, ut postea CΥΝΗΛΑCΧΩΝ, pro συνήλαχων, quemadmodum in marmoribus Smyrnenis; deinde Arundellianis, nunc Oxoniensibus. Sic Codex antiquus Livii conlatus, pro collatus, Ver. 5.

Ver. 5. ΚΕΙΝΟΙC. idest *καὶς*, *vanis*, *inanibus personis*, *lavis*, *πρασπέσις*. Sic mare Euxinum, bene hospitale, quasi hospitale εὐξείνου. D. Gregorius Nazianzenus elegia de vanitate feminarum: κατὰ γυναικῶν καθαρτιζόμενον, adversus mulieres nimium se ornantes:

Μηδὲ θεοῦ μορφᾶς ἐπαλείφετε χρώμασιν αἰσχροῖς,

Ὡστε προσπέτῃ κούχῃ πρόσωπα φέρειν.

In eo carmine, ut hoc obiter dicam, allusum ad antiquum ritum, eucharisticum Panem suis manibus de manu Sacerdotis accipiendi, quod Angli etiamnum faciunt; illo disticho:

Οὐτὲ χεῖρες φρίσσουσιν. ἐπὶν ἐς μέσσω ἐδάδην,

Τείνεις, αἷς σὺ γράφεις πένθιμον ἀγλαίην.

Nerve manus borrent, sacram- quum tendis ad escam;

Quois manibus picta est lugubris ore Charis?

Ver. 5. ΠΕΡ....ΚΕΙΝΕΙΤΟ. Ut versus hiulcus facili negotio expleatur, περὶ μὲν κεινέιτο, pro κινέιτο. I longum ΕΙ, ut ΝΕΙΚΗ, pro νίκη. & ΦΑΤΕΤΕΙΝΑ, pro φασίνα.

Ver. 6. ΚΟCΜΗCΑC. h. litera ἥτα, haec propius abest ab η primigenia, & minusculam aspirationis Latinae notam imitatur, ut videre est in quadam inscriptione Graeca apud Nobiles Viros de Gaddis Florentiae.

Ver. 7. ΠΑΙΔΙΑC. *lufus*. rescribo παιδίας, *doctrinae*, ne versus claudicet. ΕΝΚΩΜΙΑ. pro ἐγκώμια. ΛΙΨΑC. qui reliquit, idest *Tractatum* in laudem pantomimicae saltationis.

Ver. 9. ΚΕΙΤΕ ΔΕ. Ε pro ΑΙ, passim in optimis Codicibus. Κῶται δὲ, vel δέ. ΒΕΒΑΡΗΝΟC. suppleo βεβαρήμενος.

Ver. 11. ΕΥΧΟΡΟΙΟ. rescribo εὐρυχόριο, ut versus constet,

Sed in hoc eximium Epigramma alio in loco, Deo dante, symbolam meam conferam. Constat igitur huiusmodi scenicos Artifices in spectaculis, & acroamatibus personatos tum voce, tum manibus, & corporis motibus locutos fuisse; quibus non solum feminae, verum etiam Imperatores, & viri docti magnopere delectati sunt. Libet hac de re Plinium Secundum audire, qui Libro V. Epistola 3. ita ait: *Facio nonnumquam versiculos severos parum, facio comœdias, & audio, & specto mimos; & lyricos lego, & satyricos intelli-*


relligo : aliquando praeterea rideo , iocor , ludo , usque omnia innoxiae remissionis genera breviter amplectar , homo sum . Horum vero maxima laudum fuit si spectati placuissent , ut observat Petrus Victorius Variarum Lectionum Libro XXXVII. Cap. VIII. idque confirmat hoc antiquo Epigrammate Romano , quod heic rursus afferam , ut moneam apud Gruterum CCCXXXI. 7. editum esse mancum , & diversimode scriptum .

DIS . MAN .

C. IOCUNDO C. F. EXQ. XVI. AN. VIX.
ET SEPTIES SPECTANTIB. PVB. IMPP.
SER. GAL. OTH. SAL. A. VIT. ET. P. R.
SALTAVIT CANTAVIT ET PLACVIT
PRO IOCIS. QVIB. CVNCTOS OBLECTABAT
SI QUID OBLECTAMENTI APVD VOS EST
MANES INSONTEM REFICITE ANIMVLAM
FAVSTVS NVNC INFAVSTVS
PATER FILIO ET SIBI FECIT

Mimis , Archimimis , & Pantomimis addendi Scurrae , Cinaedi , ac Moriones , qui mensis inerrabant , ut narrat Plinius Libro IX. Epistola 17. addendi item Macci , homines scilicet bardi , fatui , & stolidi , ut explicat Iustus Lipsius in epistolicis quaestionibus Libro II. Epistola 22. quorum meminit Apuleius in Apologia , qui risus movendi gratia inducebantur . In immenso propemodum veterum Inscriptionum Thesauro usque ad hanc diem incognitum MACCI nomen ; sed illud nuper in sequenti rarissimo lapide Romano , qui exstat in Porticu S. Mariae Transiberim , adnotavit Illustrissimus Franciscus Eques Victorius , quem mecum humanissime communicavit peracurate descriptum ,

ptum, longitudine Romanum palmum unum, & circiter uncias undecim aequantem, altitudine vero uncias decem.



Perelegans haec Inscriptio illustrat veterem Histrionem personatum, MACCVM antiquorum habitum, ita appellatum vetere Osca lingua, Itala *Pullicinellam*; cuius aeream icunculam in Esquilis repertam, anno MDCCXXVII, nuper accurata manu aere caelatam, bono Literariae Reipublicae, ex suis Cimeliis depromsit Alexander Gregorius Marchio Capponius, eximio in bonas artes amore, mirifico-que veterum elegantiarum studio nulli secundus. Ritus excitandi gratia in spectatōribus inducebatur, motu capitis admodum deridiculo; cuius oculi, & in utroque labrosi oris angulo sannae, ex argento sunt; nasus aduncus, & prominens; in pectore, & in dorso gibbus, in pedibus focci conspiciuntur. Sannae, quum vetustate detritae sint, globulis quibusdam similes videntur, sed revera sannae, sive dentes sunt ex argento. Apud Gruterum alios Ludiones, & Histriones notare possumus civitate Romana donatos, & in Esquilina Tribu censos, CCCXXXI. 7. Esquilina Tribus urbana apud Romanos, locum, & nomen habuit ab Esquilis, ubi item reperta haec icuncula veteris Histrionis personati, quae locupletissimum Museum Capponium exornat. Sed de hoc veteris *Macci*, seu ut hodie dicimus *Pullicinellae* simulacro, eruditus haecenus in-


cognito, multarum lauticiarum viri nil nos desiderare patientur. Satis mihi fuit haec adnotare, ut in amplissimum virum Capponium, obsequium, & amorem meum declararem; qui cum alia, quae in manus eruditorum dedit, tum hoc insigne monumentum, ut adspicerem, humanissime curavit.

Ad C. Manneium Coranum Archimimum ut revertar; cuius sepulcrum Volaterris conditum fuisse constat ex hoc Titulo, eadem in Urbe reperto, ex eius cognomine arguitur patriam habuisse Coram, Romanorum Coloniam, in finibus Volscorum, Velitris proximam, inter Appiam viam!

Praeter hos Titulos sepulcrorum alios duos Volaterris inventos vulgavimus in Prima Parte Inscriptionum antiquarum Etruriae Urbium pag. 215. n. 6. & 7. qui hodie Florentiae exstant in Aedibus Bonarrotianis. Quatuor ab hinc mensibus Volaterris detecta est Cella sepulchralis Etruscis urnis, & monumentis referta, iuxta quam altera condita creditur; quam, quum rudibus purgata fuerit, quod brevi futurum spero, diligenter in Appendice describam.

Interim insignium circa Volaterras locorum & opidorum veteres inscriptiones proferam, ac primum Civitatis S. MI-NIATIS, glorioso nomine huiusce Martyris Florentini nuncupatae, ex qua orti clarissimi cives, armorum gloria, doctrina, & sanctitate insignes; prodiitque Borromaeorum Familia, cui summum decus addit S. CAROLUS Borromaeus. Veterum hanc consuetudinem appellandi Urbes, & Opida Sanctorum nomine, eaque eorum tutelae, & patrocinio dedicandi, ab Ethnicis prisca Christiani acceperunt: Quemadmodum enim ipsis curae fuit Municipiorum, & Coloniarum Patronos cooptare, decreto inciso in hospitali tabula, missisque ad eos Legatis, qui, ut in clientelam se & Municipia, & Colonias recipere dignarentur, impetrarent; ita melioribus auspiciis id curarunt Christiani nominis cultores ut Sanctorum tutelae, ac praesidio se se commendantes, urbesque insigniores eorum nomine appellantes, sanctissimos illos Viros, qui cum Christo in caelis aeter-

aeternum regnant , Patronos praesentissimos in terris venerarentur . In hac igitur Civitate S. Miniatis paucas hasce inscriptiones exstare tradit pag. 92. vetus Codex peregregii Viri Gregorii Redii Patricii Arretini , ex Equestri ordine , in quo haec in rubrica leguntur: *Apud S. Miniatum, Castrum.*



1. Videlicet : C. Celtus C. F. Sabatina Severus , *Quinquenalis* , *AEdilis* , *Pontifex* . Sabatina Tribus , ut supra diximus , eadem est in qua Volaterrani Romana civitate donati sunt . Quo vero tempore S. Miniatis Castrum Civitatis nomine donatum fuerit , indicat his verbis Ughellius Italiae Sacrae Tomi III. *Lucenti spirituali ditioni hoc Opidulum paullo ante subiectum erat ; sed quum Secundus Cosmus Magnus Dux Etruriae Mariae Magdalenae Austriacae uxori illud dono dedisset , impetravit illa a XV. Gregorio , ut in Cathedrali Suffraganeamque Florentinae Sedis erigeretur &c. Igitur V. die Mensis Decembris , anno MDCXXII. publico in Consistorio Gregorius XV. S. MINIATIS Civitatem Episcopali insignivit dignitate . An scriptum sit in alato lapide C. CELTVS , ex autographo scire cupiebam ; sed intercudit , ut putat , datis ad me literis , Vir humanissimus , & impense doctus D. Bindus Ferdinandus Bonaparte , Vicarius Generalis , & Praepositus Cathedralis Ecclesiae*

Miniatensis, qui severiores Musas, maiorum suorum exemplo, colit, & eruditae antiquitatis studio mirifice delectatur.

2 *Arcula marmorea apud
Nobb. Rossia.*




3 *Alicubi, in eadem Civitate.*



2. Huius cinerariae Urnae Titulum descripsit quoque Cl. Senator Carolus Strozius, cuius autographum vidi in eius Bibliotheca. Cimarulinae Familiae nomen nunc primum in lucem prodit.


Urnula cineraria marmorea, quae olim exstabat in eadem Civitate.



4. Idest: Domitiae Thyllidis Conseruae C. Domitii Lemni Tro-

Procuratoris Germanici Caesaris . Hodie haec urnula marmorea exstat in Museo Mediceo , cui altera iungenda est edita in Gruteriano Thesauro DLXXXIX. 12.

Cippus marmoreus , ima parte fractus , erutus in Ilva insula , hodie Cosmopoli , Italice Porto Ferraio , die IX. Martii , anno MDCCXXVIII. in loco qui dicitur il Ponticello .



Hoc est : *Dñs Manibus Sacrum . L. Valerius Maximus Castra Praetoria Ravennatium , militavit annis duobus & viginti , vivit annis sexaginta Helvius Mercurius (H) heres amico benemerenti* Ex magna antiquorum lapidum copia , qui ad rem navalem veterum illustrandam , studio , ac labore virorum doctorum in lucem editi sunt , nullus haecenus prodiit , cuius auctoritate noverimus , Romanos rerum dominos pro decore , & utilitate magnitudinis suae **CASTRA PRAETORIA** in utroque mari , tum supero Ra-

ven-

vennae, tum infero Miseni habuisse, quod tamen vero longe erat simillimum. De utraque vero Classe tum Ravennate, tum Misenate disertissima sunt veterum scriptorum, lapidumque testimonia; ex quibus cognitum est non solum Classes Romanorum ad Urbis aeternae tutelam, iam ante Augustum, quem auctorem facit Suetonius in eius Vita c. 49. ibidem collocatas fuisse; verum etiam colligi potest, qui fuerint militarium officiorum ordines, & gradus; nempe Praefectorum, Subpraefectorum, Navarchorum, Gubernatorumque Classium, item Chiliarchorum, Centurionum, Trierarchorum, Praefectorum Remigum, Veteranorum, Evocatorum, Manipularium, Scribarum, Nautarum, Remigum; e quorum numero non paucos illustravimus in editis maritimis saxis in Parte I. Inscriptionum antiquarum Etruriae Urbium, praesertim pag. 236. & in sequentibus. Sed praeter has Classes, Castra Praetoria ad utrumque mare constituta fuisse, auctoritate huius Cippuli discimus; in quo licet mentio habeatur dumtaxat Castrorum Praetoriorum Ravennatium, tamen & de Misenatibus idem asseri potest; quamvis de utrisque nec Tacitus, nec Suetonius, nec Vegetius, nec Schefferus, Lib. III. Cap. IV. qui de Re Navali veterum scripsit, nullum verbum fecerint. At doctissimus Lipsius de magnitudine Romana differens Libro I. Cap. V. ea utrobique fuisse monet his verbis: *Et si autem nares ibi & classis, tamen CASTRA etiam in terra, & ad Portum ipsum fuisse commoditas eorum exigit. Portum vero novum intellige; iam enim ante Cn. Pompeius, Populi Romani auspiciis, Italiae duo maria maximis classibus firmissimisque praefidiis adornaverat, quae in Portu vetere constiterunt. Consulendus Cicero pro lege Manilia. Haec paullo post subiungit Lipsius: In his item Portubus praeter CASTRA, Pharos, sive Turres quasdam ad praelucendum nocturnis fuisse, Tlinius mihi suggerit Libro XXXVI. c. 12. qui ipse fuit Classis Misenatium Praefectus, Usus Phari, nocturno navium, cursui ignes ostendere, ad praenuncianda vada, portusve introitum: sicuti compluribus iam locis flagrant, ut*
„ Putco-

„Puteolis , & Ravennae . Si divinare liceat , dicerem. haec Castra *Nova* ad distinctionem *Veterum* Castrorum , quae Cn. Pompeius , adornaverat , ut puto , appellata fuisse . Ad hoc discrimen fortassis servandum , Romae Castra fuere *Nova* , & *Vetera* Misenum , & fortassis Ravennatum in III. Regione , ut observat Fabrettus Inscr. ant. Cap. V. pag. 365. Ruffi , & Victoris auctoritate , Castris Praetorianorum admota , uti legitur in hac inscriptione è lateribus compacta , etiamnum Turri angulari eorumdem Castrorum , meridiem , & Viam Tiburtinam versus , inhaerente ,

C MISENATIVM ET :

In his Romanis Castris Milites Classis Ravennatum , & Misenum stationem habuere , eo tamen consilio , ut Imperatoris auctoritate , quum ratio , & tempus postularer , ad propriam Classem vel Ravennae , vel Miseni consistentem , traicerentur , ut militaribus officiis praesto essent . Navalium Castrorum meminit Thucydides a Scheffero relatus .

Pro re nostra audiendus item Vegetius Libro V. Cap. I. de Re militari , qui ita ait : *Apud Misenum ergo , & Ravennam singulae Legiones cum Classibus stabant , ne longius a tutela Urbis abscederent : & cum ratio postulasset , sine mora , sine circuitu ad omnes mundi partes navigio pervenirent .* Lipsius praecitato loco crucem figit Vegetio , in illis verbis *singulae Legiones cum Classibus stabant* , aitque pro more sui aevi , aut parum conspecte locutum . Vult enim non Legiones proprias fuisse , sed dumtaxat Cohortes , easque decem , suoque Tribunos , & Centuriones habuisse . At Reinesius in 57. Classis IX. docet utriusque Classis administrationem ferre ad formam Legionis fuisse . Fabrettus Lipsium redarguens , quod non bene Vegetii mentem sit assecutus Cap. III. de Columna Traiani pag. 83. pluribus antiquitatis monumentis probat eas Legiones Classis , sive Classicas constitisse , & consequenter apud Ravennam , & Misenum fuisse , & quidem longe ante ipsius Vegetii tempora , nempe ex Livio Libro XXII. ex Tacito Lib. II. Histor. ex num-

mo

mo M. Antonii Triumviri apud Fulvium Urfinum pag. 26. denique ex Gruterianis lapidibus pag. CCCXIII. 3. & MXCIII. Ex quibus omnibus colligitur tum Legiones cum Classibus in utroque mari stetisse, tum Castra adiuncta fuisse, ex quibus commeatus militibus, & alia quotidiano usui necessaria suppeditarentur, ipsique milites diversarentur, & in statione tutelae earumdem Classium praessent.

Accedit praeterea C. Iulii Caesaris auctoritas, qui in Libro V. de Bello Gallico *Navalium Castrorum* meminit, & adversus Britannos bellum renovaturus, Labieno scribit, ut, *quamplurimas posset, iis Legionibus, quae sunt apud eum, naves instituat: ipse, etsi res erat multae operae, ac laboris, tamen commodissimum esse statuit, omnes naves subduci; & cum CASTRIS una munitione coniungi.* Plinius iunior Libro VI. Epist. 16. referens Cornelio Tacito avunculi sui Plinii Praefecti Classis Misenatium exitum, scribit Classarios milites tunc fuisse Retinae, in villa subiecta Miseno, qui cum cognovissent eius imperio parari Liburnicam ad inspiciendum Vesuvii incendium, eum orasse, ut non solum desisteret ab incepto, verum etiam Miseno subterfugeret. Retinae igitur Castra militum Classis Misenatis fuisse facile crediderim. Hinc & Villas a veteribus *Praetoria* quandoque appellatae fuisse, memini me aliquando legisse.

Alia breviter ut tangam, quod officium gesserit L. Valerius Maximus in navali militia, quum in lapide non declaratur, incompertum est. Eum Castrensium fuisse puto, qui scilicet in Castris Praetoriis Ravennae excubabat contra hostes, vel ad Classis tutelam. Aliud exemplum indicato apud Gruterum pag. LXXX. 9. in Lugdunensi lapide; in quo memoratur dedicatio quaedam facta a L. Aemilio Leotino Classis Ravennatium, in honorem Minervae, non expressio eius munere; adeo ut vel inter simplices Classarios sit referendus. Adnotanda superne in fastigio Cippuli circa tympanum sculpta scuta, & breves hastae; quae in ornamentum sepulcrorum egregiorum militum frequenter occurrunt, & in honorem Deorum Manium. Nam constat .

stat arma in honorem Deorum in templis appensa fuisse ; de qua consuetudine alibi diximus .

Legitur quoque in adlato lapide L. Valerium Maximum militasse annos XXII. Classarii milites diuturniore servitio tenebantur militare ; nec dimittebantur , Romanaque civitate donabantur , (nam peregrinae conditionis erant) nisi cum emeriti essent octona & vicena stipendia , scilicet postquam annos XXVIII militassent ; ut docet vetus Tabula aenea Neapolitana honestae Missionis , edita a Fabretto Cap. III. de Columna Traiani pag. 70. E contra alii milites , qui in Legionibus militaverant , post vicena stipendia dimittebantur , & civitatis ius adipiscebantur , Imperatorum dono ; uti manifestum est ex Missione Honestae Imperatoris Galbae superius a me edita in Parte I. pag. 257. Verum Imperatorum indulgentissimorum munere & ante hoc tempus dimitti utrique poterant . An vero L. Valerius Maximus militari officio immunis factus , & honestam missionem ante statutum tempus , principis munere , consecutus fuerit , ut in hanc fortassis eius patriam reversus , in ea mortuus fuerit , cum insciis aequae nescio . Militibus frequenter admodum sepulcrales Tituli ponebantur ab amicis , qui eorum heredes erant . Dum haec excuduntur rarissimus hic Cippulus marmoreus altus Romanos pedes circiter tres , latus itidem Romanos pedes fere duos , in Museum Mediceum translatus est .

In hoc celebri Etruriae Portu alia eruditae antiquitatis monumenta paucis ab hinc annis reperta fuisse diximus in Parte I. pag. 315. ubi alium sepulcralem Cippulum dedimus . Retulit mihi amicus meus Alphonsus Galassius J. C. Florentinus , ingenii praestantia , & eruditione commendabilis , se vidisse antiqui Balinei sex cameras , tubos , & aquaeductuum rudera , antiquae magnificentiae argumenta . De Ilva Insula Victorius Var. Lect. L. 19. c. 10. L. 32. c. 23.

Quandoquidem de Castris Praetoris , & de Classariis dictum est , libet veluti parergon asferre duos item Cippulos , quorum primus singularitatis praerogativa insignis est :


namque in eo non solum Tricris *Pietas*, cuius scilicet tutela *Pietas* erat, verum etiam Quinqueremis *Augusta* nominatur. Milites, quibus sepulchralis memoria dedicatur a M. Valerio Capitone eorum fratre, sunt M. Valerius Saturninus, M. Valerius Capito, L. Domitius Martialis, M. Sestius Pudens Natione *Delmatia*.

Extra Forum Truentinorum
(Bertinoro) in pariete
anteriori Eccl. S. Georgii.



Ex Collett. Cl. F. Leb. Rept. Donii.

Ibidem :



Ex iisdem Collett.

Usitato lapidum stilo *Delmatia*, non *Dalmatia* pronuntiari debet.

debet. Vide eximium Virum Laurentium Pignorium, Symbolarum Epistolicarum Epist. XXXVII. Hoc pacto interpretandum esse censui, quamvis Lipsius loco superscripto singularem illam notam Ñ explicet *Nave*, pro *Natione*; scilicet, VET. EX. PR. Ñ. GALLO: *Veterano ex Tractoria Nave Gallo*. Falsam Lipsii, & Scaligeri in Gruteriano Indice interpretationem arguunt alii lapides apud eundem. Gruterum pag. CCCXXXIII. 8. DXVIII. 5. DCLVII. 3. Nam & Ñ saepissime trieris nomen subsequitur, ut apud V. C. Vignolium Inscript. Select. pag. 298. Sed & III. *trierem* per hunc numerum designatam, *tertiam* Lipsius perperam interpretatur, quamvis non raro expresse legatur TRIERE &c. Trierium fit mentio in pluribus sacrae Biblicae locis, praesertim Numerorum Cap. CCIV. v. 24. in quibus haec Balaam leguntur vaticinia: *Venient in trieribus de Italia, superabunt Assyrios, vastabuntque Hebraeos, & ad extremum etiam ipsi peribunt*.

Quinquieris igitur singularis extat memoria in hoc Cippulo. Haec Quinquieris denominata ab Augusto; nam Quinquieris Augusta scribitur; ni tamen erraverit qui descripsit pro IV. idest *Quadriere*, V. Quinquierem reponens, Deciremum ab Augusto repositarum, decimarum nomine, in Templo Apollinis Aetii, ob insignem eius victoriam, meminit Strabo Libro VII. Eodem modo Quadrieres spectantes ad Classem Misenensem a FIDE nomen acceperunt; quae memorantur in Florentinis Tabulis, editis in Prima Parte Inscriptionum Antiquarum Etruriae Urbium pag. 125. & 129. Liburnis item a FIDE, vel a DIANA ceterisque numinibus nomen factum, uti ex iisdem Tabulis constat.

Quod vero fuerit in Navali militia officium M. Valerii Capitonis exprimitur singularibus notis, nempe EXER. TR. Explicandum puto, *Exercitatoris Trierarum*; eodem exemplo ut in terrestri militia erant *Exercitatores Equitum*, ex Gruterianis MCII. 4. Paulo post indicatur officium L. Domitii Martialis, videlicet, DVP. SVB. P. C. quae notae significare mihi videntur *Duplaris*, vel *Duplicarii Subpraefecti*.

fecti Classis ; qui scilicet duplicia congiaria , & annonam duplicem accipiebat . Alium militem Duplarem , sive Duplicarium Classis Praetoriae Misfenatum produxit praelaudatus Vignolius Inscr. Select. pag. 294.

Maritimos hosce lapides heic referre peroportunum esse duxi , quia FORVM TRVENTINORVM , vel DRVENTINORVM , ut aliqua habent saxa penes Gruterum pagina CCCCXCII. 5. & MXCIV. 2. Episcopali exornatum sede , partimque in Ditione Magni Ducis Etruriae constitutum , vulgo *Bertinoro* appellatur , haud procul a Foro Popillii , versus meridiem . In militari laterculo edito in Prima Parte pag. 133. dedimus C. Saturium Sabinum , militem Praetoriae Cohortis , patria *Truento* ; de qua consule Cluverium Italiae antiquae Lib. I. Cap. XXVIII. pag. 295.

De victoriis Romanorum Navali Militia partis optime meriti fuere Volaterrani , qui navium armamenta , nempe rostra aere , aut ferro munita , ancoras , rudentia , antennis , remos , transtra , aliaque huius generis arma , quibus naves instruuntur , itemque cibaria dedere , ut memorat Livius Libro XXVIII. *Etruriae* inquit , *primum populi , pro suis quisque facultatibus Consulem [Scipionem] adiuturos polliciti . Caerites frumentum sociis navalibus commeatumque omnis generis ; Populonienses ferrum ; Tarquinienfes lintea in vela ; VOLATERRANI armamenta navium , & frumentum .* Si quae alia erunt ad Volaterranos pertinentia monumenta , quae interim in apricum proferat aetas , ea in Appendice , ut diximus , proferemus .



189

INSCRIPTIONES ANTIQUAE ARRETI.

In marmore, in maiori platea conlocato.

L. PETRONIO. L. F.
SAB. TAVRO VOLV
SIANO V. COS
ORDINARIO. PRAEF. PRAE
EM. V. PRAEF. VIGVL. P. V. TRIB
COH. PRIMAI. PRAET. PROTECT
AVGG. NN. ITEM. TRIB. COH. IIII. PRAE
TRIB. COH. XI. VRB. TRIB. COH. III. VIG. LEG. X.
ET XIII. GEM. PROV. PANNONIAE SVPERIORI
ITIM LEG. DACIAE. PRAEPOSITO EQVITVM SIN
GVLARIOR. AVGG. NN. PP. LEG. XXX. VL
PIAE. CENTVRIONI. DEPVATO. EQ. PVB
EX V. DEC. LAVR. LAVIN
ORDO ARRETINORVM PATRONO
OPTIMO

Quum in explicandis illustrandisque Urbium ETRU-
RIAE monumentis, haecenus, utcumque potui,
servato quodam ordine, de patriis Diis, & de eorum cul-
tu, de celeberrimis aedificiis, ac templis, ad haec de
Ma-

Magistratibus, & de illustribus viris, qui aliqua virtutis laude in his floruerunt disseruerim; mutato nunc consilio, eodemque ordine, varietatis causa, liceat primum ea Senatus ARRETINORUM exponere publica monumenta, quae viris optime meritis decreta eiusdem splendidissimi Ordinis decus, & maiestatem non obscure declarant. Inter haec principem sibi vindicat locum allatum marmor, in quo quidem non pauca notanda sunt. Certo constat anno MDLXXV. in maiori Arretii platea inventum esse, quum porticus magnifici operis substructiones fierent, iuxta archetypam delineationem eximii Pictoris, & Architecti Arretini Georgii Vafarii; quodque procul dubio basis frontem exornasse arbitror, supra qua statua publice in Foro collocata fuerit in honorem L. Petronii Tauri Volusiani, Patroni optimi Arretinorum, qui pluribus honoribus domi forisque auctus Romanam Rempublicam, clientelaeque suos egregie nobilitavit.

Facile id intelligi potest ex adposita eiusdem marmoris interpretatione, quae ad hunc maxime modum se se habet. *Lucio Petronio, Lucii Filio, Sabatina, Tauro Volusiano, Viro Consulari Ordinario, Praefecto Traectorio, item Urbi, Praefecto Vigilum, Perfectionissimo Viro, Tribuno Cohortis Primae Traectoriae, Protectori Augustorum nostrorum, item Tribuno Cohortis Quartae Traectoriae, Tribuno Cohortis Undecimae Urbanae, Tribuno Cohortis Tertiae Vigilum, Legionis Decimae, & Decimae quartae Geminae Provinciae Pannoniae superioris, item Legionis Dacicae, Praeposito Equitum Singularium Augustorum nostrorum, Praeposito Legionis Tricesimae Ulpiae, Centurioni Deputato, Equo Publico ex Quinque Decuriis, Laurenti Larvinatium, Ordo Arretinorum Patrono optimo.*

Protulit Gruterus hanc inscriptionem, sed levibus quibusdam respersam mendis, ex Schedis Urfini pag. MXXXVIII. 2. rursumque ex eo Fabrettus Inscriptionum antiquarum, Cap. V. n. 69. utrique etiam locum non indicarunt ubi exstaret.

Lucius igitur Petronius, ut singula breviter percurram, quem

quem Patronum sibi adscivere Arretini, Romae magnatum dignitate, tum auctoritate floruit. Id enim unum, clientes curabant, ut Romanis civibus, qui gratia, & favore apud Senatum, & Imperatores plurimum possent, se suasque fortunas commendarent; quod ex pluribus editis antiquis lapidibus, & ex Ciceronis praesertim testimonio fatis superque cognitum est. Petroniorum domus Romae fuit in Aventino, ut putat Reinesius, Classe VI. n. 123. quo in loco, inter plurima domus rudera, inventa fuit vetus Tabula P. Petronio Honorato dicata a Negotiatoribus Olearis ex Baetica, qui missis Romam Curatoribus, cum sibi Patronum cooparant. In Sabatina Tribu Petronium Taurum Volusianum censum fuisse constat ex allato Arretinorum marmore; quare suspicari aliquis posset eum Volaterris originem habuisse. Nam, ut vidimus, Sabatina Tribus propria civium Volaterranorum fuit; itemque ex allatis Volaterranorum inscriptionibus perspicuum est Petroniam gentem praecipuis honoribus in eo Municipio functam fuisse. Adeundus Iohannes Glandorpius in Onomastico Romanae Historiae, qui huiusce Familiae decora, illustresque viros recenset. Sed id certo adfirmari non potest, quum una eademque Tribus pluribus Municipiis, & Coloniae communis non raro fuerit; quod ut probem, illud solum dicam, in Scaptia Tribu non solum Florentinos censos fuisse, verum etiam Faesulanos, Nolos, Narnienses, quod diserte vetusta marmora testantur.

Libet id confirmare eorundem lapidum testimonio: Probe omnibus eruditis perspectum est in Stellatina Tribu Cortonenses suffragia tulisse, ut inferius constabit; & tamen eam quoque Beneventanis communem fuisse, indicat sequens sepulchralis ineditus Titulus, ibidem erutus, qui exstat in Ecclesia S. Festi, ex MS. Codice Illustris. V. Gregorii Baiulivi Redii, ex Equestri Ordine, Patricii Arretini.

Id etiam clarissime liquet Ordini amplissimo splendidissimoque Decurionum, qui in Coloniae, & in Municipiis idem erant ac Romae Senatores, haud accensos nisi eiusdem Colo-

Coloniae , ac Municipii cives , qui centum millium nummum , nempe duorum millium , ac quingentorum scutorum facultates haberent . Illud etiam addam , viros eiusdem familiae interdum diversae Tribui adscriptos fuisse , & fratres ipsos , quod observari potest apud Gruterum in Romano lapide MXLI. 10. Sed ecce praeclaudatus Titulus .

C. TVCCIVS . C. FIL. STELL. SA
BINVS BENEVENTI DECVRIO
VIVVS SIBI ET OFILLIAE
PARATAE VXORI ET TVCCIO
VERECVND0 FRATRI
POSTERISQ. SVIS. FECIT

Sed ut ad Arretinum honorificum lapidem illustrandum propius accedam , L. Petronius Taurus Volusianus Consul ordinarius fuit cum Imperatore P. Licinio Gallieno Augusto IIII. Consule , anno U. C. 1013. Christianae autem Aerae anno 261. ut ostendit in Consularibus Fastis Relandus , testanturque summi viri Panvinius , Petavius , & Calvisius ; quamvis apud Cassiodorum , & in Prosperi Chronico pro *Volusiano* , *Gentianus* perperam ponatur . In nullis ad hanc diem editis vetustis faxis notatus est consulatus Volusiani nostri cum Gallieno . Insigne monumentum nuper produxit praeclarissimus Praesul Franciscus Blanchinus ex Museo Eminentissimi Principis Alexandri Cardinalis Albani , in Appendice ad finem Chronologiae Tomi III. ad Anastasium pag. CXXVIII. in quo Imperatoris Gallieni Consulatus IIII. & Volusiani illustri occasione fit mentio ; nempe Sentinatium Collegio aeream Tabulam patrociniis offerente per Legatos , Coretio Fusco eiusque filiis , necnon Velsiae Martinae eius coniugi , quos iampridem Patronos per

per diploma, ob egregia eorum merita, cooptaverat. Secundus post Blanchinum eruditorum oculis eandem aeream Tabulam libenter subiicio; quae latitudine palmos duos, uncias tres complectitur, altitudine vero duos & semis, cum elevatione tympani perpendicularis unius palmi; quod nempe genuino documento tum praeclaudatum Consulatum Gallieni Augusti IIII, & Volusiani confirmet; tum etiam in cooptandis Patronis solenne institutum, de quo infra, egregie declaret. Sed en ipsa Tabula, eadem, cum orthographia uti ex archetypo accurate descripta est.

IMP GALLIENO AVG. IIII. ET VOLVSIANO COS

XV

KAL

SEPTEMBRES

SENTINI IN TRICLINI DOMVS CC. NVMERVM HABENTI
BVS SEQVELLA EIVSDEM COLLEGI IBI REFERENTIBVS CASIDIO
SEVERO PATRE N. N. ET HELDIO PEREGRINO PARENTE CVM SIT
OPORTVNVM CREBRIS BENEFICIIS ET ADFECTIONEM AMORIS
ergA N. N. EXIBENTIBVS ADSISTERE ET MVNIFICENTIA
in eorum SICVT OPORTVNITAS TESTIMONIUM, PERHIBERET
reMVNERARE IGITVR SI CVNCTIS VIDETVR CORETIVM FVSCVM
SPLENDIDVM DECVRIONEM PATRIAE N SED ET PATRONVM TRIVM
COLL. PRINCIPALIVM ET VESIA MARTINAM CONIVGEM EIVS
PATRONAM SED ET CORETIV SADIVM FILIVM EORVM IAMPRIDEM
PATRONOS PER DVPLMV A NVMERO N COOPTATOS NVNC TABVLAM
AEREAM PATRONATVS EIS OFFERRI VT MERITO HONORE PRO MERI
TIS INNOTESCAT Q. F. P. D. E. R. I. CC

QVOD IN PRAETERITVM CORETI FVSCI PATRONI VPSIAESIAE MARTINE
PATRONE ET CORETI SABINI FILI EORVM ERGA AMORE BENEFICIA PRAES
TITA SVSCEPERIMVS NVNC ETIAM IN FVTVRVM NON DISSIMILIA QVAE
NVNC SENTIMVS PERPETVO EX DOMVM EORVM PROCESSVRA PARI ADFEC
TIONEM SPERAMVS ATQVE IDEO CONSENTIRE RELATIONI BB. VV. CASIDI
SEVERI PATRIS N. N. ET HELBI PEREGRINI PARENTIS ET AD REMVNERANDAM
EORVM BENEVOLENTIA QVO LAVTIVS ADQVE PVLCRIVS DIGNE HONOREM
SIBI OBLATVM SVSCIPERE DIGNENTVR DECRETVM ET IN TABVLA AEREA
PERSCRIPTVM EISQVE ET A NOBIS PROPECTVM EST-LEGATOSQVE
FIERI PLACVITQVE HANC TABVLAM DIGNE PROSEQVI
SATRIVS ACILIVS SATRIVS CLEMENS
V OESIDENVS MEGELLINVS VASSIDENVS VERINVS
CASIDIVS SEVERVS AELDIVS PRIMVS HELDIVS PEREGRINVS
BRITIVS MAXIMVS AELIVS HONORATVS PROLVIVS HILARINVS AETRIVS
TERMINALIS GAVIVS FELICISSIMVS SATRIVS IANVARIVS CASIDIVS ROMV
LVS AETRIVS VERNA SATRIVS VPSVS

Bb

Dc

De Praefectorum Praetorio, & Urbi praecellentissimis dignitatibus, Principi proximis, maximae potestatis, summiq; imperii, & animadversionis, quibus exornatus est L. Petronius Arretinorum Patronus, quum multa scripserint viri docti, nil dicendum superest, nisi aliorum scrinia expilare quis velit. Calvisio auctore L. Petronius Praefectus Urbi fuit anno U. C. 1019. Christi vero 267. Paterno, & Arcefilao Consulibus; iterumque consequenti anno Paterno iterum, & Mariniano Consulibus, quamvis alii contra sentiant, quemadmodum Felix Contelorius, qui in laterculo Praefectorum Urbi, quod concinnavit, Urbis Praefecturam gessisse tradat anno Christiano 269.

Principe in loco, nempe digniori, haec munera Volusiani in marmore recensentur, quae viris spectatae maximaeque virtutis, & nobilitatis, tantumque Equestris ordinis conferebantur; post haec alia minus splendida, sed summi honoris potestatisque memorantur; videlicet Praefectura Vigilum. Scriptum est VIGVL. id est VIGVLVM, pro VIGILVM; eodem exemplo ut *optumus*, *maximus*, *aurifex*, pro *optimus*, *maximus*, *aurifex*; nam I in V usitata priscis seculis scribendi ratione non raro convertuntur.

Vigilum Cohortes Romae septem omnino fuere, quae in Florentinis antiquis Tabulis, imperante M. Aurelio Antonino Augusto scriptis enumerantur; quas in Prima Parte pag. 125. & 129. vulgavimus; & colligitur ex aliis inscriptionibus, quae a Grutero pag. DXXVI., & a Fabretto afferuntur Cap. IV. pag. 258. & sequentibus. Septem Cohortium numerus ad Pauli I. C. qui tertio post Christum seculo floruit, tempora perduravit, ut in L. *nam salutem*. 3. D. de Officio Praefecti Vigilum. Incendiis refingendis, agendisque nocturnis excubiis, ac vigiliis ab Augusto institutae sunt, Suetonio teste; eaque cura, & ordine ut una duabus Regionibus praefectet, uti ex antiquo fragmento manuscripto Victoris evidenter ostenditur apud eundem Fabretum in loco superscripto. Septimam Vigilum Cohortem SIPONARIORVM, hoc est *Sipbonariorum* denomin-

nominatam fuisse ostendo ex veteri lapide Florentino in Urbanis Hortis Marchionum Corsiniorum pag. 131. num. 16. quod scilicet Vigiles siphonibus ad incendia restinguenda uterentur. Vide sis doctissimum Adrianum Turnebum in Libro XIX. Cap. XXIII. Adversariorum. Plinius Secundus Libro X. in Epistola ad Traianum, in qua Nicomediae incendium factum vastissimum describit, siphones, hamas, aliaque instrumenta ad incendia extinguenta adhibita fuisse confirmat; adeoque instituendum monet Collegium Fabrorum, ne defint instrumenta ad incendia compescenda. De hamis adhibitis a Cohortibus Vigilum, quae stipendium de publico accipiebant, Dione teste Libro LV. meminit quoque Iuvenalis Satyra XIV. v. 404. his verbis:

Dispositis praedives hamis vigilare Cohortem

Servorum noctu Licinus iubet, attonitus pro

Electro, signisque suis, Thyrgiaque columna.

Ex quibus etiam liquet nobilissimos viros eidem muneri praepositos fuisse, qui a Paulo I. C. super omnes Spectabiles appellantur. De auctoritate vero, ac potestate Praefecti Vigilum haec idem clarissimus legum interpret subiungit: Cognoscit Praefectus Vigilum de incendiariis, & effractoribus, furibus, raptoribus, & acceptatoribus, nisi si quae tam atrox, atque facinorosa persona sit, ut Praefecto Urbi remittatur; & quia plerumque incendia culpa sunt inhabitantium, aut fustibus castigat eos, qui negligentius ignem adhibuerunt, aut severa interlocutione comminatus, fustium castigationes remittit. Praeterea, quod attinet ad splendorem officii, & dignitatis Praefecti Vigilum, is non solum Spectabilis titulo decoratur in Pandectis, & Clarissimi in Codice, verum etiam Perfectissimi viri appellatione exornatur in hoc Arretinorum perhonorifico lapide, atque in pluribus aliis, qui a Grutero afferuntur pag. MLXXXVI. 9. 10. & a Fabretto Cap. IV. Inscriptionum antiquarum n. 170. Item in Basi Musei Ciampini Herculi sacra, posita Alexandro Augusto iterum, & Marcello iterum Consulibus anno U. C. 978. Christi 226. Praefecti Vigilum Perfectissimi viri appellantur. Quo monumento

antiquitas *perfectissimatus* dignitatis ostenditur, quam etiam ad vetustiore originem deducit V. C. Iustus Fontanus Archiepiscopus Ancyranus Lib. I. Cap. III. de Antiquitatibus Hortae, ex Codicis Iustiniani Lib. IX. tit. XLI. Lib. XI. ubi Diocletianus narrat M. Antoninum decrevisse ne filii perfectissimorum virorum poenis plebeiorum afficerentur; ex quo videntur Perfectissimi ultra etiam M. Antoninum ad Domitianum usque reduci posse. *Perfectissimatus*, Graecis Διασημότης, & Τελμότης Gregorio Nazianzeno Epistola 129. proxima *Clarissimatus* dignitas, non tantum Praefecto Vigilum tributa, verum etiam Praesidibus, & Correctoribus Provinciarum, nempe Arabiae, Delmatiae, Hispaniae Tarraconensis, ut in Gruterianis observat Reinesius in 9. CCLXXXIII. citerioris in 7. CCLXXXI. in 3. MXXVII. item Praefecto annonae in 6. MLXXXVI. Magistro Census L. XXXII. de Epist. & Clericis aliisque, quos ipse enumerat ad 28. Classis VI.

Paullo post idem L. Petronius Taurus Volusianus fuisse dicitur Tribunus Cohortis Tertiae Vigilum, itemque Tribunus Cohortis Primae, & Quartae Praetoriae, & Cohortis Undecimae Urbanae, quae item ad Principis tutelam, Urbisque custodiam ab Augusto institutae sunt, ut Dio, & Tacitus testantur. Ex Romana Tabula Gruteriani Thesauri CCLXIX. 3. intelligimus quo ordine in qualibet Vigili Cohorte officia inter se disposita, distributaque essent, nempe Praefecto, Sub-Praefecto, Tribuno, Septem Centurionibus, [qui tamen Centurionum numerus in duobus Florentinis Tabulis, quae, ut supra diximus, ad VII. Cohortes Vigilum spectant, constans in omnibus non est, ut conferentibus patebit] Corniculario Tribuni, quinque Beneficiariis Praefecti, & Medicis, qui omnes imperio, dignitate, & officio ceteris militibus praestabant.

Legiones quoque in allato marmore enumerantur, quibus Tribunus praefuit L. Petronius, nempe Legio Decima, & Decimaquarta Gemina Provinciae Pannoniae superioris; item Legio Dacica. Legionis vero Tricesimae Ulpiae Praeposi-

positus, sive Praefectus fuisse dicitur; utrumque enim siglae PP indicare possunt. De Praefecto Legionis cumulatissime Vegetius Libro I. de Re militari Cap. IX. Nil enim moror in his militaribus officiis, & dignitatibus explicandis, ne allatis auctororum testimoniis integras occupem paginas, quum facile, si operae pretium sit, adire eos quilibet possit. Centurionem vero *deputatum*, hoc est ab aliis distinctum, separatum, selectum, aliquo gradu supra ordinarium. Centurionem constitutum fuisse puto; cuius praecipuum munus fuerit non solum castramentationi, ceterisque militaribus operibus praesidere, vias explorare, tuerique arces, uti ex anaglyphis Traianae Columnae Centurionis munia ostendit Fabrettus Cap. VII. pag. 186. 187. verum etiam qua ope, & consilio posset, ipsum Centurionem iuvare, dirigere in omnibus. Deputatio enim aliquam praecellentiam, & praecminentiam importare videtur, qua quis ad aliquid peragendum prae aliis eligitur, & deputatur. Illud praeterea in hoc honorario lapide inter alia scribitur L. Petronium Taurum Volusianum fuisse Protectorem Augustorum, nempe Valeriani, & Gallieni Imperatorum, itemque Praepositum Equitum Singularem eorumdem Augustorum, duplici militiae gradu insignitum; quare Fabrettus, praeter Hygini disertissimum testimonium, hinc deducit Equites Singulares diversos fuisse a Protectoribus, quos confundere videntur Salmasius in opere postumo de Re militari Romanorum Cap. XX. & Sponius in Miscellaneis Sect. VII. pag. 258. Diversos item arguo Equites Singulares ab his qui Equo Publico, idest donati equo publico ab Imperatoribus honoris causa dicuntur; quod militare decus consecutum fuisse L. Petronium docet marmor; narratque fuisse Equum Publicum ex quinque Decuriis, de quibus supra ad Pisum lapidem diximus pag. 20. n. 14. nec desunt exempla in Gruterianis CCCCLXXXIV. 3. & CCCCLXX. 6. praeposito item ordine *Ex V. Decuriis Equo Publico*. Protectores *συνματοφύλακες*, non custodes solum corpore, sed corporis Principis custodes,

des, ut ostendit Gutherius de Officiis Domus Augustae, Libro II. Cap. XV. quos nos diceremus *le Gardie del Corps*, armatam militiam subibant, & protegenti lateris Principis sollicitudinem patiebantur; ut ex Oecriculano lapide ex Collectaneis Donianis Cl. I. n. 170. perspicuum est. Equites autem Singulares, sive Singulares, ab Augusto instituti, a sinistris Imperatoris in acie stabant, ordine, ac dignitate proximi Praetorianis, qui a dextris stabant.

Post haec sequuntur notae LAVR. LAVIN. quae aliorum lapidum auctoritate explicantur, *Laurenti Lavinatium*. Ita diserte in Grutetianis CCCXLVII. 1. CCCXCIX. 8. CCCXXL. 3. CCCXX. 2. item penes Reinesium Cl. XII. n. 114. qui ad civium distinctionem, qui Lauro-Lavinii, vel Laurentes Lavinates, vel converso ordine, ut apud Fabretum Cap. X. n. 314. Lavinates Laurentes nominantur, putat eos; qui in superscriptis faxis *Laurentes Lavinatium* dicuntur intelligendos esse ex religioso coetu, Iunonis fortasse Sacerdotio consecratos fuisse. Constat enim consecratione, & veteri lege Iunonem Lavinii cultam fuisse, quae inde Lavinias appellata; institutumque ibi Deae Sacrum, & Sacerdotium Sodalitiumque Sacerdotum eidem Sacra facientium. Sed ne totum Reinesium supervacaneo labore heic exscribam, operae pretium est ut ipsum consulas.

In fine huiusce lapidis honorifica appellatione L. Petronius dicitur PATRONVS OPTIMVS Arretinorum, quare ex ea intelligitur quae causa fuerit dedicationis huiusce Inscriptionis, procul dubio subiectae statuae eiusdem Petronii, eo adhuc vivo, cum quo Arretini hospitalem tesseram fecerunt. Sed de Titulis, quibus Patroni honorantur, dicam paullo infra; libet nunc de Patronorum origine, dignitate, munere, & de honoribus, quos consequabantur, nonnulla afferre, quae legenti mihi veteres lapides optimosque auctores notatu digna visa sunt, quaeque fortassis haudquaquam erunt cruditis viris omnino iniucunda. Ea siquidem vis est eximiae virtutis, si summa cum nobilitate coniuncta sit, ut statim alliciat homines ad amandum, omnium-

niumque animos admiratione perstringat. Hinc solemnium Graecorum, tum Romanorum instituto factum est, ut Municipia, & Coloniae, foederataeque Civitates, ac Provinciae eos sibi patronos deligerent, in quibus summam praestantiam, summumque nobilitatis splendorem esse animadverterent; quorum mutua inter se officia late describit Dionysius Halicarnasseus Antiquitatum Romanarum Lib. II. Quemadmodum enim Numina, & Genii, veteri gentium more, tutelae Urbium, Familiarum, Fontium, Silvarum locorumque omnium praepositi sunt; ita Patronis Civitatum, Collegiorum, Corporumque, salus, incolumitas, vitae honorisque praesidium antiquitus est commendatum; qui etiam alio nomine Defensores Rerumpublicarum appellati sunt, uti ex antiquo marmore intelligi potest apud Gruterum pag. CCCCLV. 2. Quo instituto, Evangelii luce per totum terrarum orbem diffusa, paullatim sublato, eximiae sanctitatis Heroes, qui cum Christo in Caelis exultant, ut diximus, Urbium Christianarum praesidio, & tutelae sunt constituti, & Patroni nuncupati.

Igitur ii Patroni cooptabantur a Municipiis & a Colonis Romanorum, qui splendido loco egregiisque maioribus nati essent, qui domi forisque clari extitissent, omnibusque honoribus per gradus in Romana Republica perfuncti essent; qui Romano sanguine sati primores essent in Urbe aeterna, & praepotentes Cives; quorum opera, si opus esset, apud Senatum, & Imperatores uterentur. Nam, teste Dionysio Halicarnaseo, loco superscripto, constat saepe numero Senatum controversias civitatum, ac gentium ad earum patronos remisisse, eorumque iudicia rata habuisse. De his consulendus Sigonius de antiquo Iure Italiae Libro II. Cap. 4. qui eorum originem Romulo adscribit. Ita Puteolani in clientela Brutorum fuere, ut memoriae prodidit Cicero in Philippica II. Bononienses Antoniorum, teste Suetonio c. 17. in Augusto; Tralliani Flaccorum, ex Ciceroniana pro Flacco n. 24. Siculi Marcellorum, ex Verrina sexta, & ex Livio Libro

XXXVI. Lacedaemonii Claudiorum, ex Suetonio c. 6. in vita Claudii; Allobroges Fabiorum, Arretini Claudiorum, ut ostendit Borghinius in Dissertatione de Origine Urbis Florentiae pag. 193. Capuani M. Tulli Ciceronis, auctore Plutarcho in eius vita, eodemque Tullio in Pisoniana, & fortassis, ut diximus, Volaterrani. Tifernates C. Plinium Secundum, Pisani Caium Caesarem patronos adsciverunt, cui statuas, arcum triumphalem, divinos honores, & inferias quotannis publico omnium civium moerore perficiendas decrevere; quare summa cum laude eundem Caium Caesarem appellant Pisanae COLONIAE VNIVM PRAESIDIVM.

Frequenter etiam patrocinii, & clientelae decus delatum nobilissimis viris, si in decretis cautum esset, ad liberos posterisque ipsorum extendebatur, continuabaturque in eorum domo; cuius honoris exemplum adferre libet in sequenti aerea hospitali Tefera.

DD. NN. CRISPO ET CONSTANTINO
 IVNIORIBUS NOBILISSIMIS CAESSIT COSS *fr*
 III. NON... EX... L ORDO M DIDI
 TANORVM HOSPITIVM AMICITIAMQVE
 FECIT CVM Q. ARADIO VAL PROCV
 LO V. C. ET IPSVM LIBEROS POSTEROSQVE
 EIVS SIBI LIBERIS POSTERISQVE SVIS
 PATRONVM COOPTAVIT
 Q. ARADIVS VAL. PROCVLVS V. C. PRAE
 SES PP. HOSPITIVM AMICITIAM
 QVE FECIT CVM ORDINE M DIDI
 TANORVM IPSOS LIBEROS POSTEROS
 QVE EORVM SIBI LIBERISQVE SVIS.
 IN FIDEM CLIENTELAMQVE SVAM
 POSTERORVMQVE SVORVM RECEPIT
 AGENTE ORDINE

Haec Romae servatur in Museo Strozio; quae edita est a
 V. C.

V. C. Henrico Brenemanno I. C. celeberrimo, & Academico Florentino, in Appendice Fastorum V. C. Hadriani Relandi, pag. 858. quam, ni fallor, secundus in lucem profero.

Liberi posterique, qui in amicitiam, fidem, & clientelam post parentes succedebant, dicebantur **PATRONI AB ORIGINE**, ut in Surrentinorum lapide penes Reinesium CL VI. n. 39. & Fabrettum Cap. V. n. 287. vel **PATRONI LONGE. A. MAIORIBVS. ORIGINALES**, quemadmodum Postumus Lampadius V. C. & inlustis, Patronus Capuanorum, apud eundem Fabrettum n. 287. vel **COMMVNES. AB. ORIGINE PATRONI**, uti appellatur a Sueffanis in marmore penes Gruterum MXXVII. 3. L. Mamilianus Licinianus V. C. qui dignitatem originis suae cumulasse dicitur, quum omnibus honoribus, muneribusque innocenter in patria sua functus esset. In alio apud eundem pag. MXCIV. 2. laudatur L. Faesellius Rufio Patronus Ariminensium, quod liberalitates in patriam civesque **A. MAIORIBVS. SVIS** tributas, exemplis suis superaverit. Patronorum filii utriusque sexus, item coniuges, ob merita patrum, & virorum, summis honoribus exornabantur, statuisque donabantur post mortem, quemadmodum complures lapides testantur.

Nulla quoque in deligendis Patronis habita aetatis ratio: nam pueros non me latet Patronos cooptatos interdum fuisse ob insigne meritum, egregiamque virtutem. Tifernates paene adhuc puerum patronum sibi adoptaverunt C. Plinium Secundum, ut ipse testatur in Epistola I. Lib. IV. apud quos, ne amore vinceretur, templum sua pecunia, construxit. Idem a Puteolanis factum testatur marmorea basis paucis ab hinc annis reperta Puteolis, edita inter Inscriptiones Selectas a V. C. Iohanne Vignolio pag. 323. quam cum statua universus Ordo, & Populus Puteolanus posuit T. Annonio Boionio Chrysantio puero egregio, eiusdem Ordinis, & Populi **AB ORIGINE PATRONO**; anno U. C. 913. Christi 161. M. Aurelio Antonino Caesare III. L. Aelio Aurelio Vero Caesare II. Consulibus; magnopere

Cc claro.

claro ob sua merita , & Boioniae gentis splendorem , quae ad maternam Imperatoris Antonini Pii familiam pertinebat .

Tanto honore quum Patronos prosequerentur ad amolendam adulationis suspicionem egregia eorum merita vel maiorum memorabant , ut in Ariminensium marmore penes Gruterum pag. MXCIV. 2 vel insignem eorum benevolentiam , quod Colonias , vel Municipia publicis aedificiis exornassent , balnea condidissent , gratuitam lavationem dedissent , ludos fecissent , gladiatorum paria dedissent , quod ope , consilio , & auctoritate eos iuissent , quod denique magnorum honorum commodorumque auctores fuissent , aliaeque huius generis beneficia praestassent , quae in antiquis marmoribus posterorum memoriae consignata leguntur . Nec sine ratione , ut observat Radulphus Fornerius Rerum quotidianarum Libro IV. Cap. 4. nam in his additur ea clausula EX AFFECTU IVRE DEBITO ; fortassis , ad amovendam adulationis suspicionem , L. 1. C. de statuis , & imaginibus . Placet id adnotare expressum in aliquibus inscriptionibus , ut apud Gruterum pag. CCCLXI. 1. in ara dicata L. Aradio Valerio Proculo , de quo paulo ante meminimus , a Corpore Svariorum , & Confectuvariorum , in qua additur id factum AVCTORIBVS PATRONIS eiusdem Corporis , quo testatior esset eorum affectus ; itemque in 1. CCCLV. & CCCCVIII. Eadem clausula , EX AFFECTU , vel OB AFFECTIONEM , occurrit in hospitali Tabula aenea , superius relata , ex Museo Albano ; itemque in sequentibus , quas V. C. Blanchinus diligenter descripsit ; & hoc loci referre placuit , quod multa in his sint paullo infra notanda . Quae sequitur alta est palmos Romanos duos , lata palmum unum , uncias IX. altitudini additur tympanus triangularis , elevatus uncias IX. In capite nomina Consulium recensentur , ex quibus Fasti Consulares illustrantur , notaturque anno U. C. 1012. Christi 260. iterum Consulem fuisse Iunium Donatum . cum P. Cornelio Saeculare iterum Consule , quod ex editis Fastis liquido non constabat .

P. COR-

P CORNELIO SAECVLARE II ET C IVNIO DONA
TO II COS IIII NON DEC

OSTRE IN MVNICPIO COLL. CENTON. CVM SCHOLA SVA FREQVEN
TES. SCRIBVNDQ ADPVSSENT IBIQVE REFERENTE L. VESSIDIO FOR
TVNATO QQ VNIVERSORV CONSENSV VERBA SVNT FACTA
QVANTO AMORE QVANTAQVE MVNIFICENTIA M N N CARENVS VIM
ANVS ORNASSE PALA EST CVIVS IMPARES BENEFICIIS AD
REMVNERANDAM EIVS ADFECTIONEM QVERERE REMEDIA
DEBERE SED PRECIPVVM AQVE LAVDABILEM COMMVNIS VOTI
REPRTVM CONSILIVM VT CORETIVM VICTORINVM AD GENVS AE
IVS ET HONORES PERTINENTEM VEL AC OBBLATIONE MVNEREMVS
ET PATRONVM AEVM IAMDVDM LECTVM PVBLICA TESTIFICATIO
NE MANIFESTETVR IGITVR SI CVNCTIS VIDETVR TABVLAM AEREAM
CONTINENTEM TESTIMONIUM CIRCA TVM NOSTRE ADFECTIONIS
IDEOQVE . Q. R. Q. F. R. DE AEAR. V. I. CENSVERVNT
PLACERE CORETIO VICTORINO PATRONO N N TABVL AEREAM CONTI
NENTEM VERBA DECRETI NOSTRI OFFERRI PER VESSIDIUM FORTVNA
TVM CORNELIVM TERTIVM QQ PVBLIVM MAXIMINVM
AVRELIVM VRSINVM . VALERIVM IVSTVM
COGCEIVM MERCVRIALEM ANTISTIVM MAXIMVM
OCTAVIVM CLEMENTEM PETRONIVM FELICEM
VESSIDIUM FILOQVIRIVM OCTAVIVM TAV
RVM SATRENV SVPERVM VESSIDIUM VERECVNDV
STATIVM FAVSTVM LEGATOS

Oblatam vides Patronis aeream scriptam Tabulam, & qui-
dem TITVLIS ORNATAM, ut legitur in altera, quam infra
pag. 208. exhibemus, quod etiam observatum fuisse non dubi-
to in deferendis patronatus insignibus L. Petronio Tauro Vo-
lufiano Patrono Arretinorum, qui hac tempestate vivebat.
Ad aeream Tabulam hospitii, clientelae, amicitiae-
que tesseram Patronis offerendam Legati decreti, qui Le-
gationis munus honorifice agerent remque digne prosequen-
rentur; quam summi viri interdum gratuitam, vel ex
communi pecunia suscipiebant. Legatorum officio functi
Duumviri, AEdiles, interdum duo summa nobilitate, ac
virtute praestantes viri, qui Curatores patrocini nuncupantur
in aliquibus Tabulis; interdum universus Ordo: Colle-
giorum vero vel Corporum, ac Sodalitatum Quinquenna-
les viri, & cum his primores eiusdem numeri, qui, ut in
allatis Tesseris, vel quatuordecim, vel sexdecim numerantur.

Decretum cooptationis patrocini priusquam conficeretur, quum in Curia, in Basilicis, vel in Aede Deorum, vel in Schola, vel in Templo, aut in Triclinio, ut Collegia facere solebant, teste superiori Tabula pag. 193. & Gruteriana pag. MCI. 1. convenissent, data cura primoribus numeri legitur, ut merita eius Viri, qui in Patronum cooptandus erat referrent laudarentque; quibus relatis, omnes unanimi consensu quid de ea re faciendum esset censebant, deputabantque Legatos ex ordine mittendos Patrono, qui ab eo impetrarent ut in clientelam domus suae Municipium, vel Coloniam, vel Collegium universumque Ordinem recipere dignaretur, Patronumque se cooptari, tum etiam liberos posterisque suos, si id expresse cautum esset: excusata non raro tardae cogitationis necessitate, quod scilicet, ut oportebat, id antea factum non fuisset, ut notari potest in Regiana Tabula penes Gruterum pag. MCI. vel multo antea Patronum electum dicebant, ne in deferendis meritis honoribus segnes fuisse viderentur. Iam enim supra observavimus Patronos antequam aerea Tabula donarentur, quae hospitii, & clientelae perpetuum esset testimonium, per diploma cooptatos esse. Horum diplomatum fit mentio apud Tacitum Libro II. Histor. 54. & 65. & apud Plinium Libro X. Epist. 14. 54. 121. Nero Claudius Caesar, teste Suetonio in eius vita Cap. 12. *exhibuit & Naumachiam, marina aqua innantibus belluis; item Pyrrhicis quasdam e numero epheborum, quibus post editam operam diplomata civitatis Romanae singulis obtulit.*

Tabula vero hospitali decreto incisa antequam in domo Patroni poneretur, publice conspicuo in loco exponebatur, affigebaturque templis vel Deorum, vel Augustorum; quod in cooptatione T. Pomponii Bassi Clarissimi Viri factum, testatur eadem Tabula, quae exstat in Museo Mediceo, superius edita in Parte I. pag. 65. in qua ad finem, fixam fuisse. Hinc apud Gruterum in extremis oris perforatae conspiciuntur plures aerae Tesseræ hospitales pag. CCCLXII.

CCCLXII. 1. 2. CCCLXIII. 1. 3. CCCLXIV. 1. itemque duae Graecae pag. CCCC. 8. CCCC. 1. quarum prima decretum continet Senatus, & populi Melitacorum, qui patronum sibi adsciverunt Demetrium Diodoti filium Syracusanum posterosque eius, ob singularem eius in omnes cives, ac populum amorem, & beneficentiam; altera vero Agrigentinarum est, qui cum eodem Demetrio hospitium clientelamque fecerunt, in qua notatur decretum in duabus Tabulis aeneis incisum fuisse, iussumque ut una Tabula in Curia poneretur, altera vero data eidem Demetrio Syracusano, perenne esset eius benevolentiae, ac studii erga Populum Agrigentinarum monumentum; in quibus praeterea observamus solemne etiam apud Graecos institutum fuisse mittendi Legatos, qui Patronis hospitium offerrent; & quemadmodum decretum auspiciatum in his legitur illis verbis, ΑΓΑΘΗ ΤΥΧΗ Bonae Fortunae; ita in aliquibus Latinis Teseris apud Gruterum CCCLXIII. 1. CCCLXIV. 1. praepositur seu boni ominis causa, seu quodam more, tum in rebus omnibus gerendis, tum in cooptandis Patronis usurpato, acclamatio, FELICITER, vel B. B. hoc est, *bene bene*; quasi omnia secundum vota bene, ac feliciter evenissent. Impensae vero hac de re a Legatis factae interdum a Patronis remittebantur.

Susceptis libenter a Patronis in fidem, & clientelam Municipiis, & Coloniis, vel etiam Collegiis, adfixaque in eorum domo, memoriae causa, aenea Tabula, hospitali decreto incisa, ut si quando clientes Romam venirent in eorum domibus, & palatiis hospitarentur, alii honores iisdem decernerentur parabanturque; nempe statuae vel equestres, vel pedestres, vel e marmore, vel ex aere, saepenumero inauratae; quo honoris genere donatus est Cicero a Capuanis, ut ipse testatur in Oratione contra Pisonem n. 19. quae statuae insigni item in loco ponebantur, & dedicabantur, vel in Curia, vel in Basilicis, vel in Foro, vel in Templis, vel etiam in Theatris, & Amphitheatris; in quibus saepe erutae sunt statuae illustrium Virorum; quod &
in

in Florentino nostro evenisse clare testatur Vincentius Borghinius in Dissertatione de Origine Urbis Florentiae. De his meminit Plinius Libro CCCIV. Cap. 6. Naturalis Historiae, Seneca VI. de beneficiis 8. & 1. ult. C. de Statuis, & Imaginibus, praeter sexcentos lapides, qui id confirmant, quod etiam Emundus Figrelus de Statuis illustrium Romanorum observat Cap. CIII. Ita a Pisanis in Foro positam statuam basemque laudibus inscriptam patri suo, Praetori Etruriae, Quaestori, & Comiti sacrarum largitionum, testatur Rutilius Numantianus Gallus in suo Itinerario v. 575. his verbis.

Hic oblata mihi sancti genitoris imago,

Pisani proprio quam posuere Foro.

Laudibus amissi cogor lacrymare parentis,

Fluxerunt madidis gaudia moesta genis:

Namque pater quondam Tyrrenis praefuit arvis,

Fascibus & senis credita iura dedit.

Quo in carmine formam situmque veterem Pifarum accurate describit, ex quo, ut observat doctissimus Petrus Viatorius variarum Lectionum Libro XVII. Cap. 3. intelligi potest quantum situs, & forma totius regionis hoc tempore sit immutata. Inscriptionis fragmentum supra dedimus pag. 18. n. 12. Pisano civi dedicatae, Praefecto Urbis, & Feriarum, Praetori Etruriae, ob insignia in patriam beneficia.

Sed ut revertar ad honores, quibus Patroni posterorum memoriae consecrabantur, statuis additae bases leguntur, ornatae subscriptis Patronorum laudibus, ac titulis; in quibus enumeratis eorum honoribus, & officiis adpellabantur *optimi, praestantissimi, indulgentissimi, benefeci, digni, dignissimi, admirabiles, nobilissimi, rarissimi*; uti ex sexcentis iam editis inscriptionibus colligi potest. Praeter statuas, praestantibus viris legitur positum fastigium, quod factum a Praenestinis in honorem Q. Verrii Flacci Severi Augustalis, Curatoris muneris publici, testatur apud eos marmor, editum in Donianis Collectaneis Cl. V. n. 119. quae consules. Ad hanc

haec positaë honoris causa bigae, quae memorantur in pluribus Gruterianis inscriptionibus CCCLII. 1. CCCCXXI. 1. CCCCXL. 1. CCCCXLVII. 6. de qua grati animi pereximia significatione luculenter differit V. C. Valerius Chimentellius in marmor Pisanum de Honore Bisellii Cap. XLI. In solemnî statuarum basiumque dedicatione in publicae laetitiae gratique animi argumentum, largitiones, divisiones, cenae, epulae, ac sportulae datae a Patronis memorantur; itemque remissae impensae, si solo honore contenti fuissent, editi ludi, & venationes; nec dubito a clientibus xenia quotannis missa Patronis, Legatosque, qui eos salutarent; quod in Plinianis epistolis fieri consuevisse honoris causa Imperatoribus, ac praeclaris viris optime de republica meritis, me adnotasse memini. Inscriptio in basibus tunc caelabatur quum eius forma ab universo ordine decreto fuerat adprobata, uti ex Neapolitano marmore constat in Gruteriano Thesauro CCCCXLIV. 2.

Patronorum munus erat iura Civitatum, Coloniarumque, quas in clientelam acceperant, tueri, bonis omnibus, atque honoribus prospicere, omni humanitatis officio, cives protegi, eximîs laudibus fidem eorum erga Romanam Rempublicam, & Augustos Imperatores commendare, ac probare si opus esset, uti ex Gruterianis colligitur CCCCXLIII. 6. CCCCXLV. 4. CCCCLV. 4. & ex Beneventano apud Sponium in Miscellaneis pag. 124. Id quoque praestatum a Patronis Collegiorum, Sodalitiorum, & Corporum, praefertim circa Deorum cultum sacrasque ceremonias; qui etiam patrum exemplo pietatem erga eos cumulatissime testari debebant. Hinc PARENTES appellati numeri Collegiorum, ut in superiori Tabula ex Museo Albano depromta pag. 193. & in hac alia, quae patrociniî honorem continet oblatum per XVI. Legatos a Collegio Fabrorum Sentinatium Cornelio Fusco Patrono eiusdem numeri, observari potest. Saepe, ut obiter heic dicam, in hac tefera fit mentio NVMERI, quod ut credere fas est, viri in albo cuiuscumque Collegii descripti, certum quemdam numerum excede-

excedere haudquaquam deberent ; nempe vel CL , vel CC
aut ad summum CCC. uti ex epistola Plinii ad Traianum
Augustum , Libro X. colligi potest , quum in ea de insti-
tutione Collegii Fabrorum Nicomediae agatur .

P. CORNELIO SAECVLARE II. ET IVNIO DONATO II.
KAL IVLIS COS

SENTINI CVM IN SCOLA SVA FREQVES NVMERVS COLL FABR
SENTINATIVM CONVENISSENT NVMERVM HABENTIBVS
C. IVLIO MARTIALE ET C. CASIDIO RVFINO QQ ET REFERENTIB
IPSIS SEMPER IT IN PRAETERITVM ITA SPLENDIDISSIMVM N N
CONISVM ESSE VT ADFECTIONE SPLENDORIS SVI IN GINGVLOS
QVOSQVAE CONDIGNOS MERENTES EXIBEANTV EI MAXIME
IN HONORE ADQVE DIGNITATE MEMMIAE VICTORIAE QYON
DAM INDOLES MAMORIAE FEMINE MATRIS NVMERI NOSTRI
PROORSVS QVAEQVE ESSE PROVECTVM NOMEN DOMVS
EIVS VT PER ORDINEM GENERIS SVI OMNES IN NVMERVM N
PATRONI IN COLLEGIVM NOSTRVM APPELLARENTVR OPTAN
DAQVE ERANT VT OMNES VNIVERSIQVE INCOLVMS IN
NVMERVM NOSTRVM VIDERENTVR ET QYONIAM VIR SPLEN
DIDVS CORELIVS FVSCVS PATRONVS NVMERI DEBEAT EX
EMPLO PIETATIS PARENTIVM ET MATRIS HONORIFICENTIA
ITAQVE SI OMNIBVS VIDERETVR TABVLA AEREAM EI OFFER
RI

Q. F. P. D. E. R. I. C. C.

GLORIOSVM ESSE RELATIONEM B. B. V. V. QQ. COLLEGI. N
ET IDEO CVM SIT CORELIVS FVSCVS SPLENDE NATVS VT
POTIVS HONORIFICENTIAE NOSTRAE MODVM INTEL
LEGAT NECESSAQVE SIT EI TABVLAM AEREAM TITVLIS
ORNATAM SCRIPTAM OFFERRI PETIQVE AB EO HANC
OBLATIONEM NOSTRAM LIBENTI ANIMO SVSCIPERE
RE DIGNETVR LEGATOSQVE IN EAM REM FIERI QVI
QVE DIGNE PROSEQVANTVR NERATIVM AMPLIATVM ORPIVM VER
TATEM AEMILIUM VICTOREM BEBIDIUM IVSTVM CASIDIUM MARTIA
LEM IVLIVM MARTIALEM CASIDIUM RVFINVM BEBIDIUM IENVA
RIVM AETRIUM ROMANVM CASIDIUM CLEMENTINVM AETRIUM
VERNAM VASSIDENVM FAVOREM CASIDIUM IVSTISSIMVM SA
TRIVM VERECVNDVM STATIVM VELOCEM VETVRI CELERINVM

In superiori Tabula hospitali Collegii Sentinatum pag.
193. [quorum opidum Sentinum appellatum , Straboni ,
Livio , ac Dioni ceterisque memoratum , in Umbria fuit ,
ultra Camerinum , & Matilicam , versus Urbinum , in Apen-
nini

nini valle] in tertio versu legitur SENTINI IN TRICLINI DOMVS CC NVMERVM HABENTIBVS ; cuius auctoritate deduci potest ducentos viros ad censendum de ea re convenisse . Sed ex ipsa Tabula , ut monuimus , Patronos PARENTES Collegiorum , & eius Numeri appellatos esse constat ; quae alta est palmos Romanos duos , lata palmum unum , uncias novem ; altitudini vero additus tympanus triangularis , elevatus uncias novem .

Quemadmodum igitur splendido loco nati viri Patroni Collegiorum PARENTES appellabantur , ita quoque illustres feminae , patronatus honore exornatae , MATRES conclamabantur ; quod manifeste liquet ex praeclaudatis Tesseris ex Albano Museo depromtis , in quibus Vesia Martina coniux Coretii Fusci , splendidi Decurionis Sentinati-um , & Patroni trium Collegiorum principalium , Patrona eiusdem Collegii Sentinatum dicitur ; uti etiam Memmia Victorina Patrona eiusdem Numeri nuncupatur . Aliud exemplum subiicit Gruterus ex aenea Tabula C. V. Antonii Augustini Archiepiscopi Tarraconensis pag. CCCCLXIII. 6. in qua Peluini , & Vestini , quorum meminit Plinius Libro III. Cap. 12. Nummiam Variam Sacerdotem Veneris Felicis patrociniis honore affecerunt . Patronam vero Municipii , & Collegii Oliam Attianam fuisse discimus ex veteri lapide , quem producit Fabrettus Cap. IV. n. 115. ex Schedis Barberinis , non indicato tamen loco ubi exstet ; sed ex Collectaneis V. C. Donii , quas edidi , Cl. V. n. 56. scimus Interamnae exstare . Item apud Corfinienses Patrona laudatur Rutilia Paulina , quam Seviri Augustales summis honoribus prosecuti sunt , ex iisdem Collectaneis Cl. V. n. 122. Feminas dignitate , vel genere insignes , patrociniis foedere exornatas , eruditis observationibus illustravit omni-gena antiquitatis eruditione conspicuus Philippus a Turre Episcopus Adriensis in Commentario ad Inscriptionem M. Aquilii , Cap. XI. pag. 153. quem vide .

Denique qui alicuius Municipii , vel Coloniae , vel Collegii patrocinium susceperant , aliorum quoque Municipio-

Dd

rum,

rum, Coloniarum, & Collegiorum Patroni conscribi poterant, eoque honore perpetuo fungebantur. Eodem exemplo Municipia, Coloniae, & Collegia plures simul Patronos sibi adsciscere non prohibebantur, neque solum ex magnatibus Romanis, verum etiam ex propriis civibus, qui aliquo insigni magistratu, & munere in patria functi, multis virtutibus, multisque beneficiis de re publica optime meriti essent; quod ex vetustorum lapidum auctoritate perspicuum est. Plinius Secundus Libro V. Epist. 12. laudat C. Calpurnium Fabatum profocerum suum quod in patria Colonia speciosissimam porticum suo ac filii nomine dedicasset, qui memoratur in lapide Comensi in Collesta-neis Donianis Cl. V. n. 5. ac dicitur Comensium Patronus. Nec Civitates, Coloniae omnes, & Collegia solum, sed & Provinciae sic scripserunt Patronos; adeoque plures populi, unius Patroni clientes, hospitium fecisse, statuamque posuisse leguntur. Ita Manlium Theodorum Africae Proconsulem, universa Provincia in clientelam ab eo suscepta, tali honoris genere adfecit, teste Claudiano in Panegyrico de eius Consulatu. Tusci, & Umbri statuam dedicarunt Patrono suo P. Tettio Perpetuo Arzygo, Viro Clarissimo, Consulati Tusciae, & Umbriae, ut Gruterianum monumentum testatur pag. CCCCLXXXIII. 3. aliud quoque exemplum vide in Mutinensi marmore pag. MXCVIII. 1. in quo laudatur L. Nonius Verus, Patronus Mutinensium, Aquileiensium, Brixianorum, & universarum Urbium, Apuliae, & Calabriae. Cum Q. Aradio Valerio Proculo hospitium fecere Diditani, ut supra diximus ex Tabula ex Museo Strozio adlata pag. 200. item Civilitani, Hadrumetini, Faustianenses, Theanitae, Zamiani, qui eum statuam donarunt, ut liquet ex Gruterianis pag. CCCLXI. & sequentibus, quae exempla, ut arbitror, ad id declarandum satis sufficere possunt.

In fine marmoris legitur ORDO ARRETINORVM PATRONO OPTIMO. Ordinis nomine designantur Decuriones, qui in Colonia idem erant, ut mediocriter literati sciunt

sciunt , ac Romae Senatores . Nam Coloniae , ut ait Gel-
lius Lib. XIV. *quasi effigies parvae simulacraque populi Romani fu-*
erunt . idem *Senatus* nomine veniunt in pluribus faxis in
Gruteriano Thesauro pag. CCCCLVII. 6. CCCCLXIII. 3.
Verum frequentius in editis lapidibus *plebs* , & *populus* ,
vel *cives* , vel *municipes* cum *Decurionibus* coniunguntur ;
etſi tamen , ſicut *Senatus* & *plebs* Romae , ita & in Colo-
niis , & *Municipiis* ſeparatim diſcernerentur . Quare ar-
guere poſſumus in decernenda ſtatua cum inſcriptione in
honorem L. Petronii Tauri Voluſiani , *Decurionibus* Ar-
retinorum ſcita populi , & *plebis* haud adiuncta fuiſſe ;
ipſamque minime ſententiam rogatam fuiſſe . Sed de De-
curionum Ordine , & dignitate conſulendus Reineſius in
99. Claiſſis Primae , item & Noriſius in Cenotaphia Piſana
Diſſertatione I. Cap. III.

Ex adlato marmore colligi item facile poteſt ſequioribus
ſeculis penitus exoleviſſe diſiſionem illam , ſeu diſtinctionem
Arretinorum Veterum , *Arretinorum Fidentium* , & *Arretino-*
rum Luſiſum , quorum meminit Plinio Lib. III. Cap. 5.
omneſque *Decuriones* poſtea in unum coaluiſſe magiſtra-
tum , a quo omnia , quae ad *cives* pertinent , gererentur .
Ut lucem Plinio afferam marmoris fragmentum ſubiicio ,
quod exſtat Arretii in maiore Platea , antea vero ſervaba-
tur in Monafterio Camaldulenſium S. Mariae in Gradi-
bus , in quo *Decuriones* *Arretinorum Veterum* nominan-
tur ; qui , ut ex aliis huic ſimilibus formulis in ſine vetu-
ſtorum lapidum liquet , aliquid faciundum decreto adpro-
baſſe , vel ordinaiſſe videntur . Supra lineam , quae habet
DECVRIONES , veſtigia literarum alterius lineae apparent ,
ex quibus vix intelligi poteſt an ſcriptum fuerit IN QVIN-
QVEV forte in *Quinqueviro* . Sed en ipſum fragmentum.

2

DECVRIONES
ARRETINORVM VETER

Dd 2

Me-

Meminit huius Inscriptionis Blondus, Hermolaus, & Volaterranus, qui hinc infert Arretinos Veteres a Sulla proscriptos fuisse; sed quum iura magistratus habuerint, contrarium inferri potius oportebat. Triplex hoc discrimen Arretinorum, quasi in tres populos, non solum re, verum etiam nomine, & loco, ut opinione auguror, distinctorum, induxit primum L. Sulla, postea vel C. Iulius Caesar, vel Augustus in novis Colonorum deductionibus; quam divisionem Plinii tempestate adhuc viguisse perspicuum est. Idem Plinius Clusinos quoque in *Veteres*, & *Novos* distinxit, itemque Fabraternos. Quare emendanda veteris inscriptio, quae in Gruteriano Opere assertur pag. MXCV. 6. & loco FABRATERNI NOVANI, reponendum est Plinii auctoritate Lib. III. Cap. 5. FABRATERNI NOVI. In eodem Opere pag. CCLIII. 6. in honorem Hadriani Imperatoris exstat inscripta Tabula, in qua, licet fracta sit, diserte tamen memorantur *Lamuvini Veteres*. Ad distinctionem igitur veterum incolarum, Coloniarum populi *Novi* dicebantur in nova deductione. Ita VERONA NOVA GALLIENIANA appellata est in nuova Gallieni Imperatoris Colonorum deductione, ut diserte legitur in Veronensi Arcu penes Gruterum pag. CLXVI. 6. Ex quibus deduci potest tum Arretinos Veteres, tum Novos Fidentes, & Iulienes singulos senatum seorsim habuisse. Cluverius Ital. ant. Lib. II. Cap. III. pag. 571. singulis oppida assignat; ego vero in Municipio loca diversa. Holstenius in Notis ad Cluverium pag. 72. putat quod Arretium appellatum fuerit *Colonia Fidens*, *Iulia*, *Arretium*, in qua etiam sententia est Norisius in Cenotaphia Pisana, Dissertatione I. Cap. I. Sed de Arretinis quum luculenter disseruerit Illustrissimus Vir, Equestri dignitate, egregiarumque virtutum laude, & eruditione ornatissimus Gregorius Reditus Patricius Arretinus, in Epistola, quam, pro sua in me benevolentia & humanitate, meo nomine inscribere dignatus est, laetus lubensque, ut meis lucubrationibus lucem afferam, in publicum depromo.

AN-

ANTONIO FRANCISCO GORIO V. C.

GREGORIUS REDIUS

εὐπράττων καὶ εὐγράφων.



Uas a me petisti, Vir Clarissime; antiquas Arretini nostri Municipii Inscriptiones, mitto eas tibi, non indiligenter, aut incuriose exscriptas. Exiguum hoc quidem spicilegium videri poterit prae uberi mense, quam eruditus ingenis dives huiusmodi opum Florentia tuis curis nuper suppeditavit: sed fato malo factum est, ut, quam Italia universa cladem, & literarum iacturam temporibus iniquissimis experta fuerat, eam nos rursus, amissis, quae apud nos supererant, post diuturnam tot saeculorum barbariem, antiquis monumentis, saeculo eruditissimo experiremur. Quum enim anno (*) MDVI, qui apud nos, Florentinae Reipublicae nomine, rei militaris, & construendae Arcis praeerant, viri omnium elegantiarum expertes, calcis inopiam [si Diis placet] & lapidum causarentur, in regione lapidicinis abundante, & fluvialibus saxis, ad calcem maxime opportunis; iusserunt partim ad calcarias pertrahi, partim in Arcis fundamenta proiici quidquid marmoris, & Tiburtini lapidis facti infecti, tum in Urbe, tum in Suburbanis reperiretur: unde magno, & inexpiabili eruditorum omnium moerore factum est, ut maxima Epitaphiorum, aliorumque Epigrammatum copia flammis, aeternaeque oblivioni addiceretur. Suspicio tum fuit apud Cives nostros, cuius etiam Annales eorum temporum meminere, invidia potius virorum illorum militarium, quam inopia calcis in has eruditae veterum monumentorum reliquias saevitum fuisse. Verum id potius tribuamus eorum inscitiae, quibus antiquarum omnium ele-

[*] Petrus Bonamici in Hist. Arretina MS. quae existit Arretii in Bibliotheca Clericorum, qui vulgo dicuntur *di Murello*, ubi Auctores alii Manuscripti asservantur, ad quos identidem provocamus.

elegantiarum fontes, Urbium praeclara decora, Romanae Historiae inexhaustae opes, nondum eveſta ad hoc fastigium antiquarum rerum ſcientia, penitus incognitae fuerunt. Quod vero eſt in vulgari illo & ſapiente antiquorum proverbio ^(a); cadente quercu, quemlibet ligna colligere;

Δρυὶς πεσούσης, τὰς ἀνὰρ ἐκλείβεται.

id apud nos quoque veriſſime dictum videri potuit. Tam multae enim eo ſaeculo antiquae Inſcriptiones, & rara Civitatis noſtrae monumenta apud nos interierunt, qua domorum inſtauratarum incluſa parietibus, qua ad Urbes externas tranſlata; ut vix modicae, & non ita magni faciendae reliquiae ex immani naufragio hodie ſuperſint. Qualeſcumque tandem illae ſint, eas ego, bona fide, non aliena opera uſus; quas item teſtis *αὐτόπτης* vidi, deſcripſi, & ad te, ſtudio veterum memoriarum flagrantiffimum, libenter tranſmitto. Illae quidem & tuo, & eruditorum palato prae paucitate non facient ſatis; prae ſinceritate diſplicere omnino non poterunt. Nihil ibi de coniecturarum mearum penu, niſi quod pauca quaedam, ad Urbem hanc pertinentia, exteris fortalle non cognita, adſcripſi. Quae vetuſtas in Lapidibus detrivit, & Lapides ipſos exhibens, punctis, aut lineis indicavi; quae ſuper iis aliquando coniiicerem, ad marginem reieci: quae vero coniecturam meam fugerent, ea, tamquam ſpartam tibi exornandam, reliqui. Et haec quidem de antiquis, quae petieras, Epigrammatis. Difficilior ea fuit ſubeunda provincia, ut, quae de Arretio noſtro auctores antiqui teſtata literis reliquere, ^(b) colligerem, & apto temporum ordine digeſta inter ſe colligarem. Quod tamen, ne labori ipſe meo parcere velle viderer, alacriſum, & prompto animo perſecutus; ita, tamen, ut inde vix quidquam extrudi potuerit, unde tenebricoſiſſimis tem-

pori-

[a] In Fragmentis Menandri ex Collect. Clar. Viri Iohannis Clerici.

[b] Arretii mentio extat apud Strabonem, Ptolemaeum, Silium, Caesarem, Ciceronem, Halicarnasseum, Diodorum, Stephani Epitomatores, Polybium, atque Plinium. Ferdinandus Ughellus in Ital. Sac. Tom. pr. qui & Livium memorat de Arretio locutum, addere potuit Macrobi-um, Iulium Obſequentem, Frontinum, Antoninum.

poribus lux, quantumvis modica, affulgeat. Quotus enim quisque est, ubi ab infano illo Annio discesseris, aliisque, qui pecudum more confidentissimum sycophantam secuti sunt, qui de Arretii origine, conditore, nomine, certum quid aut exploratum pronunciet? Quicumque in tanto antiquorum omnium silentio, iis omnibus deperditis, qui fufius de Etruria locuti fuerant, Etruscarum Urbium incunabula exquirunt, ii profecto videntur mihi, quemadmodum ille Virgilianus Aeneas, pergere (a)

——— *obscuri sola sub nocte per umbram,*

Perque domos Ditis vacuas, & inania regna.

Omissis igitur Fabulatoribus importunissimis, qui conditorem Arretio faciunt Ianum (b), quem eundem esse dicunt cum illo Noach, qui in sacris Paginis (c) memoratur [quamquam & ipsi inter sese Andabatarum more depugnent, & alii quidem Iapeto (d) Noachi filio, alii, Athlac (e), quem Iapeti filium ferunt, decus fundatae Urbis adiudicent] ea videtur, si non vera, at similis verae sententia, quae & Polybio, & Iustino placuisse credi potest, & a Leonardo cive nostro, libro primo Historiarum Florentinarum tradita est (f), conditum nimirum a Lydis Arretium, quum ii, alimentorum inopia e regionibus suis profugi, in Italian. venissent: quo quidem tempore expulsis, qui Provinciam tenebant, Pelasgis, eam vel a Tyrrheni ducis nomine Tyrrheniam nominarunt, vel [ut magis Dionysio Halicarnassensi probatum legimus] (g) a mapalibus, quae ante aedificata Oppida inhabitabant, & patria voce *Tyrres* dicebant, appellavere Tyrseniam. Quanquam Ferdinandus Ughellus eam aliquorum sua aetate opinionem fuisse dicat, ut a Pelasgis, & Umbris Arretium constitutum vellent; cuius rei idoneum nullum auctorem reperi.

Alia

[a] AENEID. VI. v. 268. [b] Pseudo-Cato Fragm. 2. de Origine Italiae & Pseudo-Berosus lib. 2. & 3. [c] Genes. Cap. 5. v. 29. & deinceps. [d] Petrus Bonamici in Hist. MS. [e] Gabinius Lætus in Eparchia. Alexius Gelandius lib. 4. Civit. Orbis. [f] Hanc etiam opinionem tenuit Flavius Blondus in sua Italia, & Dominicus Marius Neger. lib. VIII. Comm. Geogr. [g] Dionys. Halicarnass. lib. 1.

(^a) Alia est, quam non pauci, neque ita contemnendi auctores secuti sunt de origine Arretii, sententia (^b); quam tamen vellem petito aliquo ex antiquitate testimonio confirmassent. Tradunt hi non a Lydis aut, Tyrrhenis, sed a Graecis in Italiam delatis aedificatum Arretium per ea tempora, quibus Israeliticus populus post devicta diuturnis cruentisque proeliis Cananaeorum, & Amorrhaeorum regna pacem adeptus, Reipublicae cuiusdam more, ab ludicibus regebatur. In tanta rerum antiquitate, obscura plane sunt, & incerta omnia. *Datur quidem haec venia antiquitati* (ut in re non absumili quondam dixerat Livius (^c) *ut divinus humana miscendo primordia Urbium augustiora faciat*. Nihilominus tamen ridendos eos puto, non audiendos, qui vel Etrurum quemdam, aut Etruscum ex (^d) Iapetidarum genere conditorem Oppido dicunt; vel qui ad Herculem, Geryone devicto, ex Hispania redeuntem, Urbis primordia referunt; (^e) vel qui Aurelium Troianum militem, Homero, aliiisque Troianae *avantes* scriptoribus plane ignotum somniant (^f): quae commenta implexam magis reddunt Historiam Gentis, initia Urbis suae praeter vetustate ignorantis. Quod ad nomen ipsum Arretii pertinet, mirum quam lepide & curiose torserint sese ad eius originem expiscandam virorum otiosorum ingenia. Arretiam Noachi vel filiam (^g), vel uxorem (^h), vel Pro-nurum (ⁱ) nomen Op-
pido

[^a] Ab Umbris, Pelasgisque, qui Regionem illam incoluerunt fuisse aedificatam probabiliter arbitrantur plerique, quidquid fabuletur Annii &c. Ferd. Ughell. Ital. S. Tom. I. [^b] Ioannes Caramanlius. Petrus Baccherini de Origine Urbium & Famil. Italiae. Ambrosius Calepinus V. *Arretium*. Fr. Iacobus Bergom. in Supplem. Chronic. [^c] Liv. Dec. 1. Lib. 1. [^d] Magister Ioannes de Virgil. in Chronic. Mundi. Faver & huic opinioni Gorellus Poeta Arretinus in Chronic. [^e] Hierodeus Cosmograph. Franciscus Berlinghieri Libro 3. Geograph. Poetice pertractatae. [^f] Plenerius Arretinus Scriptor, qui modo desideratur, relatus a M. Attilio Aleffi Arretino in suis Commentariis historicis MS. [^g] D. Petrus a Buggiano Monach. Camaldul. in Lib. de Vita Monastica. Ioannes Rindinelli in Relatione ad M. Ducem Franciscum MS. [^h] M. Guazzus in Chron. M. Attil. Aleffi in Hist. Arret. MS. rel. a Petro Bonamico: Cronicum Magnum. Ioannes Selinus de Notabilibus Mundi. [ⁱ] Gabin. Laet. in Eparch. Alexius Gejand. lib. IV. Urb. Mundi.

pido indidisse Anniani impostores inutilibus chartis illivere; Ipse vero Annius (^a), perfricta, quemadmodum solet, fronte, Pseudo-Berosum illum suum inducit vocis originem ab Aramaea Lingua proferentem: quo quidem idiomate, Vesta, seu Terra, quae Iani mulier ab illo (^b) conficta est; *Arretzia*, & *Nortia* appellatur. Narrat ista deliris delirus: *credat Iudaeus Appella; non ego.* (^c) Sit sane dictum Arretium ab Hebraica voce *Ἀῤῥῆ*, qua *Terram* significari tradunt. Scio namque viris Hebraice doctis non displicere nomen Etruscorum etyma, quae ab Hebraeis fontibus peti possunt: cum vero simile sit, voces aliquas ex ea Lingua adhibitae ab Etruscis, qui characteres aliquos Iudaicorum, non absimiles habuerunt. Quid hinc tamen pro Annio? si Hebraicae originis nomen est, *ab solis ubertate*, non a commentitii Iani uxore, dictum fuisse a conditoribus Oppidum primum est suspicari. Simplicius alii *ab ariditate* (^d), qua vicinus Arno ager (utpote glareosus, & cretosus) laborat, nomen derivavere. Hanc opinionem secutus Franciscus Berlinghieri, vates vester, ut sua ferebant saecula, non contemnendus, & Laurentii Medicei amicus in paucis, ait: (^e)

*Verſo Arezio Città quel ſi diſſonde,
Dalla aridità detta, quando Alcide,
Fù coronato dell' Iſpane fronde;
E da Tirrenio d' fatta, e detta aſſide
D' Aurelio, d' onde Mecenate fue;
E cbi per eloquenza tanto vide,*

Io dico Leonardo ec. ———

Sed neque universus Arretinorum ager ita aridus est, ut inde oportuerit Oppidum appellari, cum ii praesertim, qui pomerium circumstant, Campi uberes & irrigui sint; neque

[^a] Annii Comment. in Pseudo-Caton. fragm. 2. & Pseudo-Berosi lib. 3. & 4. [^b] Deceptus ab Annio Leander Alberti in Ital. Reg. Etrur. [^c] Hor. lib. 1. Serm. Sat. 3. vers. 100. [^d] S. Petrus Damiani Serm. in Festo S. Donati Episcopi Arretini: *Unde non iam Arretium ex more dicaris, quod ab ariditate terrae tibi constat nomen impositum, sed tu Auriatum potius, a pretiosissimo scilicet Sacri Cadaveris auro &c.* [^e] Geographiae lib. 3. Cap. 10.

que ab *ariditate* nomen sumpsisse dicenda est Urbs, quae Colli inaedificata est, crebris, perennibusque aquarum scatebris secundissimo. (a) Non pauci ab *aris* dictum Arretium voluere, quarum multas hic extructas, nescias quibus auctoribus, tradunt: (b)

*Terocchè quegli antichi al tempo casto,
Devoti a i Dei sacrificavan spesso:*

dixit non de Arretinis solum, sed de Etruscis omnibus Ubertus vester. (c) Hanc opinionem secutus Gorellus civis noster in suis Chronicis, ita cecinit:

Il nome vero mio fu sempre Arizio (d)

Ter le molte Are, ch' eran nel mio centro;

Dove agli Dei si facea sacrificio.

Quin & Fabricius Palmerius Libro de Urbium, & Familiarum insignibus, scribit fuisse Urbi pro insigni *aram ardentem*: cuius tamen rei, nullus quod sciam, meminit Antiquorum. Hi omnes, ut manifestum est, Etrusci nominis etymologiam apud Latinos inquirunt, quod sane ridiculum; cum Latina lingua balbutire coeperit, postquam Etruscorum voces multis iam saeculis magnam Italiae partem pervagabantur. Ambrosius Calepinus, aut ex iis Grammaticis quispiam, qui ad eum auctorem additamenta edidere, *ἀρεὶς* & *ἀρεῖς*, Urbi nomen derivat. Gloriosa nominis origo, si veritati aut consona, aut saltem similis sit. Veteior tamen, ut inde nomen duci potuerit Urbis Etruscae, quae proinde nihil aut originis, aut linguae habebat cum Graecis commune. *Ἀρρίτιον*, & *Ἀρρίτιον* appellavere nos Graeci, (e) non *Ἀρεῖον*, aut *Ἀρεῖον*. Illa etiam insignis plane est,

&

[a] Minusque placet quod alii ... comminiscuntur ab ariditate *Arretium* fuisse dictum; siquidem undique flumine *Arno*, aliisque uberrimis aquis alluitur ad perennem felicitatem. Ferd. Ughell. Ital. Sacr. Tom. 1, Episc. Arret. [b] M. Ioannes de Virgilio in Chron. Mund. Dempsterus etiam in Etr. Reg. opinionem hanc prae ceteris amplectitur. [c] Facius de Ubertis in Geogr. vulgo *Dittamondo* lib. 3. [d] Arictium sequioribus dictam fuisse Urbem & S. Petrus Damiani testatur, & eorum saeculorum numi, quorum aliqui apud me sunt. Ita etiam habet sigillum Cancellariae publicae. [e] Polybius Megalopolitanus lib. 11. pag. 104. *ἱερὸν Ἀρρίτιον* & *ἱερὸν*.

& miseranda opinio ; quae scriptoribus Etruscis placuit , qui decimoquarto a reparata salute saeculo floruerunt . Ex his est Ioannes Villanius vester ^(a) , quem ego quemadmodum in iis , quae proxime eius tempora attigerunt , magnae auctoritatis Historicum puto ; ita nullam prorsus literaturae partem attigisse iudico in iis , quae saeculis aliquot remotiora , e Graecorum , & Latinorum fontibus petenda erant . Hic igitur locuples ceteroqui & elegans auctor , multa in Urbis & Civium nostrorum laudem praefatus , ubi de nomine Oppidi sermo incidit , *Aureliam* antiquis dictum fuisse affirmat ad usque Totilae tempora , qui cum penitus deleverit , ac deinde impresso muris hostili aratro , campos ubi Aurelia fuerat , sale superseminaverit : a qua aratione , locus , & Urbs loco ipsi rursus aedificata Arretii nomen sortita apud posteros sit . Verum scriptorem ipsum lingua sua , hoc est elegantissime loquentem , audiamus . *La Città d' Arezzo prima ebbe nome Aurelia , e fu grande Città , e nobile ; e in Aurelia furono anticamente fatti per sottilissimi Maestri vasi rossi (b) con diversi intagli di tutte forme , e di sottile intaglio , ebe veggendogli parevano impossibili essere opera umana . E ancora se ne truovano , e di certo ancora si dicie , ebel sito , e l' aria d' Arezzo gienera sottilissimi uomini . * La detta Città d' Aurelia fu anebe distrutta per lo detto Totile , e feciela arare , e seminare d' sale ,*
Ee 2

[a] Petrus Bonamici in Com. MS. Sequens Iohannis Villanii textus productus est , & emendatus fide Codicis antiquissimi MS. in Salviniana Bibliotheca . [b] Vasa huiusmodi scilicet laudavit non semel Martialis Lib. XIV. Epig. 95.

*Arretina nimirum ne spernas vasa nonemus ,
Lautus erat Tusci Porfena siccilibus .*

& Lib. I. Epig. 53.

Sic Arretinae violant corymbellina testae .

Plinius lib. 33. cap. 12. Maior quoque pars hominum terrenis utitur vasibus . Samia etiamnum in esculentis laudantur . Retinet hanc nobilitatem & Arretium in Italia &c. Admiratori sunt aliqua , quae supersunt ex vasibus huiusmodi , in Civium nostrorum Museis ; quorum aliqua inventa ad ripas fluvioli Castris , qui Urbem praeterlabitur , praesente Ioanne Card. Mediceo , qui deinde fuit Leo X. cum meruerunt habere laudatorem , Marco Attilio Alessio teste oculato in Hist. Art. MS. * Ferdin. Ughell. Ital. Sac. Tom. I. Episcopat. Arret. Peperit omni memoria haec Civitas viros illustres , & fortes , perspectique ingenii acuminis &c.

fale, e d' allora innanzi fu chiamata Arrezzo, cioè Città arata, iurasse videntur in eandem sententiam Ioannes auctor Fabularum antiquarum, quae eo libro continentur, qui vulgo dicitur il Pecorone, & Facius de Ubertis in Geographia. (a)

*Dilà dall' Ambra Aurelia t' aspetta,
Aurelia dico, alla Città d' Arrezzo;
Tereb' era anticamente così detta.*

*Vero è che questa mutò nome, e veggio;
Quando Totila presela, che pos*

Strugger la fece, e arare a pezzo a pezzo:

Verum haec, rudis & impoliti saeculi imperitiae tribuenda: unde tamen tenuis quaedam & exilis Historia lux oboritur de attributa fortasse Municipio nostro per M. Aurelium Imperatorem, aut ex Antoninis quempiam Coloniae Aureliae nuncupatione; de qua & Historiarum, & Lapidum monumenta altum silent. Verum de his infra opportunius. Muris caruisse Arretium usque ad Desiderii Longobardorum Regis tempora somniavit in suo Viterbiensi Coenobio Annius. Non ita qui magis sobrie scripserunt ignoti Annio auctores antiqui. Vitruvius auctor eximius, & diligentissimus veterum monumentorum illustrator, *vetustum*, (b) appellat in Italia, & egregie factum Arretii murum. Livius, scriptor Vitruvio *ἀρχαῖος*, circa Arretii moenia Romanum exercitum constituisse, ante infelicem ad Thrasymenum (c) pugnam, testatur. Et anno ab U. C. DXLII. custodiri iussas a C. Terentio Varrone Arretii Portas, ne priores dilaberentur, illisque alias claves impositas, narrat; (d) Plinius etiam, cuius diligentiam, & eruditionem singulare nihil effugit, lateritios Arretii, ac Mevaniae muros prae ceteris in Italia collaudat. (e) Nolui locum asserre Sili Italici, Poetae elegantissimi, qui *altos Arreti muros* commemorat; (f) ne videar Poetarum testimonio, non semper cum proprietate loquentium, indigere ad rem exploratissi-

mam

[a] Dittamondo Canto IX. [b] Lib. 2. cap. VIII. [c] Dec. 3. lib. 26. Certumque per praemissos exploratores habuit (Annibal) exercitum Romanum circa Arretii moenia esse. [d] Livius lib. XXVII. [e] Hist. Natur. lib. 35. cap. 14. [f] De Bell. Pun. lib. V. v. 122.

nam confirmandam . Unam e primoribus duodecim Etruriae Civitatibus fuisse Arretium, nullus est [quod ego quidem sciam] ex antiquis, qui aperte scripserit, (a) nullus e recentioribus, qui negaverit: (b) favente praesertim huic sententiae Dionysio Halicarnasensi. (c) Certe potentissimas fuisse in Etruria Urbes Perusiam, Vulsinios, Arretium, Livius disertè testatur: (d) qui & alibi Perusiam, Cortonam, & Arretium, capita Populorum Etruriae appellaverat. (e) Magnus, & opulentus fuit Arretinorum ager, cuius ad Orientem fines Tiberi, ac Tiferno, & altissimis Umbro- rum montibus terminabantur; (f) ad meridiem Cortonen- sium, Perusinorum, & Clusinorum agros attingebant; (g) in Septemtriones vero atque Occidentem, usque ad Faesulanorum agros; hinc (h) inde vero ad Volaterranorum, ac Rusellano- rum fines protendebantur. Magnum quidem etiam nunc superest & antiquum Imperii adeo ingentis indicium, Arretini Episcopi ditio, quam *Διοκηνσις* Graeco vocabulo nomi- namus. Constat siquidem eosdem olim fuisse Episcopatum fines, quos & Populorum, quibus Episcopi praeerant. Vasta enim est vel hisce temporibus, & fortasse inter Etruscas maxima Dioecesis Arretina; quamvis, aucto per Etruri- am Episcopatum numero, multum ex ea detractum sit, ut inde Cortonen- sis, Pientinus, Ilcinensis, ac Politianus Epi- scopatus erigerentur. (i) Nec nihil ex ea imminutum est,

Pon-

[a] Omnium maxime huic opinioni favet locus Dionysii, de quo infra: ne- que ille tamen disertè dicit unam ex duodecim Urbibus fuisse Arreti- um. [b] Leander Alberti in Ital. Reg. Etr. E' annoverata questa Cit- tà fra quelle prime dodici di Etruria. Eadem habet M. Guazzus in Chron. Raphael Volaterranus. Arretium inter XII. item ponit Fla- vius Blondus in Ital. illustr. Alexand. ab Alex. Dier. Genial. Cap. XXVIII. Sigonius lib. I. de antiquo iure Italiae. Vincent. Borgh. Traët. de Etr. & Urbibus eius; Ferdinand. Ughell. Ital. Sac. Tom. I. & alii quampluri- bus. [c] Lib. III. [d] Lib. X. Tres validissimae Urbes Etruriae capita Vulsinii, Perusia, Arretium pacem petiere &c. [e] Lib. IX. Itaque a Pe- rusia, Cortona, Arretio, quae ferme capita Etruriae populorum erant &c. [f] Plin. lib. 3. cap. 5. Tiberis, antea Tybris e media fere longitudine Apennini, sinibus Arretinorum profluit. [g] Strabo, & Ptolemaeus. [h] Livius lib. II. Etrusci campi, qui Faesulas inter Arretiumque iacent, frumenti, ac pecoris, & omnium rerum copia opu- lenti &c. [i] Ferd. Ugh. It. S. Tom. I. Iacob. Buralius de Episc. Atr. &c.

Pontificibus Senensi, ac Sancti Sepulcri [quod perperam Biturgium ^(a) nonnulli vocant] agri parte attributa. ^(b) Haec e scriptoribus iis, qui Ecclesiasticas res Historia, ac Geographia illustrarunt, clara & manifesta sunt. Quod si nobis veterum Etruscorum lingua perspecta esset, aut cognita, quemadmodum aut Latina, aut vetustiores aliquae; multa profecto nos ager hic ipse doceret circa antiquas Arretinorum familias, leges, ac religionem; quae nobis tunc innotescerent e nominibus iis, quae modica soni immutatione ad nos transmissa etiamnum durant, Oppidis, Collibus, Fontibus, ac Fluminibus imposita. Multa itaque ab Etruscorum idiomate orta nomina, quae modo ignoramus, indicare liceret; quemadmodum e Romana origine habemus in suburbanis, detorta ad recentem loquendi modum, Albianum pagum, *Albiano*, ab Helviano, Helviae apud nos familiae, rure; Siturnum, *Sitorno*, a Saturnio fano; ^(c) & Forum Iani, quod efferimus *Foiano*, & Iovium, nobis *Giove*, & Venerium, quod nobis est *Venere*, ^(d) & Collem Cytheridis, vel Cithaeronem, qui plebi nostrae dicitur *Colcitrone*, ^(e) & manifestae magis originis Sergianum, ^(f) Caecilianum, & Petronianum, ^(g) *Sargiano*, *Cicigliano*, *Petrognano*; quae a Sergiis, Petroniis, & Caeciliiis dicta nemo est qui non videat. Nomen a Q. Caecilio, T. Pomponii Attici avunculo, inditum pago putavit Blondus; ^(h) quem tamen contra Codicum fidem locutum evincit Dempsterus. ⁽ⁱ⁾ Locus ipse, in quo Consul Lucius, cum Gallis Etruriam invadentibus infelicitur concurrat, tertio ab Arretinis moenibus lapide in Caurum, servat adhuc Consulis, ^(k) qui ibi in acie occubuit, nomen;

[^a] Videri possunt Baudrandius, & Ferrarius in Lex. Geogr. [^b] Ughell. & Bural. [^c] M. Attilius Aleffi Hist. Arret. MS. [^d] Franciscus Redi, & antiquus Interpres Gorelli Poetae apud Aegidium Menagium; in Originibus Linguae Italicae, V. *Colcitrone*. [^e] Petrus Bonamici in Com. MS. [^f] Petrus Bonamici dictum putavit ab Eutychio Sergeno, cuius apud nos Epitaphium est. Sergenianum dici oporteret si inde deduceretur. [^g] Aegidius Menag. in Origin. [^h] In Ital. Illustr. pag. 56. [ⁱ] Etr. Reg. T. 2. [^k] Fortasse L. Cornelius Lentulus, qui anno U. C. CCCCLXXXIX. Cos. in acie occubuit; cui successus M. Curius Dentatus,

men ; & Campus Lucii , vulgo *Campoluci* , appellatur . Magnitudinem Urbis , Civiumque in ea numerum , quantumvis cetera non testarentur , ostenderet sane vastum illud ac plane magnificum Amphitheatrum , Romano non multo angustius , quod opere reticulato , ad firmitatem Etruscam constructum , durat adhuc , & integrius duraret , nisi barbaris temporibus Civium incuria , & avaritia privatorum hominum [quos nominare necesse non est] opus plane mirandum , cui tempus edax pepercerat , deformasset . Nolo hic in eo describendo diutius immorari ; maius operae pretium facturus , si exactam nobilis adeo aedificii Ichnographiam publici iuris faciendam ad te V. C. ut petisti , transmisero . Facile tecum eruditi omnes intelligent an ad trutinam revocanda sit ea opinio , quae nulla ; praeter Romanum , ac Veronense , Amphitheatra in Italia extitisse constanter tuetur . Theatrum etiam in ea summae Urbis parte , quae ad Boream est , firmum satis ac vastum fuisse scriptores nostri commemorant . Hunc ipsum locum Arx recentioris operis ita occupavit , ut ne vestigia quidem antiquarum substructionum ulla videantur , sicuti etiam nulla plane supersunt vestigia amplissimarum Thermarum , qualia periti harum rerum aestimatores ea esse iudicaverunt , quae inter ponenda fundamenta pulcherrimarum Porticuum , quibus modo Forum nostrum exornatur , detecta ab opificibus sunt . (*a*) Moles eas fuisse & substructiones reticulati operis sane magnificentissimi narrat oculatus testis Petrus Bonamicus , qui monumentorum omnium illustrium , quae suo saeculo apud nos visebantur , memoriam posteritati prodidit in suis Commentariis . Thermas alias Amphitheatro vicinas fuisse , & ex Historia Martyrum indigetum Gaudentii & Columati aperte colligitur ; (*b*) & nomen loco adhuc remanens Balnei Nympharum (*il Bagno delle Ninfe*) manifeste indicat ; & quae supererant , patrum nostrorum memoria , veterum Aquaeductuum parietinae , loco

[*a*] Sub Magno Etrusiae Duce Francisco Mediceo . [*b*] In antiquo Lectionario MS. in Archivo Ecclesiae Cathedralis &c.

co illi proximae, clamabant. (a) Quamquam; ne suspiciones meas dissimulem, non unum eum autumo fuisse usum horum Aquaeductuum eo loci. Arbitror enim, non raro ad varietatem, & copiam spectaculorum exhibendam, Amphitheatrum in Naumachiam fuisse commutatum, subministrantibus Aquaeductibus necessarios fluctus; ut ibi superinducta arenis aqua naviculae proeliarentur, ubi gladiatores aut inter se, aut cum feris immanissimis depugnarent. Non abhorret hoc sane a moribus saeculorum illorum; (b) & opportuna utique spectaculo nostri Amphitheatri area facile potuit ad utrumque oblectamentum populo exhibendum usurpari. Fuit etiam apud nos insignis quaedam, & omni ornamentorum genere illustris Basilica, ubi celebriorum Romanorum statuas collocatas fuisse vetusta quaedam Inscriptionum collectio, quam manuscriptam habemus, diserte docet. In illarum Basibus ea illustrium virorum honorifica elogia erant, quae brevi verborum ambitu narrationem rerum praeclare a Viris illis gestarum complecterentur. Epigrammata haec a Caco-Criticis, nescio quibus, frustra in imposturae suspicionem revocata, hac illac modo dispersa sunt; quorum tamen nonnulla hodie supersunt, partim e fundamentis antiquae Arcis nostrae, partim ex aliis Urbis ruderibus antiquitus effossa: quae quidem ipsa olim *Arretii in Basilica* fuisse veteres MSS. Codices testantur. Unde & Borghinum, & Mazochium lapsos apparet: quorum alter unam ex iis Epigraphen Florentiae in Theatro fuisse scribit; alter unam Arimini inventam putavit: si tamen Mazochii lapsus ille est potius quam descriptoris, aut Typographi, qui compendiaras fortasse notas AR. quas in antiquo aliquo Codice legit; de *Arimino* maluit quam de *Arretio* intelligere. In Codice nostro nullus dubitandi locus reliquus est. Quonam vero Urbis loco Basilica haec fuerit, divinare mihi non licuit. Antiquitas parietum, & figura prorsus eadem, quae vetustis Basi-

[a] Bonamicus in Hist. MS. ait dirutos fuisse anno 1544. [b] Marsial. in Spect. Epig. 26.

Basilicis esse consueverat, observatur etiamnum in ea per-
 ampla Ecclesia, quae vulgo dicitur *Santa Maria della Tieve*,
 quaeque ante aedificatum maximum Templum, pro Ca-
 thedrali (ut loquimur) fuisse perhibetur. Haec animum
 inclinant ut credam, ibi antiquam Basilicam ad negotiatio-
 nes, atque iudicia esse potuisse; quae deinde circa annum
 Aerae Christianae millesimum iis ornamentis, & anagly-
 phis insignita fuerit, quae Religionem quidem, sed & im-
 peritiam saeculi spirant. Verum non ornamenta solum,
 sed ipsa moles Aedis multa habet, quae non Romanam,
 aut Etruscam, sed barbaram, ac Gothicam aedificandi ra-
 tionem sapiunt. Nostri quoque scriptores (*) Templum
 Mercurii eo loci fuisse, non Basilicam ad usus forenses,
 argumentis nescio quibus adducti, scriptum reliquerunt.
 Eximium certe signum Mercurii, ex aere Arretii sudasse,
 Cn. Domitio & C. Cassio Cos. Iulius Obsequens scribit. Sed
 hinc debile sane habemus, atque infirmum argumentum
 ad Hermeum hoc Templum hoc loco constituendum.
 Reliqua autem omnia obscuriora sunt. Adeo enim bellis,
 incendiis, direptionibus deformata per quindecim fere sae-
 cula Urbs nostra est, ut ne antiquum quidem eius situm,
 agnoscere, certoque statuere possimus. Illud unum com-
 pertum habemus, in signe in ea aedificium fuisse, cui ob
 dignitatem Basilicae nomen fuerit attributum: unde fortas-
 se ablatae sunt praegrandes aliquae e maculoso AEgyptiaco
 lapide, & ex Porphyrite columnae, quarum post tot clades,
 & incendia durant etiam num ingentia quaedam ad Ec-
 clesiam Cathedrali fragmenta. Rudera pariter antiqui, &
 magnifici Templi (quod ab invento ibi proxime a cemen-
 tarius, puteum effodientibus, aeneo Palladis simulacro, non
 iniuria Palladi sacrum creditum est) detecta sunt anno
 MDXLI. ubi pavementum vermiculati operis in signe, ad
 eam aetatem adhuc durans, visum fuisse Bonamicus testatur.
 Ea Palladis statua Florentiam ad M. Ducem Cosmum mis-
 sa est: pavementum vero illud, obrutum penitus, aut dif-

Ff

fra-

[*] Petrus Bonamici in Comm. MS.

fractum ab iis, quibus puteus, & stabula magis quam adeo rara Patriae decora cordi erant, ita interiit, ut nisi scriptum reliquisset Bonamicus, illud ad S. Laurentii inventum fuisse, modo nullam haberemus aedificii pulcherrimi memoriam. Haec ad antiquam Arretinorum in aedificando magnificentiam ostendendam, ne per singula eamus, dicta sufficiant. De Etruscis vero Signis, Urnis, Inscriptionibus, ceterisque ex Etrusca supellestili antiquis monumentis, quibus referta sunt Arretina Musea, quaeque in dies variis in locis eruuntur, nihil dicam. Ex his non pauca praeclarum Dempsteri Opus de Etruria Regali exornant ^(a), quod nuper publica luce donatum impensis nobilissimi Viri Thomae Coke, Magnae Britanniae Armigeri, eruditissimis Observationibus C. V. Philippi Senatoris Bonarrotii maxime, locupletatum est; qui ad Etruscam Historiam, & ad veteres Etruscorum ritus cognoscendos nobis aditum primus aperuit. Quibus artibus, quibusve gestis ad has opes, potentiamque pervenerint Arretini illi, frustra apud Auctores antiquos. quorum opera ad nos pervenerunt, quidquam perquiras, ^(b) Armis certe & viribus auctam fuisse Rempublicam, minime est dubitandum: qui tamen fuerint eorum Duces, quae bella, quae vicissitudines, ignoramus:

— *Omnes illacrymabiles*

Urgentur, ignotique longa

Nocte; carent quia Vate sacro. ^(c)

Antiquissima omnium expeditio [cuius quidem auctores meminerint] ea est, quam contra Tarquinium Priscum pro Latinis fociis, simul cum Sabinis, quinque Etruscorum populi, inter quos Arretini, animis concordibus decrevere. Eam commemorat Etruscarum rerum consultissimus scriptor Dionysius. ^(d) In Romanorum societatem adscriptos eam constanter tenuisse inde arguas, quod cum omnes

[^a] Vide Tabulas XIX. LXI. LXXXIII. & Observationes, & Coniecturas additas eidem Operi pag. §. XLIV. [^b] Pseudo-Myrtilus Lesbicus piraticam exercuisse scribit. Fortasse quia apud Diodorum Siculum legerat lib. IV. Tyrrhenos classe potentes, terrestri quoque exercitu praevalidos. [^c] Horat. lib. IV. Ode 9. [^d] Dionysius lib. III.

nes Etruriae Populi ad arma iissent, ut communi nomine, consilioque Sutrium oppugnarent, quae urbs socia Romanis, ut ait Livius, ^(a) velut castra Etruriae erat; soli ex Etruscis Arretini arma capere recusaverint. Rependit populus Romanus opportuno tempore Arretinis sociis amicitiae & fidelitatis vices, cum parantibus Gallis magna belli mole Arretium obsidere, ipsi ad ferendam opem, valido, sed infelici virium apparatu adfuerunt. Narrat ista Polybius ^(b). Vereor ne fastosus fortassis, ac nimium φιλόπατρις apud exteros videar, si Arretinorum societatem magni ad rem Romanam momenti fuisse affirmaverim. Habes tamen meae sententiae auctorem, Historiae Romanae parentem Livium; qui ab Arretinorum sive motibus, sive fidelitate Etruriae totius defectionem, aut pacem regi solitam fuisse non semel diserte fatetur. Cum enim ^(c) aliquando apud Arretinos Cilnium genus ^(d), unde postea carissimus Augustus, & a laudatis viris laudatissimus Maecenas fuit ^(e), nobilitate, ac divitiis praepotens, civium multorum de se suspicionem aemulationemque concitasset, ad arma ventum est, & Cilnii e Civitate pulsi; ignores an tuendae libertatis gratia, an invidia potius Civium de alieno splendore dolentium: quod quidem in omni Civitate facile, ac frequens, apud nos etiam facillimum, ac frequentissimum semper fuit. Ab his Arretinorum seditionibus motu orto,

Ff 2

Etru-

[a] Lib. 9. Dum haec geruntur in Samnio, iam omnes Etruriae Populi, praeter Arretinos, ad arma ierant, ab oppugnando Sutrio, quae urbs socia Romanis, velut claustra Etruriae erat ingens orbi bellum. [b] Lib. II.

[c] Lib. X. ann. ab U. C. CDLI. Multiplex deinde exortus terror; Etruriam rebellare ab Arretinorum seditionibus motu orto nuntiabatur: ubi Cilnium genus praepotens, divitiarum invidia, pelli armis coeptum... Itaque propter eos tumultus dictus M. Valerius Maximus Dictator, Magistrum Equitum sibi legis M. Aemilium Paulum. Et mox; Habeo auctores sine ullo memorabili proelio pacatam ab Dictatore Etruriam esse, seditionibus tantum Arretinorum compositis, & Cilnio genere cum Plebe in gratiam reducto.

[d] In Editionibus non paucis Licinium legitur; cum tamen codices notae melioris Cilnium habeant. [e] Arretinum fuisse Maecenatem, & Cilnia familia, ex qua ipse erat, cuius nos monumenta habemus, factis probat; & Augustus in ea ad Maecenatem Epistola, quam Macrobius refert Saturnal. Lib. II. Cap. IV. aperte dixit, facete admodum, ac familiariter illum appellans *Arretinum lafer*.

Etruria univerſa a Romanis rebellabat, ut ait Livius. Quae quidem Romae nuntiata, terrori non modico fuiſſe patet, cum veluti in re graviffima, & in qua ſalus totius Reipublicae verteretur, dictus ad eos tumultus compenſcendos Dictator ſit M. Valerius Maximus, qui ſine ullo memorabili proelio Etruriam pacavit, ſeditionibus tantum Arretinorum compreſſis; & Cilnio genere cum plebe in gratiam reducto. Sollicitam item de Etruriae defectione Romanam Civitatem fuiſſe, M. Claudio Marcello, T. Quintio Crispino Cos, principio eius rei ab Arretinis facti, Livius idem perſcripſit (*). Hinc & exercitus in Etruriam miſſus, qui potiſſimum Arretinos

[*] Liv. Lib. XXVII. ab ann. U. C. DXLII. Comitiorum ipſorum diebus ſolicita Civitas de Etruriae defectione fuit. Principium eius rei ab Arretinis fieri C. Calpurnius ſcripſerat, qui eam Provinciam pro Praetore obtinebat. Itaque conſeſſum eo miſſus Marcellus Conſul designatus, qui rem inſpiceret, ac, ſi digna videretur, exercitu accito, bellum ex Apulia in Etruriam transferret. Eo metu compreſſi Etrufci quieverunt. Et mox; Prorogatum (imperium) & C. Hoſtilio Tubulo eſt, ut pro Praetore in Etruriam ad duas Legiones ſuccederet C. Calpurnio. Nec multo poſt; C. Calpurnius vetitus ab Arretino movere exercitum niſi cum ſucceſſor veniſſet, idem & Tubulo imperatum, ut inde praecipue caveret, ne qua nova conſilia orirentur. Praetores in Provincias proſeſſi &c. Paucis interieſtis. De Arretinis & fama in dies gravior & cura crefcere Patribus. Itaque C. Hoſtilio ſcriptum eſt, ne diſſerret obſides ab Arretinis accipere, cui traderet Romanos deducendos, C. Terentius Varro cum imperio miſſus: qui ut advenit, extemplo Hoſtilius legionem unam, quae ante Urbem caſtra habebat, ſigna in Urbem ferre iuſſi, praefidiaque locis idoneis diſpoſuit. tum in Foro citatis Senatoribus obſides imperavit. Cum Senatus biduum ad conſiderandum peteret tempus, aut ipſos extemplo dare, aut ſe poſtero die Senatorum omnes liberos ſumpturum, edixit. Inde portas cuſtodire iuſſi Tribunos militum, Praefectosque ſocium, & Centuriones, ne quis nocte Urbe exiret. Id ſegnius negligentiusque factum. Septem Principes Senatus priuſquam cuſtodiae in portis locarentur, ante noctem cum liberis evaſerunt. Poſtero die, luce prima, cum Senatus in Forum citari coepſiſſet, deſiderati: bonaque eorum vacierunt. A ceteris Senatoribus centum viginti obſides liberi ipſorum accepti, traditque C. Terentio Romanos deducendi. Is omnia ſuſpectiora, quam ante fuerant, in Senatu fecit. Itaque tamquam imminente Etrufco tumultu, legionem alteram ex Urbanis Arretium ducere iuſſus ipſe C. Terentius, eamque habere in praefidio Urbis. C. Hoſtilium cum cetero exercitu placuit totam Provinciam peragrare, & cavere, ne qua occaſio novare cupientibus res daretur. C. Terentius, ut Arretinum cum Legione venit, claves Portarum cum Magiſtratus poſpoſiſſet; negantibus iis comparere, fraude amotas magis ratus, quam negligentia interceſſiſſe; ipſe alias claves omnibus Portis impoſuit, caſusque cum cura, ut omnia in poteſtate ſua eſſent. &c.

tinis metu comprimeret ; & dicti ad eam rem cum imperio Duces , qui & ab Arretio movere exercitum vetiti , & ab Arretinis Senatoribus obsides , centum viginti eorum liberos accipere iussi , nihil omisere , ut Arretinorum non Portae modo , sed omnia paene in potestate Romanorum essent . Quare & Legionem alteram ex Urbanis Arretium ducere iussus C. Terentius , eamque habere in praesidio Urbis , monuit sapienter Hostilium , qui cum cetero exercitu Provinciam totam peragrabat , *ut in eo spem non moturos quicquam Etruscos poneret , si ne quid movere possent , praecavisset .* Intuta namque , & turbulenta omnia fore arbitrabatur , & in Etruria totius tumultum eruptura , si per Etruscas Urbes dispersi septem Principes Arretini Senatus (qui antequam custodiae in portis locarentur cum liberis evaserant) seditiones possent ac motus fovere . Quievisse postmodum Arretinos crediderim ; quia valida Scipioni auxilia contra Poenos ministrasse , narratur a Livio ^(a) . Bello tamen sociali cum reliquis Italiae populis coniurasse , non leves coniecturas e veterum scriptis secutus , affirmaverim . Haec quamvis pauca (neque enim hic loca Auctorum omnium , qui de Arretio meminere , congerenda putide sunt) ad aestimandam tamen Urbis Arretinae iis temporibus magnitudinem , ac potentiam , & ingenium Gentis dignoscendum , dicta sunt . Municipii ^(b) iura , ac decora diu tenuimus ; quemadmodum ex antiquis lapidibus , & scriptorum documentis erudite , ut solet , collegit Onuphrius Panvinus ^(c) . Colonia dein deducta est ante Ciceronis tempora ; ^(d) asensiorque libens iis qui ab L. Sulla deductam autumant : Saevit namque in Arretinos acerrime vir impotentis iracundiae ; quod fortasse [ut ait Volaterranus] auctores fuissent

[a] Dec. III. lib. 8. [b] Etiam Frontinus Municipium appellavit Arretium , ut refert Vghellus . [c] Lib. 4. de Rep. Rom. Accedit & Dempster. ex auctorit. Pseudo-Cornuti antiqui Scholiaetae ad Sat. I. Persii , & ex Isidoro , & Lapide antiquo , in quo L. Aufinius Farrianus , Municeps Arretinus dicitur . Vid. Tom. II. Etr. Reg. Lib. V. Cap. VII. p. 311. [d] Onuphrius Panvinus lib. 3. de Rep. Rom. Colonia XCIV. Arretinum ante Ciceronis tempora , & forte a Sulla militaris deducta fuit .

issent Etruscae defectionis sociali bello . Certe ademptam, iniquo iure Arretinis civitatem testatus est Cicero ^(a) , qui se vehementer contendisse apud Decemviros , & persuasisse ait , ita ut re quaesita diu ac deliberata , Arretinis tandem causa adiudicata sit . De antiquis Arretinis hic sermonem a Cicerone haberi , nemo est qui non videat . Ceterum recentes atque adventitios Arretinos , Colonos alibi nominat ^(b) , qui Catilinam stipaverint , quod etiam fecerant , eodem Tullio teste , milites Coloniae alterius quam Faesulis Sulla constituerat ^(c) : ut facile Coloniae utriusque auctorem a Colonorum moribus dignoscas . Illud etiam, accedit ex eodem Cicerone Sullanæ huius deductionis indicium , quod Arretinorum agrum a Sylla publicatum idem fuisse scribit : quamquam , magnum in ea calamitate . Patronum fortiti Municipis nostri , agrum publicatum quidem , sed nondum divisum , perorante Tullio , recuperasse credi possint : cum ille Arretinos , ac Volaterranos in sua possessione se retinuisse perscribat ^(d) . Deducta rursus est Arretium Colonia lege Triumvirali , ut memoravit Frontinus ^(e) , ac tum fortasse Coloniae *Iuliae* nomen adeptæ est . Num etiam *Fidentis* tum nomenclationem retulerit , an eam potius in deductione Sullana impositam habuerit ; an vero consecuta sit postea , divinare non possum . Coloniam *Iuliam Fidentem* denominatam fuisse , ad eum ferre modum quo Pisae Colonia *Iulia Obsequens* dictæ sunt , explorata apud eruditos res est . Illud plane memora-

tu

[a] Pro A. Caecina . Cum Arretinae mulieris libertatem defendere , & Cotta Decemviris religionem iniicisset , non posse sacramentum nostrum iustum iudicari , quod Arretinis adempta civitas esset ; & ego vehementius contendissem civitatem adimi non potuisse ; Decemviri prima actione non iudicaverunt ; postea re quaesita , & deliberata sacramentum nostrum iustum iudicaverunt &c. Videndus Vincentius Borghini in Tractatu de Coloniais Latinis . [b] Pro L. Muræna . Catilinam circumfluente Arretinorum , & Faesulanorum Colonorum exercitu alacrem &c. [c] In Catilin. secunda . [d] Epist. XVI. lib. I. ad Attic. Volaterranos , & Arretinos , quorum Agrum Sulla publicaras , neque diviserat , in sua possessione retinebam . [e] Lib. de Colon. Arretium muro ducta Colonia lege Triumvirali , iter populo non debetur , ager eius limitibus est assignatus . Et infra Colonia Arretium , lege Augusta , censita limitibus Graccanus &c.

tu dignum, quod, teste Dempstero ^(a), vix ulli alteri populo concessum, Arretinis illis antiquis, ac si vocem hanc usurpare liceat, primordialibus, permisum ne cum novis Colonis Fidentioribus connubia, leges, magistratusve miscerent; his item ne cum Iuliensibus; ut Arretinorum triplex genus potuerit Plinius ^(b) suo saeculo numerare: qui locus mirifice facit ad fragmentum antiqui lapidis, quod apud nos est, cuiusque ad te exemplum mittimus, intelligendum. Utrum vero a M. Aurelio Augusto, aut ab aliquo ex Imperatoribus Antoninis deducta tertium Colonia sit, an potius honoraria quadam nuncupatione nomen sibi Aureliae assumpserit Urbs nostra, ut ingenue fatear, probe, mihi perspectum non est. Nullum de hac appellatione testimonium apud antiquos, aut indicium. Scriptores Etrusci, ut supra innuebam, qui decimoquarto & sequenti saeculo floruerunt, Ioannes Villanius, Ioannes ille alter Mythographus, Ubertus, Berlingherius, aliique, tanquam de re sua ipsorum aetate omnibus comperta, de hoc titulo loquuntur. Qua in re quod vel a maioribus traditum acceperant, vel veteri aliquo monumento, quod certe ad nos non pervenit, testatum viderant, sequi potuerunt. Quorum omnium auctoritatem negligere, vereor ne sit hominis nimium iudicio suo tribuentis. Additur & testimonium S. Ioannis Capistranensis ^(c), & Gervasii cuiusdam ^(d), auctoris non ita antiqui, aut magnificiendi. Credibile est aeo illo rudi anilem aliquam fabulam confictam ad originem huius nominis explicandam; quam fabulam Gorellus noster, veluti rem eo saeculo notissimam innuit tantum,

&

Cardin. Henric. Noris in Cenot. Pisân. Lucas Holstenius in Notis ad Cluverium pag. mihi 72. *Colonia Fidentia Julia Arretium*. [a] Dempster. Etr. Reg. lib. V. cap. 7. *Plinius triplices facit Arret. sub Rom. Imperio, quod nescio an ulli alteri populo concessum*. [b] Plin. lib. 3. cap. 5. *Arretini Veteres, Arretini Fidentiores, Arretini Iulenses &c.* Hinc non bene Ughell. in Ital. Sacr. Arretinos Fidentiores eosdem esse putat ac veteres. [c] In Chron. Urb. & earum ad fidem converti. *Arretium antiquissima Civitas in Tuscia Comitatu Palatino, Episcopatu etiam ornata; Aurelia antiquior dicta fuit*. [d] Lib. 2. degli Orzi degli Imperadori; *Nella quale (Toftana) è posta, e collocata la nobile Città d' Aurelia*.

& exhibilat, non autem narrat: ut crucem proinde fixerit interpretibus, qui in eo loco auctoris mentem nulla ratione assequuntur. Negat ille quidem Aureliam dictam unquam fuisse Coloniam nostram, etsi fateatur communem suorum temporum opinionem huic nuncupationi faventem. Nimirum illi fabulosa visa sunt ea, quibus homines adducti Aureliae appellationem inditam Arretio fuisse putabant.

*Benchè si dica per la Gente vana,
Cb' Urelia prima nominato fosse,
Ter quella, che si fe di Manga rana;
Superbia invidia la stolta commosse,
Vedendo commendar mio nobil futo,
Con suo figliuolo mio principio mosse.
Vedendo Etruro il subito partito,
Dannò la lor non provveduta impresa,
Come d' invidia sempre arresse invito.*

Plura congerere in re incertissima obscurissimaque non libet: sed nec alia posteriorum temporum eventa, propria huius loci sunt. Nimis fortasse multa haec ipsa erunt, quae perscripsi, non aliter profecto ac si quis ad silvam, ut est in proverbio, ligna comportaret. Verum ego haec, vetusti temporis memoriam repetens, & Arretinas res ex longo intervallo revocans, Tibi V. C. significanda esse duxi, ut Te ad alia, atque uberiora properantem labore fortasse aliquo, quaerendarumque rerum molestia levarem; sic enim nos citius doctrinae tuae fructibus, ingeniiue suavitatem perfruemur. Quod si, ubi ad eas Inscriptiones veneris, quas hinc transmisimus, nostrae Urbis decora, quae his literis continentur, delibare volueris; non modo lucem rebus ipsis, sed Arretio nostro, Etruriaequae universae afferes non exiguam. Nam tuum quidem nomen ubique gentium adeo illustre est, ut vix ullus ei possit ex hac re splendor accedere. Vale V. C. & rem literariam praeclarissimis studiis tuis iuvare, atque amplificare perge.

Dabam Arretii, ex Hortis meis Suburbanis XIII. Kal. Augusti, quo die ortus apud nos est Petrarcha vester, Anno rep. Sal. MDCCXXVIII.

Illustrato paullo superius hospitii foedere , quod Arretini primum cum Claudia Gente , cum Petronia deinceps fecerunt , ad explicandas venio sex marmoreas Tabulas , quae Romanorum Ducum , omni certe aevo principum , clarissimum nomen , & res praeclarissime gestas continent ; ex quibus facile mea sententia cognosci potest quam studiosi fuerint Arretini eximiae laudis , & gloriae illustrium Virorum , quantique fecerint eorum virtutem , per quos Romanae Reipublicae salus stetit , nomen toto terrarum orbe propagatum , imperii decus , & maiestas feliciter aucta est : quibus insigni in loco , de quo inferius diseram , statuas , & bases inscriptionibus ornatas dedicarunt , posterorumque memoriae tradiderunt. *Neque enim magis decorum est insigne est statuae habere , quam ponere* , ut Plinii verbis utar in Epistola 16. Lib. I. ad Sex. Erucium Clarum , Virum Consularem . Quot enim & quorum Virorum elogia haec sunt ! Audito dumtaxat nomine species quaedam eximiae , & singularis virtutis , splendor ipse , & amplitudo Romani Imperii summa cum iucunditate menti occurrit , & obversatur . Ea audi ; Manium Valerium Maximum , Appium Claudium Caccum , Quintum Fabium Maximum , Lucium AEmilium Paullum , Caium Marium , Lucium Licinium Lucullum . Alia his simillima honorifica monumenta in laudem summorum Ducum Populi Romani ab Arretinis posita fuisse non dubito , quae vel perierunt , exolescente consequentium seculorum saeva barbarie , vel sub terra haecenus latent , fato quodam misere confecta . Nam verum illud est quod ait Aufonius in Epitaphio Heroum XX ;

Ocyus ista ruunt , quae sic cumolata locantur ;

Maior ubi est cultus , magna ruina subest .

Ut in rem meam aliquod asseram argumentum , libet primum subiicere quoddam marmoris fragmentum , quod Arretii erutum est , & cum multis eruditae antiquitatis monumentis servatur in Museo Iohannis Hieronymi Baccii , Patricii Arretini , Viri Equestris Ordinis , in quo haec tantum supersunt :

Gg

SE-



3. Videmus igitur in eo consignatum fuisse nomen, & fortassis elogium fortissimi clarissimique viri Tiberii Sempronii Gracchi, Publii filii, qui Praetor Galliam, Consul Hispaniam, altero Consulatu Sardiniam domuit, ut auctor est qui de Viris illustribus scripsit, memorantque Facti Consulares. Aliarum Tabularum, quae mox afferam, exempla id quod dicebam comprobare videntur. Emendatis fabrilibus mendis legendum est SEMPRONIVS P.... GRACCHVS.

Non dubito tamen fore plerosque qui de sinceritate horum monumentorum ambigent, quod iam viri docti fecerunt; sed, mehercule, iniquis argumentis: rationes vero inferius adducam, quibus ab omni suspicionis nota ea conabor vindicare. Suo pariter loco dicam a quo posita fuerint, quoque in loco collocata. Neque enim in magno Inscriptionum antiquarum opere hae solae occurrunt Tabulae, sed plures leguntur, quae laudes, & egregia facinora praestantissimorum Ducum Romanae Reipublicae describunt. Nam, ut nihil dicam de duabus Inscriptionibus, quae in honorem Cornelii Scipionis positaе fuere a Brixien-sibus p. CCCXCVII. 4. 5. elogium L. Caecilii Metelli, quod exhibetur p. CCCLXXVII. 4. ex Plinio transcriptum esse apparet. In Museo Marchionis Riccardii exstat fragmentum elogii M. Furii Camilli Dictatoris, quod ut diximus in Parte I. pag. 96. num. 48. ex Livio desumptum esse videtur. Quae vero sequitur Tabula, laudibus insignis M. Valerii Maximi, Volusi filii, eruditus viris nunc primum cognita est.

Tabula

Tabula marm. alt. ped. Rom. 1. cum semisse, lat. unc. xiv. in eodem Museo Nob. V. Iohannis Hieronymi Equitis Taccii.

4

M. VALERIVS
VOLVSI F.
MAXIMVS

DICTATOR AVGVV PRIMVS QVAM
VLLVM MAGISTRATVM GERERET
DICTATOR DICTVS EST TRIVMPHAVIT
DE SABINIS ET MEDVLLINIS PLEBEM
DE SACRO MONTE DEDVXIT GRATIAM
CVM PATRIBVS RECONCILIAVIT FOR
NORE GRAVI POPVLVM SENATVS HOC
EIVS REI AVCTORE LIBERAVIT SELLAE
CVRVLS LOCVS IPSI POSTERISQVE
AD MVRCIAE SPECTANDI CAVSSA DATVS
EST PRINCEPS IN SENATVM SEMEL
LECTVS EST

4. Inventa fuit haec Tabula anno MDCLXXXVIII. quum quidam murus dirueretur ad Portam, vulgari sermone (*Colcitrone*) appellatam, qui pars fuit Arcis conditae anno MCCCXXXVIII. tempore Ducis Athenarum. Qua de causa Manius Valerius nuncupatus fuerit *Maximus*, exponit Cicero in Bruto, fere in principio, disserens de claris Oratoribus. Videmus item paucis annis post reges exatiles, cum plebs prope ripam Anienis ad tertium miliarium confedis-
set, eumque Montem, qui Sacer appellatus est, occupavisset, M. Valerium Dictatorem dicendo sedavisse discordias: eique ab eam rem
Gg 2 bonores

honores amplissimos habitos, & cum primum ob eam ipsam causam *MAXIMUM* esse appellatum. Ex quibus colligimus virum fuisse disertum, suaeque eloquentia tantum potuisse, ut plebem cum patribus reconciliaret; fixo quoque clavo, ut putat Sigonius, anno CCLIX. quo piaculo alienatas discordia mentes hominum compotes sui faceret. Super hac re consulendus Livius Libro VII. Plutarchus in Fabio Maximo, & Pompeio, Valerius Maximus Lib. VIII. Cap. X. Volaterranus Libro XVI. Cap. I. Urbanorum Commentariorum; praefertim vero Sigonius in Commentariis in Fastos & Triumphos Romanos, anno CCLIX. qui Livio, & Dionysio teste, ait M. Valerium ante se Dictatura abdicasse, quam plebs Sacrum Montem occuparet, adeoque Ciceronem aut alios annales sequutum, aut lapsum esse.

Praeter cognomen *Maximi*, alium honorem consecutum esse M. Valerium testatur marmor, nempe sellam curulem, qua tum ipse, tum posterii eius in Circo ad spectandum uti possent. Locus in hoc marmore designatur ubi spectacula ederentur, nempe AD MURCIAE, subintellige *Sacellum*, cuius meminit Sex. Pompeius. *Murciae*, inquit, *Deae sacellum erat sub monte Aventino, qui antea Murciae vocabatur*. Murcia cognominatam fuisse Venerem docet Varro Lib. IV. de Ling. Lat. & Plinius Lib. XII. Cap. I. item Lib. XV. Cap. 29. Sellae curulis insigne, honoris causa permissum M. Valerio posterisque eius affirmat Alexander Genialium Dierum Lib. IV. Cap. XI. quod Sabinos fudisset fugavissetque, & castris exuisset. Triumphus iste de Sabinis notatur in Fastis Consularibus, anno Urbis conditae CCLIX. cuius etiam meminere Livius, & Dionysius. De Medullinis vero triumphus in Fastis non memoratur. Alium honorem Valerio Maximo habitum affert Pedianus in Pisonianam, auctore Antiata, quod nempe domum publice in Palatio aedificatam haberet, cuius fores non introrsum trahendo, sed in viam publicam pellendo aperirentur. Sed huiusce honoris insigne non Valerio Maximo, sed M. Valerio Poplicolae, quem Dionysius M. Valerii Maximi fratrem

trem fuisse tradit, aliqui tribuunt, inter quos Muretus Var.
Lecl. Lib. I. Cap. XVII.

*Tabula marmorea alta Rom. ped. 1. unc. 111. lata similiter ped.
circiter 1. quae anno MDLV. Arretii eruta est cum circum-
foderentur fundamenta propugnaculi S. Iohannis, sub
Porta Colcitronis; Florentiam postea translata,
hodie exstat in Regio Museo Mediceo.*

APPIVS. CLAVDIVS

C. F. CAECVS

CENSOR. COS. BIS. DICT. INTERREX. III

PR. II. AED. CVR. II. Q. TR. MIL. III. COM

PLVRA. OPPIDA. DE. SAMNITIBVS. CEPIT

SABINORVM. ET. TVSCORVM. EXERCI

TVM. FVDIT. PACEM. FIERI. CVM TYRRHO

REGE: PROHIBVIT. IN. CENSURA. VIAM

APPIAM. STRAVIT: ET AQVAM. IN

VRBEM ADDVXIT. AEDEM. BELLONA

FECIT

5. Nemo est in antiquitatis studio tam peregrinus; qui
nesciat Claudiorum gentem compluribus honoribus; ma-
gistratibus, ac triumphis nobilissimam, atque amplissimam
ex Regillo Sabinorum oppido esse oriundam; nullamque
adoptionem inter patricios Claudios reperiri; quod sum-
mae nobilitatis insigne habitum est. Omnium seculorum
memoria dignus Appius Claudius Crassus, cui postea co-
gnomen

gnomen Caeus fuit, Censoriam dignitatem suscepit ante superiorem consulatum, anno conditae Urbis CDXLI. una cum C. Plautio Venoco, auctore Livio, Diodoro, Eutropio, Cassiodoro, Frontino, & Cicerone in Catone, qui ut in Tabulis Capitolinis scriptum est, Censores lustrum XXVI fecere. Fuit tum Censura annorum quinque, quam Appius toto quinquennio solus obtinuit; deinceps vero immutata. Hac in censura viam omnium maximam, & laudatissimam Capuam usque stravit lapidibus; cuius initium est a porta Capena, ut tradit Frontinus; item aquam in Urbem deduxit M. Valerio Maximo, & P. Decio Mure Consulibus, annos triginta post initium belli Samnitici. Aniene in urbem inducto, aqua ab eius nomine Claudia; via vero ex eius praenomine Appia deinceps appellata est. Sed Tacitus, & auctor libri de Viris illustribus aliter sentire videntur, qui eam viam Brundisium usque pertinuisse affirmant. Consule Panvinium de Urbe Roma. Inpuere videtur haec Tabula Aedem quoque Bellonae ab eo factam in censura. Eius dedicationis meminit his verbis Ovidius Fastorum Lib. VI.

Hac sacrata die Tusco Bellona duello

Dicitur, & Latio prospera semper adest.

Appius est auctor, Pyrrho qui pace negata,

Multum animo vidit, lumine caecus erat.

Constituta haec fuit in nona Regione, ut P. Victor scribit, versus portam Carmentalem in Circo Flaminio, apud quam Senatus vocabatur, dabaturque plerumque e bello redeuntibus ducibus, & legatis exterarum gentium, quos in urbem admittere nolebant, ut ex Livio clare colligitur, & hac de re copiose disserit Alexander Neapolitanus Lib. VI. Cap. 6. Ante templum fuit columella, quae bellica dicebatur, super qua hastam iaciebant bellum indicturi, ut scribit Festus. De Bellona Dea nil hoc loci opus est dicere, de qua plura Gyraldus in Syntagmate X de Dejs Gentium.

Qua vero de causa caecus factus fuerit, narrat Livius Lib. IX. hoc pacto: *Eadem, Appio auctore, Totitia gens, cuius ad*

ad aram maximam Herculis familiare sacerdotium fuerat, servos publicos ministerii delegandi causa, solemnia eius sacri docuerat. Traditur inde dictu mirabile, & quod dimorvendis statu suo sacris religionem facere posset. Cum duodecim familiae ea tempestate Potitiorum essent, puberes ad triginta, omnes intra annum cum stirpe extinctos; nec nomen tantum Potitiorum interuisse, sed Censorem etiam Appium, memori Deum ira, post aliquot annos luminibus captum. Auctor de Viris illustribus n. XXXIV. duas fuisse familias scribit ad Herculis sacra destinatas, Potitiorum, & Pinariorum. Potitios Herculis Sacerdotes pretio corruptos ab Appio Claudio, ut sacra Herculeae servos publicos edocerent, unde caecatus est; gens Potitiorum funditus perit. De his sacris fufius Alexander Genial. Dier. Lib. II. Cap. 14. Meminit Dionysius Lib. I. Diodorus Siculus Lib. V. Valerius Max. Lib. I. Cap. 2. §. 2. aliique. Anno U. C. CDLXXXIII. Pyrrho Epirotarum rege in admirationem, converso, quod ab exercitu suo maxime elephantorum pugna, victis pulsisque Romanis in Campania, inter Pandrosiam, & Heracleam urbes ad flumen Sirim, nulla post haec ab ipsis de pace mentio fieret, misso Romam Legato Cineas, viro magni ingenii, olim Demosthenis auditore, qui experiretur an pacem inire vellent, & ut gratiam potentum pretio quaereret; quum in Senatu de pace cum Pyrrho habenda ageretur, inclinante ad eam Senatu, ut narrat Plutarchus in vita Pyrrhi, Appius Claudius vir amplissimus, qui propter invaliditatem oculorum, iamdiu a consiliis publicis se abstinuerat, his auditis, lectica in Curiam delatus, stipatus filiis, & genero, [facto silentio ad eius praesentiam] magnificam habuit orationem, quam idem Plutarchus retulit, & laudat Cicero in Catone, & in Bruto, & in Tusculanis; qua, pacem foedusque fieri cum Pyrrho prohibuit, & animos omnium ad studium belli traduxit. Vide Plutarchum in Pyrrho, Ulpianum Lib. IV. ad edictum Pom. tit. de Origine iuris Lib. II. Missi sunt contra Pyrrhum duces P. Sulpicius, & P. Decius Mus Consules; certamine commisso Pyrrhus vulneratus est,

est, elephanti interfecti, XX millia caesa hostium, at ex Romanis tantum quinque millia, Pyrrhus Tarentum fugatus. Haec ex eodem Plutarcho loco superscripto, ex Floro Lib. I. Cap. 18. ex Iustino Libro XVIII. & Val. Maximo Libro VIII. Cap. 14. §. 6.

Duos Appius gessit Consulatus, uti & haec Tabula testatur, primum anno CDXLVI cum L. Volumnio, ut prodit Livius Lib. IX. Cassiodorus, & Diodorus, & Cicero in Catone, qui auctor est inter duos Ap. Caeci consulatus, annos decem intercessisse. Secundum, ut item notatur in Fastis Consularibus, ad quos vide Sigonium, gessit anno CDLVII. cum eodem L. Volumnio e plebe; quamvis anno CCCLXXXVIII. ne consulatus cum plebeis communicaretur acerrime resistisset, ut memorat auctor de Viris illustribus. Hoc factum est quum Licinius Stolo Tribunus Plebis esset; qui legem tulit, ut alter Consul ex plebe crearetur; contra quam legem Appii oratio exstat apud Livium Lib. VI. Dec. I. Sabinos, & Samnites bello domuit, complura oppida cepit, Tuscorum exercitum fudit, anno ab urbe condita quadringentesimo quinquagesimo septimo, licet id alii aliis tribuant. In Censura libertinos quoque in Senatum legit; quam electionem nemo ratam habuit: quare paullo post a Q. Fabio Rulliano (qui Maximus cognominatus est) amoti sunt, ut narrat Livius Lib. IX. Dec. I. Idem quoque epulandi, decantandique ius Tibicinibus in publico ademit. Nam epulum olim exhibebatur civibus in dedicationibus templorum, in triumpho, in spectaculis, in funere. Verum Tibicines ira commoti Tibur uno agmine abierunt; sed paullo post a Romanorum legatis, nolentes dolo, & fraude revocati sunt, auctore Livio, loco superscripto. Vir equidem fuit nobilissimus, & praestantissimus, consilio, & eloquentia summo opere spectabilis; quem inter claros Oratores recenset Cicero summa cum laude.

*Tabula marmorea alta pedem Romanum 1. uncias VII. lata itidem
circiter pedem 1. inventa, ut plures veteres Codices testan-
tur, Arretii in Basilica; quae hodie servatur
Florentiae in regio Museo Mediceo.*

6

Q. F. MAXIMVS

DICTATOR . BIS . COS . V . CEN

SOR . INTERREX . II . AED . CVR

Q. II . TR . MIL . II . PONTIFEX . AVGV

PRIMO . CONSVLATV . LIVRES . SVBE

GIT . EX . IIS . TRIVMPHAVIT . TERTIO . ET

QVARTO . HANNIBALEM . COMPLVRI

BVS . VICTORIS . FEROCES . SVBSEQVEN

DO . COERCIVIT . DICTATOR . MAGISTRO

EQVITVM . MINVCIO . QVOIVS . POPV

LVS . IMPERIVM . CVM . DICTATORIS

IMPERIO . AEQVAVERAT . ET . EXERCITVI

PROFLIGATO . SVBVENIT . ET . EO . NOMI

NE . AB . EXERCITV . MINVCIANO . PA

TER . APPELLATVS . EST . CONSVL . QVIN

TVM . TARENTVM . CEPIT . TRIVMPHA

VIT . DVX . AETATIS . SVAE . CAVTISSI

MVS . ET . RE . MILITARIS . PERITISSIMVS

HABITVS . EST . PRINCEPS . IN . SENATVM

DVOBVS . LVSTRIS . LECTVS . EST

6. Romanis cruento proelio ad Trebiam victis, exerci-
tu prodito, castris direptis, Flaminio Consule in acie ex-
tincto, magno metu Roma perculsa, ferociente compluri-
bus

Hh

bus

bus victoriis Hannibale, prima reviviscentis Romanae Reipublicae salus, spes, ac praesidium Fabius Maximus fuit, qui quum ceteris longe praestaret animi fortitudine, morum gravitate, & sapientia, uno omnium consensu Dictator creatus, immanissimum, & callidissimum hostem non tantum virtute, sed etiam consilio, & cautissima cunctatione, qua *Cunctator* postea cognominatus est, domuit, fregit, devicit. *Maximi* appellationem putat Plutarchus in eius vita, eum fuisse adeptum ob splendorem, & animi magnitudinem; *Verrucosi* vero cognomentum a verruca, seu parva carnis elatione innata in superioris labri extremitate; *Oviculae* tandem, ob morum clementiam, & mansuetudinem. Videndus hac item de re Plinius Lib. XXXIV. Cap. 7. & Alexander Genialium Dierum Lib. I. Cap. 9. Ceterum *Maximi* cognomen publico testimonio iam antea virtutis causa meruerat Q. Fabius Rullianus, quod patres a plebe dissidentes reconciliaisset, ut Livius est auctor Lib. X.

Fabii, quemadmodum memoriae prodidit Plutarchus, stirpem ad Fabium Herculis filium referebant. Hinc Fabius Maximus anno ab Urbe condita DLXIV, Tarento ab hostibus recepto, Herculis signum inde translatus in Capitolio dedicavit, locavitque iuxta aeream suam equestrem statuem, ut scribit Plutarchus; itemque auctor de Viris illustribus n. XLIII. & Livius Lib. VII. Alexander Lib. II. Cap. 14. Genial. Dier. & Marlianus Lib. VI. Cap. 6. Rom. Antiq. Fuit autem simulacrum aeneum, auro perfusum, imberbe, dextera clavam, sinistra Hesperidum aurea mala praefereus; quod multos post annos Romae prope Scholam Graecam, & Forum Boarium in ruina arae maximae repertum est, teste eodem Marliano Lib. II. Cap. 6. Topographiae.

Singula quae in hoc honorario marmore scripta sunt in laudem Q. Fabii Maximi ordine nunc prosequar. Primum Dictator creatus anno DXXXII. C. Flaminium Nepotem Magistrum Equitum delegit; secundo vero Dictator factus anno DXXXVI. M. Minucium Rufum Magistrum Equitum

tum elegit ; qui ferox , & temerarius , eum criminando tanquam timidum , & segnem , effecit , ut populi iussu imperium sibi cum Fabio aequaretur , singulari , & antea inaudito exemplo ; quod quidem passus est Fabius , duoque tum primum Dictatores facti sunt , sine Magistro Equitum , Fabius , & Minucius . Diviso exercitu , quum Minucius cum Hannibalis exercitu iniquo in loco conflisset , magnoque in discrimine ob eius imperitiam Romanae Legiones essent , superveniente cum exercitu Fabio Maximo , praesentissimo periculo liberatus est . Quo beneficio victus , castra cum eo coniunxit , imperio statim se abdicavit , patrem suum salutavit Fabium , quo etiam nomine ab universo Minuciano exercitu appellatus est ; tandem Minucius Hannibalem in agro Falerno inclusum subsequendo coercuit , fregit , devicit . Qui Plutarchum in vita huius clarissimi Ducis adire voluerit , summa cum iucunditate , alia quae notari hic possent , observabit .

Venio nunc ad eius Consulatus recensendos ex Fastis Capitolinis . Quinquies , ut in hoc marmore scribitur , Consul fuit . Primum cum M. Pomponio Mathone , anno DXX. in quo Ligures vicit , deque iis triumphavit Kalendis Februarii . Templum item Virtutis , & Honoris dedicavit , ut memorat Cicero de Natura Deorum . Deinde Censor factus cum M. Sempronio Tuditano , anno DXXIII. Secundum Consul fuit cum Spurio Carvilio Maximo , anno DXXV. cuius meminit Cicero in Catone , & Cassiodorus . Tertium iniit consulatum cum T. Sempronio , ut memorat Livius , anno DXXXIX. Quartum cum M. Claudio Marcello , anno DXXXIX. Quintum vero gessit cum Q. Fulvio Flacco , anno DXLIV. quo in consulatu Tarentum cepit , triumphavitque , qui triumphus primo clarior , & illustrior fuit , teste Plutarcho . Vide Ciceronem de Oratore II. in Catone , Livium Lib. XXVII. Hac incluta Calabriae urbe capta , primores ex familia Brutorum iugulati sunt , interfecti Tarentinorum infiniti , triginta millia venditi , & triginta millia talentorum ex praeda hostili in

aerarium relata . De qua oppugnatione scribit Livius Lib. XXVII. Plutarchus in Fabio Maximo, D. Augustinus Lib. I. Cap. 6. de Civitate Dei, Silius Italicus Lib. XV. Concluditur elogium appellaturque Fabius Dux aetatis suae caustissimus, & rei militaris peritissimus; nam optime exploratis consiliis, & fraudibus ferocientis hostis, prudenti cunctatione eum fregit, Romanamque Rempublicam collabentem restituit. De eius Augurali dignitate loquitur Cicero in Catone. Sexaginta tribus annis eum fuisse Augurem scribit Plinius Lib. VII. Cap. 48. Consulendus item Sigonii Commentarius in Fastos, & Triumphos Romanos pag. mihi 60.

Marmoris fragmentum, quod ad hanc diem visitur caemento inclusum in parastata Xysti maioris Plateae Arretii;
alt. Ped. Rom. 1. unc. 11. lat. unc. XIIII.

7
L A E M I L I V S
L F P A V L L V S
COS . II CENS . INTERREX . PR . AED
CVR . Q . TR . MIL . TERTIO . AVG
LIGVRIBVS . DOMITIIS . PRIORE
CONSVLATV . TRIVMPHAVIT
ITERVM COS . VT . CVM . REGE
SE . BELLVM . GERERET . AP
CTVS . EST . COPIAS . REG
VS . QVIBVS AC
DE I
S . CEI

7. Inter haec clarissima Romanae Reipublicae lumina meri-

merito Arretini omni laude dignum censuere L. AEmilium Paullum, cuius res gestas perpetuo monumento describi, & posteris mandari curarunt. Singulari virtute, & rei militaris peritia huius praestantissimi viri effectum est ut florentissimum potentissimumque Macedonum regnum, terrarum imperio potitum, Romanis victricibus aquilis subderetur, ac tributum solveret; e summo fortunae culmine post centum quinquaginta annos, quibus floruit, deiectum in miserandum finem, devicto, & in triumphum ducto cum filii Perse Rege.

AEmiliae gentis antiquissimam originem, amplissimos honores, magistratuum insignia, virosque inclytos, qui ex ea prodire, nemo est in Romana Historia adeo rudis hospes qui nesciat. Plura de ea scripsere Plutarchus in Paullo AEmilio, Alexander Genialium Dierum Lib. I. Cap. 9. Volaterranus Comment. Urb. Lib. XIII. Cap. 3. Richardus Streinnius de Gentibus, & Familiis Romanorum. L. AEmilius Paullus Lucii Paulli filius fuit; qui in bello, contra Hannibalem apud Cannas, strenuae adversus hostes pugnans, interiiit. AEdilitatem primum omnium magistratum consecutus est suffragiis populi Romani, praelatus duodecim competitoribus, qui omnes postea consules fuere. Augur deinde factus, huic dignitati summam addidit amplitudinem, & maiestatem. Durante adversus Antiochum bello, ad hoc missus est, non cum sex, ut ceteri Praetores, sed cum duodecim securibus, adeo-ut dignitas consularis imperio eius inesset. Bis signis conlatis, superato hoste, interfectis circiter triginta hominum millibus, urbibus ducentis quinquaginta in deditionem receptis, pacata provincia, ne una quidem drachma ditior quam profectus erat, Romam reversus est.

Anno U. C. DLXXI. tandem post tres repulsas, quae virtutem eius non fregerunt, sed potius acuerunt, cum Cn. Baebio Pamphilo Consul factus, bellum gessit adversus Ligures, bellicosos homines, & mirifice omnibus pugnandi artibus instructos. Cum octo millibus militum, adversus

sus triginta millia hostium feliciter confixit, deque his in fugam versis, triumphum egit, de quo Livius Lib. XXXIX, Plutarchus, alique. Rerum gestarum ordinem in tabula pictum in conspectu populi Romani in Capitolio posuit. Septuaginta Epirotarum Urbes, teste Polybio, funditus evertit. Haec in primo consulatu memoratu digna ab eo gesta sunt.

Sequenti tempore, quieti suae dum consulit, sexagesimum iam agens aetatis annum, solum auguriis, & omnibus studiis, & artibus in erudiendis filiis intentus; iterum consuli designato anno DXXXV. cum C. Licinio Crasso, Macedonia provincia demandata est, neque expectatum ut sortito id fieret. Ad bellum igitur profectus Persen Macedonum Regem ingenti proelio ad Pyduam fufum fugatumque castris exiit, deletisque eius copiis, quum in insulam Samothraciam profugisset, vivum cum coniuge & liberis cepit, deque eo triumphavit. In ea pugna, unius horae spatio, ut scribit Plutarchus, caesa sunt Macedonum supra viginti quinque millia, Romanorum vero, ut ferunt, fere centum, aut octoginta. Macedones infra duos dies totam Macedoniam AEmilio dediderunt. Pugnae, & victoriae nuntius intra paucissimos dies Romam adlatus est, sedente populo in theatro ad spectaculum ludorum equestrium; quo audito ingens ubique plausus, & maxima omnium laetitia excitata est. Tanta vero clementia eum fuisse praeditum narrant, ut Persis Regis adversam fortunam lacrymis sit prosecutus, eumque humi prostratum erexerit, sibi que adsidere iusserit: eum increpatus quod degeneri voce rerum a se gestarum gloriam vel imminueret, vel deturparet; seque indignum ostenderet qui cum tanto hoste manus conseruisset.

Paulli triumphus fuit omnium celeberrimus, pompaeque non antea visa gloriosissimus. Per triduum eum triumphasse scribit Plutarchus, atque ut in Capitolino eius triumpho notatum est IIII. III. & pridie Kal. Decembres. Primo die signa, tabulasque, secundo arma, thesauros, pecu-

pecuniasque ; tertio captivos ipsumque Regem cum duobus filiis Philippo , & Alexandro esse transvectos . Eiusdem triumphi meminit Orosius , Florus , & Velleius , qui bis millies centies H-S in aerarium ab eo inlatum prodit . Summam omnis captivi auri , argentiue translati H-S milies ducenties fuisse Valerius Antias tradit , ut refert Livius . Plutarchus tantam vim pecuniae a Paulo inlatam memorat , ut cives usque ad Hirtium , & Pansam Consules tributum nullum contulerint . At Cn. Octavius Kal. Decembris de eodem Rege Perse navalem triumphum egit , ut in Capitolinis Tabulis scriptum est ; qui tamen sine captivis , & sine spoliis fuit . Huiusce victoriae triumphique monumentum , facta ab eo Romae memoratur duplex Porticus , quae Corinthia appellata est a capitulis aereis columnarum , auctore Festo . Lib. XIII.

Summa vero fuit Paulli abstinencia , summa in felicitate , & in adversis animi moderatio , & constantia . Nam pauperem domum uti invenerat reliquit , fortunamque in tanta laetitia saevientem memorabili exemplo virtutis superavit . Ex quatuor namque filiis quos habuit , duos quos in sua potestate retinuerat , intra paucos dies amisit ; alter sexdecim annos natus , quinto ante triumphum die , mortuus est ; alter duodecim annorum aetatem ferens , tertio post triumphum die , teste Plutarcho , decessit : adeo nil stabile , & firmum in humanis rebus esse potest ; summamque laetitiam saepius dolor , & luctus occupant . In tanta fortunae varietate haud animo fractus , moerentem populum in concionem vocavit , & quasi consolatione non indigeret ; fortunae gratias egit , quod si quid adversi Reipublicae imminebat , sua esset calamitate decusum . Ob haec omnia , & a Senatu , & a populo concessum est ut Ludis Circensibus triumphali veste uteretur . In eius censura censa sunt civium Romanorum capita trecenta millia supra triginta septem .

Vetusta haec Tabula intercidit ; sed in aliquibus MSS. Codicibus dicitur exstare Arretii in Basilica , sub Statua C. Marii .

8

C. MARIVS. C. F. COS, VII. PR.
 TR. PL. Q. AVG. TR. MILITVM EX
 TRA SORTEM BELLVM CVM IVGVR
 THA REGE NVMDIAE COS. GESSIT
 EVM CEPIT ET TRIVMPHANS IN
 SECVNDO CONSVLATV ANTE CVR
 RV M SVVM DVCI IVSSIT TERTIVM
 COS. APSENS CREATVS ET IIII COS.
 TEVTONORVM EXERCITVM DELEVIT
 V. COS. CIMBROS. FVDIT. EX IIS ET
 TEVTONIS ITERVM TRIVMPHAVIT
 REM PVBLIC. TVRBATAM SEDITI
 ONIBVS TR. TR. PL. ET PRAETOR. QVI
 ARMATI CAPITOLIVM OCCVPAVERANT
 VI. COS. VINDICAVIT POST LXX. ANNVM
 PATRIA PER ARMA CIVILIA EXPVLSVS
 ARMIS RESTITVTVS VII. COS. FACTVS
 EST DE MANVBUS CIMBRICIS ET TEVTONIS
 AEDEM HONORI ET VIRTVTI ET VICTOR.
 FECIT VESTE TRIVMPHALI CALCEIS
 PATRICIIS. MVLTATIVS M. F.

8. Magnorum Ducum bellica virtus, quamvis interdum
 saevitia, ferocitate, deterrimisque animi morbis obscurata
 fuerit, magna tamen in laude, & admiratione apud om-
 nes semper fuit, nec sine aliquo honoris monumento po-
 steris commendata; quod haec Tabula declarat praeconius
 C. Marii insignis: quem virum neque propter dignitatem,
 lau-

laudare satis quisquam commode, neque propter crudelitatem abunde vituperare potest.

Sed singula in marmore scripta, quae ad Historiam, & ad eius laudes pertinent, exponenda a nobis sunt. C. Marius, municeps Arpinas, humili atque obscuro loco natus, nulla maiorum commendatione, amplissimos honores consecutus est; in quibus, ut auctor est Sallustius de Bello Iugurthino n. 63. adeo praeclare se gessit, ut amplioribus semper dignus haberetur. Cicero eius contrerraneus Lib. II. Tusculanarum Quaest. *hominem rusticum*, Florus Libro III. Cap. 16. *nobilitatis inimicum fuisse* tradunt. Sed Valerius Maximus Lib. II. Cap. 1. §. 17. eum non esse dampnandum, rigoris rustici crimine scribit. Plutarchus, qui vitam eius scripsit, durum, & bellicosum animum ei naturam effinxisse narrat, adeoque laboris patientissimum. E numero Senatorum eiectus, duas in petendo honore Aedilitatis repulsas passus est; tamen quod fortassis nulli contigit, Consul, summo populi studio, septies creatus est, & quidem bis absens. De eius Consulari dignitate scripsere Plinius Lib. XI. Cap. 45. & Florus Lib. III. Cap. 3.

Primum igitur, septimo post Praeturam anno, Consul factus est cum L. Cassio Longino, anno ab Urbe condita DCXLVI. ut testatur Cicero Libro de Officiis III. & Caesiodorus. Causa cur factus fuerit Consul, cum a spe consulatus longe abesset, haec fuit, auctore Velleio Paterculo Lib. II. c. XI. Marius Legatus Metelli *criminatus Metelli lentitudinem*, effecit, ut, cum comitatu petito Romam venisset, Consul crearetur, bellique paene patrati a Metello, qui bis Iugurtham acie fuderat, summa committeretur sibi. Metelli tamen, & triumphus fuit clarissimus, & meritum; virtutisque cognomen Numidicum inditum. Gellius Lib. XII. Cap. 9. meminit orationis, quam Metellus habuit in triumpho suo. In Africam igitur cum exercitu profectus, obtenta extra sortem ea provincia, quae iam Q. Caecilio Metello fortissimo viro contigerat, Iugurtham Numidarum, Bocchum, Iugurthae socerum, Maurorum reges, primum le vibus proclius, demum acerrimo bello

lo fudit, vicit, & armis exiit. Iugurtham postmodum vivum a Boccho, Sullae opera, accepit, deque eo triumphavit, & Romam, quod vix credi poterat, ante currum suum duci iussit, cum duobus eius filiis, auctore Sallustio, Plutarcho, Floro Lib. III. Eutropio Lib. IV. Orosio Lib. V. Cap. 14. Fuit enim hoc in more positum Romanorum ut in triumpho victus, & captivi victoris currum praecederent, de quo luculenter disserit Alexander Genialium Dierum Lib. VI. Cap. 6. Contigit hic triumphus in secundo eius consulatu cum C. Flavio Fimbria, anno DCXLIX, quem consulatum absens accepit, & Libya accitus, iniiit Kalendis Januariis, anni apud Romanos initio, teste Plutarcho; quo etiam die de Numidis, & Rege Iugurtha triumphavit, ut legitur in Fastis. Romanis legionibus secundum Consul C. Marius aquilas primus proprie dedicavit, teste Plinio Lib. X. Cap. 4. Sallustio in Iugurthino, & Plutarcho. In eo triumpho auri septem & tria millia pondo Romam delata fuisse feruntur. Argenti autem non signati quinque millia septingenta octogintaquinque pondo. Numismatum vero, drachmarumque septies mille, & viginti octo myriades extitere. Post pompam Marius Senatum in Capitolio convocavit, ac, sive ignorantia, quod cum mos patrius fugeret, sive quod fortuito sic faceret, incivilius habitu triumphali ingressus est. Sentiens autem Senatum aegro animo id fere, statim assurgens, suscepta purpura, ad concionem rediit, ut narrat idem Plutarchus.

Tertium Consul absens creatus, anno DCL. collegam habuit L. Aurelium Orestem, cuius consulatus mentionem faciunt Plutarchus, qui reliquos ordine recenset, Plinius Lib. II. Cap. 59. Cassiodorus, Florus Lib. III. Interim timoris Romae tantum fuit, quantum vix Annibalis tempore, Punicis bellis. Nam Cimbri vastatis omnibus, quae circa Rhodanum, & Pyrenaeum sunt, per saltum in Hispaniam transgressi, ibique multa loca depopulati, a Celtiberis fugantur. Reversi in Galliam, bellicosus Teutonibus se coniun-

coniungunt. Marius, flagrantissimo plebis studio, adversus eos Consul, & Dux creatus, severe, & rigide milites in disciplina militari continebat; aequitate interim patefacta, cum iudicasset sororis filium C. Lucium, quem Trebonius multoties tentatus, ne pudicitiam violaret, constanter repulerat, iure caesum fuisse. Tertium consulatum in apparatu belli consumpsit; non ausus congrēdi cum Cimbris, donec invicta illa rabies consenesceret, Floro teste Lib. IV. Cap. 3. Illi, tripartito agmine, defendente castra Mario, per Alpes, claustra Italiae transitori, Romam se capturos confidunt. Marius, mira velocitate occupatis compendiis, praevenit hostem, prioresque Teutones sub ipsis Alpium radicibus assecutus, ad Aquas Sextias duobus proeliis delevit; in quibus caesa traduntur hostium ducenta millia, capta nonaginta; ut in Epitome LXIIX. ex Eutropio Libro V. Floro Lib. III. Cap. 3. Haec gesta sunt in quarto C. Marii consulatu, cum Q. Lucretio Catulo, anno DCLI.

Consul quintum cum M. Aquilio factus, anno DCLII. Cimbros, qui per Noricum profligato Q. Catulo Proconsule irruperant in Italiam, collatis signis funditus delevit; caesa traduntur hostium centum quadraginta millia, capta sexaginta. Marius totius Urbis consensu, & acclamationibus exceptus, pro duobus triumphis, qui offerebantur, uno contentus fuit; dum interim servata Roma, & Italia, laeti omnes Romani cum filiis atque uxoribus Mario, & Diis Servatoribus domi libarent; ut narrat Plutarchus. Marius, ut in secundis rebus mansuetum se praeberet, cum Q. Catulo triumphare, gloriamque cum eo communicare instituit; quem triumphum laudat Iuvenalis Satyra VIII. a Sigonio adductus in Commentario in Fastos, & Triumphos Romanos pag. 104.

Sextum inivit Marius Consulatum cum L. Valerio Flacco, anno DLIII, obsequiis populi, maximeque omnium benevolentia laudatus. Sed turbata eo anno Republica seditionibus Tribuni Plebis, & Praetoris, quas describit Valerius Maximus Lib. IX. Cap. 7. Plutarchus, Appianus, alii-

que, Marius seditionis auctores Glauciam Praetorem, Saturninum Tribunum Plebis, & Saufeiū Quaestorem in Capitolium armis persecutus obsedit, & incisus aquarum fistulis ad deditionem compulsi, ac contra fidem omnes interfecit; Saturnini vero aedes ab imis fundamentis diruit.

Anno DCLXV. L. Sulla, & Q. Pompeio Consulibus, C. Marius cum bellum civile excitasset, quod ei belli gerundi contra Mithridatem, regem Ponti, provincia demandata non esset, armis Sullanis urbe eiectus, in Minturnensium paludibus iacuit; a Minturnensibus captus, ac postmodum dimissus, in Africam delatus est. Post haec accessit a Cinna Consule, urbem cepit, eamque caedibus & rapinis vastavit, ut memorant Appianus Libro I. Velleius Libro II. Florus Libro III. Cap. 21. Epitome LXXVII. & XXXX. Inde, primus omnium Romanorum, Consul VII. creatus cum Q. Cinna, anno DCLXVII. eodem die quo magistratum iniit, Sex. Licinium Senatorem de saxo deiici iussit, editisque multis sceleribus, Idibus Ianuariis decessit, teste Plutarcho, duodeseptuaginta annos natus, domum relinquens collectis opibus refertissimam, fortunamque suam identidem crudelem appellans, quod ante quam consilia, & desideria sua peregisset, mortem obiret.

Marius aedes suas prope Forum exaedificaverat, ut a pluribus etiam aliis, suae partis cultoribus, limina frequentarentur. Habuit & apud Misenum magnificas aedes, atque effeminatiores, quam talis viri dignitas, qui tot bella gesserat, pateretur. Quo vero tempore AEdem Honori, & Virtuti victor fecerit, incompertum mihi est. Post quintum eius consulatum id evenisse puto, cum Cimbros fudisset deque iis, & Teutonibus iterum triumphasset, ut in Arretino hoc elogio narratur. Neque vero, ut id quoque dicam, scriptum fuisse puto in hoc marmore, ut in aliquibus MSS. legitur, AEDEM. HONORI. ET. VIRTUTI. ET. VICTOR. quasi & *Victoriae* AEdem communem dedicaverit. Nam de AEde Victoriae facta a C. Mario, nullam apud veteres scriptores mentionem fieri observo; verum memora-
ratur

ratur AEdes Honoris, & Virtutis a Vitruvio Lib. III. Cap. I. & in Prooemio Lib. VII. quam omni cultu C. Mutius architectus perfecit. In haec loca vide Philandri adnotationes.

Hoc triumpho adeo gloriatus est Marius, ut triumphali habitu, & calceis patriciis hanc AEdem facere, seu dedicare voluerit. An vero id fecerit eadem veste triumphali, nempe toga picta, & tunica palmata, purpureo colore insigni, quibus usus fuerat in triumpho, itemque calceis patriciis, qui mullei dicti, vel a futuris, vel a colore rubro, & puniceo, ut Balduinus ostendit de Calceo antiquo Cap. X. minime id adfirmare audeam. Fortassis lege lata a Tribunis plebis factum est ut omni triumphantium cultu in hac AEdē dedicanda uteretur; quo honore cumlatus legitur Cnaeus Pompeius apud Paterculum Lib. II. c. 40. cui concessum est, lege lata, ut in Ludis Circensibus corona aurea, & omni cultu triumphantium uteretur; in scenicis autem praetexta, coronaque aurea; quod ille non plus quam semel usurpare sustinuit. Propria vero vestis eorum qui Diis sacrificia, vota, & dedicationes faciebant alba, & lintea erat. Fuit etiam in usu triumphantium alba vestis, ut observavimus in veteri inscriptione adlata in Columbario; sive Monumento Libertorum, & Servorum Liviae Augustae pag. 135. in qua legitur officium M. Cocceii Ambrosii Liberti, qui Imperatoris fuit **PRAEPOSITVS. VESTIS: ALBAE. TRIUMPHALIS.** sed diximus Imperatorem fortassis usum fuisse ea veste non in triumpho, sed in triumphalibus ludis, & spectaculis, vel etiam in cenis, quae post triumphum praebantur.

AEdem Honoris, & Virtutis constat ex hoc lapide factam fuisse ex manubiis Cimbricis, & Teutonicis. Veteres manubias dixere spolia quaesita de vivo hoste nobili per deditionem, ut auctor est Pedianus in tertia contra Verrem; eratque haec praeda Imperatorum, ex qua quod vellent facerent. Aulus Gellius Lib. XIII. Cap. 23. manubias esse vult pecuniam vel ex hoste captam, vel ex praeda vendita redactam. Alii e contra simpliciter pro qualicum-

cumque praeda, nec solum ab hoste, verum etiam a cive petita. Vide Turnebum in *Adversariis* Lib. XVI. Cap. 15.

Devictis Cimbris, Teutonis, & Jugurtha Numidarum rege, deque his actis triumphis omnium nobilissimis, quam praeclarum, & illustre fuerit C. Marii nomen in Romana Republica declarant in eius honorem aeternitati consecrata monumenta, posteris quoque maxime clara perenni scriptorum testimonio. Eius liquidem tropaea, quae hoc tempore in Capitolio condita sunt, posterorum admirationi consecrata memorantur a Plutarcho in eius vita, a Velleio Paterculo Lib. II. c. 5. a Vitruvio, loco superius descripto, & a Sidonio Apollinare in *Endecasyllabis* ad Magnum Felicem; quae cum L. Sulla disiecisset, a C. Iulio Caesare restituta fuere, ut narrat Suetonius c. 51. Quo vero in loco primum posita fuerint haec tropaea, ostendit Favianus Nardinius in *Descriptione Romae antiquae* Lib. IV. Cap. 2. neque ad Traianum Augustum, de Dacis triumphan-tem, pertinere posse diserte, & luculenter ostendit Fabretus, Cap. IV. de Columna Traiani pag. 102. & sequentibus. Haec ipsa tropaea, ornatus causa, statuta supra arcus Aquae Marciae, velut in nobili fastigio, expressa videntur in nummis; quorum unum, haud suspectum, protulit Goltzius in *Fastis* ad annum Urbis DCLIII. pag. 158. ex quo perspicuum est ea C. Mario quintum Consuli, de Jugurtha, de Ambrionibus Teutoniis, Cimbrisque triumphum agenti, dedicata fuisse. Post Cimbricam victoriam, cantharis potasse, Liberi Patris exemplo, traditur, auctore Plinio Lib. XXXIII. Cap. 11. Mirum igitur non est si tot monumentis, elogiisque praeclaro in loco positis ubique honoratus fuerit; cum in eo uno, ut ait Cicero pro *Lege Manilia*, spes, & incolumitas Romani imperii posita esset; hac de re merito ab universo populo habitus tertius Romae instaurator; qui profecto si Gratiis, Musis, Graecarumque literarum studiis litasset, haudquaquam certe, quantum bello optimus, tantum pace pessimus, immodicus gloriae, insatiabilis, impotens, semperque inquietus fuisset.

Ta-

*Tabula marmorea alta pedem Romanum I. & unc. XIII. lata itidem
pedem I. quae exstat in Museo Iohannis Hieronymi Equitis Baccii.*

9

L. LICINIUS L. F.
LVCVLLVS

COS. PR. AED. CVR. Q.

TR. MILITVM AVG.

TRIVMPHAVIT DE REGE

PONTI MITRIDATE

ET DE REGE ARMENIAE TI

GRANE MAGNIS VTRIVSQVE

REGIS COPIIS

COMPLVRIBVS PROELIS TERRA

MARIQVE SVPERATIS

CONLEGAM SVVM PVLSVM A

REGE MITRIDATE

CVM SE ISCALCHADONA CON

TVLISSET OPSIDIONE LI

BERAVIT

9. Haec quoque marmorea Tabula fertur inventa anno
MDCLXXXVIII, iuxta Portam, vulgo appellatam *Celesti-*
trone, cum murus quidam dirueretur, qui fuit pars Arcis,
conditae anno MCCCXXXVIII, tempore Athenarum
Ducis; ac proinde eodem loco, ac tempore detecta, quo &
superius adlata Tabula in honorem M. Valerii Maximi

pag.

pag. 235. Continet elogium L. Licinii Luculli, quem Cicerō, in Oratione pro Lege Manilia, fortem virum, sapientem hominem; magnum Imperatorem merito appellat. Primum stipendia fecit sub signis L. Sullae; qui eius constantia, & humanitate ductus tantum illi auctoritatis, atque virtutis tribuebat, ut ubi quid fortiter, ac strenue agendum esset, quoad vixit, eius opera potissimum uteretur; cui etiam commentaria rerum suarum inscripsit, teste Plutarcho. Summa in eo fuit cum eruditione eloquentia, qui commentaria scripsit de bello Marfico, cui ipse cum Sulla interfuit. Praeterea cum Hortensio summo Oratore, & Sisenna Historico praeclarissimo persaepe dicendo, & scribendo certavit. Sed plena quum sint eius laudibus veterum scriptorum monumenta; nil opus est in his diutius immorari. Singula vero, quae in hoc Arretinorum elogio leguntur, indicatis auctorum locis, qui de eius laudibus scripserunt, breviter explicanda sunt.

Quaestor in Asiam profectus est; ibique per multos annos admirabili quadam laude provinciae praefuit, & ob quaestorium munus ludos quam magnificentissimos edidit. Deinde absens factus AEdilis cum fratre, continuo Praetor, in Africam postmodum missus est. Augurali dignitate ornatum fuisse memorat haec Tabula. Mortuo Sulla, habitis paullo postea comitiis, una cum M. Aurelio Cotta Consul declaratus est, U. C. anno DCLXXIX. cuius muneris meminit Plutarchus, Cassiodorus, Appianus in Mithridatico, Plinius Lib. XXXVI. Cap. 6. Cotta ad observandam Propontidem, & ad debellandam Bithyniam missus est; Lucullo renovandi belli cum Mithridate Ponti Rege provincia data, quamvis primo ei Gallia Cisalpina forte contigisset. Bellum igitur cum Mithridate, qui per quadraginta annos Romanis resistit, absque ullo publico aerarii impendio, novem annis felicissime gessit; quem fugavit, profigavit, eiusque astus singulari prudentia, & consilio compluribus proeliis terra marique superavit. Eupatori-
am, & Amisum, civitates Ponti nobilissimas, expugnavit.
Col-

Collegam suum Cottam ; terra marique profligatum a Mithridate , sexaginta navibus , & militum quatuor millibus strage amissis Chalcedone obsessum , summis obsidionis periculis , virtute , assiduitate , consilio liberavit . Secundo proelio ad Cizicum urbem exercitum Mithridatis fame ferroque delevit , pulsumque e Bithynia Regem , variis belli , ac naufragiorum casibus fractum , coegit in Pontum profugere . De eadem obsidione Appianus pluribus verbis in Mithridatico , & Plutarchus in Luculli vita . Silentio minime praetereunda Ciceronis verba in Mureniana : *L. Luculli vero res tantae extiterunt , ut neque maius bellum commemorari possit , neque maiore consilio , & virtute gestum : nam cum totius impetus belli ad Cyzicenorū moenia constitisset , eamque urbem sibi Mithridates Asiae saniam fore putavisset , qua effracta , & revulsa , tota pateret provincia ; perfecta ab Lucullo haec sunt omnia ; ut urbi fidelissimorum sociorum defenderetur , & omnes copiae Regis diuturnitate consumerentur . Eadem & pro Archia Poeta .*

Mithridatem , in illo timore , & fuga , erepta ex omni impetu regio , ac totius belli ore , ac faucibus Asiae urbe clarissima Cyzicenorū , Tigranes Rex Armenius excepit , diffidentemque rebus suis confirmavit , & afflictum erexit ; qui cum eo iuncto exercitu peditum equitumque prope modum infinito , quem accurate enumerat Plutarchus , cum Luculli paucissimis militibus concurrerunt , ab his vero fracti , ac deleti , magna felicitate superati sunt , hostium in oculis ; splendidissimis Asiae regiis Tigranocerta , Cabyra , Sinope , Nisibe captis , direptis , incensis ; tota Asia septentrionali usque ad Phasidem , orientali usque ad Mediam , australi usque ad rubrum mare Romano adiecta imperio ; optimis saluberrimisque legibus , & institutis temperata ; patefacto Romanis Legionibus Ponto , qui antea ex omni aditu clausus fuerat ; obtritis confractisque tot victoriis regibus florentissimis , ac potentissimis ; qui nihil aliud prorsus quam nuda corpora referentes , in vastas solitudines silvasque inaccessibiles , ceterae ferae aufugerunt ; ac nisi militum contumacia , & avaritia summum Imperatorem in me-

dio victoriarum cursu destituisset, facile omnium interierat gentium victor, Romani imperii terminos trans Bactra Indumque protulisset.

Post haec Luculli triumphus Romae fuit ornatissimus, quem describit Plutarchus. Triumphavit de his Regibus ab U. C. anno DCXC. Cicerone, & Antonio Consulibus. Ex tam ingenti rerum gestarum gloria postmodum Lucullus, quo nemo prudentior, nemo solertior, nemo eloquentior, aut doctior inter duces Romanos fuit, in luxum voluptatesque adeo defluxit, ut reliquum vitae in iocis, & deliciis, abiecta Reipublicae cura, egerit; quare merito eius vita Plutarcho visa est veteribus comoediis longe simillima, quarum primae partes rebus domi militiaeque gestis, postremae vero conviviis, potationibus, cantu procaci, facibus, omnique lusus genere continentur. Nam in iuventutis flore mirificus in eo fuit discendi ardor, in audiendis fovendisque doctissimis viris incredibile studium, summa in Historia conscribenda laus, in Philosophicis disciplinis comparandis promovendisque industria singularis; at in senectute otio deditus, tantum repente mutatus est, ut qui regendo orbi terrarum idoneus habebatur, seipsum regere non posset, & Callistheni Liberto, seque, remque familiarem committeret, sola fama delectatus cenarum in Apolline, amoenitate hortorum, deliciis, & magnificentia villae Tusculanae, vestium omnis generis multitudine, suppellectilis denique sumptuosissimae regio splendore.

Praestantissimorum Ducum Romanae Reipublicae explicatis elogiis, superest ut de eorum aetate, ac stylo, atque hoc amplius de loco ubi posita fuerint, de auctore, qui ea dedicavit, verba faciam. Ut primum e tenebris vetustatis in lucem prodire, docti viri iudicarunt haud scripta fuisse ea tempestate, in qua tot summorum Imperatorum apud omnes vigeat memoria, verum consequentibus seculis; nam nullo umquam tempore fama rerum, quas praeclare gesserant, deleri profecto potuit. Quare Gruterus, qui ex his tria tantum elogia edidit in suo Thesau-
vete-

veterum Inscriptionum , (neque vero inter spuria , & supposititia reiecit) nempe Q. Fabii Maximi pag. CCCCVI. 7. Appii Claudii Caeci pag. CCCLXXXIX. 4. Caii Marrii pag. CCCCXXXVI. 3. ad duo tantum notavit , pronuntiavitque clamare stylum non esse Fabiani , & Paulliani aevi , quod & ego de omnibus adfirmo . Sunt enim multa , si orthographiae leges , & usitatam eo seculo loquendi scribendique rationem probe perpendamus , itemque fabrilium non pauca errata , quibus inspersa sunt , vel elegantiam litterarum , quibus caelata conspiciuntur a manu haudquaquam imperita , quae sane cum aliis Tabulis antiquioribus temporibus scriptis minime conferri possunt . In Tabula honoraria Q. Fabii Maximi , superius edita pag. 241. legitur , RE. MILITARIS. PERITISSIMVS. pro REI MILITARIS. qua phrasi frequenter utitur Livius , Cornelius Nepos , Suetonius , aliique scriptores ; quamvis haud iudicandum esse tam cito fabrilis erratum diligentissimus Vincentius Borghinius velit , qui , ut inferius dicam , idem elogium edidit in Dissertatione de Origine Florentiae pag. 186. In altera in honorem Appii Claudii scriptum est TYRRHO REGE , pro PYRRHO REGE. In fine vero AEDEM. BELLONA FECIT. pro AEDEM. BELLONAE FECIT. verum id accidit ut e praetermissa sit non sculptoris vitio , sed in eo angulo marmoris fractura . Quod etiam si secus esset , tamen idem mendum non insolens ; nam aureo quoque seculo irreplisse alibi observavimus in Tessera honestae Missionis Militum Legionis Primae Adiutricis , quae edita est in Prima Parte pag. 257. nam in fine legitur IN ARA GENTIS IVLIA , pro IVLIAE , uti in altera eiusdem Tesserae facie scriptum est . In lapide vero , qui ad laudes L. Licinii Luculli pertinet , adspirationis nota omisa est , scriptumque , MITRIDATE , pro MITHRIDATE , quod frequenter contigisse in compluribus aliis antiquis monumentis observatum est ; perperam item scriptum CALCHADONA pro CHALCEDONA , seu CHALCEDONEM . Cetera huius generis menda , si quae alia sunt , facile legentibus patebunt , quae in ipsis quoque aureo se-

culo caelatis Tabulis non raro occurrunt . Quare haec ipsa monumenta in honorem praeclarissimorum Ducum Romanorum scripta, genuina, & sincera esse constanter adfirmos non eo tamen aevo, vel proximo, quo illi vivebant, sed sequioribus seculis concinnata ex his quae ab Historicis multo antea celeberrimis posterorum memoriae de iisdem prodita fuerant . Siquidem, ut supra observavimus, haec elogia cum his quae ab Historicis narrantur, vel in Capitolinis Tabulis notantur, probe consentiunt . Si quis vero de eorum sinceritate dubitet, argumento deducto ex specie marmoris, quod subcaeruleum est, & ex parvitate Tabularum (in quibus scripta sunt) quod praesertim a me de his dicitur, quae in Regio Museo Mediceo conspiciuntur, quas non semel accurate vidi, a veritatis anquirendae studio, mea quidem sententia, quam longissime distat : nam marmoris genus cum aliis, quae in Etruria nascuntur, convenit, nobisque cognitum est ; quod vero attinet ad Tabularum figuram ea elogia postea renovari potuerunt, resecta scriptura ex prioribus exemplaribus ; quod & in sepulchralibus Titulis a veteribus interdum factum fuisse alibi notavimus.

Vetus haec consuetudo scribendi gesta illustrium Virorum, eorumque virtutes aeternandi *per titulos, memoresque fastos*, ut ait Horatius, agens de Augusti laudibus Carm. Lib. IV. Ode XIII. originem apud ipsos Romanos habuit ab iis praesertim familiis, ex quibus prodire maximi illi Imperatores; quorum decora atria imaginibus plena, aerea Tabulae in funebri eorum pompa expositae, & ingentia marmora eorum laudibus insculpta ostentabant; ex quibus, ut ait Cicero in Bruto, Historia facta interdum mendosior. Sed ipsum Romanae eruditionis, & eloquentiae parentem audiamus. *Nec vero [inquit] habeo quemquam antiquiorem, cuius quidem scripta proferenda putem, nisi quem Appii Caeci oratio haec ipsa de Pyrrho, & nonnullae mortuorum laudationes forte delectant; & hercules hae quidem exstant. Ipsae enim familiae suae quasi ornamenta, ac monumenta servabant, & ad usum,*

usum, si quis eiusdem generis occidisset, & ad memoriam laudum domesticarum, & ad illustrandam nobilitatem suam: quamquam his laudationibus Historia rerum nostrarum est facta mendosior. Multa enim scripta sunt in eis, quae facta non sunt, falsi triumphi, plures Consulatus, genera etiam falsa, & ad plebem transi-
tiones, cum homines humiliores in alienum eiusdem nominis infunderentur genus: ut si ego me a M. Tullio esse dicerem, qui patricius cum Ser. Sulpicio Cos. anno X. post exactos Reges fuit. A Romanis igitur in Latii opida, & municipia derivatum est studium conquirendi, conficiendique elogia in honorem praeclarissimorum Ducum Romanae Reipublicae; vel quod ex eorum familiis aliquem sibi patronum delegissent, vel quod multa a maioribus eius gentis beneficia, vel decus, aut gloriam suscepissent. Hinc facile, meo quidem iudicio, evenire potuit, ut superiores laudationes non solum ab Arretinis, verum etiam a Florentinis, ab Ariminensibus, atque ab aliis Municipibus, & Colonis, ad perennem tam excellentium virorum memoriam propagandam, publico in loco statuerentur, dicarenturque; ab aliquo celebriori emendationisque exemplari excepta, ex quo varia apographa ubique sparsa fuerint. Hac mea coniectura variorum antiquorum Codicum fides, & auctoritas, haud quidem parvi facienda, percommode salvatur. Nam quod allatae superius Tabulae Arretii exstiterint perspicue testantur plures antiqui Codices, quos vidi in celeberrima Florentina Bibliotheca Strozia; testatur Codex Bibliothecae Cl. V. Alexandri Gregorii Marchionis Capponii, qui ex eo descriptas laudationes Q. Fabii, & C. Marii mecum humanissime communicavit, quarum in rubrica adnotatum est *Arretii*; testatur vetus MS. praelaudati Iohannis Hieronymi Baccii Patricii Arretini, & alterum maioribus literis exaratum pictumque, a Sponio, & in novissima Gruteri editione laudatum, quod fuit celeberrimi Viri Francisci Redii Patricii Arretini, Archiatri Cosmi III. Magni Ducis Etruriae, nunc penes eximium eius Nepotem, non sine laude a me memorandum, Gregorium Baiulivum Redium, ex quo plu-

res ineditas inscriptiones, literariae Reipublicae donandas, non exiguo plane labore decerpsi. In his Manuscriptis Codicibus non tantum adnotatum est Inscriptiones Q. Fabii Maximi, Appii Claudii Caeci, & C. Marii Arretii olim exstistisse, verum etiam *Arretii in Basilica* positas fuisse sub statuis eorundem illustrium Virorum. Codex Reditus bombycinus praefert auctoris nomen, & tempus, quo descriptus, & pictus fuerit; cum hac epigraphe:

VENECIIS. DIE. XV. AVG. MCCCCLXXIII. ALEX. STRO....
SCRIP. ET. PINX.

Haec notata sunt in anteriori pagina membranacea, ad cuius oram quatuor tantum literae supersunt STRO... reliquae ablatae, exciso eiusdem membranae labro, vel cultro, vel novacula. Huius eximiae Sylloges antiquarum Inscriptionum auctor fuit, ut auguror, ALEXANDER STROZIVS, e Gente, Florentiae antiquissima, & nobilissima. An id assererem dubius saepe mecum animo cogitavi; sed cum non semel hunc Codicem mecum perofficiose communicasset Cl. Gregorius Reditus, ex eo deprehendi ad Strozios pertinuisse, in quo duobus in locis nempe pag. 64. & 180. haec notata alia manu occurrunt; ni vero ab aliquo studioso antiquitatis, memoriae causa, descripta fuerint.

V . F
PALLAS STROCIVS EQ. HETRVSCVS
BONIS OMNIB. ET VTRAQ. LINGVA
INSIGNIS
QVOD INGRATAE PATRIAE
NEGAVERAT
ET. S. POS. ET. S.

Altitudine palmum aequat, latitudine fere dimidium.
Constat XCII. paginis; in primis membranaceis in interiori

ri facie antiquae Urbis Romae peraccurata delineatio exhibetur ; in duodecim vero sequentibus descriptus est Valerius Probus de *Antiquorum Notis* , atque in principio hunc habet titulum : RES PRISCAE . VARIAQ. ANTIQVITATIS MONVMENTA VNDIQUE . EX OMNI ORBE COLLECTA . Nolui haec silentio praeterire , quum praestantissimus Iustus Fontaninus Archiepiscopus Ancyranus pag. 86. & 87. in Addendis Commentario in Dicum argenteum Votivum Veterum Christianorum , duas Christianas Inscriptiones ineditas , formula DE DONO DEI & DE DONIS DEI insignes , ex hoc Codice produxerit , quas a me libenter , celsius ferius quam oportebat , acceperat.

Verum quamvis ex pluribus Codicibus Manuscriptis , ut diximus , constet elogia Q. Fabii Maximi , & C. Marii *Arretii* in *Basilica* posita fuisse , aliqui tamen , quos vidi , habent *Arimini* . Fabii elogium primum editum est inter Epigrammata antiqua Urbis , curante Jacobo Mazochio pag. 18. & *Arimini* exstare in rubrica notatur , quod etiam in Appiani collectione legitur ac pag. 176. C. Marii elogium ; producitur , & in Gruteriano Thesauro p. CCCXXXVI. 3. sed praetermisso loco ubi reperitur , verum varia cum orthographia , & pluribus vocibus antiquo scribendi stylo expressis : nempe EX . IEIS . ET . TEVTONEIS . & pullo post , DE . MANVBIEIS . CIMBRICIEIS . ET . TEVTONICEIS , & CALCEIS . PVNICIEIS . In eodem Thesauro Gruteriano ibidem n. 2. vulgatum est fragmentum eiusdem elogii C. Marii , quod Romae vidit , & descripsit Smetius in aedibus quondam Pomponii Laeti , literis grandibus formosisque ; quod etiam testatus est Piccartus in Collectione n. 62. *Arimini* item exstare dixit Th. Dempsterus , qui edidit in Paralipomenis ad Rosini Antiquitates Romanas Libro V. Cap. XXXVI. Sed hi auctores cum in aliquibus Codicibus scriptum invenissent *Ar* . fortassis lapsi sunt interpretantes *Arimini* , pro *Arretii* ; quae etiam Cl. Redii opinio est , superius pag. 224. exposita . In Codice MS. membranaceo Fr. Iohannis Iucundi Veronensis , penes Ill. Equitem Antonium Fran-

Franciscum Marmium, in rubrica notatur haec eadem elo-
gia exstare *Arimini*; sed in margine adscribitur, alibi inventas
fuisse duas statuas, scilicet *Arretii in Basilica*, unam C. Ma-
rio; alteram Q. Fabio dicatas, cum iisdem duobus epi-
grammatis, quae Iucundus describit. Sed quod elogium
C. Marii Arretii fuerit non leve argumentum esse potest
quod cum fracta sit Tabula marmorea in inferiori parte,
eo modo ut exhibetur a Grutero pag. CCCXXXVI. 3.
fragmentum illud quod deest, ad haec tempora servatur
Arretii in Museo Baccio, in quo haec scripta sunt;

M. VLATIVS. M. F

quae item leguntur in Codice Redio in fine elogii C. Ma-
rii, quod cum altero Fabii Maximi Arretii in Basilica re-
periri dicitur, sed scriptoris incuria aliter scriptum; nempe
MVLTATIVS M. F. pro M. VLATIVS. M. F. Ulatia fa-
milia eruditis iampridem cognita est, quae nominatur in
Romano lapide penes Gruterum pag. CCCCLXVI. 7.
Hunc M. Ulatium arbitror elogia his praecellentissimis Vi-
ris dedicasse in Basilica Arretinorum. Sed ut in ceteris, ita
in hoc sua cuique sententia. Maiorem mihi scrupulum iniit
Vincentius Borghinius in priscis monumentis produ-
cendis expendendisque diligentissimus; qui de originae Flo-
rentinae differens pag. 184. & 185. in Florentino Theatro
inventam fuisse narrat marmoream. Tabulam ornata[m] lau-
dibus Q. Fabii Maximi, & cum ea defossum caput statuae
eiusdem praestantissimi ducis; quod summo civium moe-
rore; rudis quidam, & inelegans homuncio, qui repe-
rat, ne taedio ac molestia afficeretur in eo ostendendo,
defossa terra temerario ausu abscondit, qua ipse potius,
maiori facta sui aggestione, obrui certe debuerat. Sed quo
tempore id contigerit non indicat Borghinius, qui tamen
pag. 185. eam Tabulam elogio Fabii Maximi insignem pro-
ducit iisdem verbis, & lineis distinctam ad exemplum su-
perius allatae. Verum decimo quarto seculo detectam fu-
isse non incertus vates augur; certe hac tempestate viris
doctis

doctis cognita, & perspecta fuit. Id arguunt tres ultimi versus, qui ex eodem elogio desumpti, ut mea fert opinio, relati sunt in veteri inscriptione in honorem praestantissimi Florentinarum copiarum Ducis Iohannis Acuti, Equitis Britannici, cuius equestrem pictam imaginem inter illustres Viros, & de sua Republica benemerentes, Florentini in Maiore Ecclesia posuerunt. Inscriptio ita se habet:

IOANNES. ACUTVS. EQVES. BRITANNICVS.
DVX. AETATIS. SVAE. CAVTISSIMVS.
ET. REI. MILITARIS. PERITISSIMVS.
HABITVS. EST.
. PAVLI. VCCELLI. OPVS.

Iohannes Acutus bellica virtute, & egregiis animi dotibus ornatissimus, merito a Florentinis Q. Fabio Maximo comparatus, obiit XVI. Kalendas Iunias, anno MCCCXCIII, magnifica funeris pompa elatus, multisque laudibus de more publice exornatus. Equestrem eius imaginem pinxit eximius Paulus Uccellius, qui ut narrat celebris Vasarius in eius vita, mortuus est anno MCCCCXXXII. annum agens aetatis suae octogesimum tertium. Matthaeus Palmerius Florentinus in suo Chronico, singularem virtutem, & prudentiam Iohannis Acuti commendans, iisdem laudibus, quae in allata inscriptione leguntur, usus est, paucis mutatis hoc pacto: *Iohannes Acutus, Eques Britannicus, Dux aetatis suae cautissimus, & longa militia magnam rei militaris gloriam affectus, Florentiae diem obiit.* Neque vero ex his argui potest auctorem elogii in honorem Iohannis Acuti fuisse Palmerium, de quo suspicari videtur Leopoldus Meliorius in *Florentia illustrata* pag. 34. Nam Palmerius natus est anno MCCCCV. quo quidem tempore imago Iohannis Acuti procul dubio picta fuerat ab Uccellio, & ornata superius allata epigraphæ, ex elogio, ut diximus, Fabii Maximi desumpta. Insignem Codicem Chronici Matthaei Pal-

merii inscriptum Petro Medici, Cosmae filio, ex certis notis autographo valde proximum, antea nobis incognitum, nuper detexit Dominicus Maria Mannius Typographus Florentinus accuratissimus, ingenii elegantia, & eruditione apprime mihi carus; qui Codex cum altero Continuato-
ris Chronici Mathiae Palmerii Pisani, latebat in Bibliotheca Patrum Carmelitarum Florentiae. In eo, quod scire, tamdiu optarunt viri eruditi, notatus mensis Aprilis, in quo obiit celeberrimus Chronista Matthaeus Palmerius; annus vero haudquaquam dubius ex Codice Annalium Bartholomaei Fontii ex celeberrima Bibliotheca Marchionis Riccardii, in quo scriptum est: *Anno MCCCCLXXV Matthaeus Palmerius, septuagesimo aetatis anno, Florentiae obiit. Funus bonorifice elatum est. Laudavit e suggestu insigni cum oratione Alamannus Rinuccinus in S. Petri Maioris Aede.* Hac de re per epistolam, quae edita est in Parte I. Tom. II. Ephemeridis Literatorum Europae, cura Ioannis Angeli, monuit idem Mannius Cl. V. Iohannem Baptistam Recanatum. Quum igitur ex his non levibus rationum momentis perspicuum sit, Q. Fabii elogium inventum fuisse in Theatro Florentino, ac cognitum viris doctis seculo decimo quarto; quumque auctoritate plurium MSS. Codicum antiquorum, liquido constet Arretii extitisse in Basilica sub statua eiusdem Fabii Maximi, facile, ut opinor, non omnino apud eruditos viros improbabilis erit mea coniectura, plura adlatorum elogiorum autographa per Municipia, & Colonias Romanorum sparsa fuisse, quae statuis in honorem tam illustrium Virorum vel publico, vel privato in loco, vel in Museis dedicandis subiicerentur, adeoque tum Arretii, tum Florentiae, tum Arimini aliisque in Municipiis exstare potuisse; quae postea imperitorum hominum incuria alicubi interciderint. Hae vero Inscriptiones, quae bono fato superfuerunt, adeo celebres, & famosae extiterunt, ut summi doctique viri his lucubrationes suas ornare non praetermiserint, quod maxime omnium fecit doctissimus Sigonius in Commentariis in Fastos Romanos & Capitolinos, ut de Streinnio, Augustinio, aliisque sileam. Reli-

Reliquum est ut de Basilica, in qua collocata ab Arretinis fuere haec praeclara monumenta, aliquid addam his quae mecum in superiori Epistola pag. 225. V. C. Redius communicavit. Cum Civitatum ornamenta sint praeclara aedificia, si quis Basilicas in his praecipuum locum habere arbitretur, a rei veritate minime procul dubio aberrabit. In his convenire priscis seculis solebant Magistratus, ut iudicia tum publica, tum privata exercerent, de rebus agendis pertractarent, testamentorum recitationem audirent, servos manumitterent, in memoriam illustrium virorum honores decernerent; de re publica optime meritis praemia, malis vero poenas darent. In his varia fuisse tribus alia discimus ex Plinio in Epistola ad Maximum ex Lib. II. Basilicarum aedificia ampla, & magnifica, & spatiosa fuere, plurimis fulcita columnis, duplici ordine, quae utrinque porticus constituebant, & subdialem inambulationem praebant, ut auctor est Vitruvius, iis qui tum publicis tum privatis usibus & negotiis vacabant. Haec in singulis Municipiis, & Colonis Romanorum extitisse veteres auctores testantur, atque omnium disertissime Suetonius, qui de Augusti morte haec narrat c. 100. in eius Vita. *Corpus Decuriones Municipiorum, & Coloniarum a Nola Bovillas usque deportarunt noctibus, propter anni tempus; cum interdum in BASILICA cuiusque opidi, vel in aedum sacrarum maxima reponeretur.* Neque ad hanc rem dilucide exornandam desunt veterum lapidum testimonia. Nam in Gruteri Thesauro legimus Neapoli Basilicam, atque in ea Curiam fuisse pag. CCCXLIV. 2. Spoleti Basilicam a solo omni cultu factam fuisse a Sex. Volusio Meliore, Auguratus insignibus exornato, ob honorem Quatuorviratus sui, pag. CLXXI. 1. Apud Caerites etiam magnificam Basilicam fuisse constat ex marmorea Tabula ibidem edita pag. CCXIV. ex qua intelligimus a Decurionibus concessum fuisse Vesbino Augusti Liberto locum publice sub porticu Basilicae Sulpicianae, uti Augustalibus in eum locum congregatis Phetrium faceret; ut alias civitates praeteream, in quibus etiam duas

Basilicas fuisse testantur Gruterani lapides pag. CLXXI. 2. 3. 4. 5. 6. 7. 8. Vitruvius Basilicae Coloniae Iuliae Fane-
 stris aedificandae praefuit, ut de se ipso testatur Libro V.
 Cap. I. Quod autem in Basilicis statuae in honorem vel
 Deorum, vel praeclarissimorum hominum poni solerent,
 subiecta, ut credi potest, rerum ab eis gestarum memoria,
 intelligi facile potest ex aliis apud Gruterum antiquis tabu-
 lis, ac praesertim ex duabus pag. CLXXI. 7. & MLXXX.
 11. quae docent Gabinium Vettium Probianum Virum
 Clarissimum, Praefectum Urbi, statuam Basilicae Iuliae a se
 noviter reparatae, quae ei ornamento esset, adiecisse, ac
 dedicasse XV. Kalendas Februarias, per T. Arrium Bassia-
 num C. V. Curatorem operum publicorum, P. Cornelio
 Anulino iterum, & M. Aufidio Frontone Consulibus, an-
 no videlicet U. C. 951. Christi vero 199. Dubitari igitur
 haudquaquam potest an Arretii Basilica fuerit insigni in lo-
 co constituta, nempe Foro coniuncta [nam ibidem collo-
 cari solebant] & quidem ornata, ut mos erat, pulcherrimis
 inauraturis, marmoribus, columnis, musivis operibus,
 pavimento, opere vel tessellato, vel vermiculato, itemque
 praestantissimorum Virorum statuis, ac monumentis rerum
 ab ipsis gestarum; quod evincunt ea licet pauca a nobis
 superius allata, quae temporum, vel civium incuria non
 interciderunt. Quod vero laudatio Q. Fabii Maximi apud
 nos non perierit, servataque sit altera in honorem Appii
 Claudii, debetur studio doctissimi P. Victorii, apud quem
 citarunt Gruterus, Augustinius, aliique. Plinius in Hi-
 storiae Naturalis Libro XXXIV. Cap. IV. statuarum
 originem exponit, atque effigies hominum perpetuita-
 tem merentium exprimi non consuevisse nisi aliqua illu-
 stri causa; quae res excepta deinde est a toto orbe terra-
 rum humanissima ambitione. *Et iam [inquit] omnium Mu-
 nicipiorum Foris Statuae ornamentum esse coepere, prorogarique
 memoria hominum, & honores legendi aegro basibus inscribi, ne in
 Sepulchris tantum legerentur. Mox in Foro, & in domibus pri-
 vatis factum, atque in atriis. Honor clientum instituit sic colere*
 patro-

patronos. Neque adfirmare vereor statuam, & inscriptionem L. Petronii Tauri Volusiani, Patroni Ordinis Arretinorum, hac in Basilica, vel in proximo Foro, quod etiam statuis illustrium virorum exornari solebat, conlocatam fuisse. Plinius item in epistola 17. Lib. I. Cornelio Titiano laudat Titinii Capitonis egregium studium, omnique laude dignum, qui tum publico, tum privato in loco imagines Heroum colebat, resque ab ipsis gestas carminibus exornabat; cuius verba non pigeat audire. *Titinius Capito ab Imperatore nostro impetravit, ut sibi liceret statuam L. Sullani in Foro ponere. Pulchrum, & magna laude dignum amicitia principis in hoc uti, quantumque gratia valeas, aliorum bonoribus experiri. Est omnino Capitoni in usu claros colere; mirum est, quae religione, quo studio imagines Brutorum, Cassiorum, Catonum domi, ubi potest, habeat. Idem clarissimi cuiusque vitam egregiis carminibus exornat. Scias ipsum plurimis virtutibus abundare, qui alienas sic amat.* Praeter statuas solebant etiam in honorem praestantium hominum poni tum in Basilicis, tum in Museis, in Bibliothecis, & in domibus protomae, quae vel e marmore, vel ex aere erant. Plures protomae summorum Philosophorum, ac Poetarum, atque in primis divini Homeri, ut docti viri credunt, praestanti artificio ex aere factae, nuper circa litus Insulae prope Labronem Etruriae Portum, quae *Meloria* appellatur, repertae sunt, atque in regium Museum Mediceum translatae; quae profecto indicant ibidem aliquod pervetustum, ac nobile Museum fuisse. Marmoreae protomae mentionem fieri observo in veteri inscriptione Gruteriani Thesauri pag. CCCXIV. 2. quam Emundo Figrelío, qui luculenter egit de Statuis illustrium Romanorum singulari Libro, aliisque auctoribus, qui idem argumentum pertractarunt, incognitam fuisse censeo, quum de his inter res notabiliores non meminerit; eratque Figrelío maxime opportunus de his agendi locus Cap. XVII. in quo de forma Statuarum, & de Hermarum origine tractat; a quibus, ni mea me fallit opinio, viriles, vel muliebres protomae, vulgo (*i busti*) originem habuere. Gruteriana Graece inscripta Tabula ita se habet.

H IEPΛ

Η ΙΕΡΑ ΤΑΣΙΣ ΤΩΝ ΠΑΙΑΝΙΣΤΩΝ
 ΤΩΝ ΕΝ ΡΩΜΗ ΔΙΟΣ ΗΛΙΟΥ
 ΜΕΓΑΛΟΥ ΣΑΡΑΠΙΔΟΣ ΚΑΙ ΘΕΩΝ
 ΣΕΒΑΣΤΩΝ ΕΤΕΙΜΗΣΑΝ ΕΜΒΗΝ
 ΠΡΟΦΗΕΗΝ. ΠΑΤΕΡΑ ΤΗΣ ΠΡΟ
 ΓΕΓΡΑΜΜΗΝΗΣ ΤΑΣΕΩΣ ΠΡΟΤΟ
 ΜΗ ΜΑΡΜΑΡΙΝΗ. Η. ΑΝΑΤΕΘΕΙΣΑ
 ΕΝ ΤΩ ΟΙΚΩ ΤΩΝ ΠΑΙΑ
 ΝΙΣΤΩΝ ΤΗ ^ΟΙΙΙ. Α. ΝΩΝΩΝ
 ΜΑΙΩΝ. Η. ΕΣΤΙΝ ΚΑΤΑ
 ΑΛΕΞΑΝΔΡΕΙΣ. ΠΑΚΩΝΙΑ
 ΕΠΙΚΟΤΡΑΤΟΡΟΣ ΜΕΤΕΙΛΙΟΥ
 ΑΜΠΛΙΑΤΟΥ ΠΡΕΣΒΥΤΕΡΟΥ
 ΣΕΣΤΩ ΕΡΟΤΚΙΩ ΚΛΑΡΩ
 Β. ΓΝΕΩ. ΚΛΑΤΑΙΩ
 ΣΕΒΗΡΩ ΚΩΣ

Hoc est : Sacer Ordo Tacanissarum, qui Romae Iovis Solis Ma-
 gni Serapidis, & Divorum Augustorum (appellantur) honorarunt
 Emben Tropbetam, Patrem superscripti Ordinis Protome marmorea;
 quae posita est in AEde Tacanissarum Tridie Nonas Maids; qui
 dies apud Alexandrinos Tacben XI. Curatore Metilio Amplia-
 to Seniore. Sex. Erucio Claro, & Cn. Claudio Severo Cofs.
 anno scilicet U. C. 898. Christi vero 146.

Sublata de his Tabulis manu, superest, ut ex vetustis
 monumentis reliquos illustres Viros memoremus, qui vel
 gene-

generis splendore, vel officiorum amplitudine, & dignitate Arretium nobilitarunt, inter quos eminet C. CILNIUS MAECENAS, vir plane summus, Augusti consiliorum moderator, & familiaris; qui amplissimo literarum, literatorumque patrocinio, nomen suum omnibus Musarum patronis pro titulo fecit. De eius origine ex Etruscorum Regum sanguine, illustrium Poetarum testimonio adeo celebri, de rebus ab eo praeclare gestis, deque egregiis virtutibus omni laude prosequendis, nil opus est ut diutius laborem, cum hanc spartam cumulate expleverit vir omni aevo clarissimus Iohannes Henricus Meibomius, qui de eius vita, moribus rebusque gestis singularem librum conscripsit. Priscam Maecenatis familiam fuisse Cilniam insigni testimonio diserte ostendit Tacitus Annalium Lib. VI. n. 11. qui ita de eo loquitur: *Ceterum Augustus bellis civilibus CILNIUM MAECENATEM equestris ordinis, cunctis apud Romam atque Italiam praeposuit. Caius vero Maecenatis praenomen fuit, auctore Dione Lib. XLIV. Patris vero Lucius, ut docet lapis Gruterianus pag. DCCCCXLV. 10. Id quoque firmatur Macrobiani testimonio Saturnal. Lib. II. Cap. IV. qui ait Augustum in familiari epistola ad Maecenatem, eum appellare iocose solitum Cilnorum smaragdum, & Arretinum laser.* Quibus in locis itemque apud Livium, & Silium Italicum, apud quos Cilnii, & Cilnorum genus memoratur, Codices qui habent Cilinum, vel Cilinium, vel Cillinium, vel Licinium itemque Cilnorum, incuria librariorum foede corruptos esse ostendit doctissimus Lipsius in Notis, atque in Lib. I. Antiquarum Lectionum Cap. XXII. ita concludit. *Hi porro Cilnii sunt, nisi fallor, a quibus primam originem C. Maecenatis, illius Musarum patroni, petendam esse argumento est gentile eius nomen Cilnius; argumento & hic Livii locus, qui Cilnios istos Etruscos Arretinos constituit. Atqui profecto Maecenas populo Etruscus, Domo Arretinus fuit, ut colligitur ex Epistola Augusti apud Macrobianum, in qua praeter cetera delicata nomina laser Arretinum, a patria prima vocatur. Emendandus ita Livius infra, seditio- nibus tantum Arretinorum compositis, & Cilnio genere cum*

cum Plebe in gratiam reducto ; ubi item *vulgati habent* Licinio . In Silio Italico error similis Lib. VII.

Cilnius Arreti Tyrrhenis ortus in oris

Clarum nomen erat :

ubi *perperam* vulgo Cilinus ; nec dubitandum quin aspexerit ad gentem , & ortum Maecenatis . Fluvius in Livio lectionis habeo non solum testem , sed etiam approbatorem eruditissimum Victorem Gisselinum . Eandem sententiam tuetur Meibomius Cap. III. n. 20. qui item alios praeclarissimos auctores recenset . Accedit vetustorum lapidum auctoritas , ex quibus cognoscimus CILNIAM gentem apud Arretinos diu floruisse ; nam in Arretino Suburbio haec exstabat inscriptio , ut testantur veteres Codices manuscripti , quos vidi in Florentina Bibliotheca Stroziae Domus . Fabrettus vero , qui hanc edidit, Inscriptionum Ant. Cap. X. n. 569. ex Schedis Barberinis ait exstare in Hortis Iustiniancis .

10

C. CILNIO. P. F. POM
PAETINO
LEGAT. TI. CAESARIS
AVG.
PRAETORI. TRIB. PLEBIS
QVAESTORI. TRIBVNO. MILITVM
PROCONSVLI

10. Illud quoque liquet ex hoc marmore CILNIAM Familiam in POMPTINAM Tribum relatam fuisse ; in qua, civitatis iure donati Arretini , suffragium tulere ; quod etiam plures Arretinorum lapides perspicue docent . *Pomptina* vero Tribus , supra Urbanas omnes , praecipua nobilitate

litate insignis, una ex Rusticis fuit; ceteris addita anno U. C. CCCXCV. ut memoriae proditum est a Livio Lib. VII. ab agro *Pomptino* sic dicta; nam mendum in Festo esse suspicatur Sigonius, qui eam *Pontinam* videtur appellare, ut forte sit a *Pontia*, opido Volscorum; certe contra lapidum antiquorum fidem, qui omnes habent POM. vel POMPT. non vero PON. seu PONT. Summi honores, quibus functus est C. Cilnius Paetinus, Tiberii Caesaris Legatus, cuivis, ut puto, in antiquorum lapidum studio non peregrino, dilucide patent. Qui vero sequitur Titulus ad eandem Cilniam familiam pertinens, ad hoc tempus existat Arretii, insertus in quodam stylobate Porticus maximi Fori, atque haec continet.

II

D . M
CILNIAE IVS
TINAE
CONIVGI IN
COMPARABILI
QVAE VIXIT AN
XXX:::: D. XXIX
FLAVIVS ANNI
ANVS
B . M

11. Cum superiori inscriptione hanc quoque produxit Fabrettus loco superscripto, atque haec adnotavit: *Agnes hic Maccenatis gentem, omnium literatorum amantissimi. Ad alium vero lapidem, qui Volaterris existat, quem supra*
Mm vul-

vulgavimus pag. 168. n. 12. inscriptum C. Cilnio Varo Quatuorviro Volaterranorum, idem Fabrettus Cap. X. n. 306. adiecit, *Gentilem hic, forsitanque Civem Maecenatis agnoscimus*; quod verum est si C. Cilnium Varum Arretio oriundum faciamus, non vero quod tum Maecenas, tum C. Cilnius Varus Volaterris orti sint, quod quidem nemo ut video, veterum scriptorum destitutus testimonio, hactenus pronuntiavit. Neque vero Maecenatis genus, & origo, ut aliqui fecere, quos recenset Christophorus Adamus Rupertus in Epistola XXXIV. Thomae Reinésio inscripta pag. 217. ad Caccinam Volaterranum, cuius meminit Plinius Lib. C. Cap. 24. & Lib. XI. Cap. 37. de quo etiam supra egimus pag. 159. referenda est; id enim nullo antiquitatis testimonio, sed potius figmentis inniti, Meibomius adserit in suo Maecenate Cap. II. Omnium vero pessime, & contra rei veritatem fecere, qui eius originem ad Liciniorum genus perperam trahentes, auctoritate Livii ex corrupto eius textu, inscriptionem hanc recentem, & ineptam pro vetusto quodam monumento, ut Liciniani Etruriae opidi, in Senensi ditione, augustam facerent originem, commenti sunt, quorum nomini parcendum mihi omnino esse duxi. Ea vero ab indocto quodam conficta inscriptio, ne aliquem fortassis in posterum decipiat, ut ipsum Th. Dempsterum decepit, qui protulit Lib. II. Cap. LV. de Etruria Regali, hanc proferendam esse censui.

**A. MAECENAS. DECVRIONESQ. ARET. VETERVM
LICINIOS. EXILIO. RESTITVERE**

In quodam MS. Codice Iohannis Hieronymi Baccii Patricii Arretini dicitur haec inscriptio reperiri apud Stoppiellum, quod rus secundo ab Urbe Arretio lapide distat. At in MS. M. Attilii Alessii exstare scribitur Arretii apud Cyrum Visdominum. Hoc modo conceptam edidit Gamurrinius Tom. I. Histor. Genealogicae pag. 12. At in quodam MS. Bibliothecae Stroziae Florentiae, quod saepius in manus habui, ita exhibetur.

A. MOE-

A. MOECENAS. REX. DECVRIONES. ARRETINORVM
VETERVM LICINIOS EXILIO RESTITVTOS

Qua quid putidius ineptiusque excogitari possit non inuenio. Nam ut ostenderet Maecenatem Arretinum esse, atque ex regum progenie (quare non pauci Clusinum etiam fecere, ex Porlena Etruscorum Rege ortum ducentem, alii vero de quibus Th. Dempsterus in Etruria Regali Lib. II. Cap. LIV. & LV. ex Cilnio Etruscorum Rege, qui Arretii Regiam habuit) ponit hunc Aulum Maecenatem. Regem, cum potius aliquem ex Cilnia Gente ponere debuisset; ex qua, ut diximus, prodiit C. Cilnius Maecenas, quem equestris ordinis fuisse dicunt Horatius Carm. Lib. I. Ode XX. & Lib. III. Ode XVI. Propertius Lib. III. Eleg. IV. Martialis Libro VIII. Epigr. LVI. & Libro X. Epigr. LXXIII. & Lib. XII. Epigr. IV. Velleius Lib. II. c. 88. Tacitus Lib. VI. Annal. c. XI. Dio Lib. LV. Etruscoque Regum sanguine ortum. Postea Decuriones Arretinorum Veterum nominat, qui magistratus, ut Romae Senatores, plurimis post Etruscos Reges seculis, regendis municipiis datus est. Cetera ex corrupto Livii textu, & contra historiae fidem turpissimo lapsu concinnavit; nam Livius Lib. C. Cilnium genus [Licinium ipsi volunt] praepotens, divitiarum invidia pelli armis coeptum, non vero pulsus, fuisse testatur. Verum vix tanti haec sunt, ut operose refelli debeant. Illud quoque semel monuisse sufficiat, non paucos ad hanc usque diem errare in orthographia nominis Maecenatis, quod vel in prima, vel in secunda syllaba cum diphthongo OE scribere consueverunt, nempe MOECENAS, vel MECOENAS. Posteriolem hanc orthographiam tuetur Christianus Becmanus in Origin. Lat. Ling. Sed contra utramque, veterum monumentorum, & numismatum stat fides, ut videre etiam est in pluribus Titulis Conditorii Libertorum & Servorum Liviae Augustae, in quibus plures Liberti, ac Servi a Maecenate domino, Maecenatiani appellantur.

Mm 2

Ar-

Arretini, ut verisimile est, Maecenatis civis optimi praesidio, Augusto valde cari, atque accepti, rem ei maxime gratam facturi, publici monumenti honore prosecuti sunt Lucium Caesarem eiusdem nepotem, ex Iulia eius filia & Agrippa genitum, adoptione ad imperii successionem cum Caio Caesare fratre evectum; quem etiam, ut augurari libet, Pisianorum exemplo, Patronum Coloniae suae adsciverunt. Exstat in eius honorem ab iisdem positum, hoc marmor coronide circumquaque ornatum, atque praegrandibus, & elegantissimis literis, Augusteo aevo insculptis, eiusdem nomine inscriptum, quod eius statuae subiectum fuisse ut credam, nil prorsus repugnat. Altitudine pedes Romanos duos, & uncias octo, latitudine vero pedes item duos & uncias quatuor non excedit. Insertum nunc est in stylobate sub Xysto Fori Arretinorum, & haec continet, quae, ut dicebam, equestris, seu pedestris statuae dedicationem indicant. M. Atilius Alessius in Commentariis Antiquitatum Arretinarum, quae MSS. nuper vidi in Bibliotheca Nobilium Doniorum Florentiae, se vidisse, ac descripsisse testatur Arretii in Horto Petri Francinii de Monte Acuto:

12



12. Sed contra hanc meam opinionem, quod hoc monumentum in honorem Lucii Caesaris ab Arretinis dedicatum

tum fuerit , illud facere videtur , quod Pontificatus Maximi dignitas eidem tribuitur , quae certe solis Imperatoribus compete-
bat , & quidem uni tantum eorum , si duo Augusti Principes una imperarent ; quod luculenter ostendit Norisius in Dissertatione II. in Cenotaphia Pisana Cap. VII. pag. 170. & 171. notatque primum Caelio Balbino , ac Pupieno Maximo , adversus Maximinum , Imperatoribus a Senatu creatis , una cum ceteris imperii augustis titulis , Pontificatum Maximum utrique delatum fuisse , auctore Capitolino Cap. VIII. in vita eorundem . Id etiam fufius probat Bosius de Pontificatu maximo Imperatorum , & Pagius ad annum CLXI. n. VI. Praeterea certissimum illud est Lucium Caesarem ne quidem Pontificem declaratum fuisse , creatumve Pontificem Romae in aliquo Collegio . De Caio Caesare eius fratre constat scriptorum , & antiquorum lapidum testimonio penes Gruterum pag. CCXXCIV. 4. & Panvin. Lib. II. Fast. ad A. U. DCCXLIX. a Senatu , & Populo Romano , ob honorem Domus Augustae Kalatis comitiis Pontificem creatum fuisse , numquam vero Maximum ; qua dignitate solus Augustus fungebatur . Quid igitur de huius lapidis inscriptione dicendum est ? reiiciendane est inter spurias , ut aliqui facili negotio de huiusmodi inscriptis saxis iudicant ? Nequaquam id ego faciendum cenfeo ; imo genuinam sinceramque & antiquam epigraphen esse offendo . Verum equidem est Lucium Caesarem Pontificatu , eoque minus Maximo haudquaquam insignitum fuisse ; attamen quod in Municipio , & Colonia Arretinorum Pontifex Maximus vel adulationis causa a Decurionibus renuntiatus fuerit , huius marmoris testimonio , rationumque momentis quis inficiari potest ? Fuisse in Municipiis , & Colonis Pontifices nemo in antiquitatis eruditione vel aliquantulum versatus ignorat . Nam id perspicue antiqua marmora testantur . Pauca libet indicare in Gruteriano Thesauro pag. CCCV. 10. CCCXLV. 8. 9. CCCXCIV. 7. CCCXCV. 8. CCCCLXXIX. 8. & pag. LXVI. 3. in quo sacra publica municipalia memo-

ran-

rantur . Hos Pontifices Coloniarum , & Municipiorum , vel ad tempus , vel perpetuos fuisse constat ex adlato superius Pisano lapide pag. 15. in honorem Felicis Herculei Pontificis Perpetui Reipublicae Pisanae . Sex vero Pontifices in his constitutos fuisse docet Cicero in Agraria secunda n. 92. his verbis : *Huc isti Decemviri , cum numerum colonorum ex Lege Rullis deduxerint , centum Decuriones , decem aediles , sex Pontifices constituent .* Hunc tamen numerum non semper , & ubique servatum observo ex veteri inscriptione a Grutero adlata , in qua in solemnibus , ut opinor , statuæ dedicatione in honorem Tiberii Caesaris , Albani Pontifices quatuor tantum nominantur pag. CCXXXV. 8. Fuere quoque in Collegiis Pontificum Municipalium Pontifices tum Maiores , tum Minores ; vel dignitate , vel officio , vel antiquiori cooptatione inter se distincti . Priorum frequens habetur mentio in antiquis saxis e Gruteriana supellectile pag. CCCLX. 3. 4. CCCLXI. 1. CCCLXIII. 2. CCCCXXXIII. Posteriorum vero pag. CXXIX. 8. CCCCXI. 1. Pro huius generis Pontificibus , quos nominare possemus , sufficiat T. Statulenus Iuncus , Princeps Coloniae Pisanae , qui Flamen Augustalis fuit , & PONTIFEX . MINOR . PVBLICORVM Populi Romani SACRORVM ; cuius Pontificatus dignitatem inexhausta eruditione illustrat Emin. Norisius in Cenotaphia Pisana Dissertatione I. Cap. V. qui agit de Pontificum maiorum & minorum distinctione , eorumque Collegiis . Exemplo Collegii XV Pontificum Romae instituto , inter quos erat qui PONTIFEX MAXIMVS appellabatur , Municipia , & Coloniae Collegium Pontificum habuerunt , vel Maiorum , vel Minorum ; atque inter hos is MAXIMVS nuncupatus , qui primus in id Collegium venit , item minimus , qui novissimus , auctore Festo in V. Pontifices Minores . Nec desunt exempla constituti Pontificis Maximi in Collegio Pontificum Municipalium ; nam lapis Andinus prope Mantuam , positus est P. VERGILIO P. F. PONTIFICI MAXIMO SABINORUM , qui populi Trans-Padanae regionis sunt in Euganeis , quem explicat Reinesius in suo Syntagmate Classe VI. n.

100. quem operae pretium est ut consulas. De hoc item Pontificatu Maximo in Collegiis Municipalibus, sive Colonialibus, nonnulla notavi in Classe IV. n. 1. Inscriptionum Antiquarum ex Collectaneis Donianis. Hoc igitur modo Arretini, cum Lucium Caesarem Augusti filium honoris causa in Collegio Pontificum cooptassent, Pontificem esse Maximum, huiusque summae dignitatis publicum exstare hoc monumentum voluerunt. Quod vero apud Arretinos Collegium fuerit, in quo praeclari viri Pontificatus munere fungerentur, perspicue id etiam docet omnium rarissima, atque insignis haec marmorea Tabula, qua maiorum incuria stratum fuerat pavementum Ecclesiae S. Aegidii, sub Paroecia S. Pancratii in Valle Ambrae, Dioeceseos Arretinae; quae ne intercideret, delereturque, nuper egregia cura Ill. Gregorius Baiulivus Reditus auctor fuit ut transferretur in Claustrum Monachorum Camaldulensium S. Mariae in Gradibus, quae haec notatu digna habet.

13

L. VALERIO
L. F. POM
IVNIORI. EQ. P
IVRAT. AD SACRA
ETR. PONT. Q. AED. ILVIR
ACCENSO. VELATO
PLEBS VRBAN
L D D D

13. Hanc primus omnium edidit Gruterus ex Pighianis schedis, pag. CCCCLXXIX. 1. verum in emendatam, ac praefertim in tertia linea, nempe EQ. R. pro EQ. P. qui & Fa-

Fabrettum decepit Inscriptionum Ant. Cap. VI. pag. 434. Ita vero interpretanda est: *L. Valerio L. F. Pompina Iuniori, Equo Publico, Iurato ad Sacra Etruriae, Pontifici, Quinquennali, AEdili, Duumviro, Accenso Velato, Plebs Urbana, Loco Dato Decreto Decurionum*. In singulis honoribus, qui in marmore recensentur, explicandis, aliquantulum immorari oportet. Primum vero de equestri eius ordine, [fuit enim Equitum in Municipiis, & Coloniis census CCCC millium, nummum] qui primus inter ceteros honores recensetur, quod equo publico exornari meruerit, cum de eo nonnulla superius dixerimus, supervacaneo labore nolumus heic rursus lectorum aures obtundere. Plura de his scire cupientibus Sigonius indico de antiquo Iure Italiae Lib. II. Cap. VIII. & Norisium in Cenotaph. Pis. Dissert. I. Cap. III. Illud quanta fieri potest diligentia investigandum, explicandumque est quid sibi velit honorifica appellatio *IVRATI AD SACRA ETRVRIAE*, [sive *ETRVSCA*, ut Fabrettus interpretatur, loco paullo ante superscripto, Sirmondus tamen ad Themistii orationem XII. & Scaliger in Indice Gruteriani Thesauri interpretantur *AD SACRA ETRVRIAE*, quod magis placet] cuius in hoc tantum lapide ab Urbana Plebe Arretinorum dicato, una ut auguror cum statua in honorem *L. Valerii Iunioris*, singularis, ac difficilis existat memoria. Exponendum igitur videtur quae nam fuerint *Sacra Etruriae*, sive *Etrusca*, & qua de causa, qui his sacris adhibebantur *IVRATI* dicerentur; qua in re dilucidanda non parum torfi meum ingenium, amicorumque exercui iudicium.

Iuratum ad *Sacra Etrusca* *L. Valerium Iuniorem* dici puto in hoc marmore, quod cum ipse Augur esset, iudicium faceret dignitatis eorum, qui in Collegio Augurum cooptandi erant; cuius iudicio adprobationique ceteri omnes Augures starent, quique cooptatos iuxta Augurum, *Etruscorum* instituta inauguraretur. Hanc meam explicationem haurio ex Ciceronis eximio quodam loco, in quem dum legerem eius libros de Oratore, cum superiora illustri-

um

um Virorum elogia exponerem, forte fortuna incidi. Principio igitur Libri de Claris Oratoribus, qui dicitur Brutus, ita inquit: Cum e Cilicia Rhodum venissem, & ed mihi de Q. Hortensio morte esset adlatum, opinione omnium maiorem animo cepi dolorem. Nam & amico amisso, cum consuetudine iucunda, tum multorum officiorum coniunctione me privatum videbam, & interitu talis AVGVRI dignitatem nostri COLLEGII diminutam dolebam: qua in cogitatione, & COOPTATVM ME AB EO IN COLLEGIUM recordabar, in quo IVRATVS iudicium dignitatis meae fecerat: & inauguratum ab eodem, ex quo AVGVRYM institutus in parentis eum loco colere debebam. Quod vero Cicero Romae in Collegio Augurum cooptatus esset, in Philippica II. id non tantum ipse tribuit Q. Hortensio, verum etiam Cnaeo Pompeio, testaturque his verbis: Quod enim ipse me AVGVREM a toto Collegio expetisum Cn. Pompeius & Q. Hortensius nominarunt; neque enim licebat a pluribus nominari. Quo testimonio quid clarius apertiusque adferri possit ad huius lapidis explicationem iudicet acquissimus Lector. Neque vero eruditus viris placere posse arbitror Francisci Mariani Viterbiensis explicationem, qui in Dissertatione de Etruria Metropoli Cap. IX. pag. 59. hunc Arretinum lapidem a Grutero adlatum citat, eumque illustrans ait: *Sacra Etrusca dicebantur, in quibus lege sacrata vir virum legebat*; adducto Livii loco Lib. XI. & pluribus in locis, non videns inter legem sacratam, & Sacra Etruriae magnum esse discrimen, ad hunc ipsum lapidem digitum intendens, ait iuratum dici ad Sacra Etrusca eo quia ritus Etrusci in continendis exercitiis observabantur. Qua explicatione quid obscurius, alieniusque a rei veritate inveniri possit, viri in antiquitatis cognitione non omnino rudes iudicent; neque vacat in his refellendis curam ponere. Augurandi apud Romanos artis & disciplinae auctores fuisse Etruscos nemo ignorat, neque ut id probetur, rationum auctoritatumque indiget momentis. Sacra item auguria habita fuisse certum est, cum maiorem partem Sacrorum constituerent, eaque praecipue sacra ob id censerentur, quod praesertim ad Deum pertinerent, quaeque in Deorum sacrificiis

ciis frequentius captarentur, vel ex avium volatu, quem, ut ait Ammianus Marcellinus Histor. Lib. XXI. Deus dirigit; vel ex fulminum sacris alis, de quibus supra diximus pag. 81. Si quis autem velit **IVRATVM** appellatum fuisse, tum cum qui in Augurum Collegio nominabat, & cooptabat, tum etiam eum qui nominabatur, & cooptabatur, non repugno. Ut enim huic quoque opinioni assentiam facit praeclara in antiquis monumentis explicandis doctissimi Panvinii auctoritas, qui in Libro de Civitate Romana, de Augurum Collegio differens, haec notat: *Quum enim SACRORVM arcana neminem qui Augur non esset cognoscere vellent; ubi quis Augur cooptatus esset, IVRE IVRANDO adigebatur, Augurum res nemini se dicturum; privatum vero eum postea factum, eo sacramento liberum esse volebant.* Contra vero milites ad militiam nonnisi iuramenti sacratione interposita, ut Festi utar verbis, admissi, nequaquam aliter quam soluti sacramento ab ea liberabantur. Neque etiam Consules ad consularem dignitatem accedebant, nisi prius iurassent; cuius consuetudinis discrete meminit Plinius in Panegyrico ad Traianum. Iurabant quoque cum magistratu abirent, ut docet Cicero in Pisoniana. *Ego cum in concione, abiens Magistratu, dicere a Tribuno plebis prohiberer, quae constitueram; cum is mihi tantummodo ut iurarem permitteret, sine ulla dubitatione iuravi Rempublicam atque hanc Urbem mea unius opera esse salvam. Mibi populus Romanus universus illa in concione non unius diei gratulationem, sed aeternitatem immortalitatemque donavit, cum meum IVSIVRANDVM tale, atque tantum, IVRATVS ipse una voce, & consensu approbavit.* Illud quoque silentio praetereundum non est, hac loci opportunitate, eos penes quos iudicandi eligendique potestas esset, **IVRATOS** esse appellatos. Senatus **IVRATI** meminit Plinius Hist. Nat. Lib. VII. Cap. 34. *Vir optimus, inquit, semel a condito aegro iudicatus est Scipio Nasica a SENATU IVRATO.* Tacitus item audiendus Annalium Lib. IV. 21. *Relatum & de Cassio Severo exule, qui sordidae originis, maleficae vitae, sed orandi validus, per immodicas inimicitias, ut iudicio IVRATI SENATVS Cretam amoveretur, effecerat.* Senatus

tus vero iuratus, ut ad eum locum pluribus auctorum locis adductis notat Lipsius, tunc erat cum Deum testem advocabat, se censiturum quod e fide sua, reque publica videretur. Apud eundem Tacitum Histor. Lib. IV. 6. item fit mentio MAGISTRATVS IVRATI, his verbis. *Ceterum eo Senatus die, quo de imperio Vespasiani censebant, placuerat mitti ad Prinetem Legatos. Hinc inter Helvidium, & Eprum, acce surgium. Priscus eligi nominatim a MAGISTRATIBVS IVRATIS, Marcellus urnam postulabat, quae Consulis designati sententia fuerat.*

Quod si haec mea interpretatio non placeat, quam tamen non omnino improbandam sperare libet, aliam propono, nempe quod L. Valerius Iunior initiatus fuerit Sacris Etruriae, nempe Bacchi mysteriis; in qua sententia esse videtur Vir Clarissimus mihiq; amicissimus Matthaeus Aegyptius, qui elegantissimum, atque omnigena eruditione refertissimum, dum haec scribo, Commentarium in Lucern edidit in vetus Senatusconsultum de Bacchanalibus, in quo hanc inscriptionem laudat pag. 63. quod quidem Opus Auctario, quamplurimisq; antiquis Inscriptionibus ad hanc diem incognitis, Neapoli exstantibus, locupletare nunc studet. Sacra enim Etruriae intelligit Bacchanalia: nam ut ipse observat pag. 16. cum Phoenicum Aegyptiorumque religiones, ac praecipue Bacchi cultum Tyrrheni addidissent, in Italiam importarunt, Tyrrhenosque Ionii sinus accolae docuerunt; a quibus tandem Bacchanalia, Dionysia, Corybantica, sive quocumque tandem appelles nomine, foeda illa mysteria Etruscis Campanis tradita, ad Romanos pervenere. Dicitur autem L. Valerius Iunior IVRATVS AD SACRA ETRVRIAE, quod scilicet in secundo gradu ea Mystera participaverit, nempe iusiurandum praestiterit, nemini se ea arcana sacra enuntiaturum; quos gradus ex Clemente Alexandrino, & Harpocrate idem eruditissimus Auctor enumerat. Quod autem Sacris Mysteriis initiati per varios gradus probari deberent, atque hic ritus, & consuetudo diligenter observaretur, dixi in explicatione

Vasionensis arae in Classe II. n. 12. Inscriptionum Antiquarum ex Collectaneis Donianis, quam L. Aponius Chrysomallus Deo Invicto Mithrae OB. GRADVM. PERSICVM. DEDICAVIT. Exstat etiam apud Gruterum pag. CCCXV. 3. in Cordubensi lapide, si tamen legitimus est, mentio cuiusdam viri INITIATI HERCVLIS Sacris. Ex quibus omnibus constat per multa secula ritum initiandi occultis Deorum Sacris, iurandique probationes durasse; adeoque Arretii celebre, & perantiquum fuisse vel Augurum Collegium, vel Bacchi sacra mysteria maxime cultu frequentata fuisse.

Ad alia, quae in hoc insigni marmore scripta sunt, nunc revertor. Atque illud notandum est quod primum in eo expositis dignitatibus, atque officiis, quae perpetuo exornabant L. Valerium Iuniorem, alia recensentur quae temporaria erant, quaeque non omnia simul ab eo geri poterant. In Scaligeriano Indice ad Gruterum Cap. III. Ministrorum Sacrorum, nota illa Q, quae aliam PONT. subsequitur in hoc marmore, exponitur *Quinquennalis*, quasi L. Valerius Iunior fuerit *Pontifex Quinquennalis*; quare nonnulli putarunt Pontifices ad quinquennium creatos fuisse. Verum duas in antiquis monumentis expressas dignitates, & quidem diversas censet Norisius in Cenotaphia Pisana Dissertatione I. Cap. V. pag. 73. ut Quinquennales fuerint in Coloniae, qui Romae Censores dicebantur; quod erudite probat. Verum ego haec cum nota illa Q praecedat aliam AED. ad eius Quaesturam, non ad Quinquennalitatem refero; nam in sexcentis lapidibus [uti etiam in vetustis faxis interpretantur magni viri Manutius, & Scaliger] frequentes sunt Quaestores, AEdiles. Praeterquamquod ad designandam Quinquennalitatem non unica Q, sed duabus QQ saepius utuntur veteres; cuius rei exemplum habes in Classe IV. Inscriptionum Ant. ex Donianis Collectaneis n. 1. in qua legitur C. AVFIDIO. C. F. CAM VERO. PONT. Q. II. VIR. QQ. in qua illustranda non paucis exemplis ibidem ostendi, interpretandum esse *Pontifici*, *Quaestori*; *Duumviro*, *Quinquennali*, quod etiam in hoc Arretino lapide adfirmo.

Illud

Illud praeterea huius lapidis, itemque aliorum, quos indicabo, auctoritate observandum est, in recensendis dignitatibus, & officiis usitatori stylo nullum servari ordinem, contra Fabretti sententiam, qui Capite VI. Inscript. Ant. pag. 434. ait: *Tritum enim est a prioribus exiguis titulis, prout cursus bonorum postulat, semper ad insigniores, crescentibus cum aetate meritis, inscriptiones procedere; Et tamen in Grutero pag. CCCCLXXIX. 1. [loquitur de hoc Arretino marmore] post titulos Equiti Romano (Equo publico legendum addita formula exornato, honorato) Iurato ad Sacra Etruriae, Pontifici (adde Quaestori) AEdili, Duumviro, iste Accensi Velati ultimus summusque reponitur. Sed hanc Fabretti opinionem moderandam esse, utpote non semper veram, complures lapides manifeste ostendunt, in quibus nulla dignitatum titulorumque recensendorum habetur ratio, ut a minoribus gradatim ad maiores procedatur; idque superius ad Arretinum lapidem notavimus pag. 194. nam promiscue frequentius exponuntur, prius tamen personalia, dein realia munera laudantur; ac duo praesertim, apud Gruterum pag. CCCCLXXXIII. 3. CCCCLXXXV. 6. in quibus officium ACCENSI VELATI in ingenuis viris praepositur aliis titulis Duumviratus, & Quinquennialitatis, &c. Nam si verum esset a minoribus muneribus ad maiora recensenda procedi in inscriptionibus, licet hunc Arretinum lapidem excipiat Fabrettus, Accensi Velati officium maius habendum esset municipali Pontificatu, Duumviratu, Quaestura, AEdilitate, quod procul dubio falsum est. Siquidem Accensi Velati titulo plures Liberti insigniti occurrunt; qui ita appellati fuere, quod vel Sacris Collegiorum apparerent, vel quod in ministerio Consulium, & Magistratuum occuparentur. At L. Valerio Iuniori, Equestri dignitate conspicuo in Municipio suo, & Colonia Arretinorum, ingenuo, ac nobili patre orto, tale ministerium Libertorum proprium, minime convenit. Neque etiam eo officio functum credendum est, quod militibus accensus fuerit, ut in demortuorum militum locum*

cum subrogaretur , & defectum legionum suppleret , ut de his explicat Salmasius de Re Militari Romanorum Cap. XIV. & XV. nam & id L. Valerio prorsus indignum est . Sed quo in genere Accensorum Velatorum { quos in Collegium coaluisse primus omnium observat Fabrettus Cap. VI. Inscr. Ant. pag. 433. } recensendus sit , docet omni aevo clarissimus Philippus a Turre , Episcopus Adriensis in Commentario in Inscriptionem M. Aquilii Cap. III. pag. 35. postremae Romanae editionis , in quo meminit huius L. Valerii *Accensi Velati* , eiusque officium , & munus eruditissime illustrat , quod scilicet in re sacra ministerium praestiterit . *Cieri quippe , inquit , oportuit populum ad sacrificia , horam designari , & silentium , quo religionis maiestas constat , indici.* VELATOS vero appellari in inscriptionibus Romanos Cives observat , quod & ipsi velato capite Sacerdotibus sacrificantibus ministrarent ; quod etiam diserte probat non paucis auctorum testimoniis , ad quem prudentem lectorem remittimus .

Locus in quo vel statua , vel inscripta marmorea Tabula dedicaretur in honorem L. Valerii Iunioris datus legitur Plebi Urbanae decreto Decurionum Arretinorum ; quod quidem , eorum auctoritate adhibita , locoque publico ab ipsis dato , magnopere viri , qui honorabatur , dignitatem , ac decus augebat . Non semper tamen constat in ponendis statuis ac Titulis , a Plebe , sive Urbana , sive ab Incolis , Decurionum auctoritatem requisitam . Nam id observari potest tum in pluribus editis inscriptionibus , tum etiam in his , quas superius adduxi pag. 54. & 55. ad Senensem lapidem , atque in hac marmorea Tabula , quam subicio , quae vel temporum iniuria , vel civium negligentia intercedit . Hanc Arretii olim extitisse adfirmat M. Attilius Alessius Civis Arretinus , paullo superius laudatus , itemque Iohannes Petrus Stephanonius , qui descripsere , atque ex his Cl. Iohannes Baptista Donius in suis Collectaneis , qui dicunt positam fuisse in Aedibus Priorum , sive in Curia . Idem testatur MS. Baccianum praelaudatum , itemque Gamurrinius Tom. I. pag. 53. quam Fabrettus edidit ex Sche-

Schedis Barberinis Cap. XI. n. 83. non indicato, ut solet loco, ubi exstaret. Ea igitur haec habet.

14
SEX. SATRIO. SEX. P.
PAL. IVSTO
PRAEF. FABR. AVG
QVAESTORI. AEDILI
II. VIR
PLEBS VRBANA
PECVN. SVA

14. Hunc lapidem aliunde Arretium advectum fuisse suspicari quis posset, cum Sex. Satrius Iustus, non *Tompri-*
nam Tribum, Arretinorum Civium propriam, sed *Palati-*
nam, in qua census fuerat, perspicue praeferat. Verum, ut superius dicebam pag. 95. suspicor nobiles viros, qui Augusti imperio, in Colonia ab eo deductis, magistratus gessere, vel earumdem Curatores fuere, indulgentia Romanorum Imperatorum, Tribuum Coloniarum suarum, in quibus descripti fuerant, nomen praeferre maluisse; quae tamen opinio accuratius expendenda erit. Certe cum tanta fuerit maiorum nostrorum incuria, vel ignorantia in his priscae aevi reliquiis, vel negligendis, vel perdendis, vix credi potest eos aliunde haec monumenta, quae hodie tantam tum Civibus, tum Civitatibus dignitatem, ac splendorem afferunt, ad se advehi curasse. Illud etiam eruditorum observatione non prorsus indignum adiciam, frequenter Cives alicuius Coloniae, seu Municipii, ad honores gerendos aliorum Municipiorum, & Coloniarum honorifice

risce accitos fuisse ; quod notari potest in sequenti lapide ,
qui ad hanc diem visitur Arretii in Xysto medianae partis
AEdium Priorum , qui tamen in medio fractus est.

15

Q. SPVRINNAE. Q. F.
P. QVINTIANO
EQ. PVB. LAVR. LAVN
AEDIL. II VIR. CVRAT
KALEND. PLEB. ARRET
CVR. REIPVBL. VETVLO
NENSIVM. PLEBS
VRBANA
L. D. D. D.

15. Haec inscriptio , in gratiam tironum in antiquitatis studio , ita interpretatur : *Quinto Spurinnae Quinti Filio , Pomptina [Tribu] Quintiano , Equo Publico , Laurenti Lavinatum , AEdilis , Duumviro , Curatori Kalendarii Plebis Arretinorum , Curatori Reipublicae Vetulonienfium , Plebs Urbana Loco Dato Decreto Decurionum .* Liquet igitur Q. Spurinnam Quintianum Civem fuisse Arretinum , ex Equestri Ordine , qui in Municipiis , & Colonis dignior erat Decurionum Ordine , atque apud Cives suos complura gessisse munera , nempe AEdilitatem , Duumviratum , Curatoremque fuisse Kalendarii Arretinorum , cum tamen fuisset Curator Reipublicae Vetulonienfium . Neque vero (ni meus me fallit animus) tertius versus ita legendus atque explicandus est , ut Q. Spurinna Equo publico exornatus fuerit apud Laurentes Lavinates ; videtur enim mihi Equestri Ordini adscriptus

ptus fuisse apud Arretinos cives suos, non vero apud Laurentes Lavinates. Additæ vero notæ LAUR. LAVIN. ut supra diximus cum Reinesio pag. 198. quæ interpretantur *Laurenti Lavinatum*, indicant Q. Spurinnam Quintianum eo in Municipio, & Colonia coopatum fuisse in religioso coetu, atque, ut credibile est, lunonis sacerdotio insignitum, quæ ibidem in celebri Collegio a peculiaribus Sacerdotibus, peculiaribusque sacris impensus colebatur. Nec novum, aut incognitum est viris doctis curam duorum Municipiorum, sive Coloniarum uni homini demandatam fuisse; nam lapis testatur Q. Spurinnam Arretinum Civem, ut Tribus Pomptina indicat, fuisse Curatorem Kalendarii Plebis Arretinorum, de quo munere supra disseruimus pag. 23. itemque Curatorem Reipublicæ Vetulonensium. Nam, ut paucis in re tam perspicua utar exemplis, apud Gruterum pag. XLV. 2. & CCLXXVI. 3. C. Julius Priscianus V. C. Curator fuit Reipublicæ Pisauriensium, & Fani Fortunæ, uti interpretor, deleto mendo, pagina vero CCCXXXIII. 1. C. Luxilius Severus Egnatius Proculus, Pomptina Tribu valde nobili census, Curator fuit Reipublicæ tum Pisauriensis, tum etiam Fanestris, itemque earumdem Coloniarum Patronus. Hac loci opportunitate item observo unum eundemque Civem magnificentissimum ædilitatis munus gessisse in duabus Colonis, seu Municipiis, quod de T. Catinio Severo memorat Puteolanum marmor editum a Reinesio, ex Donii Collectaneis, Classe VI. n. 22. qui fuit Curator, & AEdilis Coloniae Puteolanorum, itemque AEdilis, & Triumvir bis in Colonia Auximatum. Idem adfirmari poterit de aliis muneribus, de quibus non est huius loci alia adferre exempla. Patrocinii honorem atque hospitalem teseram oblatam summis viris a pluribus Municipiis, & Colonis, Collegiis, & Provinciis superius pag. 209. adnotavimus.

Scribitur in hoc lapide VETVLONENSIVM. sed apud Plinium Lib. III. Cap. 4. *Vetulonenses* appellantur, quod genuinæ nomenclaturæ propius accedit. De situ Vetuloniæ.

Oo

loniæ.

Ionienſium in Etruria non conſtare adfirmat Th. Dempſterus de Etruria Regali Lib. IV. Cap. XIII. Sed ex antiqua Tabula Itineraria colligere poſſumus; eos conſtitutos fuiſſe inter Vada Volaterrana, & Populonium. Vetuloniam Urbem collocat Phil. Cluverius Ital. ant. Lib. II. pag. 472. circa paludem Calidarum Aquarum; quam *le Caldane* vocant ex Plinio Lib. II. Cap. 103. & fluuiolum Corniam; atque exſtare etiam hodie inter Populonii ruinas, & Turrim S. Vincentii III. millibus paſſuum a mari, inſignes Urbis antiquae reliquias, vulgari vocabulo *Vetulia* dictas, & Silvam iuxta, ſeu circum ſitam *Veſetta*. Nuper vero Fr. Marianus, ubi Viterbium eſt, Vetuloniam exiſtiſſe contendit, de Etruria Metropoli Cap. XVII. XVIII. & XIX. ubi hanc inſcriptionem pluribus mendis foede corruptam adfert, atque exiſtimat Quintum Spurinnam Vetulonienſem fuiſſe; cuius ſphalmata virorum doctorum caſtigations deſiderant. Nec dubitandum certe eſt Vetuloniam unam fuiſſe ex XII. principibus Etruriae Urbibus, & quidem antiquiſſimam, ſummaeque dignitatis; quae Etruſcis incolentibus, Lucumonem habuit, ſupremo faſtigio, ſummoque magiſtratu in capitalibus Etruriae urbibus inſignem; quod memoriae prodidit Dionyſius Halicarnaeſeus Libro II. a qua multa honoris inſignia acceperunt Romani, teſte Silio Italico Lib. VIII. Punicorum v. 485. qui ita cecinit:

Maeoniaeque decus quondam Vetulonia gentis

Biſſenos haec prima dedit praecedere ſaſces,

Et iunxit totidem tacito terrore ſecures.

Haec altis eboris decoravit honore curules,

Et princeps Tyrio veſtem praetexuit oſtro

Haec eadem pugnas accendere protulit aere.


Perſpicuum eſt etiam eodem Dionyſio auctore Lib. III. Vetulonienſes cum Cluſinis, Arretinis, Volaterranis, & Ruſellanis ſociali foedere iunctos fuiſſe; nam de communi ſententia hi tantum Etruriae populi polliciti ſunt ſubmiſſuros ſe auxiliorum quantum opus fuiſſet Latinis, qui contra Tarquinium Priſcum auxilium petebant & a Sabinis, & ab Etruſcis.

scis . Vetuloniam , Municipium fuisse Romanorum , ex eo probat Cluverius loco superscripto , quod in antiqua inscriptione [hanc procul dubio indicat apud Gruterum pag. MXXIX. 7. cuius in Thesauro singularis haec est] memoratur VETVLONENSIVM PLEBS VRBANA . Sed perperam interpretasse mihi videtur ; nam VETVLONENSIVM appellatio cohaeret Reipublicae , PLEBS vero VRBANA spectat ad Arretinos , qui hoc publico perhonorifico monumento posteris commendarunt Q. Sperinnam Quintianum Civem suum . Nam haecenus minime legi in vetustis saxis , exempli gratia , INTERAMNATIVM PLEBS VRBANA ; sed PLEBS VRBANA INTERAMNATIVM ; & sic de singulis , quod per se quisque cognoscere potest in Scaligeriano Indice . Cap. X. in vocibus PLEBS , & POPVLVS . Non raro etiam PLEBS VRBANA absolute ponitur , non indicata Colonia , seu Municipio ; tunc vero ad eos Municipes , & Colonos spectat , ubi marmor erutum fuerit . Huiusce rei exemplum , ut ad nostra semper digitum intendam , habes in Parte I. pag. 201. ubi Augustalibus epulum , & Plebi Urbanae divisiones iubentur ; neque vero de aliis Augustalibus ; neque de alia Plebe Urbana , quam de Florentina intelligendum est . Illud observandum est in hoc lapide , *Pomptinam* . Tribum notari unica tantum initiali littera P. quod Fulvio Ursino , Viro longe eruditissimo , inusitatum , ac novum fortasse visum est ; nam Gruterus , qui ab eo accepit , & vulgavit pag. MXXIX. 7. post eandem litteram P. puncta quaedam , quae lacunam defectumque litterarum indicarent , adpinxit , quae non habet marmor ; locumque siliuit ubi reperiretur . Frequentius tamen notata eadem Tribus unica tantum initiali syllaba POM , id est *Pomptina* , ut in sequentibus sepulchralibus Titulis , qui Arretii exstant . POMPT. vel POMPTIN. interdum etiam scriptum occurrit , ut inferius ostendam . Nec raro etiam omissa Tribus , ut in adlato superius lapide pag. 62. in honorem Q. Fabii Celeris Equitis Arretini , & in reliquis adferendis , videlicet in Urna Sex. Saenii Prisci , & in lapide qui spectat ad A. Paccium ,

& Q. Cavium Duoviros Arretinos, qui Pontem dedicavere.

Quod superest ad explicationem huius inscriptionis ; quam suppositam fuisse arbitror statuae Q. Spurinnæ, illud monebo apud Suetonium in Iul. Caesare c. 81. & Val. Maximum Lib. I. Cap. 6. & Lib. VIII. Cap. 2. auctoritate huius lapidis legendum esse *Spurinnam*, non *Spurinam* ; quem constat fuisse aruspicem Romae insignem, Arretio fortassis oriundum, atque huiusce Q. Spurinnæ Quintiani gentilem, qui fatalem diem Iulio Caesari praedixit. Huius item gentilem, & Arretinum credo, Spurinnam iuvenem illum pudicissimum, quem Etruscum fuisse testatur idem Valer. Maximus Lib. IV. Cap. 5.

In Urna marmorea alta pedem 1. longa pedem item unum supra dimidium apud Nobiles Forti.



16. Quantaе vero virtutis, ac laudis fuerint Arretini in Romana Republica, & quanto in honore apud Imperatores Tiberium Claudium, & Vespasianum, & Titum, liquido ostendunt haec duo fragmenta e Tiburtino lapide, litteris hodie fugientibus, quae exstant Arretii in Via Sacra, in muro Monialium D. Catharinae, e regione Horti Monachorum Casinensium.

AR-

17

ARTIO . L . F . POM

RO. TRB. MIL. LEG. III. III VIR. V

AED. CVR. PR. LEG. TI. CLAVD I CAE


PR. PROVINCIAE, MOESIAE. LEG. IV. SCYT

V. MACED. PROCOS. PROV. ACHAI

A. SOR. B. M. EX D. D. P

17. An nomen huius praestantis viri, qui laudatur in marmore, fuerit ARTIVS, cuius familiae sit mentio in Gruterianis pag. DXCIII. 4. an vero LARTIVS, cuius item frequentior habetur in iisdem memoria, alii investigabunt. Fractum enim marmor in paucis suppleri potest. Ex secunda linea liquet fuisse Tribunum Militum Legionis Tertiae, Triumvirum Viarum curandarum; quod munus iisdem notis expressum vide apud Gruterum CCCXCII. 4. Ex tertia linea Aedilem Curulem, Praetorem, Legatum Tiberii Claudii Caesaris. Ex reliquis Proprietorem, ut arbitror, Provinciae Moesiae, Legionis Quartae Scythicae; Quintae Macedonicae, Proconsulem Provinciae Achaiae. In ultimo versu, A. SOR. B. M. legendum putarem EXTRA. SORTEM. eo quod sorte contingeret summis viris regimen Provinciarum; quod ex scriptoribus Romanae Historiae notum est; praesertim ex Velleio, qui ait Lib. II. n. 18. *sorte obvenisse Sullae Asiam provinciam*; idque de Lucio Lucullo adfirmat Lib. II. n. 33. Id quoque disertè confirmat Atinensis inscriptio n. 145. in Classe V. a me edita in Collectaneis Donianis, quae haec tribuit C. Vettio Cossinio Rufino, PROCONSVLI. PROVINCIAE. ACHAEAE SORTITO. Melius igitur, ut heic observo, ad SORTITO quadrat Proconsuli Provinciae Achaiae, quam ut putaveram, PONTIFICI. DEI. SOLIS. Talem vero tantum-

tumque honorem hic Arretinus Civis consecutus esse videtur, ut EXTRA SORTEM Proconsul in Provinciam Achaïam mitteretur. Aliud exemplum adfero in honoraria Tabula superius edita pag. 248. quae C. Marii res gestas continet; in qua scriptum est cum EXTRA SORTEM bellum cum Iugurtha Rege Numidiae, dum Consul esset, gessisse: quod magis probandum puto ab eruditis viris, quam si quis suppletis literis legat, ARTIA . SOR . B . M . vel LARTIA . SOR . B . M . nempe *Lartia*, vel *Artia Soror benemerentis*, quasi ab eius sorore hoc monumentum positum fuerit; quod quidem cum reliquis notis non concordaret, EX . D . D . P . quae indicant positum illud fuisse *ex Decreto Decurionum publice*, non vero a privata aliqua persona, sive ab eius uxore. Perperam Gamurrinius in Tom. I. Genealog. pag. 53. pro ...ARTIO, posuit ARITIO.



18

F. POM. FIRMO

C. TR. MIL. LEG. IIII

C. LEG. AVG. VESP. Q. AVG. ORN

AETORICIS A SENATV AVCTORIBVS

IMPERATORIB. VESP. ET TITO ADLECT

IMPERATOR. D. D. CORON. III. AVR

HASTA. PVR. III. PRAETORI

D.

18. Quod igitur inter cetera, quae nos fugiunt, nomen non appareat Civium Arretinorum tam summae virtutis, ac dignitatis, vitio dandum est non tantum temporis voracitati, verum etiam incuriae ipsorum Arretinorum, qui haec praeclara monumenta neglexerunt. In hoc marmore solum superest cognomen. FIRMO igitur Tribuno Legionis

gionis Quartae, ut opinor, Scythicae, ornamenta praetoria a Senata decreta sunt; cuius eximii honoris auctores fuere Imperatores Vespasianus, & Titus. An scriptum in lapide sit PRAETORICIS, dubitare aliquis potest, cum in aliis non paucis iam editis *praetoria* semper, non vero *praetorica* ornamenta appellentur. Sed ita quoque sua tempestate legit M. Atilius Alesius Iuris Consultus, superius a nobis laudatus, qui Historiam Arretinarum Antiquitatum scripsit anno MDLII. quamvis hodie paene desperatae lectionis sint, uti me monuit Cl. Reditus, qui summo labore, & diligentia hos lapides descripsit. Quae nam vero fuerint ornamenta praetoria, te in Provinciis feliciter gesta, in praemium decretis summis viris, fusius heic dicendum esset, nisi haec omnibus cognita essent ex doctorum virorum commentariis. Ea vero, ut summam colligam, fuere, latus clavus; toga praetexta, paludamentum; & sella curulis. Insignia item pene omnia Consulium Praetoribus tribuunt, sex tantum ante eos delatis fascibus, cum Consulibus quoddecim praerferrentur; praeterea triumphalem currum, tunicam palmatam, sive pictam, aureamque coronam; ius item praesidendi ludis triumphali habitu, signumque dandi mittendis quadrigis in Circensibus; quae ab Iuvenale Sat. X. v. 34. describuntur. In ultima linea pro HASTA, scriptum puto HASTIS. Hastae purae, ita appellantur, quod nulla ferrea cuspide munirentur, uti ex Virgilio intelligi potest Aeneid. Lib. VI. v. 755.

Ille, quidem, pura iuvenis qui inmittitur hasta.

Hae vero, praemio dabantur ab Imperatoribus iis, qui tunc primum vicissent in proelio, ut docet Servius in eundem Virgilii locum, quae vel aureae, vel argenteae fuere. Singularia D. D. *Donis Donatum* indicant, inter quae etiam coronae aureae tres recensentur. Alium his consimilem honorarium lapidem, sed fractum, qui intercedit, profero ex Libro Manuscripto Bibliothecae Stroziae n. CCCLVI. in 4. & ex alio in quo descriptus fuit ab Angelo Acciajolo Nobili Viro Florentino, anno MCCCCLXV. quem Arretii eo tempore exstitisse testatur.

19 IO . L . F . POM
 O . SAL . PAL . X VIR
 III VIR . A . A . A . F . F . III VIR
 DAR . TR . MIL . Q . ET . LEGAT
 HAIAE . TR . PLEB . PRAETORI
 : : D : : :

19. Prae ceteris haec notanda sunt de hoc anonymo Cive Arretino, Salium Palatinum fuisse, & Triumvirum Monetalem, ad quem auri argenti aeris, standi feriundi cura pertinuit. Salii duodecim iuvenes spectatissimi fuere, patricio ex genere, qui ideo Salii appellati sunt, quod, mense Martio, in honorem Martis Gradivi, auctore Numa Pompilio, puniceis tunicis induti, aereis balteis gladiisque succincti, aeneas in capite galeas portantes, altas, in speciem coniectas, quarum iconismum exhibet Fabrettus Inscriptionum Ant. Cap. II. pag. 115. dextra lanceam, aut virgam, aut quid tale tenentes, laeva ancilia, per Urbem, & in Forum, & in Capitolium, per multos dies, ingentibus tripudiis, solemnique saltatu incederent, carmina canentes in laudem armatorum Deorum, arma item pulsantes. Palatini vero dicti sunt, quod sacra in Palatio facerent, ubi eorum Sacrarium fuisse dicitur a Sex. Ruffo, & P. Victore. Haec desumpta a me sunt ex M. Varone, Sex. Pompeio Festo, T. Livio Lib. I. Plutarcho in Numa, & Dionysio Lib. II. quorum loca illustrat Panvinus in Libro de Civitate Romana, fusius de Saliis Palatinis edisserens. Saliis Palatinis, qui & Salii Martiales Capulati dicti fuerunt, ut ostendit Fabrettus loco paullo ante dicto, in hoc Collegium a Magistro Saliorum, non autem a populo cooptatis, similes, ut opinor, fuere Salii Albani, vel Arcis Albanae, quorum in pluribus inscriptionibus Gruterianis

nis, & apud eundem Fabretum mentio habetur. Hanc saltationem ad sua usque tempora durasse Quintilianus memorat Institut. Orat. Lib. I. Cap. XI. His addendi Salii Collini, qui, ut opinor, per Romanos Colles saliebant; Salii Herculanei Augustales in honorem Herculis Augusti instituti; itemque Salii Hadrianales, adulationis causa, ut videtur, ad laudandum Hadrianum Imperatorem Saliaribus carminibus destinati. Compertum item est horum lapidum auctoritate quam nobilissimis, & amplissimis legationibus apud Caesares functi fuerint hi viri, quorum vel nomina vel cognomina ignoramus; de quo praeclarissimo munere lectores non moror, cum de eo luculenter scripserit eruditissimus Carolus Paschalius, aliique.

Sed ut eo revertar unde deflexeram, Pomptina Tribus in his quoque Arretinis monumentis expressa per primam syllabam occurrit, quae heic profero.

20



20. Marmoream hanc arculam, quae intercidit, epigraphae tum Etruscae, tum Latinae insignem, hoc modo delineatam inveni in Libro MS. laudatae Bibliothecae Stroziae, sub numero CCCLVI. in 4. quae, me libenter communicante, primum edita est in Dempsteriano Opere de Etruria Regali Tab. LXXXIII. n. 6. ad quam haec annotavit praestantissimus Senator Bonarrotius s. XLV. *Inscriptio Latina post Etruscam videtur fuisse viri, qui cineres suos recondi voluerit, vel cum officulis uxoris, vel patris, aut alterius*

Pp

con-

consanguinei Etrusci : nam non par est credere , Romanum virum eiectis cineribus defuncti Etrusci , suos in eadem urna [ut sumptui parceret] recondi voluisse ; id enim communis gentium religio , & praecipue Romanorum , erga defunctos vetabat . Paucissimae huius generis Inscriptiones sunt , Etruscis , & Latinis characteribus insculptae , alteramque tantum heic indicare possum , quae exstat Pisauri , in honorem Titii Atii Haruspis Fulguriatoris ; in qua , ut idem Senator Bonarrotius suspicatur §. XLVI. ad artis signum versus ex linguae Etruscae additus esse videtur . Hanc editam vide in notis ad Dempsterum Lib. III. Cap. 13. pag. 251. & quidem accuratius quam apud Fabretum Cap. X. n. 171. exhibetur.


In marmorea Urnula apud Buxetum reperta , anno MDCLIV. quae Arretii non exstat .

21



In muro Ecclesiae S. Geminiani Arretii Tabula marmorea laeva parte effracta , quae ibidem hoc tempore exstat .

22



21. Hunc L. Valerium Festum consobrinum fuisse puto L. Valerii Iunioris Equo publico exornati , Iuratique ad Sacra Etruriae , de quo supra disseruimus . IVNIORIS cognomen in viris etiam familiae Marciae observari potest in altero lapide n. 22. heic relato , ad quam item pertinet haec inscriptio .

In

*In lapide Tiburtino in pariete Fontis, quae Canalis dicitur,
e regione antiquae Ecclesiae S. Mariae Plebis.*

23

COCCEIAE MONTAN
Q. MARCIUS FRVCTVS
CONTVBERNALIS

Ibidem, in lapide Tiburtino.

24

L. LARONIO DIOGENI
PRISCVS LIBERT. IN
FR. P. XII. IN AGR.
P. X.

Ibidem, in adfunili lapide.

25

AVREL : : : :
P. F. : : : : :
IN FR. P. XI
IN A. P. XII

Eodem pariter modo notatur Tribus Arretinorum in
militaribus faxis, ex quibus non omnino iniucundam fore
heic arbitror nomenclaturam multorum virorum, qui mi-
litiæ operam dedere, eiusdemque non postremis muneribus
egregie functi sunt. Neque vero illud praetereundum
est Pomptinam Tribum, ut de Scaptia supra diximus pag.
191. ad alias Colonias pertinere potuisse, quod ex aliis in-
scriptionibus intelligi potest, quae non Arretii, sed alibi
reperiuntur. Nam Marini exstat marmorea basis a Grute-
ro edita pag. MLXXXIX. 6. in honorem L. Acilii Euty-
chetis, nobilis Archimimi, Parasiti Apollinis, Tragici,
Comici primi sui temporis, qui in Pomptina Tribu [scri-
bitur in ea POMPT.] census fuit, quem Decuriones Bo-

Pp 2

vil-

villenses magnis honoribus adfecerunt, appellaruntque Primum omnium Adlectorum Scaenicorum Patrem. Si enim Arretii, vel in eius Agro suburbano non constet lapides erutos esse, vel post Tribum POMPTINAM, non sit adscriptum ARRETII nomen, haudquaquam censendum est eos ad Arretinos Cives pertinere; quod de aliis quoque similibus saxis adfirmo. In his tamen, quae subitio dubitari non potest, quod milites Arretini Cives non sint.

*Tiferni, vulgo Città di Castello, in Umbria, in Ecclesia
S. Floridi, ara marmorea praegrandis.*



Militibus fere semper patria adiungitur, & quidem frequen-

quentius ablativo casu, voce, interdum, ut probe videmus, DOMO praeposita; interdum etiam in accusativo, uti CLEMENS PISAS, pro PISIS, ut in militari laterculo Musei Medicei, edito in Parte I. pag. 31. Frequentius tamen absolute ponitur in sexto casu, quod indico ex subiectis exemplis Militum Arretinorum, qui militaverunt in Cohorte VI, imperante Septimio Severo Augusto;

C. LVSI^{us} FESTVS ARRETIO

C. FARSEIVS FIRMVS ARRETio

ex alio laterculo ibidem edito pag. 132. Item in alio adfili mili penes Fabrettum Cap. III. n. 536. nominantur

M. VETILIVS. M. F. POM. PVDENS. ARRET

M. AELIVS. M. F. POM. IVSTVS. ARRET

qui militarunt anno ab U. C. 930. Christi vero 178. Gaudio Orfito, & Iuliano Consulibus. In quo quidem laterculo, & in alio apud eundem Cap. IV. n. 512. & n. 513. advertere libet patris praenomen cum Tribu Militum, & Patria, indicatum fuisse. Nomina vero Militum, eorumque cognomina in recto casu descripta sunt, ut hinc conicias eos in dedicatione alicuius statuae, vel arae, vel templi stipem contulisse. Cum vero eorum nomina per nomenclatorem recensenda exponuntur, ut in Florentinis Tabulis, quas vide in Parte I. pag. 125. & 129. & in basi Nobilium Mutiorum a Fabretto edita Cap. IV. n. 91. vocativo casu efferuntur, quod etiam hodie apud nos in Collegiis, & Sodalitatibus servatur in recensione eorum, qui adlecti sunt. Per saepe etiam pro ablativo casu gentilis in recto usurpatur, ut in praenotato Mediceo laterculo. FESTVS NOLENS. VIRRV NOLENS. idest, *Nolensis*, cuius patria fuit *Nola*. Ita quoque plura habes huiusmodi exempla in Classe VI. ex Donianis Collectaneis, in qua n. 145. TIBVR & n. 160. TANVS. TVDEVVS. lego TVDER n. 195. & in Classe X. n. 47. legitur Q. VALERIVS SYMPHOR. NATIONE MISENENSIS. In sepulchralibus Militum Titu-

Titulis non moror; nam id est in ipsis usitatissimum, quod hoc tantum exemplo ostendo ex Donianis Collectaneis. Exstat hic Titulus prope AEdem S. Andreae, Via Cassia.

A. SETINIVS. M. F. POM
MAXIMVS. ARRETIO
MIL. COH. II. PR. > VIBI
MILIT. AN. VIII. VIX. AN. XXX

In primo versu emendatur Fabrettus Cap. III. n. 84. qui habet A. SETIMVS. Perutile heic erit adnotare, horum lapidum auctoritate, hodie quoque scribendum esse ARRETIVM, non cum simplici R. ARETIVM, in qua orthographia peccant ineruditi, & quod turpius ipsi Arretini, veteri quidem sphalmate, quod ab his, Annio auctore, originem habuit, qui Arretium, ab *Arretia* Iani uxore, vel ab *ariditate* nomen perperam ducere voluere. Nec venia, ulla dignum censeo Th. Dempsterum, qui in Lib. V. Cap. VII. cum Tifernatem basem evulgasset C. Aninio Gallo dicatam, in qua meridiana luce clarius legitur ARRETIO, postea observat a Latinis scribi unica R. quorum exemplum, falsum quidem, deinceps sequitur. Nam in corruptis editis libris frequenter occurrit; sed in emendatis, vel etiam in MSS. tum Graecis tum Latinis Codicibus *Arretii* nomen duplici RR semper effertur, atque ita omnino scribendum est. In schedis suis Petrus Bonamicus notavit a P. Angelo Morellio Arretino Generali Praefecto Ordinis Servorum M. V. donatum sibi fuisse numisma antiquum ex aere, inventum in olla cum aliquot aliis in diruendis muris antiquis Arretii, regnante Cosmo I. Medice, in quo sculpta erat mulier capite turrito cum epigraphæ ARRETIVM; fides sit penes auctorem. Sed ut in viam redeam, plerumque etiam genitivo casu effertur militum patria, ut videre est

est in Classe VI. Inscript. Antiquar. ex Donianis Collectaneis, in quibus ALBE . i. e. *Albae* n. 158. CAELAETHRAE n. 159. DYRRACHI. n. 166. scriptum occurrit. Nec raro etiam *oriundi* dicuntur, significato patriae nomine, vel secundo, vel sexto casu; exempli gratia, ne ab eadem Classe VI. ex Donianis Collectaneis recedamus, ORIVNDVS FABRATERI n. 30. ORIVNDO MYRIANDRO : n. 29. ORIVNDVS GAZA . n. 168. Per quam frequenter etiam singulari nota N. vel NAT. *natio* exprimitur; ut in iisdem Donianis. Collectaneis NAT. CAPSA : n. 25. NAT. DELMATIA n. 47. NAT. THRACIA n. 108. NAT. CORCYRA n. 112. & in Gruterianis CCCXXXIII. 8. DXVIII. 9. DXLVII. 3. quarum inscriptionum nota N. vel NAT. exponitur in Scaligeriano Indice *Natione*; quod etiam facit Reinesius in suo Indice, & Ursatus in Commentario de Notis Romanorum. Integre vero expressum est NATIONE in pluribus militaribus faxis; atque hoc exemplum sufficiat ex lapide in Hortis Iustinianis, ad quem vide Reinesium Classe VIII. n. XIII. & Fabretum Cap. V. n. 70. pag. 357. & 394.

D . M .
T . AVRELIO
SPERATO . EQ. SING.
TVRMA AVRELI
SABINIANI NATIONE
RAETO. VIX. A. XXXVII.
MILITAVIT. A. XVIII
AVRELIVS. QVINTVS
DVPLICARIVS. HERES
ET. AVRELIVS. AVRIANVS
SESQ. SECVNDVS. HERES
AMICO. OPTIMO. F. C

Si vero post eam notam patria in genitivo casu ponatur, legendum est *Natus*, vel *Nato*, ut docet Tuder-

nus

nus lapis , a me editus , in Donianis Collectaneis Classe VI. n. 15. in quo expresse scriptum est . C. EDVIVS . SEX . F. CLV . NATVS . MEVANIAE . & alter Romanus ibidem relatus n. 155. NATVS TREMONTIAE . Sed *nationis* appellatio non raro Municipiorum , & Coloniarum nominibus in vetustis saxis praepositur , & quidem Arretio , uti haec marmorea Tabula indicat fracta , & mutila apud Fabretum edita Cap. III. n. 52. & variante orthographia ; quae tamen integra habetur in Donianis Collectaneis Classe VI. n. 181. & exstare dicitur Romae , in Domo Laelii Gratiani .

DIS MANIBVS
C. ANICIO . IVSTO . MIL.
CHO . XI . VRB . VIX . AN . XXXVII
M . A . XVII . NAT . ARRETIO
FECIT STATILIA . HELPIS . CON
B . M . ET . FIL . ANICIAE . IVSTAE
VIX . A . IIII . M . VII . D . X . ET . M . PON
TIO . FORTVNATO . MIL . COH . XII . VR
V . A . XXXV . M . A . XV . NAT . PICENO
FECIT STATILIA HELPIS . ET . SBI .
ET . P . T . RQ . SVIS

Huc quoque spectant aliquae inscriptiones , in quibus Romanas Tribus *nationis* vocabulum praecedit ; ut in Donianis Collectaneis Classe VI. n. 139. APTIO . ACCEPITINO NAT . PAPIRIA . Si quis vero aliud clarius exemplum velit , observet hunc lapidem a Cl. Vignolio editum in Selestis pag. 212. in quo *Oufentinam* Tribum *Nationis* nomen praecedit , in quam censu fuere Mediolanenses , & alii diversarum civitatum , ut docet Festus de verb. signif. Lib. XIII.

Hacc

D . M
M. ATILIVS. MAXIMVS
VETERANVS . AVG.
N A T I O N E
OFFENTINA . MEDIOLAN
AETRIA . SECVNDA
CONIVGI . B . M . FC

Haec in vetustis lapidibus adnotata , non parum lucis , ut opinor , adferunt eidem Festo , qui ait : Nationem , idem apud antiquos , natum . Cincius , genus hominum , qui non aliunde evenerunt , sed ibi nati sunt , significare ait ; qui & nationem ait non tantum univcrsam de omnibus , sed & de singularibus quoque hominibus seivntim dici solere . Ex quibus colligere possumus , nationem in his antiquis militaribus saxis idem significare ac natum ; nec eam appellationem ad loca referri debere , sed ad ipsos milites , qui in ipsis nati sunt ; aliter enim ipsa Municipia , Coloniae , denique Tribus censendae essent nationes , quod absurdum videtur .

Ex celeberrimis , ac nobilissimis Municipiis , seu Coloniis frequenter tum viri , tum mulieres cognomen desumere consuevere , quod quidem & alibi me adnotasse memini . Ab Arretio cognomentum accepit Claudia uxor Ti. Claudii Augusti Sexviri Augustalis , & Decurionis Brixienfis , quae ARRETINA nominatur in antiquo lapide , quem ex Octavii Rubei Monumentis Brixianis (ad quem lectorem remittimus) Fabrettus Cap. V. n. 301. quamvis imperfectum evulgavit . Meminit Cicero in oratione pro A. Caecina n. 33. *Arretinae* cuiusdam mulieris , cuius libertatem defendit ; aitque se vehementer contendisse , Arretinis civitatem adimi a Sulla victore non potuisse ; quare postea , quod Decemviri

Qq

fili.

Altitibus iudicandis, prima actione non iudicaverant, re quæsitæ, & deliberata sacramentum suum iustum iudicavisse. Idem cognomen profert P. Helvius in hoc marmoris fragmento, e quo quidem & ex sequentibus perspicuum est Helviam familiam, e qua Helvius Pertinax Imperator, inter præcipuas Arretii floruisse. Est etiam VII ab Arretio lapide Rus, quod hodie appellatur *Albianum*, & ab aliquibus *Elbianum*, ut credere fas est, ab Helvia familia.

*Marmoreæ Urnæ fragmentum,
inventum Rure, quod dicitur
Penetis, ab Urbe Arretii
II. lapide, exstat nunc in
Museo Baccio.*

26

P. HELVIO ARRE
NO
SEXVIR AE

*Marmorea Tabula in Claustro
Monachorum Camaldulensium
Arretii in S. Maria in Gradibus.*

27

D . M
HEL VIAE
P . F
TERTVLLAE
CRESCENS
LIB.

*In Urna marmorea, olim posita in anteriori pariete Eccl. S. Florentii,
secundo ab Arretio lapide, nunc penes Gregorium Redsum
Equestris Ordinis, ex dono Hieronymi Baccii Nob. V.*

28

P. HELVIO CRESCENTI
HELVIA TIGRIS
LIBERTA ET VXOR
PATRONO
B. M. FECIT

28.

28. Hanc ipsam urnam nuper praeclaudatus Gregorius Redius Academicis Etruscis Cortonensibus dono dedit ; ex qua discimus Helviam Tigridem , libertam , & uxorem se appellare P. Helvii Crescentis , virumque suum honoris causa patronum nominare ; de qua consuetudine plura Fabrettus Inscr. Ant. Cap. IV. pag. 289.

De Sexviris nonnulla superius delibavi pag. 54. & 55. ab aliis , ni fallor , haud observata , quadam veluti racematione facta . Sed cum in adlato lapide Arretino n. 26. in tertia linea scriptum sit SEXVIR A... cui adhaeret alia littera , quae cum fractum sit marmor , probe cognosci vix potest an sit P. vel E. certe de Sexviro Augustali , ut interpretatur praeclaudatus Camurrinius Genealog. Tom. I. pag. 46. intelligi minime potest . Si bene tamen oculis video , suppletis litteris , legendum arbitror AEDILI , exemplo ad similes inscriptionis in Donianis Collectaneis Classe V. n. 152. quod P. Helvius Arretinus Seviri , & AEdificio munere exornatus fuerit in suo Municipio & Colonia Arretinorum , in qua & AEdiles fuisse iam supra monuimus . Quum locus abundet in his paginis , ad eas explendas adlatam a Donio Ticinensem inscriptionem haec repono ; & alteram apud Fabrettum Cap. V. n. 334. in qua aedilitatis honor huiusce Civis Mediolanensis Seviriatus praepositus est.

L. TITIVS. C. F
MONTANVS
VI VIR. AEDIL
II. VIR. SIBI. ET
C. TITIO. C. F. POL
LANONI PATRI

HERCVLI
 Q. EVFEMVS
 Q. F. OVF
 LVCILLIVS. AED
 VI. VIR
 CVRATOR. AERARI
 MEDIOL. HERCVLI
 V. S. L. M

Hinc anam arripio adnotandi diversum ordinem; constituisse in Municipiis, & Coloniis Sexviros, & Sexviros Augustales. Discrimen inter utrosque observo in his praesertim inscriptionibus, quas adduco, paucis usus exemplis. Prima edita est in Gruteriano Thesauro pag. CCCCLXIII. 9. Altera in Donii Collect. Cl. V. n. 190. Tertia ibidem n. 216.

D M
 ROMATIAE. L. F
 SEVERIANAE
 FILIAE. OPTIMAE
 QVAE. VIX. AN. XII
 L. ROMATIVS
 TROPHIMVS
 VI. VIR. ET. AVG. COM
 VI. VIR. MEDIOL. ET
 PVBLICIA. L. F
 ATILIA
 PARENTES.

T. AEBVTIO. T. L
 LEONAE
 VI. VIR. ET. AVG
 I. ARR. FI. ET. INDVSTRIAE
 H. I. R. I

COLL. DENDR
 C. CRISPIVS. HESPERIO-VIVIR
 BRIX. ET. VER. NOMINE SVO
 ET MARIAE SYNETHIAE
 VXORIS. ET IN TVTELA DEDIT
 H-S

Igitur

Igitur L. Romatius Trophimus [qui procul dubio pertinet ad L. *Romatium* Firmum , non ut in editione Pauli Stephani , & in tertia emendatione Claudii Minore I. C. *Romanum* ; de qua germana lectione mihi constat ex collatione nuper a me facta cum veterrimo Florentino Codice MS. Bibliothecae Marchionis Riccardii, Epistolarum Plinii iunioris : quem Romatium idem Plinius in Lib. I. Epist. XIX. municipem suum , item condiscipulum , & contubernalem appellat] Sevir , & Augustalis fuit Comi , itemque Sevir Mediolani ; quemadmodum in adlato lapide C. Crispus Hesperio Sevir fuit Brixiae , & Veronae . Seviri magistratum in Municipiis , & Coloniis componentes , diversi , ut mea fert opinio , fuerunt ab Seviris Augustalibus , qui in suo Collegio religiosi viri erant , & sacris rebus praeerant , patronasque Collegii sui etiam feminas sibi adscivere , ut liquet ex Donianis Collectaneis Classe V. n. 123. quibus iurisdictio , non sacerdotium negatum fuisse constat . Seviri vero munus , & iurisdictio fuit in civilibus . Si enim diversi non essent Seviri Augustales a Seviris qui Municipiis , & Coloniis praeerant , cur in sexcentis lapidibus inter se distinguerentur , ut primi Seviri tantum , vel alia appellatione adiuncta , Seviri Seniores , & Iuniores ; alteri vero vel Seviri Augustales , vel Augustales tantum , tam frequenter dicerentur ? Hanc difficultatem praecipit doctissimus Norisius in Dissert. I. Cap. VI. qui tamen contrarium sensit , adseruitque Seviri Augustales eos dictos fuisse , qui in Collegiis , sive Corporibus Augustalium sex primi nominabantur , ut in ordine Decurionum , decem primi ; adeoque coniunctione ET in adlatis lapidibus , & penes Gruterum XLIII. 8. LXVIII. 3. pag. CCCIX. 5. CCCCLXXII. 8. CCCCLXXV. 6. CCCCLXXXI. 3. tum Augustalitatem , tum etiam peculiarem in eodem Collegio dignitatem Seviratus exprimi adfirmat . Sed postea , quasi mutata sententia , subdit : *verum probabilius dicentur Seviri in memoratis elogis , Sexprimi inter Corpora Artificum designari ; quod an verum sit , nunc non vacat expendere .*
Non


Non igitur confundendi sunt vel cum Sexprimis Artificum Seviri, qui Magistratum constituebant, vel cum Seviris Augustalibus, religiosis plane hominibus, qui in Colonia & Municipiis, exemplo Sodalium Augustalium Romae institutorum a Tiberio Caesare in honorem Augusti, sacris praeerant; quo quidem discrimine admissio, Reinellii, Norisii, & Fabretti difficultates, & concertationes, quae ab eo proponuntur Cap. V. Inscript. Ant. pag. 403. facile diluuntur. Notandum est etiam quod in pluribus inscriptionibus Seviri cum Decurionibus coniunguntur, & statim post eos nominantur. Praeterea advertere haec quoque libet multa Augustalibus veluti religiosis viris tribui, quae Seviris numquam tributa leguntur. Ea sunt triclinia omni cultu, itemque lucernis bilychnibus, & candelabris exornata; vineae, praedia, fundi donata, ut publice epulas exercere possent, & facilius strationes publicas obire; quae omnia perspicue docet marmorea basis emendatio edita a Fabretto Cap. V. pag. 404. Frequenter etiam Seviorum, Augustalium coetus, *Corpus* appellatur, ut in pluribus inscriptionibus; raro tamen, aut semel *Ordo*, ut apud Gruterum pag. CCCCLXXV. 3. ORDO. DECVRIONVM. ET AVGVSTALIVM. ET. PLEBS. VNIVERSA. Nil autem horum Seviris, qui magistratum constituebant. In eo vero convenisse puto, quod utrique a Decurionibus creabantur. De Seviris Augustalibus constat ex antiquis tabulis, & diserte quidem apud Gruterum pag. CCCCI. 5. eosque interdum auctos legimus maiori honoris gradu, nempe distinctos bisellio inter ceteros, ut in propria sede vel etiam in ludis sederent; quare Seviri Augustales *Bisellarii* appellati fuere, ut in Gruteriano Thesauro pag. MXCI. 2. quos honoris gradus vel gratuito a Decurionibus, vel pecunia erogata, vel publicis constructis operibus, vel editis ludis, & gladiatoris muneribus consequabantur. De Seviris vero dubitandum non est, cum magistratus omnes municipales, & colonici a Decurionibus crearentur. Huic meae de Seviris lucubrationi duas haec inscriptiones ad Arretin-

retium spectantes lubet adnectere , quae hodie extant in porticu Ecclesiae Angulariensis , vulgo [*d' Anghiari*] celebri loco , multorum proeliorum fama cum Arretinis , & Florentinis . Angularium oppidum situm est ad ripas Sonariae , fluvioli non longe ab Arretio decurrentis . Marmorea haec arcuola lustralis aquae ministerio posita erat in Ecclesia , quam in Porticum transferendam curavit Carolus Senator Strozius anno MDCXXII. Constat L. Corpennum Sabinum , natione Arretio , Seviri fuisse Polae . Ita eadem nota adhibetur in Veneto lapide apud Gruterum . CCCLX. nempe VI. VIR. AVG. TERG. ET. POL. i. c. *Serviro Augustalis Tergeste , & Polae* ; ni tamen quis legere mavelit POLENTINO , Coloniae Polentiae .

29



30



30. Alteram votivam puto , dedicatam Libero Patri fuisse , ex qua eiusdem Numinis cultus his in locis eruitur .

Duumvirum Arretinorum nunc adtexenda sunt nomina , qui praecipuum magistratum constituebant , annuamque iurisdictionem , uti Romae Consules , exercebant . Nil tamen absque Decurionum consensu , & adprobatione gerere eos potuisse ostendunt Pisanae Tabulae in honorem Caii , & Lucii Caesarum , & haec Arretina inscriptio , quae Pontem , [fortassis IANINIVM , cuius tamen nomen deest extirto , ac maxime eo in loco labefactato marmore Tiburtino ; siquidem hodie & pons exstat Arretii , qui Ianinus ab Iano

Iano, vulgo *Giannino* appellatur] factum fuisse docet a. Duoviris A. Paccio, & Q. Cavio, & quidem EX D. D. *Ex Decreto Decurionum*, qui, ut pueris notum est, in Municipiis, & Coloniais, veluti Romae, erant Senatores. Deest post nomen gentilitium Tribus; desunt tum A. Paccio, tum Q. Cavio cognomina, quod maximae vetustatis huius lapidis non obscurum indicium est, uti etiam observat Fabricius Inscr. Ant. Cap. III. pag. 461.

Arretii, Tiburtino in marmore in anteriori pariete Ecclesiae Sodalitatis S. Catharinae V. & M. in Platea S. Francisci.

31

<p>A. PACCIVS. A. F. Q. CAVIVS L. F. D V O V I R EX D. D. PONTEM :: :: :: VM. D. COE</p>
--

31. Postremas singulares notas D. COE. interpretor *dedicandum coeravere*; quae tamen formula dedicationis, ut luculenter observat Vir eruditissimus Alexius Symmachus Mazochius Cap. III. in Campanum Amphitheatrum, non importat. ~~adhibere~~, idest consecrationem, sed primum tantum rei usum, & publico usui dedicatum Pontem designat. Rem nonnisi pergratam antiquitatis cultoribus me-
 facturum arbitror si heic apponam marmoris fragmentum inscriptum ex locupletissimo Museo Nobilium Victoriorum Romae, quod mecum communicavit Ill. Franciscus Eques Victorius, in quo notatu digna est Putei dedicatio; ut arbitror, in publicum usum. Insigne etiam in hoc est Consulum collegium, nempe M. POMPEIO MACRINO
 P. IV.

P. IVVENTIO CELSO, ita restituendum est in ultimo versu; qui Consules fuere anno U. C. DCCCCXVII. Christi CLXIV. quorum praenomina, ac nomina, frustra a Panvinio sollicitata, emendavit ex lateris signo Fabrettus Inscr. antiq. Cap. VII. pag. 307. & 308. In superiori vero parte huiusce marmoris, quod Romae e quodam muro erutum est, anno MDCCXXVIII. anaglyphi duarum Nympharum, apparent reliquiae, fluente ad pedes aqua.

QVIRIVS AVGVSTOR N SER PEL
NYPHAS. POSVIT PVTEVM INST
LEGIS. D. D. QVOD DEDICATVM. F
M POMPEIO. MACRINO P. IVVEN

QVIRIVS, legendum puto QVIRIVS, a Romuli cognomine, appellatione desumpta. Pro D, videndum an scriptum sit F: ut dicat, *faciendum coaravere*. Gamurrinius Genealog. Tomo I. pag. 32. (uti recentiores antiquarii solent) adulationis gratia, ad Aetiorum nobilem familiam detorquet hanc inscriptionem, legitque AP. ACCIVS; sed ut optime Ill. Redius observavit, maius spatium intercedit inter A. & P. quam ab P, ad secundum A. In secundo versu cum scriptum sit Q CAVIVS, legendum tamen auguror Q. *Gavivus*; quod scribendi genus antiquissimum esse constat, convenitque huius lapidis antiquitati; cum pro G veteres primum usi sint littera C; quare legimus in pervetusta C. Duilii Columna, LECIONES, MACISTRATVS, PVCNANDO. Vtriusque tamen familiae *Caviae*, & *Gaviae* in com-

Rr

plu-

pluribus lapidibus mentio habetur. Sed in faxis valde detritis vix aliquod discrimen inter C, & G inveniri potest; cui difficultati ut occurrerent veteres, maxime Augustae aetate, & G in vetustis monumentis caelandum hoc modo G G curavere, ut dixi in Praefatione ad sepulcrum Liberatorum, & Servorum Liviae Augustae, & Caesarum pag. XVIII. Illud quoque confirmat opinionem meam quod in veteri lapide, qui exstat Burgi in Etruria, inferius a me afferendo, Sex. Gavius Arrius nominatur, in Pomptina Tribu Arretinorum census.

Explicata Magistratuum Arretinorum nomenclatura, superest ut Quinquennales, qui in Coloniis iidem ac Romae Censores fuere, & Triumviros in sequenti fragmento ex Tiburtino lapide ostendam.

*In labro superiori Cisternae
Arcis Arretinae.*

32



*Marmorea Urna in Musco
Baccio.*

33



His adiicio L. Ausinium Arrianum ex Romano lapide *Curatorem Civium Municipii Arretini*; cuius munus fuit bona privata civium Arretinorum praesertim Romae curare; ni vero legendum sit *Collegio Centonariorum Municipii Arretini* L. Ausinium Arrianum aliquod opus donasse; cuius rei penes eruditum lectorem iudicium esto. Hanc vero po-

posteriorem lectionem magis probarem , exemplo marmoreae Arae inscriptae , quam protulit Philippus Antoninus in libro Antiquitatum Saffinatum pag. 35. in qua singularia C. C. M^S. explicat Collegii Centonariorum Municipii Saffinati ; quo evincimus Collegium Centonariorum Arretii fuisse .

L. AVSINIVS. L. F. PVBL. ARRIANVS
C. C. MVNICIP. ARRETIN

Aliquibus mendis corruptum edidit Gruterus pag. CCCLXXII. 12. paucioribus vero Panvinus de Imperio Romano pag. 736. ego vero ex antiquo Libro MS. Bibliothecae Stroziae ; quo plane confirmatur Arretium tum Municipium , tum Coloniam fuisse ; quae , ut Norisio adfentiar in Diss. I. Cap. II. pag. 22. in Cenotaphia Pisana , Plinio auctore Lib. III. Cap. 5. COLONIA FIDENS IVLIA dicta est , ab Iulio Caesare , qui eam deduxit , sortita illustre cognomen ; cuius civitatis , quemadmodum & Volaterrarum , agros non Triumviri , veteri Reipublicae instituto , sed unus Q. Valerius Orca Praepretor in Etruria a Caesare rem magnam atque difficilem , ut ait Tullius Lib. XIII. Fam. Epist. 5. iussus perficere , veteranis divisit , quod idem Norisius loco superscripto adnotavit . Municipium item Arretium appellat Isidorus Lib. XX. Cap. 4. & vetus Scholiastes in Persium Sat. I. v. 144. Coloniam Frontinus , & Cicero in Mureniana . Complura alia scire possemus si inscripti lapides exstarent , quibus prae omnibus Etruriae Urbibus Arretium locupletissimum fuisse constat . Bene profecto de posteris meruerunt , qui hos lapides nobis servarunt . Sed nunc primum reliquos , qui ad hoc tempus exstant proferamus , dein illos qui civium incuria perierunt .

*In marmore, quod videtur in pariete Parthenonis Monialium
D. Benedicti.*

34



34. Fractum est marmor in duas partes, cuius hiatus duabus tantum adiectis litteris supplevi. Mutilam exhibuit hanc inscriptionem Gamurrinius Genealog. Tom. I. pag. 46. Perbelle supra encarpum, quod utrinque tenent Genii, sculpta est avis volitans, & iam iam subitura paratum laqueum. Laqueos inter dolosas aucupum artes numerari nemo ignorat; cuius inter ceteras meminit Ovidius Metamorphos. Lib. XV. v. 473.

Retia cum pedicis, laqueosque artesque dolosas

Tollite, nec volucres viscata fallite virga.

Hoc igitur laqueo mortem ipsam designari non dubito; nil enim & in sacris Paginis frequentius laqueorum similitudine, ad mortem ipsam, vel dolos significandos. Regius Psal-

Pfaltes audiendus Psal. 123. *Anima nostra sicut passer erepta est de laqueo venantium. Laqueus contritus est, & nos liberati sumus.* Ciartiae familiae in magno Gruteri Thesauro in duabus tantum inscriptionibus fit mentio pag. DLXXX. 8. & pag. DCCLXIX. 3. Vide etiam Fabrettum Cap. VI. n. 158. Petroniam vero familiam Arretii praedivitem fuisse ostendit Rus suburbanum, quarto ab Arretio lapide, quod & hodie Petronianum, vulgo *Petrognano* dicitur. Idem cognomen Cn. Petronii, nempe ASELLIO, legitur diminutivum in alio Arretino lapide, quem subiicio.


In pariete Ecclesiae D. D. Comitum Montisacuti marmorea Tabula, in qua superne sculpta lupa puerulum lactans; infra vero colludentes pueri.

35



In columnae fragmento e Tiburino lapide, quod cum sit perforatum pro superiori labro inservit puteo in quodam praedio Canonicoꝝ Domus veteris extra muros.

36



36. Cluviae Quartinae Asellionis uxori, ut puto, Mulieris

lieres Vicanae memoriam in hac columna posuere . Singularia VI A C , quae sequuntur alii mihi explicabunt ; fortassis *vixit annis centum* . Mulierum Vicanarum fit quoque mentio in Florentina insigni Tabula edita in Par. I. pag. 316. quibus Decreto Decurionum Florentinorum natali die Liviae Augustae mulsam , & crustulum ad aedem Bonae Deae eorum pecunia datum fuisse memoriae proditum est . Quare videmus in Coloniciis solemnitatibus celebrandis , eas locum habuisse , & sacra , soliis feminis permessa , ad Bonam Deam frequentasse . Quae vero fuerint Deorum sana , & aedes celebriores apud Arretinos , iam superius declaratum est . M. Atilius Alefius , de Arretinis Antiquitatibus optime meritus , ex priscis locorum appellationibus , quae ad hanc diem perennant , itemque ex antiquis plurium aedificiorum vestigiis , ex pavimentis pulcherrimis , tessellato opere stratis , ostendit in sua Historia MS. Arretii Templum , sive sana Iovis , Iunonis , Iani , Saturni , Palladis , Mercurii olim celeberrima extitisse ; ut silentio praeteream Balnea Nymphis dicata , Thermas , Aquaeductus , Pontem , Porticus , Basilicam , Theatrum , Amphitheatrum , cuius insignia vestigia hodie conspiciuntur . De antiquo Fonte , cui Genium veteres dederunt extra Urbis moenia , eiusque Fano , & Apollinis Oraculo , meminit Anonymus auctor Vitae S. Bernardini Senensis Cap. XL. itemque Concilium Antistiodorense , ut notat Delrio in Disquisitionibus Magicis .

Imperante Cosmo I. Mediceo ; dum in hac civitate , testante Vasario , munitionum fundamenta effoderentur , repertum est aeneum praegrande Chimerae signum , expressum in Tab. XXII. Operis Dempsteriani ; quod hodie , quod praeclaro in loco Musei Medicei ab omnibus conspicitur , (nam antea sordido in loco iacebat) debetur consilio , ac studio Clarissimi Viri mihiq̃ue carissimi Petri Andreae Andreinii Patrici Florentini , ut ipse mihi dum viveret testatus est . Etruscam octo literarum epigraphen praefert in anteriore dextro crure ; incertumque est , ut notat


notat Cl. Senator Bonarrotius, an nomen artificis eiusdem contineant, an Numinis, cui hoc pulcherrimum signum dicatum fuerit. Aliud eximium monumentum editum in eodem Dempsteriano Opere Tab. I. quod hodie existat Bononiae in Museo Cospiano, olim ad Arretinos spectasse certissimo testimonio primus omnium, non sine voluptate, eruditus viris declaro. Patera praegrandis est, & insigni, ut ea ferebant tempora, opificio, inscriptis etiam Deorum nominibus, egregie celata, quae Iovis cultum apud Arretinos praecipuum fuisse ostendit; atque, ut arbitror, Minervae, cuius ortus ex Iovis capite in ea potissimum repraesentatur. Adstant, ut describit Praestantissimus Bonarrotius §. II. duae mulieres, obstetricum vices gerentes, & Iovi parturienti opem laturae. Mercurius (cuius simulacrum aeneum apud Arretinos conspicuum fuisse testatur Iulius Obsequens) brevi chlamyde semitectus, cum bipenni, qua Iovis caput aperuisse etiam fabulae Graecae testantur, nascentem Minervam admirabundus intuetur. Furto a nobili possessore sublatam credere fas est; nam quis adeo stultus indoctusque est, ut paucorum obolorum, ut ita dicam, sordida flagrans avaritia, patriam suam tam eximio monumento carere voluerit? Hanc igitur pateram optime delineatam eruditissimus meus Iohannes Baptista Donius a Cosmo Ricciardio Nobili Viro, & antiquitatum investigatore studiosissimo accepit; qua sua Collectanea exornavit, atque in lucem primus omnium edere cupiebat; nam in Classe V. pag. XXIX. haec adnotavit supra eiusdem paterae delineationem: *Reperta cum urna fictili, cinerum plena, quam operculi loco tegebat, Arretii, apud Franciscum Mariam Altium.*

Paterae, ut aliquid de his dicam, vel publicae, vel privatae fuere. Publicae constitutae erant in Templis Deorum, quibus ad res divinas Sacerdotes utebantur; quae Deorum imagines praeferebant, qui in iisdem Templis colebantur, uti haec insignis Arretina ostendit, qua Etrusci, sacrorum amplificatores, usi sunt. Privatae erant in una-

quaque

quaque domo, & familia, teste Cicerone in *Verina* IV. n. 21. & 22. quas a maioribus acceptas summa diligentia, & religione adservabant cum patellis, & thuribulis, erantque insignia Penatum hospitaliumque Deorum. Discrimen inter has habes ex eodem Cicerone; nam vel purae erant; nulla scilicet caelatura ornatae, vel graphice sculptis Deorum imaginibus; vel ornatae exstantibus sigillis Deorum, vel crustis, vel emblematis, quae ab his avelli poterant.

Huius loci opportunitas postulare videtur ut Arretinorum Artificum praestantiam in conficiendis fictilibus vasculis exornem; indicatis eorum nominibus, quae ex iisdem inscriptis in orbiculari fundo vasculis, Arretii sua tempestate repertis, collegit Marcus Atilius Alessius; quaeque eodem ordine referam, uti exposita sunt in eius *Historia*, quae MS. ut dixi exstat Florentiae in Doniana Bibliotheca. Testatur haec inventa fuisse anno MCCCCXCII. in ripa fluminis prope Pontem, dictum vulgo *delle Carciarelle*, praesente Card. Iohanne Medice, qui postea Leo X. P. M. fuit.



46
PROI 

47
PRO

48
DOMI

49
DO

MI

50
DOM

IT

51
PHIL
CALI

52
SIN

53
SINIS

54
HIL PR

55
STABILI

DOM

56
PHILE
CALID

57
MENOLA
STRIGON

58
TELAMO
CALDIS

59
LSELLI
QVADR.

60
FELIX
CALIDI

61
CALID
SIRIC

62
AGAO
CALID

63
LSC

Ss


DOM

322 INSCRIPTIONES

64
DOM
ITI 

65
CALIDI
SECVND

66
INCE CAD

67
ERO V S CA
LID  STR


68
M A M
CALIDI

69
PELEVS
CALIDI

70
HOMERVS
CALIDI

71
M A M
S I N S

72
SASA  STRI
CAL DI

73
DOMO 

74
✱
D O M
✱

75
FAVSTVS
CALIDI

76
FAVSTVS
CALIDI ✱

77
SINIS CALI



78
S V N I

79
P E L

80
S Y N I S

81
SINIS. T.

ME.

82 MENOLA STRIGON	83 V C VV C A L I D	84 NICEPO 
85 CALIDI	86 VMBRISCI PHLOLOS	87 BVCCI O.DOL.
88 A R V T SAVFEI	89 QVARTIO P. COR	90 LETTI ○○○○○○○ SAMIA
91 RASIN	92 CELER RASIN	93 HIL. PRO 
94 STABILI CALIDI	95 S Y N I CALID.	96 A G A CALID.
97 N I C E CALID.	98 S Y N I S CALID.	99 M A M A CALID.
	Ss 2	BVC.

100
BVCCI L
CALID.

101
CHRY
SANT
ETI

102
RECEP
MAN

103
PHILON
P. CORN

104
MAMA
CALID.

105
FELIX
CALIDI

106
AVIBT

107
SINIS CAL

108
SVAVIS

109
LYSIMA
CALID

110
CBOVGEN

111
M RV.

112
DVO SECVN

113
A. M. PRV

114
MECESC

115
L. V. M.

116
M. ANNE

117
L. TEREN

CA.

*Hi sequentes plantam pedis inscriptam
referunt.*

118

CAMVR

119

GA8

120

L V V S
S C A R

His alias addo inscriptiones ad antiquas Arretinorum Figlinas spectantes, in quibus Praediorum P. Aurelii Plutini, (f. Plautini) Stabuli P. Aetii, & Castrorum Praetorianorum L. Silvii Helpidiani, item Insulae M. Vulpii Sulpicii fit mentio; quas ex Schedis Burallii descripsit in suis Collectaneis Ioh. Baptista Donius, qui ait Arretii repertas fuisse.

In tegula.

121

EX. PR. AVR. PLVTINI. EX. FIG. PONT
OPVS. DOL. ASCLEPI

In tegula.

122

EX. INSVL. M. VLPI. SVLPIC
OPVS. FIGV. VERIAN

In tegula.

123

OPVS. DOL. SABINI
M. VLP
SVLPIC

In Vase fictilis reperto in quodam puteo a Iacobo Burallio.

124

STABVLVM. P. ACTII

In tegula. Gruterus alibi reper- tam ait, CLXXXIII. 10.

125

CASTR. PRAET
L. SILVINI
HELPIDIANI

Artificum igitur Vasculariorum, & Simulariorum in his videmus per notas, vel monogrammata expressa nomina, itemque indicatum Magistrum Officinae fictiliariae, eiusdemque Officinae argumentum, palmam nempe vario modo expressam, & astrum. In aliquibus vasculis miro artificio fabricatis efformata erant capita diademata Iovis Hammonis, Bacchi, itemque Faunorum, Silenorum, agrestiumque Numinum hianti, ut larvæ, & oscilla solent, ore. In aliquibus etiam eorundem vasculorum fragmentis visebantur ludicrae avium pugnae, leonum, & canum equorumque venationes, quadrigae, bigae Circenses; quae vascula tenuitate, & luciditate valde commendabilia erant. Ex his Figlinarum notis licet colligere non pauca Arretinarum Familiarum nomina, quae inferius cum ceteris enumerabo. Haec vasa, multiplicis figurae, rubra erant, Villanii quoque nostri Historici tempore celeberrima; quaeque [nam licuit aliquot videré] ea Asiatica, quae vulgo *Buccheri* appellantur, vivido colore, & splendore longe superant: quare haec maxime in usu, atque in deliciis in tota Italia apud veteres fuisse credibile est, in quibus etiam olera inmensis ministrari solebant, Sedulio Poeta auctore, qui ait;

Rubra quid appositum testis ministrat olus.

Scribit etiam praelaudatus Aleſsius in quodam Arretino Rure, quod *Chiani* appellatur, tertio circiter ab Urbe lapide, quoddam genus tetræ albae inveniri, quae *Arretina*

ap-

appellatur ; ex qua vascula escaria conficiuntur , itemque ea praesertim vasa , quae ad vitrum liquandum aptissima sunt in fornacibus , in quibus haec creta magis magisque indurescit ; cuius maximus usus est Venetiis , & per totam Italiam . Praestantes quoque fuere Arretini Artifices in lateribus quadratis conficiendis , quare ex his confectum murum egregio opere Arretii laudavit Vitruvius Lib. II. Cap. 8. & Plinius Lib. XXXV. Cap. 14. Libet etiam ex allatis Figlinarum notis coniecturam non omnino improbabilem ducere , nempe ab Etruscis , qui in Italiam praestantissimas artes invexerunt , auxeruntque , tum Graecos , tum Romanos Artifices , tum etiam Statuarios , & Gemmarum Scalptores , denique Figlinarios didicisse nomina sua suis operibus apponere , atque inscribere . Idem dicendum arbitror de Architectis , qui in capitulis columnarum sua nomina interdum inscribere consueverunt . In vasculis igitur fistilibus escariis conficiendis , propter varias elegantissimas formas , & tenuitatem maxime commendandis , supra ceteras Etruriae , & Italiae Urbes , nobilitatem retinuisse Arretium merito adfirmat Plinius Lib. XXXV. Cap. 12. de quibus superius sermo est pag. 219. Tanto artificio elaborata fuisse haec vasa constat , ut crystallinorum , & murrhinorum splendorem ac gloriam obscurarint , teste Martiale , qui & apud Romanos in pretio fuisse testatur Lib. I. Epigr. 33.

Sic Arretinae violant crystallina testae .

tantumque Porsenae Etruscorum Regis lautitiem auxerint , & condecorarint , eodem auctore in Epigr. 96. Lib. XIV.

Praecipuo item artificio Arretinos praeditos fuisse constat in armis fabricandis , quod quidem observatu dignum est , praesertim Livii disertissimo testimonio . Plura enim Libro XXVIII. versus finem enumerat armorum genera , & bellica instrumenta , quae Arretini , Scipioni Consuli bellum adversus Carthaginienses paranti , suppeditarunt ; atque ita scribit : *Etruriae primum populi pro suis quisque facultatibus Consulem adiuturos polliciti . Arretini XXX milia scutorum , galeas totidem , pila , galea , hastas longas , millium quinquaginta*
sum-

summam pari cuiuscumque generis numero expleturos : secures , vltra , falces , alveolos , molas , quantum in XL longas narves opus esset : tritici centum & XX millia modium in viaticum Decurionibus remigibusque collaturos . Ex quibus non solum Arretinorum liberalitatem , industriam , magnificentiam , verum etiam urbis splendorem , opulentiam , ubertatem , amplitudinem , mente consequi possumus . Neque mirum esse debet nobilissimum hoc Municipium diu cum Romanis , Etruriae inhiantibus , vario Marte conflixisse , multiplicesque terrores Romanis legionum aquilis incussisse . Fortissimos siquidem viros habuisse compertum est ; quorum exercitu , & Faesulanorum circumfluente , Catilinam alacrem redditum , ut contra patriam pugnaret , testatur Cicero in Mureniana .

*Marmorcus Cippulus apud Nob.
V. Petrum della Doccia ;
reperitus apud S. Lazarum
ad primum ab
Arresio lapidem .*

126

D	.	M
Q	TEL	AS
C	LEPIA	
DI	FILIO	
C	ARISSI	
MO	TELLIA	
H	YGIA	ET
T	EL	SATV
R	NI	
N	V	S
B	.	M

*In lapide Tiburtino , qui in Ec-
clesia S. Iacobi Commendae
Hierosol. Religionis , ad
lateralem portam , Ur-
nae aquae lustralis
pro basi inservit .*

127

D	.	M
P	V	THY CIO
S	A	R GENI
A	C	OEL
I	A	N A F
C	O	N I V
G	I	D V L
C	I	S S I M O
B	.	M

In

In gradibus Portae Talatii, five Fragmentum marmoris apud
Episcopii Arretini, in lapide Nobiles Viros Forti.
Tiburtino.

128

LVCCEIAE. A
LIB. NYMPHES
M. VOLASENNA. FEROX. F.
MATRI. PIAE
IN F. P. X
IN. AG. P. XII

129

NI. SIVI
MVRRIA
SECVNDI
NA MARIT
B. M


128. Hodie hic lapis fractus ex omni parte est, & pae-
ne desperatae lectionis. Integrum dedi ope MS. Bibliothecae
Stroziae, in quo anno MCCCCLXV descriptus fuit
ab Angelo Acciajolo Nobili Viro Florentino. Volasen-
nam, live Volasenniam Familiam claram item apud Vo-
laterranos fuisse superius pag. 170. adnotavimus.

Haecenus, paucis exceptis, Inscriptiones Arretinas pro-
tuli, quae hodie supersunt, & in praedictis locis videri
possunt; eas nunc referam, quas Arretii olim exstasse tum
MSS. Codices, tum auctores fide digni adfirmant; sed hoc
tempore non reperiuntur, & alio translatae fuisse credibile
est. Constat enim Arretii inscriptiones tanto numero exti-
tisse, ut derivata a maioribus voce & fama, saxa loquen-
tia, *Sassi parlanti*, in Urbe fuisse ferantur: quod, ut notat
Cl. Montfauconius in Diario Italico Cap. XXVI. pag. 381.
profanum vulgus de lapidibus vocem emittentibus inter-
pretatur; at sagaciores de inscriptionibus incisiss apposite
id dictum existimant. Quod vero inscriptiones, quae
AEmilium Paullum, L. Lucullum, & Val. Maximum spe-
ctant, de quarum sinceritate dubitavit Montfauconius,
suspicionem non laborent, satis iam supra ostendimus.

Tt

DIS

130




130. Petrus Bonamicus superius laudatus, scribit hanc inscriptionem exstare in AEdibus Brendagliorum Nobilium Arretinorum. Sed hodie Florentiae exstat in Urbanis Hortis Excellentissimae Domus Corfiniorum, quam editam, vide in Parte I. pag. 163. Fabrettus, ut per frequenter solet, non indicato loco, edidit ex Schedis Barberinis Cap. III. n. 291. ad quam vide quae erudite adnotavit.

131



132



131. Crispina Firma L. Crispini filia, uxor fuit L. Valerii Festi civis Arretini, cuius urnula una cum ea inventa

ta

ta est Buxeti, anno MDCLIV. quae superius edita est pag. 298. n. 21. Hinc libet colligere non semper coniugum cineres in una eademque olla conmixtos fuisse.

132. Haec inscriptio, ut legitur in Libro MS. Iohannis Hieronymi Equitis Baccii, existabat in impluvio Domus Nobilium Gamurriniorum Arretii, ad D. Laurentium. In eo MS. Codice primae lineae litterae sunt V. V. quasi haec Tabula votiva dicata fuerit VENERI VICTRICI. sed descriptoris erratum perspicuum est ex sequentibus postremis, litteris licet detritis, quae interpretantur CLEMENS SIBI ET SVIS FECIT; adeoque singularia illa V. F. reponenda sunt, aliorum lapidum sepulchralium exemplo, quae interpretantur *Vivens Fecit*. Hac loci occasione silentio haud praetermittam M. Atilium Alessium in sua Historia inter homines illustres Arretinos memorare Clementem Arretinum, Virum Consularem, Praetorianis praepositum, Domui Vespasiani per affinitatem innexum, Domitiano gratissimum, & familiarem; cuius meminit Tacitus Histor. Libro IV. c. 68. & uti aliqui volunt, Suetonius in Domitiano c. 11. Sed *Arricinum* non *Arretinum* scribendum emendandumque ostendit doctissimus Ful. Ursinus ex antiqua inscriptione, in qua legitur M. ARRICINIUS. CLEMENS, qui Consul fuit cum L. Novio Asprenate, imperii Domitiani anno XIII.

133

D . M
CLAVDIAE
GALLAE
OPTIMAE
MATRI
GALLVS ET POSTVMA
FILI

134

D . M
POMPONIA
HEVRESIS
C. IVLIO. APRILI
CONIVGI. B. M
ET SIBI

Tt 2

133.

133. Idem Liber MS. Equitis Baccii docet hanc inscriptionem olim adservatam fuisse in AEdibus Nobb. Roselliorum, quae, postea dirutae, locum dederunt aedificio Collegii Presbyterorum Societatis Iesu.

134. Hunc lapidem ex Schedis Georgii Vafarii Nobilis Viri Arretini, Architecti, & Pictoris celeberrimi, ac praestantissimi descripsit Donius in suis Collectaneis; proditumque memoriae est a Vafario exstasse in pariete AEdis S. Petri Minoris; quod etiam Baccianum MS. testatur. Edidit Ill. Comes Malvasia inter Marmora Felsinea pag. 354. ex Schedis Vaticanis, nulla loci habita mentione.

135

DIS . MAN
AELISIVS CARPVS VIXIT
ANNOS. LXIII. MENSIBVS
VIII. DIEBVS. XIII. HOR. III

135. Hunc sepulcralem Titulum nobis servarunt Schedae Barberinae, nempe Cl. V. Ioh. Baptistae Doni, ex quibus produxit Fabrettus Cap. III. n. 382.

In Arca marmorea.

136

D . M
L. VETTIVS FLORENTI
NVS EX PRAESIDIBVS SINGVLARIS
INNOCENTIAE VIR VIXIT AN. XXVII
MENS. VIII. DIEB. VIII.

136. Affert hanc inscriptionem praclaudatum MS. R. dia-

dianum pag. 94. in quo notatur , corpus quod in ea arca marmorea positum fuerat , adhuc integrum exstare Regii. Fides sit penes descriptorem.

137

PORCILLAE VESTINAE CANANIVATI	
DECORE FORMAE	FLORE
.....	VESTAE
ADSCRIPTAE EHEV	FAT
ABSVMP	LENTO
TORQ	MATER
MOESTA SOROR MOESTI FRATRES MOESTIQUE PARENTES	
..... TVM	PARCA NOC
ET GEMITV ET PRESSIS TVNDENTES PECTORA PALMIS	
CONDIDERVNT TVMVLO	ANTE DIEM

137. Visebatur haec inscriptio in Agro Arretino , Via quae Clusium ducit , procul ab Urbe ad VI lapidem ; quam ex Schedis Hieronymi Magii edidit Gruterus pag. MIII. 2. In primo versu , deletis mendis , legendum arbitror , PORCILIAE VESTINAE CANANEFATI. Porciliae familiae meminit vetus inscriptio edita a Fabretto Cap. V. n. 344. ex qua eam celebrem fuisse discimus in Ortana Colonia ; nam M. Porcilius Gratus Eques Romanus fuit , Sevir Augustalis , Quatuorvir Quinquennalis , & Praefectus Fabrū , itemque eiusdem Coloniae Patronus . Cananefas civitas fuit , ac patria Porciliae Vestinae , cuius populi partem insulae Batavorum incolunt , origine , lingua , virtute pares Batavis , auctore Tacito Histor. Libro IV. n. 15. In alio lapide apud Gruter. pag. CCCLXXXV.

1. scri-

1. scriptum est CANANEFATVM ; quare Urfinus apud Tacitum legendum putat *Cananefates* , non *Caninesates* . In secundo versu fortassis supplendum AC PRIMAEO FLORE IVENTAE . In octavo QVOD TANTVM POTVIT PARCA NOCERE DOLENT . In ultimo MORS TVLIT ANTE DIEM .

138

IVNIVS. ITVTVS. F

139

EVFROSIAE. ATTICAE

138. In effodiendis Arretinae Arcis fundamentis anno MDI. M. Atilio Alessio teste , qui ea tempestate vivebat , inventi sunt tubi plumbei ad usum aquaeductuum , & columella foetido liquore oppleta , cui pro basi inserviebat ingens vas , in quo caelata erat adlata inscriptio . Pauculas litteras deesse puto , quibus suppletis , scriptum fuisse crederem : IVNIVS RESTITVTVS F. Incompertum mihi est an hic Iunius Restitutus impensa sua fecerit aquaeducti tubos , an vero sepulcrem memoriam .

139. Haec inscriptio desumpta est ex Schedis Petri Bonamici , in quibus haec legitur memoria manu Angeli Romani I. C. *De anno Domini MDXLII. in Villa Marcenae Cortinarum Arretii , a quibusdam rusticis reperta fuit quaedam Urna pulcherrimi coloris , & operis , quam in manibus habui , & in ea inerant cineres , & duae ampullulae vitreae perfractae , & ex una parte anteriori epitaphium hoc , videlicet , EVFROSIAE ATTICAE . Scriptum potius crederem EVPHRASIAE , sive EVPHROSYNE , quamvis F pro PH non raro sculptum viderim . Dubitari aliqua cum ratione quis poterit an haec fuerit liberta Q. Pomponii Caecilii Attici , qui , teste Cornelio Nepote , praedium in Agro Arretino habuit . Nullas , inquit , habuit hortos , nullam suburbanam , aut maritimam sumptuosam Villam , neque in Italia , praeter Arretinum , & Nomentanum rusticum praedium . In aliquibus editionibus , & MSS. Codicibus Ardeatinum scriptum est , pro Arretinum ; verum Paulus Manutius in Notis in Cornelium Nepotem , aucto-*

auctoritate etiam Giberti Gifanii *Arretinum*, non *Ardeatinum* legendum esse ostendit. Idem adfirmat Fl. Blondus in Italia; qui ait: *Cornelius vero Nepos in Attici Vita [quod ad Arretii dignitatem facit] Atticum ipsum dicit praedium in agro Arretino possedisse*. Servat quoque ad hanc diem nomen *Caeciliani*, vulgo *Cicigliano*; quoddam Rus, quod a nobis dicitur *Villa*, amoenissimo in colle positum, secundo ab *Arretio lapide*, ubi etiam conspiciuntur quaedam antiquorum aedificiorum vestigia; a quo duobus item milliariis distat *Villa Marcenae*, ubi inventa fuit *Euphrosiae Atticae sepulchralis urna*.

Operaepretium me nunc facturum arbitror, remque viris eruditis non iniucundam, si nomina veterum Familiarum, quae apud *Arretinos* vel municipalibus muneribus, vel armis, vel studiis, vel publicorum operum munificentia alia-ve de causa inclaruere, aliquo cum ordine adtexam. Complura alia adferre possemus, si reliqui omnes lapides, qui interciderunt, ad nos pervenissent. Ea igitur ex his quae supersunt, sunt: *Acilia, Aelia, Aelisia, Anicia, Aninia, Artia, Aurelia, Ausonia, Briatia, Carvia, Ciartia, Cilnia, Cincia, Claudia, Clurvia, Crispinia, Cocceia, Eredia, Fabia, Flavia, Folnia, Gavia, Helvia, Iunia, Iulia, Laronia, Lartia, Luccia, Lusina, Marcia, Murria, Paccia, Petronia, Pomponia, Saenia, Sargennia, Setinia, Spurrina, Tellia, Valeria, Vesilia, Vettia, Ulatia, Volasenna*. Quae vero ex obsignatis inscriptionibus in *Figlinis* erui possunt, sunt, *Anicia, Buccia, Bougenia, Camuria, Cornelia, Domitia, Ettia, Farfeia, Rafinia, Sellia, Saufeia, Terentia, Vibia, Umbriscia*, ex advenis vero *Porcilia, Satria*. His addenda est *Calidia*, quae frequentius nominatur in *Figlinarum* impressis notis, nec incognita est ex pluribus apud *Gruterum* editis inscriptionibus, ni tamen cognomen sit *Cornelius Nepos*, ut illustre exemplum adferam, in *Attici vita* laudat *L. Iulium Calidum*, quem, post *Lucretii*, *Catullique* mortem, multo elegantissimum Poetam, virum bonum optimisque artibus eruditum suam tulisse aetatem contendit.

In adlatis quoque Figlinarum sigillis quum nominetur *Vibia* familia Arretina, in ea fortassis numerandus est egregius hic civis C. Vibius Celer, Papirius, Rufus, cuius sit mentio, addita Pomptina Tribu, eo modo scripta, in hoc singulari lapide, prope Lacum Circeium invento, quem pretio redemptum a Neapolitano cive, anno MDCCXXVII Argentoratum transferendum curavit quidam Collegii eius Urbis praestantissimus Professor, cuius nomen memoria non tenco, a quo perhumaniter, & aliam sequentem inscriptionem accepi, quae si in ea civitate fuissent, non parvo quidem Neapolitanis esse poterant ornamento. Rem certe eruditis gratam facturus, fortassis primus omnium, eas in lucem profero. In tertio versu sequentis lapidis sculptum MONIANOR, legendum est MONTANORVM. Huiusce Cohortis Primae Montanorum, cui C. Vibius praefuit singularis mentio est; vel una aut altera occurrit in Gruteriano Thesauro pag. DXLIV. 10. in qua legitur P. CAPATIVS MIL. COHO. MONT. PRI. STIP. XXX. Reliqua quae sequuntur non brevi calamo elucidanda essent. Alterum marmor quod sequitur non obscure fortassis indicat Neapoli fuisse Gymnasium, in quo publice iuvenes litteris Graecis, & Latinis instituebantur.

C. VIBIO. C. F. POMP I IN
CILERI. PAPIRIO RVFO
PRAEF COH I MONIANOR.
TRIB. COH I FLAVIAE HISP.
EQ. PRAEF. ALAE I VLP
SINGVL.
CIRCEIENSES
EX. DD. PP.

D . . . M

Q. T. FL. ANTONINO. NEP.

FL. ANTONINI. P. P. FONT.

LITTER. GRAEC. ET. LA

TINIS. QVI. VIX. ANN. XVIII.

M. II. D. XXII. PARENT. INFELIC.

Duo maxima, & praecipua Etruriae flumina TIBERIS, & ARNVS Arretio vel transitum, vel ortum debent; nam Tiberis, Plinio Lib. III. Cap. 5. & Dionysio Lib. III. teste, ex Apenninis montibus, media fere longitudine, finibus Arretinorum profluit; Arnus vero, Strabone auctore, Lib. V. ab Arretio copiosus delabitur, Florentiam Pisasque perfluens. Longis meatibus fertur Tiberis per CL. millia passuum, non procul TIFERNO Perusiaque, & Oriculo, Etruriam ab Umbris, ac Sabinis dirimens. TIFERNI igitur aliquantulum nunc morari libet, utpote in civitate Arretio finitima, & ad Etruriam, licet Pontificiae ditionis, spectante; quae vulgo *Città di Castello* appellatur. Praeterea C. Aninio Gallo Arretino militi in ea positum fuisse monumentum pag. 300. supra ostendimus; nec pauca adnotabimus, quae eruditis viris haud iniucunda esse possint. A Tiberis propinquitate Tifernum Tiberinum appellatur, cuius meminit Plinius iunior Lib. IV. Epist. 1. atque ut ita differat a Tiferno ad Metaurum, de quo consule Plinium seniore in Historia Natur. Lib. III. Cap. V. & XIV. itemque Cluverium Ital. ant. Lib. II. Cap. VII. pag. 621. & 624. Plurali numero Tiferna Tiberina dicta fuisse testantur scriptores, ostenditque vetus haec inscriptio edita a Fabretto Cap. III. n. 128. sed non accurate; lineis item confusis, ac perperam distinctis; quae exstat in Opido Montonis Agri Tifernatis, eo advecta ex Plebe S. Gregorii. Vv D. M

D . M
 C. IVLIO. C. F. CLV. PROCVLO
 TIFERNIS. TIBERINIS.
 MIL. COH. VII. P.R.) NEPO
 TIS. V. A. XXXVI MIL.
 A. XVI. TESTAMENTO
 FIERI. IVSSIT. CVRAVIT. FIERI
 C. IVLIVS. BARBARVS
 LIB. PATRONO. BENEMERENTI

Quamvis Frontinus non meminerit Tifernorum Tiberinorum nec inter Municipia, nec inter Colonias, id tamen ex hoc lapide, & ex sequentibus non levi argumento evincere possumus, Romanae civitatis iure donata fuisse hinc arguere possumus, quod C. Iulius Proculus in Tribu seu Cluvia, seu Clustumina, seu Cluentia census fuerit, nomenque suum Romanae militiae dederit, annorum sexdecim spatio in Cohorte sexta Praetoria. Municipales certe, & Colonicos Magistratus, nempe Decuriones, Seviro, Pontifices, Senatum, Plebem, splendida quoque aedificia, scilicet balineum habuisse constat ex hoc lapide Tiburtino, quem ex Smetio evulgavit Gruterus pag. CCCXIV. 5. & Aldus Manutius in Orthographia pag. 102. n. 4. qui apud Tifernates Tiberinos existat in Foro Maiori iuxta Portam Cathedralis Ecclesiae, in angulo, quae iter ad Ecclesiam S. Sebastiani, & in paucis variat ab editis; quem cum ceteris, quos profero, accurate descripsit patriarum antiquitatum studiosissimus Alexander Certini-
 us, qui & ad hanc misit cura Cl. Gregorii Redii.

SIBI

SIBI. ET. FIL. SVO. IV.....

IT. EX. H-S. LXV. N. PONI IVSSIT
 ET. OB. DEDICATIONEM EARVM
 DEC. x. V. VI. VIR. x. III. PLEB. x. II
 DARI IVSSIT. ITEM. RELIQUIT
 AD. BALINEI. FABRICA. REIPVB
 TIF. TIB. H-S. CL. N QÆ EX SEN
 TENTIA. AEMILI. FRONTONIS
 CL. VIR. POSTEA. DEINDE ARRI
 ANTONINI. CL. VIR. REIP. TIF. TIB.
 AB CIPELLIS PROFVTVRO. ET. PI
 CENTINO HER. ET. AB. ARVNTIA
 AMPIANA. HER. ARRVNTI. GRANIA
 NI. NVMERATA SVNT. HER. POSVER
 L. D. D. D

Agnoscamus quoque eius splendorem, dum Reipublicae nomen praefert. Duorum praeterea clarissimorum viro-
 rum fit mentio in hoc marmore, nempe AEmili Frontonis,
 qui, ut auguror, fuit Consul sub Nerva, de quo Dio,
 quem Martialis bello, & pace clarum praedicat; deinde
 Arrii Antonini, bis Consulis, patris Arriae Fadillae ma-
 tris Antonini Pii Caesaris, religione, bonarum artium stu-
 dio, optimisque moribus praeclarissimi; quem Plinius iu-
 nior eximii laudibus commendat Lib. IV. Epist. 18. eius-
 que Graeca Epigrammata tanti se fecisse testatur, ut
 quaedam aemulari Latine & exprimere ipse tentarit; quare
 Lib. V. Epist. 10. cum hortatur ut quamplurima proferat,
 quae imitari omnes concupiscant, nemo aut paucissimi
 possint. Multorum Imperatorum, ac Principum in hoc
 Vv 2 Muni-

Municipio fuisse positas statuas publico in loco non obscure his verbis significat idem Plinius Lib. X. Epist. XXIV. ad Traianum Imperatorem: *Quum divus pater tuus Domine, & oratione pulcherrima, & honestissimo exemplo omnis civis ad munificentiam esset cohortatus, petis ab eo, ut statuas Principum, quos in longinquis agris, per plures successiones traditas tibi, quales acceperam, custodiebam, permitteres IN MUNICIPIVM transferre, addita sua statua; quodque ille tibi cum plenissimo testimonio indulserat, ego statim DECVRIONIBVS scripseram, ut adsignarent solum, in quo templum pecunia mea exstrueretur. Longe ab hoc Municipio fuisse Plinii agros inferius videbimus.*

Tifernates devoti numini maiestatique Domus Augustae ara atque statua, uti ex hac inscriptione intelligi potest, perpetuae posterorum memoriae commendarunt Faustinae T. Aelii Hadriani Antonini Imperatoris Augusti filiam, M. Aurelii Caesaris uxorem. Haec exstabat in inferiori Xysto Ecclesiae Cathedralis S. Floridi; quam vulgavit Manutius in Orthogr. p. 366. & Gruterus p. CCLX. 6. sed sine loco.



Drusi Caesaris fit mentio in sequenti Tegula, quae cum

cum altera , in qua C. Fannii nomen impressum est , inventa fuit paucis ab hinc annis in praedio Castelli Leonis ; quo in loco duo sepulcra detecta sunt , atque in ipsis praedictae tegulae , latitudine unum pedem non excedentes , crassitudinis vero fere trium unciarum ; quibus Ill. Baverius Gubernator Tifernatium Civitatis patrium Museum suum Senienfe ornari voluit .

DRVSVS CAESAR

C. FANN.

Fuit etiam apud Tifernates Tiberinos Templum Veneri Victrici dedicatum a L. Arronio Amando Sexviro Augustali , solo privato , sua pecunia factum ; cuius meminit ingens hoc marmor in parva Platea adhuc existans ante Sacrum Montem Pietatis ; cuius Templi vestigia adhuc cernuntur prope moenia Civitatis , non longe a Tiberino fluvio , extra portam S. Floridi , quod haec habet .

VENERI VICTRICI
L. ARRONIVS. AMANDVS
VI. VIR. AVG.
SOLO. PRIVATO. S. P. F

Ididis , sive Cereris cognomen *Frugiferae* assumptum a Lutatia L. Lutatii Salviiani uxore notare libet in sequenti Titulo

Titulo, qui exstat in Xysto inferiori Cathedralis S. Floridi.
Alter vero exstat apud praclaudentem Alexandrum Certinium.

<p>D . M LVTATIAE . FRVGI fere . SANCTISSIME FEMINE . QVE . VIXIT CVM . MARITO SVO . SINE VLLA . QVERELLA . ANN . XXX M . V . L . LVTATIVS . SALVIANVS</p>	<p>DIIS . MANIBVS VRSILIAE . EPAPH RODITVS . FRATER SORORI . AMANTIS SIME . BENE MERENTI . FECIT . VIXIT . ANNIS XXVII</p>
--	--

Apud eundem Certinium & hae quoque aliae Inscriptiones reperiuntur.

<p>D . M C . CAESIDI SABINI Q . CAESIDIVS SEVERVS FRATRI . ET . L . CAESIDIVS SABINIANVS PATRI PIISSIMO</p>	<p>CAELIA OPTATA AN . XXX CASSIA . IVCVN</p> <p>N ERRICI</p>
---	--

Quarto ab Tifernis Tiberinis lapide ubi fuit Ecclesia S. Cypriano dicata, hodie paene labefactata, memoriae proditum est fuisse Templum Mercurio sacrum; cuius antiquitatem, & aedificii splendorem parietinarum rudera & hodie ostendunt. *Sabini* cognomen occurrit etiam assumptum a viris Tiferniae familiae, quae ab ipso Municipio, sive a Colonia Tifernatium Tiberinorum appellari voluit, uti indicat

cat hic lapis , qui vifitur in Platea Maiore prope portam Ecclefiae inferioris , fortaffis *Confeflionis* , Cathedralis S. Floridi . Alter vero , qui fequitur , fcriptus eft in gradu Altaris Plebis S. Iohannis Baptiftae , vulgo *di Comunaglia* .

C. TIFERNVS
C. F. CLV.
SABINVS
VIXIT. ANNIS
XV

II VIG.
ADIVTORI
POSTINIAE
MYRTALE
PIRAMVS. FIL
P. B. M

In Ecclefia S. Mariae Camaldulensium Montis Migiani fequens infcriptio legitur , fugientibus litteris . Altera vero in exteriori pariete Domus DD. Albetiniorum , e regione Portae Ecclefiae Monialium S. Iofeph.


.....
FLORENTINVS. DIIS . . . PAG
LIS . . . II . . . VOT . . . SOL

P. ANNIVS
P. L. BASSVS

In suburbanis extra Portam Romanam in Ecclefia S. Iohannis Equitum Hierofolymitanorum exftat fepulcrum , quod hodie Urnae Aquae lustralis infervit . Altera vero infcriptio , quae eidem coniuncta eft , cernitur in anteriori facie Ecclefiae Paraecialis S. Fortunati in Platea , quae Vitelliorum dicitur . Principes Tifernates Familias colligo , *Aciliam* , *Anniam* , *Arruntiam* , *Arroniam* , *Caeliam* , *Caefidiam* , *Fanniam* , *Iuliam* , *Lutatiam* , *Postiniam* , *Tiferniam* , *Urfiliam* .


AR.

ARRVNTIAE
 EVTYCHIDI
 CERTVS. F.
 EVTICHIS. VT. PAR EST SVSTVLI^T
 TIBI. NATVS. BACCHIDES,
 IVXTA. QVEM. DVLGITER. . . .
 TIBI. FATA. MARITVM
 S . T . T . L .



Hanc aram indicavit Cluverius *Italiae antiquae* Lib. II. Cap. VII. p. 624. atque a Grutero editam p. CCCXLIV. 6. ut ostenderet Tifernum Tiberinum fuisse Municipium.

Curatorem Calendarii Tifernatium Metaurensum ex hac basi inedita profero , quae exstat Sestini , quâ ad Etruriam nostram pertinet, apud primariam Ecclesiam S. Pancratii.



An haec basis , cui statua in honorem L. Dentusii Proculini superposita fuit , & solemni ritu dedicata , ab Tifernatibus translata fuerit ad Sestimates minime audeam adfirmare . Ex pluribus aliis inscriptionibus , quae Sestini visuntur , & quidem consimilibus , ex lapide , qui a nobis dicitur *macigno* , verisimillimum est a Sestinatibus , non a Tifernatibus dedicatam fuisse L. Dentusio Proculino , qui primum quidem fuit Curator Calendarii Tifernatium , verum postea datus fuit Sestinatibus ab Imperatoribus Severo , & Antonino Augustis , ut apud eos AEdilis esset , itemque Quatuorvir , Flamen , & Augur ; quem sibi patronum co-

Xx


opta-

optavit Collegium Centonariorum Sestinatium . Lique-
etiam apud hos Umbriae populos , quos memorat Plinius
Lib. III. Cap. XIV. fuisse Collegium Augustalium , cuius
Seviri Augustales & Plebs Urbana eidem Dentusio Patrono
ob plura eius merita statuam cum base his titulis orna-
tam dedicarunt in loco dato decreto Decurionum ; cuius
dedicatione ipse L. Dentusius [DECR. fortassis scriptum.
DECVR ut intelligendi sint DECVRIONES primum locum
in divisionibus tum denariorum , tum panis , & vini lo-
cum habuisse] Seviris denaria tria , ni aliter ut dixi legen-
dum sit , Plebi vero denaria duo , addita panis , & vini
largitione dedit . Ex quibus omnibus colligere possumus
haud obscurum & ignobile Umbriae oppidum fuisse Sesti-
num , quod Caesarum Augustorum Severi , & Antonini
curam meruerit , cui ab iisdem Imperatoribus talis vir da-
tus fuerit . Age vero liceat mihi aliquantulum iuxta fines
Etruriae vagari , ut huius loci dignitatem splendoremque
ostendam ex aliis antiquis monumentis , quae ad hoc tem-
pus exstant apud Sestimates , verum literis adeo evanidis ,
ac fugientibus , ut brevi an inscripta fuerint vix intelli-
gipossit . Plurimum me virorum doctorum movit auctori-
tas ut has inscriptiones proferrem , atque his potissimum
de causis , quod , una tantum excepta , reliquae omnes in-
editae sint ; quod lapides temporum iniuria non parum la-
befactati sint , adeo ut eorum tituli ex lapidibus actutum
fugere possint sub dio existentes ; ad haec etiam quod non
adeo. celebris , & frequens sit apud auctores Sestinatium.
memoria . Cluverius Italiae antiquae Libro II. Cap. VI.
pag. 622. perpauca de his notat ; assert tamen Romanum
lapidem a Grutero editum pag. CVIII. n. 7. in quo plures
milites descripti sunt , additis patriis urbibus ; inter quos est
L. VOLCEIVS. SEVERVS , patria SESTINO ; neque enim ,
ut aliqui fecerunt , scribendum est SEXTINO .

Alium Patronum eiusdem Collegii Centonariorum Se-
stinatium nempe L. Astricium Vitulum subiicio ex marmo-
rea basi , quae hodie in platea Plebis Sestini conspicitur ,

ac

ac procul dubio olim supposita statuae dedicatae in honorem eiusdem L. Astricii Vituli. Ea igitur haec continet.





Nonnullis in locis has inscriptiones vel supplevi vel emendavi ex Schedis doctissimi Petri Victorii, qui has Sestinales inscriptiones per epistolam communicavit cum praeclarissimo viro Fulvio Ursino, cuius apographum penes me est ex MS. Bibliothecae Nobb. Victoriorum Romae, quod per plures menses in manus habui ex incredibili in me humanitate Illustrissimi Viri Francisci Equitis Victorii, de cuius eruditione, & virtute plura vel ipso silentio dicam. Perspicuum quoque est Sestinales in primis ab Imperatoribus Hadriano, Antonino Pio, & M. Aurelio Antonino


Xx 2

multis

multis auctos fuisse beneficiis, quorum ipsi memores, devoti numini maiestatique eorum, statuas cum his marmoris basibus publice in sua Republica dedicarunt.



Marmoris Fragmentum insertum in pariete ostii Carceris publici.



ALIMENTARI, nempe, ut in aliis inscriptionibus scriptum est, Pueri, & Puellae alimentarii dedicarunt aram; &, ut
mca


mea fert opinio , statuam Divo Antonino Augusto Pio . Fuerunt , ut notat vir pereximius Philippus Rubenius Elektorum Lib. II. Cap. XXXVI. pueri puellaeque tenuiores , eisque cum alendis , tum erudiendis annui redditus , vel ex aerario fiscove , vel e privatorum donis , & legatis assignati ; idque partim misericordiae causa , partim in honorem & cultum Augustorum Augustarumve . Hoc honore non caruisse Civitates adfirmat Paulus I. C. Lib. I. de Legatis , a Rubenio transcriptus . Ita Comensi Municipio quingenta milia nummum dedit Plinius Caecilius , ut ex reditu pueris puellisque ingenuis alimenta darentur , ut ipsemet testatur Epist. 18. Lib. VII. & 8. Lib. I. idque etiam ostendit antiqua tabula eius nomine inscripta , quam vide penes Gruterum pag. MXXVIII. 5. Pueros igitur Puellasque alimentares institutas fuisse apud Sestimates in honorem Antonini Pii Caesaris , iam in Deorum numerum , ut stulte credebant , recepti , indicat haec ara , profecto non aliunde apud eos advecta ; quam idem Rubenius ibidem edidit , verum non indicato loco ubi exstet . Puellae ab Augustarum nomine appellabantur ; hinc *Fausinianae* in honorem Faustinae institutae , quarum Capitolinus meminit in Antonino Pio , & in M. Antonino Philosopho . Eodem modo & *Mammaeanae* in honorem Mammaeae Augustae institutae ab Imperatore Alexandro Severo , eodem Capitolino teste in eius vita ; qui etiam narrat Pueros ab eius nomine *Mammaeanos* dictos fuisse . Ita etiam Puellae Puerique in honorem Traiani instituti *Ulpiani* nomen retulerunt ; quare in hac ara nullum discrimen sexus observare possumus , contra Rubenii sententiam , adeout Pueri Augustorum , Puellae Augustarum nomen referrent .

Sestimates devotos fuisse C. Vibio Treboniano Gallo , post Decii eiusque filii Q. Herennii necem ad imperii fastigium evecto , & Constantio Imperatoribus , ostendunt arae in honorem eorundem positae . Idem Gallus cum Volusiano filio , ad imperium adscito , profectus contra AEmilianum , interempti sunt anno imperii secundo .

In

In atrio Palatii Archipresbyteralis.

In Horto Palatii Archipresbyteralis, basis rudis ex Tiburtino.



Singularia illa O. M. S. fortassis ita interpretanda sunt, *Ordo Municipii Sestinatium*. Idem adfirmo in sequenti ara, quae est in honorem L. Tullii Veri, patria Vettonensis, Equi Publici, Laurentis Lavinatis, Curatoris R. P. S. ut interpretor, *Curatoris Reipublicae Sestinatium*; quas interpretationes a veritate, ut mea fert opinio, non alienas, si admittant docti viri, habemus Sestinum & Municipii, & Reipublicae appellationem praetulisse. Neque vero raro Municipiorum nomina per principem litteram in vetustis faxis exprimuntur; paucis hisce exemplis contentus sit Lector.

D . M
C. CAESI C. L
CHRESIMI
VI. VIR. AVG
PATRON COLL
CENTONAR. M. S
TINGETANA. LIB


D . M
L. VAFRI
NICEPHORI
MEDICO. PA
TRON. C. C. M. S
FLAVIA PIERIS
MARITO. OPTIMO
ET SIBI VIVA
POSVIT

Quae

Quae arae cum iuventae fuerint apud Saffinam, ideo Philippus Antoninus in Antiquitatibus Saffinatibus pag. 35. recte explicat C. C. M. S. Collegii Centonariorum Municipii Saffinatum. Eodem modo & ego cum superius editae arae Sestini inventae fuerint, & apud eos hodie existant, ea singularia O. M. S. interpretanda esse censeo Ordo Municipii Sestinatium. En igitur quantae dignitatis laudisque sit hoc Municipium ope horum vetustorum lapidum, quos hoc in loco primus omnium proferre volui ut meis lucubrationibus nonnihil splendoris ei adderem, cum vidissem paucis memoratum illustratumque fuisse a Cluverio in sua Italia antiqua. Sed en praeclaudata ara in honorem L. Tullii Veri Curatoris Reipublicae Sestinatium.

*In agro Ecclesiae Cathedralis
ex lapide Tiburtino.*

*In Vinea Comitum Carpinei iuxta
Eccl. Cathedr. ex lapide.*



Alium Curatorem eiusdem Reipublicae habes in sequenti Tabula, quae nunc iacet sub Ara maiori eiusdem Cathedralis Ecclesiae S. Pancratii, quam edidit Gruterus pag.

pag. MXVIII. 8. ex Schedis Fulvii Urfini , multis mendis corruptam , non tamen inter spurias reiecit .

VOTIVITATE ET TOTA MENTE D
 EVOTA GENIVM CVRIAE DEDI
 CATVM IN ISTATVAM IN
 CVRIA . AVG . POSITVM PERPE
 TVE LVCIS POSVIT ADME
 NESTRATIONIS SVAE VE
 SENS FRONTINIANVS
 CVRATOR R P HVIVSCE PAT
 RIAE POSITA SVB DIAE XIIX
 OCTOBRIS POST CONSVLATV
 D N GRATIANI AVGVSTI III ET EQ
 VITIO C CONSVLIBVS

Hunc annum ab U. C. 1127. Christianae vero Aerae 375. in quo scribebat Epiphanius denominare volens , non a Consulibus , qui non erant , sed ab imperio Imperatorum describit Lib. II. adversus Haereses ; ut notat Relandus in Fastis Consularibus pag. 451. qui & hunc lapidem citat . Indicatur igitur in hoc lapide tempus , quo Vefenus Frontinianus Curator Reipublicae Sestinatium statuam , ut voverat , in Curia eiusdem Reipublicae dedicavit , eaque ibidem solemnī consecratione posita fuerit , egregium eius initae administrationis monumentum . Signum Genii Centuriae factum cum aede marmoribus exornata occurrit in veteri inscriptione apud Fabretum Cap. IV. n. 514. Artifices qui Genios ex quavis materia conficiebant *Genarii* dicebantur , & memorantur in vetustis faxis .

In

*In Vinca PP. S. Augustini
iuxta puteum.*

*Apud D. Vincentium Loppium,
qui etiam accurate hos lapides
descripsit.*

P E R T I N A
C E N C
C V R E
P O S I T E S V B
C . C A E S I O
A P R O . . . E T . . . Q
V E T E N N I
O V I C T O R E
M A G . V I C

D M
M E S T R I A E S A T V R N
I N E . S I V E . M A R C I A E
C . C A E S I V S . A P E R
M A T R I . P I E N T I S S I
M E . B E N E M E R E N

*In base superne perforata, quae
in Platea visitur.*

*In angulo Cathedralis Ecclesiae
S. Pancratii.*


D M
P E D E S I A E . L . F . I V S
T I N E . V I X I T A N N
O S . X X V I I . M E N S E
V N O . D I E S . X X V I
P . V O C O N I V S . E V T Y
C H E S . C O N I V G I
S A N C T I S S I M E . E T P .
V O C O N I V S . V A L E R I A N
V S M A T R I . P I E N T I S S I M

C . P V B L I C I
I V L I A N I
V I X I T A N N I S
X X I I . F I L I O
P I E N T I S S I
M O
C . P V B L I C I V S A . F
P A T E R I N F E L I
C I S S I M V S

Yy

Basis

*Basis posita ante eandem Ecclesiam Cathedralē, superne
tribus foraminibus perforata.*




Vide Fabricium pag. 57. n. 316.

C. VOLVSENO
L. F. IVSTO
AEDILI . QVAEST.
SESTINI
DECVR. ARIM:
TITINIA. M. F. IVSTA
MATER. L. D. D. D

Ex his duabus inscriptionibus, & ex altera superius allata pag. 351. perspicue liquet Volusenam familiam municipalibus honoribus claram fuisse Sestini. Altera vero inscriptio, de qua Lector monendus est, Arimini hodie exstat, teste eximio viro Iohanne Baptista Donio in Inscriptionibus antiquis a me editis Classe V.n. 47. ex qua intelligimus C. Volusenum Iustum fuisse AEdilem Quaestorem Sestini, & Decurionem Arimini. Sed ut revertar ad Tifernates Tiberinos, de quibus supra, est etiam non in exigua laude ponendum quod ipsi adhuc puerum Patronum sibi cooptarunt Plinium iuniorem doctissimum virum, quibus ut referret gratiam, Templum pecunia sua extruxit, cuius testimonium non piget adferre; ita enim L. Calpurnio Fabato Profocero suo scribit in Epistola I. Lib. IV. *Eris una sed brevis mora: desectemus in TVSCOS, non ut agros remque familiarem oculis subiciamus (id enim postponi potest) sed ut fungamur necessario officio. Oppidum est praediis nostris vicinum, nomen TIFERNVM TIBERINV, quod me paene adhuc puerum cooptavit; tanto maiore studio quanto minore iudicio adventus meos celebrat, profectio- nibus angitur, honoribus gaudet. In hoc ergo ut referrem gratiam (nam vinci in amore turpissimum est) TEMPLVM pecunia mea ex- struxi, cuius DEDICATIONEM, cum sit paratum, differre longius irreligiosum est. Erimus ergo ibi DEDICATIONIS DIE, quem etiam EPVLO celebrare constitui. Amicitiam, & praefidium clarissimorum virorum AEmilii Frontonis, & Arrii Antonini curatum Tifernatibus Tiberinis fuisse puto ab eodem Plinio; qui, ut diximus, eorum Patronus fuit.*

Dum haec sub prelo sunt, dandus fuit locus huic marmoreae Tabulae fragmento, quod inventum hoc anno MDCCXXX. terra obrutum, in pariete Ecclesiae S. Illuminati, dum silicibus iterum via sterneretur, mecum statim communicavit veterum monumentorum apprimè studiosus praeclaudatus Alexander Certinius.



Quae igitur in eo supersunt ita interpretanda sunt, ut arbitror. *Caesari Ordo Civium Tifernatium Tiberinorum, Devotus vel Devoti Numini Maiestatique Eius*; quae singularia in pluribus lapidibus votivis in honorem Caesarum occurrunt in Gruteriano Thesauo.

Tiberis, ab ortu solis, navium patiens, secabat agros Plinii Iunioris, qui *Tusci* nominabantur, quos ipse laudat elegantissima descriptione in Lib. V. Epistola VI. ad Domitium Apollinarem. Non vacat ea plures hic paginas implere, ad quam priscarum lautitiarum cupidos lectores remittimus. Tusci agri Apennino saluberrimo montium subiacebant. Villa eiusdem Plinii longe splendidissima, & magnificentissima in colle imo sita, ambitusque propemodum immensi, prospectantium ex ea regionis situm pulchritudine, & varietate oculos mirifice reficiebat, implebatque omnium; in qua toto anni tempore summa cum voluptate versari quis poterat. A tergo Apenninum, sed longius habebat, a quo auras accipiebat, non tamen acres, & immodicas, sed spatio ipso lassas, & infractas, quaeque magna sui parte meridiem spectabat. Ad eam plura certatim invitabant, ampla porticus, & pro modo longa; atrium etiam ex more veterum ante porticum; xystus concisus in plurimas species distinctusque buxo, demissus inde, pronusque pulvinus, cui bestiarum effigies invicem adversas buxus opere topiario inscripsit; ambulatio, gestatio in modum Circi, prata, campi, arbuta, triclinium, hipodromi nemus, areolae, marmoreo e labro aqua exundans,

dans , dormitorium cubiculum aliudque cubiculum , & cenationes inter umbrosas , ac virides platanos subdito fonticulo , miscentibus iucundissimum murmur plurimis siphunculis circa fontis craterem ; piscina strepitu visusque iucunda , hypocauston , balinei apodyterium , cella frigida , in qua baptisterium amplum , & opacum ; apodyterio superpositum sphaeristerium , cryptoporticus , diaetae , vineae , montes ; achanti , laurus , hederæ platanos vestientes , cupressorum ambitus , densiores umbræ , rosæ , umbrarum frigus , pomaria , viridaria , vites , silvæ , planissimi campi , nullum usquam , etiam si quaeratur , facile saxum occurrens , prata florida , & gemmea , trifolium , aliasque herbas teneras semper & molles , & quasi novas alentia ; mitissimus aer , & saluberrimus , nil denique in ea non iucundum , pulchrum , amoenum . Tuscos igitur ceteris Villis suis Tusculanis , Tiburtinis , Praenestinis merito praeponere Plinius , quod ibi animo , ibi corpore maxime valeret ; studiis animum , venatu corpus exerceret ; placida ibi omnia essent , & quiescentia ; altius ibi otium , & pinguius , eoque securius , ubi nulla necessitas togæ , nemo accersitor e proximo .

Tuscos igitur Plinii agros , & praedia , nomen habuisse a solo , in quo condita sunt , idque nunc esse oppidum ; quod vulgo appellatur *Borgo di S. Sepolcro* , Episcopali sede ornatum a Leone X. anno MDXX. millia VIII infra Tiberinum , in eadem ripa positum , ostendit Cluverius Italiae antiquae Lib. II. Cap. III. pag. 389. 390. mille vero ferme passus a laeva Tiberis ripa abest , in lata , eaque pulcherrima , & amoenissima maximeque frugifera planitie , quam montes velut amphitheatrum quoddam immensum cingunt , humili clivo impositum . Fuere quidam Geographi , qui id oppidum Burgi ad S. Sepulcrum *Biturigiam* interpretati sunt , cuius meminit Ptolemaeus ; sed eos erroris arguit idem Cluverius pag. 370. alio *Biturigiam* constitutam fuisse ostendens . Vide & Blondum Lib. III. Cap. II. Ital. ill. Miror Thomae Dempstero , qui de hac Urbe scribit

bit Lib. VI. Cap. VI. de Etruria regali, haec excidisse.
Proferam nunc vetustos lapides, qui in hac Civitate Etruriae exstant, ni tamen paucis ab hinc annis interciderint.

In Palatio Episcopi.

In Villa D. Baularvi Ticchi.

1
D . M
Q. VOLCACIO. Q. F.
CELERI. MILITI
COH. VIII. PR.
BENEFICIARIO
TRIBUNI. Y. ATTICI
MILITAVIT. ANNIS. VII.
VIXIT. ANNIS. XXV.

2
D . M
GRATAE
CONIVGI
OPTIMAE
C. CAESIVS
CALLINICVS

1. Decimo octavo aetatis anno militiae adscriptum, fuisse constat ex hoc lapide Q. Volcacium Celerem, qui septem annis militavit in Cohorte Nonia Praetoria, fuitque Beneficiarius Tribuni Centuriae Attici. Beneficiarius Tribuni, ut legitur apud Iulium Caesarem Lib. I. Belli Civilis, custodiae causa apud Tribunum stabat; eique, ubi opus esset, praefidio & ministerio erat; neque enim ignobiles, aut imperitos milites fuisse Beneficiarios compertum est. Id ostendit Plinius in Epistola ad Traianum Caesarem Lib. X. in qua de numero militum agit Gabio Basso Praefecto orae Ponticae adsignatorum: *Quantum perspicere potui, vir egregius, & indulgentia tua dignus; cui ego notum feci praecepisse te, ut ex Cohortibus quibus me praeesse voluisti, contentus esset BENEFICIARIIS decem, Equitibus duobus, Centurione uno.* Beneficiariis honorariores erant Principales Beneficarii Tribunorum; quorum fit mentio in veteri lapide apud Fabrettum Cap. III. n. 114. Neque vero opinionem aliquorum adprobare possum, qui ex eo Beneficiarios dictos fuisse

isse putant, quod missione honesta donati agrorum annuorumque stipendiorum munere, ac beneficio affecti essent: Nam certissimum est milites militia dimissos non fuisse nisi vicena stipendia emeritos. At hic Q. Volcacijs militasse, scribitur annis septem, mortemque obiisse aetatis suae anno vicesimo quinto. Beneficiarios dictos fuisse ea de causa crederem quod Tribunorum beneficio ad maiorum officiorum gradus in militia promoverentur. Hinc C. Lucilius Vindex in inscriptione allata a Grutero pag. DLI. 3. & a Fabretto loco suprascripto, ex Principali Beneficiario Tribuni, factus deinde est Optio in Centuria Cohortis Sextae Praetoriae. Burgensen hunc lapidem aliquibus respersum mendis edidit Gruterus pag. DLXIX. 13. & Fabrettus Cap. III. pag. 139. n. 141. ego vero ex Schedis Bibliothecae Vaticanae in Donianis Collectaneis.

In eadem Civitate.

3
 V D I S : M ♂
 Q. HORTENSIVS . ASCLEPIADES
 FECIT . SIBI . ET
 TERENCEIAE . ANNOR . L ♂
 REQUIETORIVM
 A . B . F . S . S . S . IN . FR . P . X IN
 A G R . P E D . V .

3. Hanc quoque inscriptionem profero ex Donianis Collectaneis, quam Aldus Manutius exscripsit. Sexta linea
 ita

ita forte interpretanda est, *Amitae benemerenti fecit superscriptum Sepulcrum.* &c. REQUIETORIVM Gr. ἀναπαύσειον. Sepulcrum in quo defunctorum corpora, vel cineres requiescunt, Christiani dixerunt κοιμητήριον, *Dormitorium.* Non parum depravatam edidit Gruterus pag. DCCCLXXXIII. 4. & Iac. Gutherius de Iure Manium pag. 282. quem vide.

Ibidem.

4

D . M . S
 MARCIAE . QVINCTIAE
 VIX . AN . XXVI
 CONIVGI : OBSEQUENTISS
 PIISSIMAE
 SEX. GAVIVS. SEX. F. POMP
 A R R I V S
 FECIT. SIBI. ET. S. LIB.
 IN. FR. P. XII. IN. AG. P. XVI

4. Edita & haec inscriptio in Gruteriano Thesauro pag. DCCCXV. 9. Sextus Gavius Arrius Pomtina Tribu Arretinorum civitatis iure, & suffragio donatus, de quo superius aliqua disseruimus. Huic Civitati claritatem splendoremque dederunt sancti viri Arcanus, & Aegidius celebres Anacoretæ, qui locum antiquitus nemorosum, & solitarium frequentarunt. Ex ea illustres Viri prodire Antonius Maria Gratianus, Dionysius Theologus, Lucas Paciulus alique.

IN-

INSCRIPTIONES

ANTIQUAE

CORTONAE.

*La Ecclesia S. Domini Vallis Proclii, ad Tbrasimenum, vulgo
Val di Pierle, prope Cortonam, ad tria milliaria.*

M. SERTORIUS M. F
ST...VERECUNDVS
CORTONA
M. COH. PR. 7. ANNI
VIXIT ANNIS XXI
MILITAVIT. ANNIS. V.
EX. T. F. I

INter omnes non modo Etruriae, verum etiam Italiae Urbes, quae olim imperio, & potentia maxime illustres, famaue celebres fuere, praecipuum certe locum habet CORTONA vetustissima, & nobilissima, quam hisce lucubrationibus illustrandam suscipimus; quae licet omni clade belli vastata secundo bello Punico ab Hannibale, posteriorique aevo ferro, & flamma excisa barbararum nationum undequaque grassantium immanitate, per pauca hoc tempore ostendere possit veteris splendoris, & magnificentiae monumenta; tamen celeberrimorum auctorum scriptis, quae nulla potuit delere vetustas, adeo ce-

lebris est, ut nemo sit qui ignoret quantam priscis temporibus, imperio, dignitate, magnitudine, populorum frequentia, armorum virorumque praeclarissimorum gloria, aeterni nominis claritatem sit consecuta. Constat enim Dionysii Halicarnassei, Livii, Polybii aliorumque scriptorum testimoniis longe ante conditam Romam, & ante Troianum bellum aedificatam fuisse, totiusque mox Etruriae caput cum Perusia, & Arretio constitutam fuisse, in qua sedem suam Tyrrhenorum potentissimi duces posuerunt, arcemque in ea munitissimam habuere. Excelso colli imposita est supra Thrasimenum lacum, a quo quinque millibus passuum distat, inter Perusiam, & Arretium. Latini CORTONAM dixerunt, uti ex Plinio aliisque constat, & ex militaribus faxis, e quorum numero superius adlatum, haecenus ineditum; factumque hoc nomen nonnulli putant, corrupto vocabulo, a *Corytho*, quo antea vocabatur, saepius a Virgilio memorato, & a Silio Italico, qui & utrumque usurpat. Romanorum Imperio cessit cum ceteris Etruriae civitatibus ante secundum bellum Punicum, iisdemque opem tulit adversus Hannibalem infensissimum Romani nominis hostem. Cortonenses in civitatem a Romanis accepti STELLATINA Tribu censi sunt, uti relatum marmor praeter alia disertè testatur, quae Tribus una ex Rusticis fuit, ab agro Stellate in Etruria ita appellata, quemadmodum Festus, & Livius Lib. VI. memorant, anno Urbis conditae CCCLXIX. simul cum Arnienfi, vel Arnina Tribu. Sed de patriis antiquitatibus quum accuratius, ut arbitror, ipsi cives disserere possint, audiendus Vir ex Equestri Ordine Divi Stephani splendidissimus Nicolaus Marcellus Venuti, Patricius Cortonensis, eruditioni, & rerum antiquarum studio impense deditus, qui in Epistola sua de his luculenter scripsit, quam mecum humanissime communicavit, eamque splendore, & gloria nominis Viri praeclarissimi exornavit, quam in lucem profero.

REVERENDISSIMO PATRI MAG.
F. SALVATORI ASCANIO ORD. PRAED.

Catholici Hispaniarum Regis apud Magnum
Etruriae Ducem Ablegato, atque Acade-
miae Cortonensis, quae ETRUSCA dicitur
LUCUMONI

N. MARCELLUS VENUTUS

S. P. D.

DIU Multumque, fateor, PATER REVEREN-
DISSIME, anceps animo fui an Tibi summis
curis maximisque negotiis quotidie distento
litteras darem; sed ut id facerem peregre-
gia singularisque humanitas tua, qua me
meosque semper complexus es, non levibus rationum mo-
mentis adhortata est, atque ut ita dicam tandem impulit
multa cum voluptate. Neminem enim habere me sentio
hoc tempore faciliorem Te, studiorumque nostrorum
amantio rem, qui libentissime veterum erudita monumen-
ta probas, atque existimas, & ACADEMIAE ETRUSCAE
decus, eiusdem LUCUMONIS (ut vocant) perbenigne ac-
cepta dignitate, in dies clarissimo tuo nomine summopere
auges, atque exornas. De CORTONAE igitur nostrae anti-
quitate, ortu, ac fortuna non nisi ad te scribendum existi-
mavi, quod tibi si non grave, nobis quidem iucundum
erit, pro nostro in Patriam amore, & fortasse etiam uti-
le, circa ea Te aliquantisper detinere. Tantas profecto ab
ipsis incunabilis fuisse res nostras memoriae proditum est;
ut nullam Italiae Urbem antiquioribus, & iuculentiori-
bus testimoniis supra ceteras vetustatem suam probare
posse asseramus.

Zr ,

Cor-

Cortonam antiquum *Corythum* censent eruditi; quem Virgilius saepe numero in *AENEIDE* aeternis carminibus non solum antiquissimum, verum etiam ante Troiae aedificationem stetit, ac floruisse memoriae mandavit. Dardanum enim ex *Corytho* Etruriae prodiisse cecinit *Lib. VII. v. 207.*

Dardanus Idaeos Thrygiae penetravit ad urbes

Threiciamque Samum, quae nunc Samotracia fertur.

Hinc illum Corythi Tyrrhena a sede profectum.

Neque difficile erit ostendere eandem urbem esse *Corythum*, atque Cortonam testimonio Silii Italici libro octavo, qui Cortonam domum Tarchontis, & alibi eam nomine *Corythi* vocatam inter Arretium, & Clusum ponit; quidquid contra dicat Franciscus Marianus, homo deploratissimae causae vindex, innixus simplici unius auctoris coniecturae, qui vellet utroque Silii in loco lectionem pervertere, quum omnes quotquot sunt antiquissimi codices *Corythum* habeant; & Cortonam *Corythum* fuisse clarissimi viri Philippus Cluverius, Ferrarius Alexandrinus, Baudrandus, Senator Bonarota, omnesque sanae mentis, additis quamplurimis Virgilii enarratoribus in hanc rem calculum ferentibus.

Hoc autem insigne nomen a *Corytho* Etruriae Rege, atque Dardani aedificatoris parente habuit, ut ait Servius, ad Virgilii locum *AENEIDOS Lib. III. v. 167.*

Haec nobis propriae sedes, hinc Dardanus ortus,

latusque Pater, genus a quo principe nostrum.

Surge age, & haec lactus longaevo dicta parenti

Haec dubitanda refer: Corythum, terrasque requirere

Ausoniae

Ferrarius Alexandrinus vult Cortonam a *Corytho* Etruriae Rege vocatam *Corythum*, quasi *Corythonam*, & inde Crotonam affini vocabulo, a Graecis; iis enim familiare fuit R. litteram ante, ac post subiectam vocalem promiscue collocare. Unde nil mirum, si Crotonam, & inde Cortonam postmodum dixerunt, ut ait Dionysius Halicarnassensis.

Sed operae pretium est animadvertere quot quantique nominis auctores de Cortona verba fecerint; & primo postquam

postquam antiquiorem ipsa Troia audivimus Urbem nostram, antiquissimus Historicorum Herodotus, qui vixit circa Olympiadem 84. narrans Pelasgorum in Italiam Etruriamque profectionem, multas aetates ante bellum Troianum, Cortonae in Urbe florentissima sedes eos posuisse testatur, atque ibidem adversus Umbros munitionem statuisse; quare suo adhuc aevo Cortonenses lingua Pelasgica, atque a ceteris Etruriae pagis dissimili usos fuisse testatur Lib. I. Cap. XVII. Quae historia a Dionysio Halicarnassensi confirmatur Lib. I. Cap. XXVI. & XXVII. qui eodem modo quo Herodotus Cortonam vocat Urbem Metropolim Etruriae, atque magnam, & fortunatam. In Herodoto vero non Cortona, sed Κρησώνα occurrit, & hoc pro Κροτώνα ut ait Holstenius, oppido Pelasgorum in Etruria, ἡντὶ Τυρρηνῶν; itemque Berkelius. Adde ipsam *Creslonam* Italicam suspectam esse, & forte apud Herodotum non Κρησώνα, sed Κροτώνα legendum; quod profecto satis docte ab Iacobo Palmerio in criticis Exercitationibus ad Herodotum ex Dionysio Halicarnassensi demonstratur.

Hoc itaque nomine, sicuti ceteris, quibus varie a Graecis scriptoribus demonstrabatur, etiam a Stephano Byzantino descripta fuit. Κροτών, ἔστιν ἐν τέρῃ πόλις, Τυρρηνίας Μητρόπολις, & τρίτῃ Ἰταλίας. *Croton est altera Urbs Metropolis Etruriae, & tertia Italiae*: sicuti in verbo Κρησών, eandem urbem describit.

Exactis itaque ex Aboriginum finibus iisdem Pelasgis, nihil praeter Crotonam urbem vetustissimam reliqui mansisse tradit Dionysius Lib. I. Cap. XXVI. & notandum hanc migrationem Pelasgicam in Etruriam, ut observavit Rykius, & doctissimus noster Academicus Iustus Fontaninus, eruditae antiquitatis decus, & ornamentum, factam periodo Iuliana 3186. ante primam Olympiadem, anno 752. adeoque 344. ante epocham Troiae captae secundum Eusebii Scaligeriani calculum, ad Erathostenis canones correctum.

Si vero fabulae a nobis adeundae sint, liceat ad excidii Troiani tempora mentis aciem convertere, atque ecce Urbem

hem a Lycophrone, ac Theopompo commemoratam. Stephanus Byzantinus hic quoque in verbo ῥίπτω, observandus. Θεόπομπος φησιν, ὅτι παραγεγόμενος ὁ Οὐδυσσεύς, καὶ τὰ περὶ τὴν Πηνελόπειαν ἐγνώκει ἀπῆλθεν εἰς Τυρηνίαν, καὶ ᾤκησεν εἰς Κορυνθαίαν, ἐνθα καὶ τελευτᾷ. Theopompus ait, quod rediens Ulysses, & noscens apud Penelopem acta, transiit in Etruriam, & habitavit Cortonae, & ibi mortuus est.

Lycophron quoque hanc Κορυνθαίαν commemorat, ad quam illustrandam Tzetzes ex Theopompo Tyrheniae Κορυνθαίαν existimat Cortonam esse Urbem Etruriae antiquissimam. Quae nam igitur laus accedere poterit Etruscae Urbi, quando Ulyssis quoque domicilium atque rogiū elargita existimetur, qui suam Ithacam tanti fecisse memoratur, qui fumum illius ut videret, ut auctor est Cicero, immortalitatem dicitur recusasse?

Illud quoque silentio minime praetermittam Lycophronem eo in loco ubi meminit sepulcri Ulyssis, mentionem facere *Pergi* montis, de quo ne verbum quidem fecerunt eius enarratores, qui, ut arbitror eiusdem montis topographiam ignorarunt. Sciendum igitur est *Pergum*, ad hanc diem ita appellatum, esse montem prope Cortonam situm, ab eius radicibus exsurgentem, valde amoenum, omnibusque deliciis, & villarum nobilium civium frequentia valde famosum, quae etiamnum vernaculo sermone *Pergo* appellantur; quare hunc esse illum montem a Lycophrone laudatum nullus dubito.

Inceso postmodum Ilio, Tarchon Rex, Telephi filius, cum in Etruriam venisset Cortonae sedem statuere, utpote in magna, atque munitissima urbe voluit, ut ait Silius, qui Cortonam Tarchontis domum appellat.

Hunc advenienti Aeneae in Italiam suppetias tulisse manifestum est ex Virgilio, Cortonam antiquissimo Corythi vocabulo indigitante.

Neque obstat Tarchontem Tarquinii Urbem Etruriae excitasse, uti ex Stephano liquet, verbo Ταρχωνίαν, πάλαι Τυρηνίαν &c. cur alibi non potuerit habitare, ut putat Franciscus

ciscus Marianus in suo Antibiterbio ; quinimo necesse habuit alibi primo non minimum tempus traducere , quandoquidem novam civitatem tam cito advena aedificare non potest .

Ad haec tempora Etruria in δύο, & δέκα ἀρχηγεΐδας divisa usque ad Romanam fortunam memoratur , teste Dionysio Halicarnassensi Lib. VI. qui deinceps lib. IX. has Παλαιο, seu Civitates vocat. Sic T. Livius Lib. IV. V. & VI. duodecim Populos Etruriae appellat, inter quos doctissimi homines, & quisquis in eruditione cordatus, Cortonam numerandam esse non it inficias.

Ita Philippus Cluverius, & Lucas Holstenius verbo περιήγειον ad Stephanum, & Clar. Fontaninus Archiepiscopus An-cyranus de Antiquit. Hortae l. 1. cap. 1. Neque tantum unam ex XII. Etruriae civitatibus, sed ceterarum caput extitisse ex Livio liquet, Decad. III. lib. 2. Sed ubicumque pugnatum est, Romana res superior fuit. Itaque a Perusia, & Cortona, & Arretio, quae ferme capita Populorum ea tempestate erant, Legati pacem, foedusque a Romanis petentes, inducias in triginta annos impetrarunt.

Fraetis vero Etruscorum exercitibus ad Lacum Vadimonis, diu multumque tranquillam societatem cum Romanorum potentia coniunctam habuisse gavisa est Urbs nobilissima, donec late patentem agrum diversis vicissitudinibus hostili, & Romano sanguine undantem videret. Polybius lib. III. Οὔτε μὴν Ἀννίβας ἅμα μὲν εἰς ταύτην προσην ὡς πρὸς τὴν Ρώμην προῆν διὰ τῆς Τυρρηνίας. ἐνώνυμον μὲν πάλιν ἔχων τὴν προσηγορευομένην τὴν Κορτώνιον, & τὰ ταύτης ὄρη. διὰ δὲ τὴν Τρασιμένην Ἑ. Hoc est: *Mannibal* interea per Etruriam suos ducere Romam versus, habens ad lacum Urbem Cortonam, & adiacentes ei montes, ad dextram lacum vocatum Tbrafmemum, &c. & Livius III. Decad. Lib. II. *Mannibal*, quod agri est inter Cortonam Urbem, Tbrafmemumque, lacum, omni clade belli pervassat, quo magis iram hosti ad vindicandas sociorum iniurias acuat. Et iam pervenerat ad loca infidiis nota, ubi maxime montes Cortonenfes Tbrafmemus subit. Via tantum intereff perangusta, velut ad ipsum de industria relicto spa-

*spatio : deinde paullo latior patefcit campus , & colles exsur-
gunt.*

Neque difficile est effusi Romani sanguinis nostro aevo meminisse, quandoquidem ab insueta, ac formidolosa clade feralia remaneant nomina, Sanguinetum, Vallis Proellii, Sepultuaria, Caesi, Olfaria, ab ossibus ibi caesorum, ubi positum sequiori seculo hoc distichon affixum legitur.

NOMEN HABET LOCVS HIC OSSARIA AB OSSIBVS ILLIS

QVAE DOLVS HANNIBALIS FVDIT ET HASTA SIMVL.

Nec mirum est cadaverum aratro effossorum, & elephantum λεύσανα saepe numero in apricum extrahi a sedulis cultoribus, qui, gigantea reperta credentes, exultant, ut ait Virgilius Georgicon Lib. I. v. 495.

*Exesa inueniet scabra rubigine pila;
Aut grauibz rastris galeas pulsabit inanes,
Grandiaque effosis mirabitur ossa sepulcris.*


Hinc Leander Albertus, & Ughellus in Italia Sacra, Cortonam giganteum conatum appellare non dubitant.

Coloniam postmodum Romanam recepit Cortona, testimonio Dionysii Libro primo. Ἐξο γὰρ Κρότωνος τῆς ἐν Ουμβρικαῖς πύλεως ἀξιολόγου, καὶ μὴ δὴ τι ἄλλο Ἀβοριγίνων οἰκιστὴν ἐτύγχανε, τὰ λοιπὰ πῶς Πηλεσργῶν διεφθάρη πολισμοῖς. ἡ δὲ Κρότων ἄγχι πολλῶ διαφολάεσσα, τὸ παλαιὸν σχῆμα, χρόνος ὁ πολὺς, ἐξ ὧ τήντε ἀνομασίαν, καὶ τὸς οἰκῆτορας ἔλλαξε, καὶ οὖν ἐς τὴν Ῥωμαίων ἀπεικία, καλεῖται δὲ Κορτωνία. Haec ita interpretata sunt. Nam praeter Crotonem Umbriae civitatem memorabilem, & si quod aliud tenuerunt Aborigines domicilium, perierunt reliqua Telasgorum oppida. Croton vero cum diu retinisset veterem formam, non multo ante nostram aetatem & ciues mutavit, & nomen, facta Romanorum Colonia, & Cortona vocata.

Itaque si cui umquam Urbi Tyrrheniae nomen inditum est, hoc uni Cortonae congruit ex Hellenico Mitylenaeo. Herodoti antiquiore, a tot antiquis auctoribus laudato, ut illustres Socii Palatini adversus Marianum in Dissertat. Ital. luculentissime demonstrarunt.

Corto-

Cortonenses Cives *Stellatina* Tribu censos, utpote olim ex Etruria a Stellate fluvio accita, antiqua, quae apud eos exstant, marmora, atque in Cortonensi solo eruta, diserte testantur; quorum illustrandorum spartam non inviti relinquimus Clarissimo Viro Antonio Francisco Gorio Academico nostro, de priscis monumentis, ac praesertim Etruriae nostrae optime merito. Veteris inscriptionis fragmentum in Cortonensi agro dudum repertum proferre libet; ex quo colligere possumus, Praefectum, vel Correctorem Etruriae, Cortonae sedem habuisse: id ita se habet.



Idem confirmatur disertissimo Claudii Rutilii Numantiani testimonio, qui in Itinerario, quod scripsit, imperantibus Honorio, Arcadio, & Valentiniano Augustis, anno ab V. C. M. C. L. X. I. X. tempestate sua Decium optimum, ac doctum virum, Rectorem cum imperio Etruriam gubernasse, atque Cortonae sedem habuisse, narrat.

*Haec eadem, quum Flaminiae regionibus irem,
Splendoris patrii saepe reperta fides.*

Famam Lachanii veneratur numinis instar

Inter turrigenas Lydia tota suos.

Grata bonis priscos retinet provincia mores,

Dignaque Rectores semper habere bonos.

Qualis nunc Decius, Lucilli nobile pignus,

Ter Corythi populos arva beata regit.

Aaa

Nec

Nec mirum, magni si redditur indole nati

Felix tam simili posteritate pater.

Huius vulnificis Satyra ludente Camoenis

Nec Turnus potior, nec Iuvenalis erit.

Ceteros vero Magistratus, nempe Quatuorviros Iuridicundo, AEdiles, & Quaestores in splendidissima Cortonensium Colonia fuisse, itemque alia honorum genera, quae Municipiorum, Romanarumque Coloniarum splendorem, & decus augent quammaxime, profecto extra dubitationis aleam, tum alia antiqua monumenta, tum quae apud nos exstant, probare possunt: quae omnia ab Historicis quoque Tartaglino, & Rondinello animadversa fuerunt. Accedunt rudera magnifici Templi, ubi pulcherrimae etiam nunc columnae ex Oriente deductae visuntur, in loco dicto *Farneta*; quod reor Baccho dicatum fuisse. Sed perpauca ex his, quae non ita pridem defossa sunt, antiqua monumenta, operae pretium est breviter recensere: hoc enim ipso anno MDCCXXX inventa sunt vestigia antiquorum balnearum, quorum pavementum, opere tessellato multa elegantia stratum fuit; inventique ibidem tunc plumbei tubi, qui aquas in ea derivabant. Sub oculis identidem ponam vetustissimum Sarcophagum Etruscae scriptum, cuius notae Latinis characteribus ita forsitan interpretari possunt.

LARTS : ANEMI FELSINAL



Id

Id quanti momenti esse possit maximopere intelligitur, cum *Lars*, *Lartes* nomina fuerint Regum Etruriae, ut *Lars* Tolumnius, atque *Lars* Porfena; quum saepe saepius Etrusca nomina desinentia in *L* reperiuntur. Et ex Plinio notum est unum ex Etruscorum Regibus Felsinum Bononiae Urbis parentem, & conditorem fuisse.



Sigillum hoc tres ex aere Histriones, & procul dubio Etruscos ex cultu, & foecis, ad alarum modum terminantibus, repraesentat; de quibus quum Rodolphinus de Venetis Canonicus Cortonensis, meus frater, satis luculenter verba fecerit, nihil in praesentiarum addendum puto.

Denique pulcherrimam ex auro armillam intra Cortonae moenia repertam una cum compluribus Consularibus nummis sub domo Viri Nobilis Dominici de Thomasis, exhibeo. Hoc Etruscarum feminarum peculiare, atque elegans ornamentum, a Romanis mulieribus, indeque a militibus, ducibusque usurpatum fuisse lapides inscripti testantur; ex his duos tantum subiiciam, qui multa notatu digna praeferunt, de quibus etiam fufius, si otium esset, disserere possem. Priorem inscriptionem illustrat Fabrettus Cap. III. Inscr. ant. pag. 127. n. 44. quam etiam lubens animo expono, quia C. Gavius Silvanus, Stellatina Tribu censum, memorat, de qua supra diximus. Sequentem


inſcriptionem edidit Sponſius in Miſcellaneis Seſſione V.
pag. 177.

C. GAVIO. L. F
STEL. SILVANO
PRIMIPILARI. LEG. VIII. AVG
TRIB. COH. II. VIGILVM
TRIB. COH. XIII. VRBAN
TRIB. COH. XII. PRAETOR
DONIS DONATO. A. DIVO. CLAVDIO
BELLO. BRITANNICO
TORQVIBVS. ARMILLIS. PHALERIS
CORONA. AVREA
PATRONO. COLON
D , D

SEX. VIBIO GALLO RICINARIO
PRIMOPILARI PRAEF. KASTROR.
LEG. XIII. GEM. DONIS DONATO
AB IMPERATORIBVS HONORIS
VIRTVTISQ. CAUSA TORQVIBVS
ARMILLIS PHALERIS CORONIS
MYRIALIBVS III VALLARIBVS II
AVREA I HASTIS PURIS V
VEXILLIS II SEX. VIBIVS
COCIANVS PATRONO BENEMERENTI

Neque praetereundum duco hoc loci, quod eruditos homines error tenuit, qui insignem in Vaticano iacentem Scaruam ornatam simili armilla quum vidissent, illam Cleopatrae nomine celebraverunt. Armillam elegantissimam, de qua paullo ante dicebam, duo angues circumvoluti conficiunt, cuius iconismum subiicio.

La-



Lapso Romanorum imperio, Gothorum, Longobardorumque vicissitudines, fortunaeque iniurias Vrbs nostra passa est; quo tempore aiunt D. Leonem P. M. Romae natum, Quinctiani vero Cortonenfis filium, floruisse. Subsequentis autem temporibus libertatem sibi vindicavit, sicut ceterae Italiae urbes, maiestatemque Romano more duobus Consulibus, atque domestico Senatu servavit, etiamsi nihil eorum habuerit quae dixit in Italia hospes Dempsterus Etruriae Regalis Lib. V. Cap. IX. Quamplurimos in Hierosolymitana expeditione nobiles Ephebos Cortonenses, arma, atque classem habentes misit, qui per multum postea tempus nomen suum in Creta insula reliquerunt in Portu Cortonenfi dicto: quae omnia Abrahamus Ortelius retulit, atque in Tabulis P. Bertii videri possunt.

Inde finitimos inter Perusinos, Arretinosque strenue dimicarunt nostri Cives, testimonio Ioannis Villanii, donec anno MCCLIX. saeviente interna Guelphorum, atque Gibellinorum rabie, ab Arretinis subdole, & per astum occupata fuit Cortona, ut ait Ricordanus Malespina in praedicto anno; quam aratro evertere conati sunt, sed fugam arripuerunt intra biennium, postquam Cortonenses aedificassent Castrum ad Trasimeni ripas, & Senensibus adversus Florentinos suppetias tulissent. Cuius rei indubia testimonia, lapides, picturae, & manu conscripti codices, & populi interrupta epinicia, quotannis celebrari solita, con-

tra

tra Leonardum hominem Arretinum, nonnullosque eius sectatores infcios facti, pugnare possunt.

Illud profecto haud praetermittendum, quod liberam ab omni servitute Urbem ante saeculum decimum quartum Henricus VII. Romanorum Imperator invenit, quando ipsius quoque Legatos in libertatis suae iacturam accedentes callide avertit, ipsumque Imperatorem postea libertatis iura sibi firmantem, atque insignibus decorantem, alacri animo Vrbs excepit.

Inde αὐτοκρατορ tyrannidem praepotentis civis Rainerii Casalis, Vguccii nepotis, qui moenia instauraverat, subiisse constat; & in ea gente per septem Dominos, qui se se Imperiales Vicarios vocitabant, continuatum imperium. Tandem Aloysii Baptistae extremi Dynastae elatiorem superbiam amplius Populus non ferens, ultro Neapolitano Regi Ladislao se dedit, qui Tyrannum Neapolim custodiendum transmisit, Florentinaeque Reipublicae Urbem pretio donavit, anno Aerae Christianae 1409.

Horum astra videri possunt saepe apud Villanos, D. Antoninum Archiepiscopum, Volaterranum, Matthaeum Palmerium, Iacobum Laurum, Tartaglinum, ceterosque Historicos Cortonenses, aliosque quamplurimos.

Ceterum Cortonae sub caelo situs, quod ad Poli altitudinem, sive latitudinem spectat, ea est grad. 43. minut. 15. Florentia meridionalior, ubi attollitur Polus gr. 43. min. 46. & 30.

Sita est Vrbs in excelsio monte, e dorso ad elatius cacumen porrecta. Planitiem habet ad meridiem longe lateque patentem, adeo ut eius prospectus e summo monte quaque versus sit oculis longe iucundissimus: est enim humilibus collibus disseminata, ut via e longinquo prospicientibus adsurgere videatur. Ad ortum solis habet Trasimenum lacum, cuius ripae pulcherrimae rotundo orbe aquas includunt, colorem maris aemulantes, cladeque Flaminii Consulis Punico bello nobilitatas. Montes, qui a Septentrione latus explicant, a Livio, & Polybio describuntur.

Cete-

Ceterum & qua ager planus est, & qua montosus; uberrimis fegetibus, laetis arboribus, olivetis, vineisque nobilissimis abundat. Vina certe ab Andrea Baccio iure meritoque celebrantur. Sunt & saxi fodinae, ex quibus nobile marmor, etsi minus notum, eruitur ex laspidis genere, viride, nigris maculis, amethystique frustulis intertextis. Nec desunt quae naturalem Historiam, Botanicam, Pharmaceuticamque iuvare possint. Urbis moenia immanibus, quadratisque extructa saxis, antiquitatem praefereunt indubiam; eiusdem sane structurae est Crypta, quam nostrates Pythagorae appellant, in qua, ferunt, Philosophum olim degisse. Nos vero sepulchretum censemus. Cortonam Viros sanctitate, doctrina, armis insignes omni saeculo habuisse legimus, quos longum esset nunc recensere. Ad Urbis vero ornatum non desunt perpulchra templa. Bramantis Sangallii, Georgii Vafarii, & Equitis Fontanae opera, plurimaque excelsissima arte Civium Equitis Radii, Philippi Berrettini, & Antonii Iannelli Architectonicis peritissimorum, videntur. Picturas illustrium Civium Lucae Signorelli, Petri Pauli Gobbi, Petri Berettini, & Lucae nepotis, aliorumque Italicorum artificum videre est in privatis publicisque aedibus. Episcopium, Praetorium, Xenodochia plura, & si quae sunt alia Civium non aspernanda, ex industria praetermitto. Quae de Ecclesia Cortonensi dicenda forent, ex Vghellio, atque ex eius Adnotatoribus petenda sunt. Illud equidem non reticendum, proximis ab hinc annis, studio, ac solertia nobilium Iuvenum, Societatem institutam esse percelebrem, quam Academiam Etruscam vocant. Hi nullis impensis parcentes Museum instructissimum compararunt, publicaeque utilitati exponi iusserunt, ut veterum Etruscorum praesertim colligerentur monumenta, quae in hac potissimum plaga in dies proferruntur. Hinc plurima iam allequuti sunt vetustatis insignia; lapides Etruscae inscriptos, fictilia vasa, & quae ad rem herbariam, metalla, maris frutices, & Opticen pertinent. Atque feram aliarum rerum suppellectilem, numismata, Roma-

nos lapides, excultas gemmas, pondera, anaglypha, signa; & clypea, iconismos, unde facile possint eruditi Socii haurire antiquitatis notitiam? Et ne quid deesset, publicam etiam Bibliothecam in eodem Museo dedicarunt, in qua per singulos menses de singulari eruditionis parte aliqua, ab uno Sociorum disseritur. At quid plura? Illud certe pro Academiae huius splendore dixisse sufficiat, plurimos Europae clarissimos Viros se se in ea connumerari voluisse, ut qui sperent fructus ex ea aliquando se percepturos, quibus Respublica literaria maximum capiat iuvamen, & ornamentum: quum praecipue nacti simus in Academiae Praesidem Philippum Bonarrotium Senatorem amplissimum, Virum bono Reipublicae literariae natum.

Te etiam praecipuos inter Heroas connumerabimus, Vir Reverendissime, cui facile debet Etruria felicitatem suam; quandoquidem ab Etruria dissidia eliminata & bella evitata, spem successionis firmatam curas propter, & sollicitudinem tuam quisquis est rerum aestimator aequi bonique consulens, facetur, & gaudet. Tu nostrarum lucubrationum curas amplexatus, superioribus hinc annis in Academiae Lucumonem, ut vocant, seu principem renuntiari non renuisti; tantoque amore nostra haec mitiora studia foves, ut haec, quae de Patria mea, longius fortasse quam par erat, scripsi, pro tua humanitate libenter excepturum esse confidam. Vale.

Dabam Cortonae. Idibus Novembribus.


Anno Ae. V. CIO. IO. CC. XXX.



Illu-

Illustrata insignium scriptorum testimoniis, & vetustis monumentis CORTONAE antiquitate, ad elucidandos veteres inscriptos lapides Romanos, qui in ea reperti sunt, gradum facio; quibus postea eos adiiciam, qui aliunde in hanc Urbem nobilissimam, vel in Museum Academiae Etruscae advehi sunt.

In Ecclesia S. Michaelis Castri Casalís, supposita mensae Arae maximae, & inventa anno MDCCV.



3. *Calliae* familiae nullam fieri mentionem in editis antiquis inscriptionibus comperi, praeter quam in sepulchrali titulo,
Bbb

titulo, qui Polæ descriptus est ab auctore Codicis Rediani saepius memorati; qui adfertur inter Inscriptiones antiquas a Marquardo Gudio collectas, ac nuper editas pag. CCLXVII. 9. Labet illum rursus proferre; nam forte nobis declarat Calliam Valeriam uxorem fuisse L. Callii Crispini, qui cum matre sua Martia Serena, & Libertis, ut indicat ea sigla in nona linea ET LIB. hanc aram posuit patri suo L. Callio Ariminensi.

D . M
CALLIA . VALERIA . CALLIO
CRISPINO . CONIVGI . BENEMERENTI
POSUIT

Cognomen L. Callii Ariminensis adnotare lubet desumptum ex nobili aequae ac pervetusto Municipio, & Colonia Romanorum Arimino; quod non raro a veteribus fieri consuevisse alibi animadvertimus. A Florentina Colonia tum viros, tum feminas cognomen accepisse testantur lapides in Gruteriano Thesauro DXXIV. 7. DLV. 2. alique complures, quos alibi data opera indicabimus.

*Titulus sepulchralis inventus extra Portam S. Dominici inter rudera
Ecclesiae S. Caeciliae, prope Monasterium Commissarum;
nunc in Museo Academiae Etruscae Cortonensis.*

4

D . M
A V L V S G E L L I V S
M Y R R I N V S

4. Compluribus aliis antiquis inscriptionibus, quae perspicue evincunt Noctium Aëticarum scriptorem eruditissimum,

mum, atque elegantissimum *Aulum Gellium* vocandum esse, non vero *Agellium*, ut apud aliquos doctos viros invaluit, ad censendus est hic quoque perbrevis titulus, prae ceteris magno in pretio habendus, quia prænomen non per singularem primam litteram cum puncto interposito ut A. GELLIVS, sed integrum AVLVS GELLIVS exhibet. Inter primos qui hunc errorem induxerunt est Iustus Lipsius, cuius Lib. VI. Quaestion. Epistol. Cap. VIII. haec verba sunt: *Gellium, an Agellium dicemus, qui Noctes Aëticas scripsit? Agellium constanter libri scripti, etiam illud optimae notae fragmentum Giselini, appellant: Agellii Noctium Aëticarum liber X explicuit. Incipit XI feliciter &c. Priscianus etiam nomina propria deducit a Servo Servilius, ab Agello Agellius.* Haec an tanti sint ut Gelliano nomini immutando sufficiant accurate expendit doctissimus Petrus Lambecius in Dissertatione de Vita, & Nomine A. Gellii, quae praecedat Prodrum Lucubrationum Criticarum in Auli Gellii Noctes Aëticas, Parisiis impressum, anno MDCXLVII. Obiectioni, quae aliquorum manuscriptorum Codicum auctoritate nititur, quos Agellium habere adfirmat Lipsius, pro sua parte Lambecius omnes scriptos libros adducit, (inter quos sex Codices Bibliothecae Vaticanae) ad quorum fidem primae editiones impressae sunt, quae numquam *Agellium* pro *Aulo Gellio* obtrudere. Ipse etiam Priscianus non aliter hunc auctorem citat, quam *Aulum Gellium* Lib. VI. His rationum momentis addit virorum eruditorum testimonia, qui nomen illud ita litteris consignarunt. Secundam objectionem deinde refellit non minus frigidam, quam inanem ex Prisciano desumptam; opponitque eiusdem Prisciani testimonium Lib. II. quum nullum gentis, vel familiae nomen apud Romanos sine prænomine esse possit; adeoque reiicienda sit, non admittenda barbaries descriptorum antiquorum Codicum, qui prænomen, & nomen Auli Gellii in unum confundentes, & punctum inter prænomen, & nomen non admittentes, quod etiam frequentissime Etrusci nostri in vernaculum sermonem Latina monumenta vertentes fecerunt, qui quidem

scripsere pro *M. Apicio*, *Mapitio*, illam Auli Gellii germanam genuinamque adpellationem corrumpere. En Prisciani verba: *Ex illo consuetudo tenuit, ut nemo Romanus sit absque praenomine; & notatur vel singulis litteris, vel binis, vel ternis; tum singulis quando a vocali incipit praenomen, ut A. Aulus, vel ab una consonante, ut P. Publius, T. Titus.* Quod vero Aulus sit praenomen, Gellius vero nomen gentilitium, notius est quam explicatione indigeat.

In tertia linea pro MYRRINVS scribendum videtur MYRRHINVS. Cognomen hic Aulus Gellius accepit a myrrha vel nota arbuscula, quae in Arabia praecipue innascitur, cuius guttis, vel stillis vinum veteres condiebant; de qua portione consulendus Iul. Caesar Bulengerus de Conviviis Lib. III. Cap. III. vel etiam faciem, & capillos odorabant; vel a myrrha lapidis egregii specie, quo vasa ad usum edendi & bibendi lautiores in suppellectile habebant. Horum vasculorum pretium, & colorum variorum splendorem erudite describit Lazarus Baysius de Vasculis; quod opus locupletiori indiget commentario, & plurimis vasculorum figuris depromptis ex antiquis sculpturis; quod qui faciet maximam inibit virorum doctorum gratiam.

In eodem Museo.

5

C. VIBIVS
ANDROMACH

Ibidem.

6

TILIA: PREPVSA
VIX. ANN. VI.

6 Ti.

6. *Tiliae* familiae nomen perrarum, cuius nulla occurrit mentio in Gruteriano Thesaurο, & apud ceteros celebres antiquorum lapidum editores. PREPUSA a Graeco *πρῆμα*, *decens*; feminae aptissimum, ac valde conveniens cognomen, quo ab Horatio tum Gratiae, tum Venus pulchritudinis Dea insignitur, Carm. Lib. I. Ode XVIII.

Quis possit vina gravem militiam, aut pauperiem increpet?

Quis non te potius Bacche pater, teque decens Venus?

Tippus marmoreus fractus, effusus anno MDCCXXIX. ad II. milliarium prope Cortonam, in praediis Nobb. Venusorum dum aquaeductus subtrueretur.



7. In quarta linea supplendum videtur COCCEIA; in ultima vero FRATRI, vel PATRI,

SE

SEQUUNTUR INSCRIPTIONES ANTIQUAE
aliunde advectae, quae exstant in Museo
Academiae Etruscae Cortonenfis.

8. In Vase marmoreo cinetario.

8.	D	M
	P. HELVIO CRESCENTI	
	HELVIA TIGRIS	
	LIBERTA. ET. VXOR	
	PATRONO	
	B. M. FECIT	

8. Hanc Inscriptionem superius inter Arretinas exhibui pag. 306. n. 28. In labro Vasis detectae sunt litterae D. M. hoc est *Diis Manibus*; quod antea observatum minime fuit. Hoc Vas Academicis Etruscis Cortonenfis dono dedit V. C. Gregorius Reditus Equestris Ordinis D. Stephani Ba-
iulivus, & ipse honoris gratia in eorum albo descriptus.

Ibidem.

9.	CLAVDIA. ATHENAEIS.
	VIXIT. ANNIS. XXX
	T. MARCIUS SATYR. ET
	MARCIA . MA

9. Hunc

9. Hunc titulum sepulcralem cum ceteris usque ad numerum 15. Roma devehendum curavit vir nobilissimus, & antiquorum monumentorum studiosissimus Abbas Onuphrius Baldellius Patricius Cortonenfis, qui eosdem donavit Academiae Cortonensi Etruscorum, idemque auctor cum aliis civibus suis fuit ut collatis ex privatis Cimeliis in commune studium priscae eruditionis reliquiis, publicae utilitati Museum conderetur, in quo erudite de omni antiquitate differerent Etrusci Academici Cortonenses.

MA. in postremo versu cognomen videtur Marciae; non vero interpretandum esse crederem *Mater*. Huius generis cognomina monosyllaba non raro leguntur in antiquis saxis; quod etiam observavit Fabrettus Inscriptionum Cap. I. pag. 2. & pag. 3. n. XV. legitur IVLIA. D. L. MA HIC. SITA. EST. & alias similes edidi inter Florentinas; interdum etiam vocalis duplicatur, ut GA, & GAA.

10

Ibidem.

D	.	M
P.	AELIO	
	VRBANO	
	HERMA	
	FRATRI	
	B. M. FECIT	

11

Ibidem.

D. IVNI. ROMANI	
D. IVNI. PROTI	
OL	FEC
IVNIA. INGENVA	

12

Ibidem.

D	.	M	.	S.
PLAETORIAE	THREPT			
FECIT	PRIMIGENIVS	CON		
CARISSIMAE	ET THREPT	F		
MATRI	DVLCISSIM.	B. M. F.		
V.	A	.	XXX.	

Ibi-

13

Ibidem.

Q. MVNATIVS
LVPERCVS. VIX. AN. I.
RVBRIA. PHIALE
CONIVGISVOFECITETSIBI

14

Ibidem.

ARTORIAE. SPV. F
FELICVLAE. SIBI. ET
CN. POMPEIO. CN. L.
ANTIGONO

*Fragmentum abeneae Tabulae, quam Academicis Etruscis
Cortonensibus donavit Illustr. Abbas Diamantes
Montemellinus Nob. Perusinus.*

15


MAXIM
KAL. IVN. SEN
T QVINQVMVIRI
IO IIII VIRIS. I. D.
ORVM ET ORIGINIS
R SPLENDIDISSIMI N
IVSDEM • QVINTI
M PATRONVM. P. N.
ITI NOSTRI CON
CATIONEM INTEL
IATVM
I C S
RVFI. P. P. N. ESSE CONSEN
M AVREL. Q. QVINTIA
M. S. S. BONE INDOLIS
DE EIVS. HONORE ET

15. Tcm.

15. Temporis iniuria fracta haec tabula admodum perantiqua, continet, ni fallor; ut ex his quae supersunt apparet, decretum cooptationis viri nobilitate, atque honoribus conspicui in patronum cuiusdam Municipii; adeoque coniciere possumus hospitalem hanc tesseram, ut mos erat, ad eum missam fuisse, fixamque in pariete domus eius; nam in medio adhuc sunt vestigia clavi quo fixa fuit: supersunt quoque in ora vestigia tenuis lineae, quae indicant coronide inclusam fuisse. Viri in patronum adsciti nomen forte QUINTIVS fuit, e gente Quintia, cuius fuit cognomen MAXIMVS, ut scriptum est in principio Tabulae. Sententiam tulere Quinqueviri, & Quatuorviri iuridicundo, qui praeerant Municipio. De hospitalibus tessera, & Patronorum, cooptatione non pauca superius ex antiquis monumentis adnotavimus. In ultima linea deletis litteris, quae primum incisae fuerant, aliae, ut exscripsimus, postea resectae sunt.


Ibidem.

16



Ibidem.

17



Ccc

18 *Ibi-*

Ibidem.

18

♀ D M ♂
 TI. CLAVDIO EVTV
 CHIANO ALVINO DVL
 CISSIMO. Q. V. A. VII. M.
 VI. IVLIVS EVTYCHES
 ET CLAVDIA FILETE
 PARENTES PIENTIS
 SIMI FECERVNT

Ibidem.

19

D M
 SACRVM
 OSCIA . IRENE
 PIA . VIXIT. AN
 XXX. D. XX. POR
 TVMIVS . POIT
 TIMVS VXORI
 PIENTISSIMAE
 FECIT . H. S. E
 OEB Q. III. S

Ibidem.

20

D M
 C. VEHLIVS.
 PERPETVVS.
 C. VEHLIO.
 PRISCIANO
 PATRI BENEME
 RENTI. Q. V. A. L. IX
 ET LIBERTI. PA
 TRONO BENEME
 RENTI. ASCLEPI
 VS . ET EVTYCHES

19. POITIMVS. Legendum arbitror POLITIMVS.

21 *libi*

21 *Ibidem.*

D	.	M
D	E	C
I	D	I
A	E	
L	A	S
C	I	V
A	E	
P	A	T
E	R	F
E	C	
V	.	A
.	V	I
.	M	.
.	I	.

22 *Ibidem.*

D	.	M
H	E	R
E	N	V
L	E	I
A	E	
A	C	A
N	T	H
I	D	I
S		
H	E	R
E	N	V
L	E	I
A		
P	R	I
M	I	T
I	B	A

23 *Ibidem.*

I	V	L	I	A
A	M	A	N	D
A	.	V	.	A
.	X	X	X	

24 *Ibidem.*

L	.	C	O	R	N	I	F	I
P	H	I	L	O	M	V	S	I

Ibidem.

25 D. M. MANLIAE. HYGIAE. CONIV
P. MANLIO. CALLICE. F. PISSIMO
VIX. ANN. XVIII. M. III. D. I. FECIT.
P. MANLIVS. PRIMVS. PATER. ET.
POSTERISQVE SVIS. ET AMBROTVS
PECERVNT

26 *Ibidem.*

I	A	N	V	A	R	I	A	E
S	O	R	O	R	I	K	A	R
S	I	M	A	E				
P	O	R	C	I	A	P	A	V
L	L	I						
N	A	.	F	E	C	I	T	

27 *Ibidem.*

A	N	T	E	S	T	I	A
.
N	I	G	E	L	L	A	

Ccc 2

28 *Ibidem.*

Ibidem.

28

COSSVTIO . C.
MAEC. CALDIO
CELERI
COSSVTIVS EPAPHRODITVS
LIB.

Ibidem.

29

D . M
PVBLICIA : HYGIA
FECIT SIBI. ET PVBLICI
AE DONATÉ . FIL
CARISSIMAE

Ibidem.

30

D : M
SECVNDILLO
THISBE MATER
FILIO CARISSIMO
FECIT QVI
VIXIT. AN. I. M. V

Ibidem.

31

DIS. MANIBVS
COSMI
PRIMA : CONTVBERNALI
SVO BENEMERENTI FECIT

Ibidem.

32

D . M
CATILIA PRIMA
IVLIO ONESIMO
BENEMERENTI

Ibidem.

33

SVLPICIA. FAVSTA
SALVILLI. MATER

Ibidem.

34

SEX. VISTILIVS *Hic*
SEX . L *femine*
ZENAE *protoma*

35 *Ibidem.*

Ibidem.

35 POMPONIAE SECUNDAE
POMPONIVS APHRODISIVS
COLLIBER . EIDEM
CONIVGI . CARISS . FECIT



Ibidem.

36

PACTVMEIA . D . L .
VRBANA . SIBI . ET
D . PACTVMEIO . D . L . STRABONI
PATRONO SVO

Ibidem.

37

D . M
CLAVDIAE
SP . F
PRISCILLAE

Ibidem.

38

D . M
TI . CLAVDIO
EPITROPO . VIX
ANN . VII . MENS
III . DIE . XVII . MAG
NA FILIO DVLCIS
SIMO FECIT

Ibidem.

39

D . M
POMPONIVS
ARTEMIDORVS
POMPONIAE
FELICITATI CONIVGI
BENEMERENTI FECIT

40 *Ibi.*

Ibidem.

40 PRIMIGENIA . RHODINI
V.A.XXX . DONATA.F.EIVS.V.A. II
ZOSIMVS . ET . TROPHIMVS
CONIVGI . BENEMERE . ET . FIL .

*Ibidem.**Ibidem.*

41

D . M
PIPIDIA . HELPIS
FECIT . PIPIDIAE
SECVNDAE . LIBER
PIENTISSIMAE

42

Q V N V I C S
BILE FECIT DE

41. *Tipidia*, & *Pipedia* familiae inter rariores enumerantur a Fabretto Cap. IX. n. 330. 331. qui & hanc ipsam inscriptionem edidit.

Ibidem in tubo plumbeo aquaeductus, longitudinis fere duorum pedum Romanorum.

43

IVLIAE MAMIAE MATRIS AVG N

43. Julia Mamaea uxor fuit Varii Marcelli nobilissimi viri, mater Alexandri Severi Caesaris, quae cum filio trucidata est. Legendum est MAMAEAE.

Ibi.

44 *Ibidem, in aerea lamella.*

FLABIO
ARBITIO
NIMACE

45 *Ibidem, in tessera eburnea
utrimque scripta.*

45 AMATOR

XI

46 *In Onyche, ibidem.*
DVLCTI

47 *In lapide, in quo
insculpta lacerta.*
ISSQAVOI

48 *In tegula, ibidem.*
EX PR AVG E FIGL
NOVCORSVO

49 *In latere, in quo figlinae
nota palma, ibidem.*
OP DOL EX PRAED
LVCILL VERIOF A

50 *In latere, ibidem.*
L. ANTONIVS
SYMFLON

51 *In latere, ibidem.*
RVIANO IIII
F. VIL AVG SVII

Ibidem, in latere.

52 Q. OPPI IVSTI FORTVNAT SER TECT
VERO III ET AMB COS

53. TECT. interpretor TE CTORIS. Tecto res, ut nemo igno-
rat, si erant qui parietes tectorio, vel albario opere exorna-
bant,

bant, & ad maiorem spectantium gratiam, & decorem perpoliebant, illiniebantque, & incrustabant; de quibus locupletissime Vitruvius de Architect. Lib. VII. Cap. III. & Plinius Lib. XXXVIII. Cap. XXIII. Triclinii opere tectorio perpoliti fit mentio in vetusto lapide Fabrettiano Cap. VI. n. 59. De Consulatu Veri tertium cum Ambibulo, satis disserui ad Monumentum sive Columbarium Libertorum, & Servorum Liviae Augustae, & Caesarum, pag. 222. & 223.

In ectypo Gemmae antiquae.

53

MARONNICA

53. Ita adclamatum aurigis victoribus Circensium ostendi ad insignem annulum aureum e Mediceo Thesaurō depromptum, adlatumque in Volumine Secundo Musei Florentini Tab. XI. pag. 30. ad quem lectores mittimus.

*In aereo sigillo apud
Nobiles Venetos.*

54

L. A. SIL

*In alio ex Museo Illustr.
Galeotti Coratii Equitis
D. Stephani.*

55

LETRO. AM
AN. VINCEN

*In latere in Museo Academiae
Etruscorum Cortonensium.*

56

EX PRAEDIS MAMILII

...: RO I. C O



In latere ibidem.

57

CND. SECVN

HERMET. DO

Non

Non paucas perelegantes fictiles lucernas observavi
 mense Maio huiusce anni MDCCXXXIII. quum Etruriam
 lustrarem, Etruscorum monumentorum investigandorum
 causa, quae in eodem Museo Academiae Etruscae Corto-
 nensium adservantur. In his praeter ornatum multiplicem,
 vel figuras, quas exhibent, in parte inferiori impressae sunt
 litterae, quae plerumque dominum, plerumque etiam arti-
 ficem lucernae declarant. Perbreves lucernarum titulos li-
 bet adferre.

⁵⁸
 VIRIANI

⁵⁹
 L. PASISIDI

⁶⁰
 L. PONSTEI

⁶¹
 L. FABRICI AS

⁶²
 L. CASAE

⁶³
 ASPRENAS

⁶⁴
 L EGIDI

⁶⁵
 CAMPSA B

⁶⁶
 FORTVNI

⁶⁷
 SAECVL

Vir Cl. Nicolaus Marcellus Venuti Patricius Cortonensis,
 ex Equestri Ordine D. Stephani, quum Romae moraretur
 anno MDCCXXVII. eo tempore, quo in Via Appia de-
 lectum est celebre Monumentum sive Columbarium Liber-
 torum, & Servorum Liviae Augustae, & Caesarum, quod
 descripsi, & illustravi, hos perelegantes titulos, quos subii-
 cio comparavit, atque in patriam Urbem reversus eosdem
 Academiae Etruscorum animo lubens donavit.

Ddd

Ibidem.

Ibidem.

68

D . M . S
 STEPHANIS : VIR
 GO . INTAMINATA
 LVMEN . QVOD . AC
 PI : REDDIDI . PA
 TREMEVM . SECVTA
 HOC . FATVM VOLVIT
 VIX . ANN : XIII

fa

68. QVOD ACPI. legendum ACCEPI;

Ibidem.

69

PRIVATA . ADMETI
 ET . IVLI . VICARIA . V . A . XXII
 CRESCENS . FILIVS . EIVS . V . A . II
 VITALIS CONIVGI
 BENE . DE . SE : MERITAE .

Ibidem.

Ibidem.

70

M. VALERIVS
ACHILLAS
L. PATRI. BENE
MERENTI
FECIT
LIVIAE. ANT. C

Ibidem.

71

DOMITIVS. L. L.
DIOCLES
MEDICVS

72 *Ibidem.*

L A I S
P O T H I

73 *Ibidem.*

E V C
F A V O R


Inter viros illustres Cortonenses recensendus est C. Tullius Hostilianus Philosophus Stoicus, cuius mentio habetur in hoc sepulchrali cippo; cuius inscriptionem mihi primum, deinde Academicis Etruscis communicavit V. C. Franciscus Victorius Eques D. Stephani. Romae effossus est mense Decembri, anno MDCCXXVII. prope Ecclesiam SS. Marcellini, & Petri, Via Labicana, altitudine aequans palmos quinque.

Ddd 2

Hinc

Hinc urceus, hinc patera sculpta in lateribus.

74



74. Tutiliorum familia, etsi plebeia, illustris tamen est, & clara, ut liquet ex pluribus antiquis lapidibus apud Gruterum, & praesertim apud Fabretum Inscriptionum Cap. III. n. 365. Nam in vetusto lapide, qui etiam rursus ad eo adfertur Cap. V. n. 274. memoratur P. Tutilius in Ousefentinam tribum ad census, qui fuit Veteranus Signifer, Aquilifer Legionis Quintae, Curator Veteranorum, quique ab Imperatore Tiberio Caesare praemia duplicia accepit. In eodem natus dicitur A. Hirtio & Vibio Pansa Coss. Monumentum sibi, & filiae suae vivens condidit duobus Geminis Consulibus, eo ipso anno in quo Christus Dominus mortuus est. Meminit Plinius alter in epistola XXXII. Lib.

VI,

VI. Tutillii, cuius neptis, Q. Fabii Quintilianii filia, lectissima femina, nupsit honestissimo viro Nonio Celeri. Idem Quintilianus Libro III. memorat Tutilium aetatis suae Rhetoricae scriptorem. Ex hoc ipso sepulchrali cippulo discimus C. Tutilium Hostilianum Cortonensem Philosophum Stoicum fuisse; qui, ut arbitror, floruit Antoninorum Imperatorum tempestate, qua Stoicorum secta maxime viguit, summoque in honore ubique habita est. Stoici Philosophi exemplar absolutissimum pingit idem Plinius in Euphrate gravi viro, quem valde laudat in Epistola X. Libri I. Horum seriem edidit doctissimus Petrus Gassendus. In antiquis lapidibus Gruterianis Philosophi Stoici memorantur Tiberius Claudius Alexander, civitate Romana donatus, & in Quirinam tribum descriptus, pag. CCCLXXXVIII. 5. Sex. Herius Musolus in Collina pag. CCCXVIII. 11. & L. Iunius Rusticus pag. CCCXXVI. 10. cuius quoque nominis clarus est apud Tacitum Annalium Lib. V. n. 5. Iunius Rusticus, delectus a Caesare ad componenda in senatu patrum acta.

Memoratu dignum est, quandoquidem de Philosophis agimus, vetustissimum antrum, quod apud Cortonenses adhuc cernitur, in quo Pythagoram Philosophum sapientissimum se se abdidisse, & arcana sapientiae meditatum fuisse fama est, ad posteros constanter transmissa. Pythagoram in Etruria natum aliqui tradunt; aliqui vero non Etruscum, sed Samium volunt. Suidas contraria haec concilians, natum in Etruria Pythagoram docet; adolescentem vero cum patre Mnesharcho, sculptore annulorum, quorum usus per Etrascos nostros inductus, maxime ubique gentium invaluit, Samum migrasse, ac demum in Italiam regressum testatur, ut Italiae principes doceret sapientiam, quam ab Aegyptiis Sacerdotibus hauserat.

Complura alia, quae melioribus Minervae auspiciis observavit in hoc egregii concivis sui monumentum, aliquando, ut sperare libet, depromet Vir Clarissimus multiplici eruditione, & ingenio pollens Abbas Philippus Venu-

ti Patricius Cortonenſis, qui in dies eximiis antiquitatis monumentis ditat Muſeum Academiae Etruſcorum in eadem Urbe Cortona conditum, quod ut fieret ſummo cum ſplendore ſummaque civium ſuorum utilitate cum ceteris nobilibus Sociis egregiam operam navavit. Conſpicuo maxime in loco Cimelia ſervantur, ſedeſque Academicorum eſt palatium valde magnificum Magni Ducis Etruriae. In eo frequenter conveniunt eruditi Academici, qui tum Etruſca, tum alia cuiuſcumque generis antiqua monumenta Diſſertationibus illuſtrant. Externorum Academicorum lucubrationes eo quoque loci ſi miſſae fuerint recitantur, quae quum iam Romae prelo commiſſae fuerint, in lucem, ut promittunt, quam primum prodibunt. In eo exſtant libri editi ſelectiores, & rariores, & manu conſcripti non pauci; item numiſmata, ſigna, ſigilla aeneae, anaglyphi opera, antiqui lapides inſcripti, protomae, vaſcula eximii operis, lucernae, gemmae inſcalptae, atque alia complura cimelia. Perampla quoque in eodem Muſeo ſervatur foſſilium, metallicorum, herbarum, rerumque aliarum, quae ad naturalem Hiſtoriam pertinent, ſupellex, quare brevi adeo celebre factum eſt huius Academiae nomen, ut magni viri doctique in eorum albo deſcribi exoptarint, inter quos quod & ego ipſe poſtremum locum te- neam mihi gratulor.

Inſigne inſuper in ea Urbe eſt, & memoria, ac laude dignum Muſeum Cl. V. Galeotti Coratii Patricii Cortonenſis, Equitis Ordinis D. Stephani, in quo lectiſſima, & rariſſima monumenta antiqua exſtant, quae ipſe conquiſivit, ſtudio, amore, peritiisque veterum elegantiarum nulli ſecundus. Etruſca complura monumenta ex eo aliquando depromam, & obſervationibus elucidabo, fretus humanitate viri omni laude ornatiffimi.




IN-

199

INSCRIPTIONES ANTIQUAE CLUSII

Ubi exstet hodie haec Ara, ignoratur.



Gruterus edidit XL. 11. ex Tanvino.

CCLUSIUM inter duodecim Etruriae Urbes principem locum tenuisse, vulgatioꝛ fama est quam pluribus verbis ostendi possit. Eius non sine laude mentionem faciunt Polybius, Virgilius, Livius, Diodorus, Strabo, Velicius, Plinius, Plutarchus, Appianus, Florus, Ptolemaeus, Servius, Procopius, alique, quorum loca illustrat Cluverius Italiae antiquae Lib. II. Cap. III. pag. 366. 367. In

ca

eo non Porfena solum, sed ceteri quoque Etruscae gentis reges sedem habuere. Porfena nobilissimis eam Urbem aedificiis, ac praesertim Labyrintho nobilitavit; quod Plinius Lib. XXXVI. Cap. XIII. describens ex Varrone, nullum vestigium sua tempestate exstare testatur. Variis in locis hodie a Clusinis civibus complura labyrintha, ut ipsi aiunt, ostenduntur; suntque subterranea aedificia in lapide tophaceo excavata, multis hac illac viarum ambagibus instructa; quae hoc ipso anno MDCCXXXIII. summa cum voluptate adivi, eademque lustrans in eam concessi sententiam, priscis Etruscis ad condendos in urnis defunctorum cineres pro sepulcris inservisse.

Quanta huius Urbis potentia, divitiae, vires fuerint, ex eo argui potest, quod Tarquinius reges a Romanis exacti ad Lartem Porfenam Clusinum regem perfugerunt, ut eius auxilio regno restituerentur, amissamque libertatem recuperarent. Verba Livii ex Libro II. adferenda sunt. *Porfena, tum regem esse Romae, tum Etruscae gentis regem, amplum Tusci ratur, Romam infesto exercitu venit. Non umquam alias ante tantus terror Senatum invasit; adeo valida res tum Clusina erat, magnumque Porfena nomen: nec hostes modo timebant, sed suos metipsi cives; ne Romana plebs metu percussa, receptis in urbem regibus vel cum servitute pacem acciperent. Veterum aedificiorum nobilissimorum splendore, ac magnificentia adhuc supersunt aliquot reliquiae; iacent enim propter vias, in hortis, atque in Viridiario Vigilantissimi Praefulis Io: Baptistae Tarugi, qui hac tempestate Episcopalem Clusinam sedem tenet, fractae columnae e marmore Numidico nobilissimae, itemque capitula egregio opere sculpta, quae antiquum templum subfuisse vero simile est. In Cathedrali Ecclesia fornicum arcus fulciunt columnae praenobiles, quae etiam ex marmoris varietate magnopere commendantur. In capitulo cuiusdam columnae, ad laevam ingredientium, perbreve inscriptionem observavimus, quae ad hunc modum se habet.*

2

S	C	S
E	P	C
S	F	L
R	E	N
T	I	N
U	S	
F	I	C
I	T	

2. Ex hac scriptura vetustissima colligimus in Catalogo Episcoporum Clusinarum pro S. Florentio, qui iuxta Pagium anno CCCCLXV. interfuit Romano Concilio, Hilario Papa illud celebrante, legendum scribendumque esse S. FLORENTINUM, qui forsitan auctor fuit ut Cathedralis Ecclesia Clusina augustius & magnificentius conderetur; quam perfecit Arianus Episcopus, qui eam pavimento exornavit, eiusque tectum renovavit, uti testatur marmorea tabula rubris litteris inscripta, quae in pariete fixa est parte sinistiore iuxta ianuam eiusdem Cathedralis Ecclesiae, quae ad hunc ferme modum inscripta est.

3

✠	H	A	C	E	C	C	L	E	S	I	A	✠
V	N	A	C	V	M	P	A	V	I	M	E	
T	O	.	A	R	I	A	L	D	V	S	.	
E	P	S	.	F	I	E	R	I	I	V	S	
S	I	T	.	A	.	D	.	M
✠	.	H	O	C	T	E	C	T	V	M		
	N	O	V	A	T	V	M					

Ecc

Præte-

Praetereo *vasa pulcherrima omnis generis*, quae apud veteres Etruscos in usu fuere, insignem urnarum sepulchralium e marmore apparatus, quas sculpturae elegantissimae exornant, e quibus veteres ritus, sacra, religionis mysteria, ea quae ad belli, pacisque artes pertinent disci possunt, quaeque rariora sunt illustrium Museorum per Italiam, praesertim vero Florentiae, & Romae ornamenta; quae si fictiles sint & vividis coloribus pictae, non sine admiratione spectari possunt. Exstat in Sodalitio sacro, ut aiunt, Mortis, columna praeculta, quae tanta peregrini marmoris, ut videtur Aethiopici, pulchritudine, & nitore praecellit, undique vario colore maculis distincta, ut vel alicui simulacro, vel nobili aediculae sustinendae digna fuisse videatur. Numismata, gemmae, sarcophaga litteris Etruscis inscripta frequenter eruuntur; quae Viri nobiles, in quibus cum humanitate certat virtus & in patriam amor, Ristorus Paulorius, & Innocentius Nardius in suis aedibus servant, mihi quae nuper ostenderunt.

In iisdem Hortis Clusini Episcopi ad hoc tempus exstant; multaque cum voluptate conspiciuntur, complura diversi ordinis capitula marmorea egregio opere vel Ionico, vel Corinthio, vel Composito confecta, quae perspicue satis indicant aliquod insigne templum, vel basilicam exornasse, cuius vestigia, praeter illa Theatri, & Thermarum, de quibus inferius dicam, inventa fuere ab erudito, ac nobili cive Alexandro Nardio, ut testatur Macchionius in memorata superius Dissertatione de origine Gentis Clusinae pag. 182. Spectantur quoque etiam num pluribus in locis antiqua moeniorum Clusinorum, quae etiam laudat Virgilius Aeneid. Lib. X. v. 167. memorans Clusinos & Cosanos Aeneam ad bellum euntem secutos, vestigia, reticulato opere confecta, de quo Vitruvius disserit Lib. II. Cap. VIII.

Haec pauca breviter praefatus, ad illustrandam adlatam superius insignem aram *Virgini Dianae sacram*, quae praetectorum temporum labe, vel civium incuria intercidit; gradum nunc facio. Ea enim instituti nostri ratio est ut

pon

non laudes Etruriae civitatum, iam satis vulgatas repetamus, sed antiqua, quae in iisdem exstant monumenta in publicum depromamus, & observemus. Votiva eadem ara est, quam Ordo Clusinorum, nimirum Decuriones, Virgini Dianae vovit pro salute Imperatoris Caesaris L. Septimii Severi Pertinacis, anno V. C. 948. at ortu vero Christi 195. Clusini maxima ab Imperatore Severo consecuti sunt dubio procul beneficia; vel votis, & sacrificiis eadem consequi studuere, uti diserte testatur haec ara. Statuam in honorem eiusdem Caesaris paullo ante hoc tempus eos dedicasse, atque basi imposuisse, non obscure indicat subiectus in ea titulus in hunc ferme modum.

In Aede S. Francisci basi marmorea.




Ecc 2

Impe-

Imperante M. Aurelio Vero dedicata fuit ara AEsculapio, & Hygiae pro salute CAII ET . . . POMPONIAE. Hanc voti reus dedicavit Epheftas libertus, statuitque, ut coniicio, in Clusinis Balneis; nam ab his non procul inventa est, ut testatur Andreas Schiavettus Civis Clusinus, differens de Aquis, & Balneis S. Cassiani, quod opusculum editum est in Urbeveteri anno MDCVIII. De salubritate aquarum horum Balneorum multa egregio labore observavit V. C. Ioannes Baptista Mannaionius Medicinae Professor, quas in lucem proferet.

*Ara e lapide Tiburtino, ad Aquas Clusinas;
nunc Balnea S. Cassiani.*



§. Iuxta haec balnea apud veteres valde memorata; ac celebrata, templum non modo AEsculapii & Hygiae, verum etiam Apollinis fuisse non obscure indicat alia votiva tabula marmorea, quae ibidem inventa est, & in hunc modum inscripta.

5 PRO

6. PRO . SALVTE
TRIARIAE . A
POLLINI . SAC

Constituebantur iuxta balnea hospitia pro his qui valetudinis causa ea convenissent, quemadmodum de balneo publico Hispellate, eo loci condito, quem eis Augustus dono dedit, scribit Plinius Secundus Lib. VIII. Epistola VIII. Balnea Clusina a Porfena rege primum condita fuisse cives autumant, ut augustiorem antiquitatem faciant. Clusinos fontes aquarum salubritate insignes celebrat Horatius in Epistola XV. Lib. I. ad Numonium Vaalam, quod aegro capiti, & stomacho mirum in modum mederentur; ait enim:

*Qui caput, & Stomachum supponere fontibus audent,
Clusinos, Gabiosque petunt, & frigida rura.*

Gabinae aquae in Sabinis erant, eademque valde celebres.

Urbem hanc vetustissimam Sullae tempestate haud evetfam deletamque fuisse constat Appiani auctoritate de Bello civili Libro I. etsi aliqui contrarium dormitantes scripserint; confirmatque ingens marmoris Tiburtini fragmentum, quod ad hoc tempus exstat, visiturque in ea via, qua itur ad Cathedralē Ecclesiam, hac epigraphae inscriptum, quam eiusdem Dictatoris statuae suppositam fuisse auguror. Fragmentum statuae vidi in via iuxta Portam S. Petri, ni fallor, quam forte Clusini in honorem Sullae, vel alicuius Patroni, & Defensoris Coloniae suae, de quibus paullo in ferius dicam, publico in loco dedicarunt.

7

L. CORNELIO. L. IIIII
SVLLAE . FELICI
DIC.

7. Hoc monumentum positum fuisse videtur annis unum supra octoginta ante adventum Christi, eo sane tempore quo Sulla titulum Dictatoris assumpsit; atque devictis, profligatisque hostibus, difficilique proelio iuxta Clusium cum triginta milibus militum Carbonis, duce Pompeio, in aciem progressus, victoriaque potitus, Felicis cognomen accepit, auctore eodem Appiano. Id ipsum ut confirmem, insignem opportuno in loco adferre libet inscriptionem palmaribus litteris incisam in rupe inter Atinam, & Soram, prope oppidum quod vulgo dicitur *la Villetta*; quae detecta fuit anno MDCCXXIII. dum publica via reficeretur. Hanc Vir Clarissimus, & eruditissimus Matthaeus Aegyptius I. C. Neapolitanus communicavit cum Caietano Berenstadt humanitate, & litterarum amore ornatissimo, ipse vero mecum. Hoc igitur modo rupes inscripta est.

I O V I

QVOD . PERICVLVM.

FELICITER . EVASERIT .

L . SVLLA

V . S . L . M .

Meminit Triumviri iterum iuri dicundo Clusii hoc fragmentum inscriptionis, quod exstat sub pulpito Ecclesiae S. Mustiolae Martyris. g. Ne-

8

.

S. III. VIR. ITER. I. D. CLVSI.

8. Neque vero Clusini Sullae tantum Dictatori publicos honores decrevere, verum etiam constituto reipublicae Romanae imperio, summaque eius in unum Augustum principem delata, cura amicorum, potentissimorumque virorum Maecenatis, & Agrippae, iisdem forte Patronis Municipii, & Coloniae suae, statuas, ut arbitror ex his titulis, quos adfert Macchionius pag. 161. crexere.

9 C. MAECENAT

10 M. AGRIPPAE. L. F

C O S.


Insignes alios Patronos sibi cooptasse Clusinos, eodemque ob amorem, & studium bene de eis merendi summis honoribus adfecisse, colligere possumus ex hoc ingenti fragmento epigraphes, quod ibidem insertum est in angulo exteriori Domus Paulotianae, atque ex ara, quae sequitur.

II **PATERNI PRO
TRONO OB A**

12

*In Ara marmorea posita ad parietem viae ,
qua itur ad Arcem .*

12



12. Suspecta mihi est haec inscriptio pluribus de causis, atque his potissimum, quod quum in marmorea basi scribenda foret, in ara volutis superne ornata scripta sit, fortassis deleta priori epigraphe, eiusque in loco hac exarata.

rata. Ni etiam mea me fallit memoria in lateribus sculptus est urceus & patera, quae in aris tantum Deorum superum, & Manium observantur, non vero in basibus in honorem summorum virorum positae, cuius generis haec ipsa est; quare in principio scriptum est HON nimirum HONORI, non secus ac in aliis huiusmodi apud Gruterum, Sponium, Fabretum, & Donium cernitur. Praeterea litterae, quae hodie supersunt (nam priorum quatuor versuum valde iniuria temporum extritae, vel maxima ex parte deletae sunt) minime aequales sunt, & constanti ductu elegantique exaratae, sed nunc laxiora habent spatia, nunc densiora, nec eandem servant aequalitatem. Si viri docti genuinam censeant hanc inscriptionem, nihilque Romano stilo repugnare, facile dixerim ex basi vetustiori, quae interciderit, in hac ara renovatam scripturam fuisse.

Tiberia familia haud incognita est antiquariis. Mentio eiusdem fit in lapide Fabrettiano Cap. III. n. 427. Bartholomaeus Macchionius edidit hanc inscriptionem in praecitato opusculo, verum multis mendis corruptam. Eandem exscripsit doctissimus Ioannes Baptista Donius ex Schedis Bibliothecae Vaticanae, sed paullo aliter. In secundo, & tertio versu ita interpreto: *Ex Praetoribus Quindecim Populorum Etruriae*. Horum diserte fit mentio in Gruteriano lapide CCCLXXXV. 1. atque in Reinesiano, Classe VI. n. CXIV. Deinde causae adferuntur statuae publicis votis dedicatae L. Tiberio Maefanati Basilio Viro Clarissimo, quae plerumque ex oratione panegyrica desumebantur, quae recitabatur in solempni publicoque conventu, vel quum ludi, vel munera gladiatoria a populis in theatro in honorem virorum de republica optime meritorum ederentur. Nam iisdem populus quum adclamarat, statuas, bigas, aliosque honores petebat.


Clusinos in tribu Arnienfi, sive Arnenfi suffragia tulisse, facile colligi potest ex sequenti inscriptione. Dicta autem est ab Arno Etruriae flumine, auctore Livio Libro VI. propter novos cives anno urbis CCCLXVIII. a Censoribus addita.

Fff

Arcula

Arcula marmorea perelegantibus encarpis, & arietinis capitibus ornata, quae in Cathedrali Ecclesia inservit aquae lustrali fidelibus ministrandae.


13



13. Haec inscriptio cum mendis edita est in Gruteriano Thesauro pag. DXLIII. 6. & apud Macchionium pag. 181. itemque apud Sigonium de antiquo Iure Italiae Lib. III. Cap. III. Iosephus Scaliger in Gruteriano Indice tum Capite VI. eorum quae ad rem militarem, & bellicam pertinent, tum Capite VII. Officiorum Domus Augustae & privatae, enumerat munus *Evocati Augusti a quaestionibus*: verum in Capite dumtaxat VI. recensendum esse non dubito: nam Evocatos Augustorum non liberos, sed ingenuos, & ex equestri ordine fuisse satis superque constat. Quod vero neque inter magistratuum minorum officia, & dignitates connumerandum sit, sed inter militaria tantum, in hanc sententiam adducor auctoritate antiqui lapidis Gruteriani pag. DXLV. 6. in quo memoratur Julius Flavinus Comes, sive Comitus Legionis Septimae, Geminae, Felicis, qui QVAESTIONARIUS fuisse dicitur.

Huius igitur Q. Gavii Clementis civis Clusini Evocati Augusti a quaestionibus officium in re militari forte fuit quaestio-

quaestiones inter milites cognoscere, vel de iure belli, vel quum dubia res esset & incerta in expeditionibus, aliisque ad rem bellicam pertinentibus causis, iudicium ferre. Bartholomaeus Macchionius hanc ipsam exhibens inscriptionem, ut diximus, in ea esse sententia videtur, ut ad eum pertineret quaestiones cognoscere & iudicare, quae circa auguria, ostenta, & prodigia frequenter oriebantur: nam Clusii nominatissimum fuisse vetustissimumque Augurum, seu Haruspicum Collegium ostendit testimonio harum sepulcralium urnarum ex Tiburtino lapide, quae litteris antiquissimis, & priscae consuetudini Etruscorum inscribendi sepulcra longe simillimis, sculptae sunt. Ex his prima, quae a me producitur, exstat in AEdibus Illustrissimi Viri Claudii de Samuelis Nobilis Viri Clusini, ex Equestri Ordine D. Stephani, quem propter eius in me singularem humanitatem honoris causa nomino. Altera vero in agro Clusino inventa, ubi nam hodie exstet incertum, mihi est.



14. ARRESPEX ita scriptum propius forte ad Etruscum nomen, quod postea *Aruspex*, & *Haruspex* scribi coepit.

Quaestiois ortae de pecunia solvenda, sit mentio in hoc fragmento aerae lamellae, ad hunc diem inedito, quod Clusii inventum est; cuius hodie apographum dumtaxat exstat inter Schedas Nobilis Viri Innocentii Nardii, qui mecum communicavit.

16.

QVEIS M. VLAIVM . EIVS
 OQVE . VTEI . EA . FIM / FPRIMO
 NEIS . PRAEDIBVSVE . EIVS . EX
 T . QVOQVE . VXOREI . MATI . :
 PERA . MAXVME . EVM REVM
 T : EIQVE . EAM . PEQVNIAM . P
 IOIVS . H . L . QVAESTIO . ERIT . CO
 VE . IPSE . PARENS . SIT . QVOVE
 E QVNIA . QVAE . DE . EA . RE . EX N
 I F D D

Gaviorum familia Clusii valde numerosa fuit . Frequentes sunt sepulcrales tituli , uti ex his constat , qui exstant in pavimento domus Nobilis Viri Dominici de Deis , atque in agro Clusino inventi fuere .

In domo Nobb. de Deis.

17

D . M
 L . GAVIO
 MODERATO
 GAVIVS
 CLARENVS
 PATRI BENE
 MERENTI
 POS

Ibidem.


18

D . M
 GAVIAE . VIC
 TORINAE
 L . FONTEIVS
 DIONYSIVS
 CONIVGI
 B M

Ibi.


19

Ibidem.



20

Ibidem.



21

Ibidem.



22

Ibidem.



Ibidem.

23

Ibidem.

C. MESSIVS
L. FILIO. SVO.
FECIT
VIX. ANN. XXVI.

24

Ibidem.

C. A (LFIO)
OPTATO
ALFIAE FELL....
PER IIII SS. PARENTES
PIISSIM..

25

Ibidem.

D . M
VICTORIAE
VAL. ATTIC.
ET. VAL. VICTO.
FIL. PIISSIM
VIX. AN. XV
MEN . VIIII
DIES. XXV. VII
CO

26

Ibidem.

D M
ANNEIE. C. F
PARTEN...
C. CLODIVS. L. F.
PRIVATVS
BENE ME


Ibi-

Ibidem.

Ibidem.



*In Aedibus Nob. Viri Claudii de Samuelis Equitis
Ordinis D. Stephani.*



In Horto Episcopi Clusini, Ara marmorea elegantissima, superne ornata aquila, & tribus Geniis encarpum sustentibus, hinc & hinc columnis, & urceo, & patera.

31




31. Haec inscriptio non inemendata solum, verum etiam manca adfertur in Gruteriano Thesauro pag. DCCCXXX. 7. ut conferentibus liquebit.

In

32

Ibidem.



33

Ibidem.



*In Ara ex lapide Tiburtino,
iuxta AEdes Paulotianar.*

34



Ad Scalas rusticae Domus Praedii

Ill. Viri Henrici della Ciaia

Equit. D. Steph.

35



Ggg

In

In frontispicio Episcopii.

36

GELLIAE THAI
DI. FILIAE. KA
RISSIMAE. BENE
MERENTI. QVAE. V.
ANNIS. XXVII
MENSIBVS. IIII. D
E BVVS VIIII O
MVNATIA
CALETYCHE PA
RENTES. PIIS
SIMI IIII

*In pariete exteriori Aedis S. Mar
tiae V. & M.*

37

CRASINI
O FLORO
CRASINIA
RVSCINIA
MARITO
B . M

*Ibidem, sub protomis viri,
& mulieris.*

38

ISI
SANNVTIAE . L . SAENV
PHILETE. S. V. P. SATVRN IIII

*In muro exteriori Horti Mo
nialium S. Stephani.*

39

Q. VETTIENO
IVSTO
Q. VETTIENVS

In Via ad Horologium.

40

DIS. MA
SEX. PETILIO
PRIMIGENIO
IVSTA
PATRI

40. Hunc titulum edidit Gruterus pag. DCCXXXVI. 4.
in quem etiam vide Reinckium in Praefatione * 3.

No

*Non longe ab arcu DD. Britiorum
ex Sedes Macchionis.*

41

SEPLTVRA EORVM
SAGITTARIORVM
QVI IN BELLO
CECIDERVNT

In muro quodam.

42

D . M
MVRENIAE . L . F
IVSTAE
V . A . XXIX
MATER . ET . FRATER
B . M

Clusii, ex antiquo Cod. MS.

43

A . ORSMINIVS . IONICVS
SIBI . ET . VETVRIAE . PRIMI
GENIAE . VXORI
ORSMINIO . PRIMO . FILIO
ORSMINIAE . ANTIGONAE
MATRI

Ibidem.

44

D . M
M . PESCENNIVS
M . F . MESSIANAEVS
VIX . ANN . XX

Ibidem.

45

GAVIA . C . F .
PAVLLA

44. Haec inscriptio inemendata adfertur in Gruteriano Thesauo pag. DCCCCXX. 12

Quod vero Clusinorum decus, & gloriam augeat quam maxime, est Christianorum veterum Coemeterium, quod illustravit observavitque eximius Vir Ferdinandus Ughellius, ut ipse testatur, Italiae Sacrae Tom. III. pag. 388. & descripsit V. C. Marcus Antonius Boldetthius Libro II. Cap. XIX. Observationum in Coemetetia SS. Martyrum. Bartholomaeus Macchionius in Descriptione Familiae Cistinae

Ggg 2

adfert

adfert eiusdem Coemeterii *Ichographiam* pag. 173. *Milliario* ab urbe *Clusio* alte sub terra conditum est; forte fortuna inventum quum puteus effoderetur. Proximum est Ecclesiae S. *Mustiolae Virginis*, & *Martyris*, quae olim fuit *Regularium Canonicorum Praepositura*, nunc vero divina officia in ea peragunt *Fratres S. Francisci de Observantia*, qui etiam cum ea coniunctum habent *Coenobium*. Excavatum est in lapide tophaceo: cuius sex viarum ambages supersunt, quae nunc adiri possunt, reliquae vero imperviae, & rudibus oclusae, atque impeditae. Multas ferunt inscriptiones Christianas titulosque in eodem Coemeterio inventos, qui, nescio quo fato, vel potius civium incuria, periire; quare nos latent SS. *Martyrum*, & *priscorum Christianifidelium nomina*, qui in eo conditi fuere, ut constat ex *Actis S. Mustiolae Virginis*, & *Martyris*, quae prae ceteris genuina, & sincera servantur in Codice MS. *Abbatiae S. Salvatoris Cisterciensium*, quae commendat *Ughellius*. Hoc ipsum Coemeterium quum ego observarem summa cum voluptate VIII Kalendas Iunias, in eam sententiam concessi antiquorum *Etruscorum opus fuisse*, sub terra excavatum, ut mos eorum fuit, ad recondendos in urnis crematorum corporum defunctorum cineres; nam ceteris, quae in eadem Urbe, & extra Urbem *Clusinam* observavi, quaeque cives vocant *labyrinthia*, simile omnino hoc est: quod tamen consecutis temporibus veteres Christiani in suum usum acceptum consecrarunt, expiaruntque; hinc inde excavatis in pariete tophaceo cryptis arcuatis, quae arcam super pavimento efformarent cum duobus vel tribus loculis, in quibus integra SS. *Martyrum Christianorumque corpora recondere*; quos superne clausos fuisse tegulis maioribus ferunt, in quibus scripta eorum nomina, quae intercidere. In quibusdam eiusdem Coemeterii loculis observavi terram cum sanguine commixtam, & ossium fragmenta, quae in eis supersunt. Ex *Actis S. Irenaei Diaconi Sutrini*, & *S. Mustiolae Virginis*, & *Martyris*, quae a *Surio* adferuntur die III. Iulii, constat multos Christianos imperante

rante Aureliano Augusto, Praefecto vero L. Turcio Aproniano, pro Christi fide apud Clusium capite obtruncatos martyrii palmam obtinuisse: ad quos, quum in carceribus detinerentur, S. Mustiola Virgo nobilissima, natione Dalmatia, ut ferunt, Claudii Caesaris consobrina, relicta urbe Roma, Clusii degens, Christianae pietatis inflammata studio, noctu veniebat, dataque custodibus pecunia, intromissa in carcere eos solabatur, cibo fovebat, & pedes lavabat. Mox ipsa quoque, saeviente eodem tyranno, plumbeis virgis caesa quoad spiritum Deo redderet, gloriosi martyrii coronam feliciter consecuta est quinto Nonas Iulii, ut testatur Romanum Martyrologium. Videndus etiam Baronius ad annum CCLXXV. Purissimum corpus eiusdem Virginis, & Martyris servus Dei Marcus collegit; curavitque, & in eodem Coemeterio iuxta aliorum SS. Martyrum Corpora, ut perhibent, sepelivit.

Ecclesia postmodum in eius honorem eodem in loco a priscis fidelibus, quos inter primos recenset Ughellius, qui Evangelii lucem adspexere, aedificata est, atque de eius nomine appellata: quam postea Clusini cives nobilissimi, pietate & animi magnitudine insignes, rursus a fundamentis excitarunt, eidemque dedicarunt regnante Luitprando Longobardorum Rege, sedente in Clusina Cathedra Arialdo Episcopo, cuius supra meminimus, quique anno DCLXXX. interfuit Concilio sub Agathone summo Pontifice, de quo Baronius. Haec testantur duae tabulae marmoreae, quae exstant in eadem Ecclesia; quarum prima in pariete fixa est iuxta sepulchrum valde magnificentum S. Virginis & Martyris Mustiolae; altera vero prolixior, quae a me adfertur, quaeque etiam antiquiori manu scripta mihi videtur, visitur inserta in pariete iuxta sacrarium eiusdem Ecclesiae. Utramque adfert Ughellius, sed valde mendis corruptam, vel mancarn ex aliorum schedis; miror eum non descripsisse quum Clusium lustraret.

*In Tabula e lapide Tiburtino, longitudinis palm. VIII. altitudinis
vero III. iuxta Sepulcrum S. Mustiolae V. & M.*

⁴⁶
C ✠ XPE FABE VOTIS GREGORIO ET AVSTRE CONDEDOCIS
L QVOD MVSTIOLE OPTVLERVNT MARTIRE XPI
V HOC TEGMEN CIBVRII SVBLATA BETVSTAS
S QVE MELIORE CVLTV NOVILIORE REDIT
I CEDAT NOVITATI DIRVTI ANTIQVITAS LIGNI
O PVLCRIVS ECCE MICAT NITENTI MARMORIS DECVS
D OMVS MVSTIOLE MERITV BENERANDAQVE FEDIS
I ROSEIS VIRGINEIS CROCIS AMORE PARATVS
C NOVILIOR PROSAPIA QVI ET DE CLAVDII PROLEM
I CVIVS AVLE MOENIA A FVNDAMENTIS DICAVIT
T GREGORIVS ARMIPOTENS ET ROBVTISSIMVS DO

*In Tabula adfsmili eiusdem fere longitudinis, & latitudinis, sed
litteris minoribus scripta antiquiori, ut videtur, manu 3 fixa
in pariete iuxta Sacrarium eiusdem Ecclesiae.*

⁴⁷
1 NOBILIS VASTA NITENS KEDIVIVA AN FABRICA TEMPLI. ✠
REGIA PROGENIES ORNARVNT CVLMINA PVLCHRE. ✠
FVLGIDVS VITA PIVS GREGORIVS APTVS VBIQVE. ✠
HOC OPVS PATRARVNT LIVSPRANDI TEMPORE REGIS. ✠
5 TRAMITES VT RECTO ARCADI POLLET IN ALTO. ✠
MVSTIOLA PRAEVEAT TV POST GAVDIA ILLIS. ✠
CELSVS VBIQVE SVIS CONCEDAT PROSPERA VOTIS. ✠
MOX DABITVR PLACIDE SI NIL DVBITARIT OBERRANS. ✠
MARTYRA SISEBVTI SIS MEMOR ALMA MISELLI. ✠
10 XPE FABE VOTIS GREGORIO ET AVSTRE CONDEDOCIS. ✠
QVOD MVSTIOLE OPTVLERVNT MARTIRE XPI. ✠
HOC TEGMEN CIBVRII SVBLATA BETVSTAS. ✠
QVE MELIORE CVLTV NOVILIORE REDIT. ✠
CEDAT NOVITATI DIRVTI ANTIQVITAS LIGNI. ✠
15 PVL-

- 15 PVLCRIVS ECCE MICAT NITENTĪ MARMORIS DECVS. ♂
 QYOD CVCVMEN CVLMENIS FACIENDVM CVRAVIT. ♂
 O MVSTIOLE MERITVM VENERAVILI POLLET. ♂
 ROSEIS VIRGINEVM CROCES AMORE PARATVM. ♂
 CVIVS AVLE MOENIA A FVNDAMENTIS DICAVIT. ♂
 PRISTINA SVBLATA INNOVAVIT POTESTAS. ♂

Sequentes quinque versus cum quinque superioribus modo relatis coniunguntur, adeo ut singulis lineis hae quoque respondeant.

- ♂ TEMPORIBVS D N LVITPRANDI CATHOLICO REGIS
 ♂ EXACTIS TRIBVS LVSTTRIBVS ET ARISTIS DVOBVS
 ♂ ARCADI PRAE OLI TEMPORE RESTITVTA EST AVLA
 ♂ MVLTA PER INNOMERVS COMPLEXA MODICO VORSV
 ♂ GREGORIO CRISTICOLE COMPLEVIT IVSSA MON.

Post hanc Inscriptionem haec subdit Vghellius; quae in archetypo non leguntur: sed in alia tabula votiva scripta fuisse perspicuum est; quam tamen non vidi, sed exscripsi ex schedis V. C. Innocentii Nardii.

48

✠ EGO HANASTASIVS DIAC. OPTVLI

✠ MARTIRE XPI.

HIC DILECTA DEO RECVBANS MVSTIOLE QVIESCIT

CLARA PARENTATVM CLARIOR ET MERITO

DEO GRATIAS.

Exstant vero haec carmina, quae sequuntur, candido marmori insculpta, quae antiquitus exornasse arbitror sepulcrum S. Mustiolae Virginis, & Martyris; cuius marmoris duo fragmenta in muro impluvii eiusdem Ecclesiae hodie visuntur.

SPARGE ROSAS LECTOR ET LILIA CANDIDA PONE
 ET RITE SACRVM SIC BENERARE LOCVM
 VIRTVTVM GEMMIS ET MORVM FLORE VENUSTA
 HANC IMITARE VELIS SI BONVS ESSE CVPIŠ.

49. Corpus eiusdem S. Virginis, & Martyris Mustiolae in eadem Ecclesia honorificentissime conditum, quotannis mense Maio statutis tribus diebus, confluentibus undique finitimarum aliarumque civitatum populis, & civibus, summo honore colitur, & ostenditur.

Insigniora haec urbis Clusinae monumenta lustravi summa cum animi voluptate fretus auspiciis, & humanitate singulari Reverendissimi D. Flavii Puccii Archipresbyteri Cathedralis Ecclesiae, eiusque fratris Iosephi Mariae, atque aliorum nobilium civium, quorum supra mentionem feci.

Inter illustres viros, qui Clusio patriae suae decus, & gloriam attulere sempiternam, praecipuo honore memorandus est Gratianus Iurisconsultus omni aevo clarissimus, qui Decretum compilavit; in cuius honorem Vexillifer, & Priores Clusini in Cathedrali Ecclesia ad virtutis incitamentum maiorem tabulam elogio inscriptam posuerunt; cui quidem multo antea Bononienses monumentum, & sepulcrum.

aere publico ad augendum

aeterni nominis

splendo-

rem

honorificentissi-

mo in loco con-

didere.

INSCRIPTIONES

ANTIQUAE

POLITIANI.

POLITIANI conditorem fuisse Porſenam potentiffimum Etrufcorum regem, apud cives pervulgatum eſt : verum quia id non conſtat ex vetuſtis monumentis, atque ex auctoritate priſcorum ſcriptorum ; nobis haud contentaneum videtur incerta pro certis obrudere ut urbium principia auguſtiora faciamus. Neque etiam in eius origine, & antiquitate elucidanda nobis diutius immorandum eſt, quum Thomas Dempſterus de Etruria Regali Lib. VI. Cap. X. Politianum cenſeat fuiſſe coloniam Arretinorum, fretus Plinii auctoritate Lib. III. Cap. V. qui triplices facit Arretinos, nempe *Veteres, Fidenates, & Iulienſes* ; quare hanc Urbem *Arretinos Fidenates* eſſe exiſtimat. Verum quum idem Plinius in eodem loco bifariam dividat Cluſinos in *Veteres, & Novos* ; facilius aliquis fortasſe crediderit Politiani cives antiquitus *Cluſinos novos* appellatos fuiſſe. Antiquiſſimum hoc oppidum, precibus Coſmi I. Magni Ducis Etruriae, Episcopatus honore donatum eſt a Pio IV. e Medicea Gente Pontifice Maximo, anno MDLI. die X. Novembris, qui ſedem Episcopalem in eo erexit, ac ſanctae Sedi immediate ſubiecit.

Ab Etrufcis primum, deinde a veteribus Romanorum colonis valde cultum, & frequentatum fuiſſe apertiſſime docent antiquiſſimorum aedificiorum veſtigia, templa, balnea, nymphaea, aquaeductus, ſepulcra, aliaque inſignia vetuſti aevi monumenta ibidem iam eruta, & ea quae in dies eruuntur, & quidem tanta copia ut ab erudi-


Hhh

tis

eis viris aliò asportata, nunc Romanorum, Florentinorum, aliarumque Urbium Museorum eximia sint ornamenta. Ea huiusmodi sunt signa Deorum ex aere, instrumenta sacrificalia, arma militaria, numismata, gemmae, urnae sepulcrales, cineraria, atque osuaria, Arretina vasa, lucernae, annuli, fibulae. Priscas hasce eruditae reliquias, quae Urbium sunt praeclara decora, & ornamenta, multus ab hinc annis omni qua potuit cura, ac studio comparavit conquistique Vir Illustrissimus omnique laude ornatissimus Petrus Buccellius patria Politianus, qui generis sui splendorem ac nobilitatem studio, & eruditione antiquorum monumentorum illustrat, atque auget quam maxime. Neque etiam in patriam, atque in haec optimarum artium praesidia silendus est amor fratris eius Horatii Buccellii, qui de hisce Cimeliis, quae in domestico Museo priscarum elegantiarum refertissimo adservantur, optime meritus est.

Vetera Etruscorum monumenta, quae spectantur in Museo Buccellio in alio libro depromam aereis Tabulis incisa; Romana tantum proferre hoc in loco opere pretium cenfeo; quae etsi pauca sint, tamen Politiani antiquitatem, & splendorem non obscure declarant. Primum igitur exhibenda rursus est miliaria columna, in qua fit mentio Viae Cassiae, quae Etruriam discriminabat: quam Viam vetustate collapsam Hadrianus Imperator, veterum aedificiorum operumque studiosissimus, anno V. C. 872. Christi vero 119. quo etiam Traianum Augustum in Deorum numerum retulit, instauravit, atque a Clusinarum finibus Florentiam perduxit per plurima passuum milia, fuitque haec columna XXXCI lapis. Via siquidem Cassia, a Cassio, qui eam stravit, adpellata, a Flaminia extra Pontem Milvium divisa, exibat per Bacchanum, Montem Rosulum, Sutrium, Vetrallam, Montem Flascionem, Vulfinios, Clusium, Arretium, Florentiam, Pistorium, Lucam, de qua Sex. Pompeius, Cicero in Philippica XII, aliique. Huiusce Columnae miliariae, quae nunc exstat Florentiae, ut superius diximus in Parte I. pag. 301. n. 34. inscriptio ita se se habet:

I IMP.



1. Insigne hoc monumentum, quod multum valet ad priscam dignitatem tum Clusii, tum civitatis Florentiae testandam, a nemine antea animadversum, primus notavit, & ad doctissimum Petrum Victorium, ut ipse testatur Var. Lect. Lib. XXXII. Cap. XII. misit Onuphrius Panvinus, Hhh 2 omnis


omnis antiquitatis valde peritus, & horum monumentorum e tenebris eruendorum studiosissimus, quum Romam rediens e Gallia Cisalpina Montem Politianum accessisset; nam publico in loco haec miliaria columna posita cernebatur, litteris iniuria temporis non parum labefactatis; iuxta Politianum procul dubio antiquitus fixa, ubi etiam inventa atque eruta est, eoque in loco ubi Via Cassia a Clusinorum finibus Florentiam perducebat.

Ex antiquis sepulcrorum titulis, qui exstant in Museo Buccellio, atque in aliorum civium aedibus, quos modo produco, libet colligere Familiarum Romanarum nomina, quae apud Politianum antiquitus claruere; quorum etiam nonnulla ad hanc diem inedita, atque incognita sunt. Ea sunt *Anicia*, *Anaimia*, *Anniana*, *Arria*, *Asia*, *Caesia*, *Carvia*, *Ceridonia*, *Clodia*, *Croenia*, *Marcia*, *Neria*, *Octavia*, *Paccia*, *Papiria*, *Passiena*, *Petillia*, *Publilia*, *Pupia*, *Satellia*, *Satria*, *Septimia*, *Spedia*, *Tabenia*, *Tabnia*, *Tibocronia*, *Titia*, *Tribonia*, *Vesia*, *Vibinnia*.

*Cippus e lapide Tiburtino
in Museo Buccellio.*



*Cippus e lapide Tiburtino,
ibidem.*




2. Hic sepulchralis cippus erutus est anno MDCCXVII. in


apto

āgro Mensae Episcopalis Politianensis, qui vulgo *la Pieve* dicitur, secundo ab Urbe miliario, quum fierent substru-
ctiones domus rustici, quo in loco adhuc exstant & spe-
ctantur complura antiquitatis rudera.

4 *In tegula fictili, ibidem.*



5 *In tegula fictili, ibidem.*



4. In his titulis illud praecipue notandum occurrit, quod rarum sane atque insolens existimo, neque ab aliis haecenus observatum fuisse video, nostros homines Etruscos postquam relicta patria lingua Romanam sensim amplexati sunt, primum consuevisse relicto patris nomine, quod praeferebant, matrem indicare, e qua nati fuerant, atque ex ea veluti cognomen desumere. Ita enim explicari posse videntur hi tituli, in quibus legitur SEPTVMIA NATVS THOCERONIA NATVS. hoc est *Septumia* matre *natus*; *Thoceronia* matre *natus*. Contra vero Romani patris praenomen adponere consuevere, & quidem vetustissimis temporibus, eo tantum contenti: adeoque, ut notat Fabretus Inscript. ant. Cap. III. pag. 240. & Cap. V. pag. 368. auctoritate Plutarchi, initio vitae C. Marii, omisso cognomine. Postmodum insecutis temporibus Tribus nomen adposuere & cognomen, quod saepe a nomine vel cognomi-

gnomine materno desumebant; uti observat idem Fabrettus Cap. IV. pag. 319. Peculiarem igitur hunc morem Etruscorum nostrorum accipiendi cognomen ex matre, e qua nati fuerant, frequenti horum lapidum auctoritate notare possumus; quem silentio praeteriit Fabrettus, qui duos titulos apud Politianum inventos protulit Cap. IX. n. 380. 381. quorum alter easdem leges inscribendi tituli sepulchralis servat. Nonnullae tegulae etsi inter se similes sint, quod attinet ad materiam & figulinae opificium, tamen inscriptae sunt vel titulo Etrusco, vel Latino. Latina epigraphae, si characterum figurae, & ductus spectentur, prima originis apud Etruscos cunabula satis rudia repraesentant; quos characteres quum exhibere satis accurate non possint nostrorum typographorum maiores litterae, diligenter in aereis Tabulis incisos ad archetyporum exemplar, eos observabimus, Deo incoeptis favente, in Monumentorum antiquorum, ad hoc tempus ineditorum Syntagmate, quae ex omnibus Etruriae Urbibus iam collegi, & in lucem edere meditor. Conabor etiam enucleatius investigare tempus, quando Etrusci nostri sensum relicto patrio sermone usum Latinae linguae amplexati fuerint; cui investigationi non parum lucis & praesidii suppeditabunt tegulae inscriptae, quae exstant in Museo Buccellio. Hisce tegulis Etrusci nostri obstruebant os sepulcri, quod vel in pariete, vel in ipsa tellure excavaverant; quod etiam apud Romanos in usu fuit, ut alibi observavimus. Praeter inscriptionem in hisce tegulis inciderunt etiam Etrusci unico linearis caelaturae ductu imaginem defuncti; quod ostendit Tabula LXXXIII. ad finem Tomi II. addita Dempsteriano Operi v. 10.

In tegula fictili, ibidem.

In tegula fictili, ibidem.

6 CRIISTO CROTNAS 7 AILMIINA
SATRIA

In

In tegula, ibidem.

In tegula, ibidem.

8 AR . SPEDO
THOCERVA
CLA'.

9 VEL : SPEDO . CAESIAE

9. Inter voces duo vel tria puncta interponere mos Etruscorum fuit: itemque bigammatis frequenter usi sunt; quod etiam in his titulis factum observare est.

In tegula, ibidem.

In tegula, ibidem.

10 IVNIITH VIIIH
ARRIA . N

11 SIITHRII . CHIZARTLI . I . R . L

In tegula, ibidem.

In tegula, ibidem.

12 Q . SPEDO . L , P

13 CAINVO

In tegula, ibidem.

In tegula, ibidem.

14 THNIA . SIVNIAII

15 TAHNIA . ANAINIA
COMLNIAI . FIA

In tegula, ibidem.

In tegula, ibidem.

16 ARRIA TANA : A

17 EXAAIXD
F

In urna fictili, ibidem.

In urna fictili, ibidem.

18 VIIAISA
CARIIA

19 SETRE CEZARLE . L P . L

30

In urna fictili, ibidem.

*In urna e lapide Tibur-
tino, ibidem.*

20 SEX . ARRI . CEZTES

21 A MARCI V
RALI

*In urna e lapide Ti-
burtino, ibidem.*

*In fundo paterae fictilis
rubrae, ibidem.*

22 ANICIAE
C . F .

23 P V B
TITI

In Cippulo marmoreo.

*In urna ex plastico
lapide, ibidem.*

25

24




25. *Vesae* familiae in unico tantum lapide Gruteriano pag. DCLXII. 2. fit mentio . Hic L. Vesius Verus fuit Miles Cohortis V. Praetoriae , qui quidem paucis annis militavit . Mater ei titulum posuit .

In


*In Vrna e lapide Tiburtino, eruta
in praedio Ill. D. Ioseph Arvi-
gnonesi Baulivi Ord.
S. Stephani.*

16



*In Vrna e lapide Tiburtino, eru-
ta in praedio eiusdem Nob. V.
Ioseph Arvignonesi, nunc apud
Bonarrotrios Flor.*

17




27. Notatur in hac Vrna nomen quoque Tribus Ar-
niensis, de qua superius diximus.

*In Horto apud Montem Tolitia-
num, ex Schedis Senatoris
Caroli Strogae.*

Ibidem.

28




29



111

161

*Ibidem.**Ibidem.*

In Urna adfimili e Tibur-
tino lapide.

In alia Urna adfimili.

32 SIIXI PAPIRIO AVRVNCI

33 SATELLIA. C. F.
 VELIZA

Ibidem in alia Urna.

In alia Urna, ibidem.

34 A. PAPIRIVS

35 L. PAPIRIVS A. F
 ARN.

Has Urnas alio asportatas fuisse arbitror, quum hodie apud Politianum non exstent: eas tamen ibidem detectas simul cum Etruscis Urnis in quadam Crypta testatur Spinellus Bencius, qui eas communicavit Donio meo viro praestantissimo. Catalogum Virorum sanctitate, dignitate, doctrina, belli pacisque gloria illustrium, qui hanc Urbem longe conspicuam, aeternoque nomine celebrem fecere, iterum adferre supervacaneum arbitror, & a meo instituto alienum; quum Thomas Dempsterus in lucem dederit Lib. VI. Cap. X. de Etruria Regali. In eodem Catalogo recensendus Eminentissimus ac Reverendissimus S. R. Ecclesiae Cardinalis BARTHOLOMAEVS MASSAEVS, doctrina, pietate, meritis in sanctam Sedem, ceterisque animi eximiiis dotibus omni aevo praedicandus, qui summum patriae suae decus etiam num adfert.

AP-

A P P E N D I X


INSCRIPTIONVM ANTIQVARVM

Q V A E

IN ETRVRIAE VRBIBVS

EXSTANT.

*In aerea lamella, quae adseruatur
in regio Musae Mediceae.*



MILITES quum ad alia maioris gradus officia ab Imperatoribus, vel a Praefectis militiae promoverentur, vel quum honesta missione donarentur, vota, quae susceperant, Diis solvebant. C. Veratius Eaufstinus miles Cohortis Tertiae Praetoriae, gratias agens numini Solis, votivam hanc tabulam aeream suspendit. In hunc fere modum P. Aelius Amandus ex numero Equitum Singularem Augusti, accepta missione honesta, ex voto suscepto monumentum SOLI INVICTO DEO dedicavit, uti declarat inscriptio adlata a Fabretto Cap. V. n. 83.

lii 2.

Haec

Hæc marmorea Tabula mutila, & manca nunc exstat in regio

2

INTROIVGIS. VI

MENIPPO.	CINIS X	HILARO . AF.
. I AEGYPT .	PE I	MACVL . AF.
. I PEGASO .	AF I	AQVILIN. AF.
. I EVTONO .	AF I	PEGASO . AF.
. I ADVOLA .	AF I	COTYNO. AF.
AF. I DROMO .	HISP I	SICA . AF.
AF. I PASSER .	AF I	CIRRATO. AF.
AF. I LVPO .	AF I	MELISS . AF.
GAL. I LVCIN .	AF I	DELICATO. MAV.
F . I SILVAN.	AF I	PARATO . AF.
AF. III .	EVTONO. AF. IV	. BALLIST
AF. III .	PYRALL . AF. IV	. ANDREM
F. III .	PARDO . AF. IV	. SPICVLO
F. III .	ROMVLO . LAC. V	. ROMVLO
F. IV .	RAPACE . AF. VI	. LVPO
. IV .	BAETIC . AF. VI	. PALVMB
. IV .	CAMM . AF. VI	. ROMVLO
. IV .	DAEDAL. AF. VI	. GLAPHY
. IV .	GAETVL . AF. VI	. BALLIST
. IV .	ALCIMO . .VI	. MEMNO

LMAS SIBI COMPLEVIT QVOS

CALLID. AF. ∞ HILARO. AF

BALLIST. AF

CVL

2. Hoc fragmentum hodie exstat ; editum vide
in Parte I. huius Operis pag. 38. n. LXIII.

Museo Mediceo; locupletiore olim exscripsit Io: Baptista Donius.

II. PRAEMISIT. ET. C. T.
OCCVPAVIT. ET VICIT. CCC

CIT

I. HILARO . HISP. I	BARB . AF . I	VICTO
I ZMARAGD. AF . I	CALLID . CYR. I	HELIO
I DRAVCO. AF . I	THELO . AF . I	SIL
I ARANIO . AF . I	ARIONE . AF . I	
I EXACT . MAV. I	HELIO . AF . I	B
I PISTO . CYR. I	HIRPIN . HEV. II	LAI
I PVGIO . AF . I	PALMAT. AF . II	ASTE
I ANDRE . AF . I	PASSER. TH . II	OSS
I ROMAN . GAL. I	CVTTA . AF . II	DAN
I CANDID. AF . I	PVGIO . AF . II	CALI
. AF . VIII . ABASC . THE . XX		EXCELL
. AF . VIII . ARCAD . AET . XVI		ARACIN
. GAL . VIII . LVPO . HISP . XXII		CALLID
. AF . VIII . SAGITT. AF XL . XII		XL
. AF . VIII . ATACTE . AF XXX . XXII		AQVILA
. AF . VIII . AETHER . AF . XXX		XXX
. AF . VIII . INGEN . ING . XXIX		AQVIL. M
. SPH . X . ARGO . APH . XXX		PECVL
. AF . XIII . VICTORE . AF . XXXII		XL
. LAC . XIII . INNOCE . AF . XXIX		HILAR

EQVOS CE


Hoc alterum eiusdem inscriptionis fragmentum hodie non exstat: quod exscripti ex Collectaneis Donianis pag. CCII.

Statueram in hac Appendice enumerare, ac describere antiquas omnes Gemmas, quae vel litteris, vel inscriptione ornatae sunt: verum quia nuper eas in lucem dedimus in Volumine I. & II. Musei Florentini, haud consentaneum visum est eas repetere. Aerea lamella votiva, quam paulo superius vulgavimus n. 1. huius Appendicis, servabatur inter Cimelia Andreinia, quae paucis ab hinc annis in regium Museum Mediceum asportata fuere, una etiam cum his quae sequuntur.


*In Museo Mediceo lamellae
fragmentum.*



*In alia lamella
ibidem.*




In aereo sigillo ibidem.



In alio sigillo ibidem.



In alio sigillo ibidem.



In alio sigillo ibidem.



In

9 *In alio sigillo ibidem.*C. VTI. L. A. F.
PESCENNINI10 *In alio sigillo ibidem.*SEX. IVLI
SEVERI11 *In alio sigillo ibidem.*M. ROMANIO
EVOKA. AVGG. N. N.12 *In alio sigillo ibidem.*L. RVFRI
FORTVNAT13 *In alio ibidem.*

IVLI. VIB

14

TIGR
INE VI
VAS15 *In alio ibidem.*PEET C.
RICII ✠*Ibidem, in laterculo figulinae, cuius nota caput Africae.*16
IVVENTIO II. ET MARCELLO II COS. EX PR
Q. SER PVD CVR HEDYN16. Alium huic similem laterculum profert Fabrettus
Inscriptionum Cap. VII. n. 127. ex Museo Ciampinio,
quem vide.

Floren.

*Florentiae in Hortis Mediceis, vulgo Boboli, in eleganti
Urna marmorea undique firsaturis ornata.*

17

D	M
TITO AELIO MONTANO AVG	
LIB OPTIONI TABELLARI	
ORVM OFFICI RATIONVM	
QVI VIXIT ANNIS. LV. MEN	
SIBVS. III. DIEBVS III	

17. Hanc inscriptionem ego exscripsi IV. Kal. Augustas anno MDCCXXVII. In iisdem Hortis complura alia monumenta olim exstabant, quae operarum incuria periere. Sequentes titulos exscripsit Florentinus Gruterus Ioannes Baptista Donius; quos ex eius Collectaneis accepi.

Ibidem.

18

DIIS MANIBVS
OGVLNIAE PROBAE FECIT
N. OGVLNIVS HERMES
CONLIBERTVS CONIVGI
CARISSIMAE ET SIBI

Ibidem.


19

FLAVIAE CORONID
V. A. XXXX. M. II.
FLAVIA CAENIS
FILIAE PIENTISSIMAE

Ibi-

Ibidem.

20

D . M
OFILIAE  FECIT
Q. FABIVS.....S
CONIVGI KARISSIME

Ibidem.

21

C. TERENTIVS. ACTIVS
TATIAE TVCHE
CONIVGI CARISSIMAE

Ibidem.

22

D . M
L. VALERIO EVTYCO
FVRIA CLETE CO
IVGI. B. M. FECIT

Ibidem.

23

C. TERENTIVS ACTI
VIX. ANNOS LXXXV
FECIT TERENTIA
THALLVSA PATRONO
BENEMERENTI SVO


Ibidem.

24

O D M C VALERI T
L, SVCCESSI HIEROT
B. ET ROMANA FILI. L
Q. CARISSIMO. V. A. XI
M. XI. D. XIII

Ibidem.

25

D  M
L. VALERI CRESCEN
TIS FECIT IVNIA EV
RESIS CONIVGI SVO
B. M. ET SIBI CVM QVO
VIXIT ANNIS XIII

Ibidem.

26

M. METILIVS M. F. TER

RVFVS

PR. PROCOS

PROVINCIA ACHAIA FETIALIS

In imo latere.

CVRATOR VIAE AVRELIAE

In altero latere.

LEGATVS

AVG


*In Palatio Seren. Cardinalis
Medicis ad S. Marcum
v. il Casino.*

Ibidem.

27

TI. CLAUDIO
FORTVNATO
EREPTO FATIS
INIQUISSIMIS

28



CAECILIA SABINA

26. In toto Gruteriano Thesauro unica tantum est inscriptio, in qua FETIALIS fit mentio p. MCVII. 4 Penes Fetiales belli, pacisque faciendae foederisque feriundi ius erat.

Ibi-

29

Ibidem.

T . CAMVRENVS SP . FILIVS
CELER . VIX . ANN . XXXI
M . XI . D . XV . T . CAMVRENVS
EROS PATER ET CAMVRIA
TYCHE LIB . BEN . M . FEC

30

Ibidem.

D . M
TROPHIMES
PRAESTINVS
CONVGI SVAE
BENE MERITAE
FECIT

31

Ibidem.

D . M
SEX . LICINI
DIONYSI

32

Ibidem.

D . M
C TERENTI
C . L .
EROTIANI

*In Sacello domestico Marchionum Riccardiorum; in quo iacent
corpora SS. Ianuarii & Sociorum Tuorum.*

33

IANVARIO BENI
MERENTI QVI VIXIT
ANNOS II ET M VIII
D . VIII ♡

Kkk 2

Apud

*Apud Guicciardinios ex
Collect. Donianis.*

34

M. IVLIVS. AVGVSTAE . L.
MENANDER
IVLIA FAVSTA
MENANDRI

Ibidem.

35

STATIRA
ANTONIAE. DRVSI. L
AE. DRVSI. L.

34. Inscriptiones quae nunc exstant Florentiae in Urbani Hortis Eccell. Principum Corsiniorum olim adservabantur apud Nobilissimum Virum Petrum Guicciardinium; e cuius aedibus in Hortos Corsinios postea translatae. Complures Tituli sunt qui pertinent ad Libertos, & servos Liviae Augustae, & Caesarum. Id mihi innotuit ex Collectaneis Praeclarissimi Ioannis Baptistae Donii, qui hos, & sequentes exscripsit Titulos, qui interciderunt.

Ibidem.

36

IANVARIVS . IN . BIMATV . OBIT . IANVARIA IN....
AN. IIX. OBIT. HYPATVS. PATER. ET. ERATE MATER
EMERVNT. OLLAS IIXXXXXX AB. C. SALIO. OPTATO
C. SALI. EROTIS. LIBERTO

Ibidem.

37

PRIMA LIVIAE . OPSTETRIX . ASTEROPE
MAXIMI . EPHICARIS . MAXIMI . MATER

Ibi-

38 *Ibidem.*

LIVIA . PHILEROTIS
ARGEN . L . ALBANA
CORNELIA TROPHIM

39 *Ibidem.*

IS . DISP . IS
DONAVIT
IVLIO ATIMETO
VESSIANO .

40 *Ibidem.*

NICE . LIVIAE . L	APHAREVS . IVLIAE
ORNATOR	AVG . L . OPSON
ARISTO . LIVIAE . L	DAT
	LIVIAE HILARAE

41 *Ibidem.*

HYGINVS . LIVIAE	CALLITYCHE . LIVIAE
MEDICVS	SARCINATR

42 *Ibidem.*

XENO
ANTONIAE . DRVSI . IAN
MALCHE ANTONI

43 *Ibidem.*

NICOLAVOS . OREI . L .
BYZYGES . AVGVSTI . SER .
MARCENAT
DED . OREVS . LIVIAE . L .

Ibidem.

Ibidem.

44

MACARIA

HILARVS . LIVIAE OST
VRBAN*Ibidem.*

45

PRIMIGENI LIVIA FILI
VT RID*Ibidem.*

46

PRIMI . CAESARIS . L .
LVCANOS FEROX
IVLIANVS*Ibidem.*

47

TI . CLAVDIVS TI . C
GERMANICI . L . TH
AGILIS HEL*Ibidem.*

48

TI . CLAVDIVS . AVG . L .
THEODOTVS . . VIXIT
ANNOS . L .*Ibidem.*

49


TI . CLAVDIVS
GERMANICI
L . HERACLA*Ibidem.*

50


C . IVLIVS . C . CAESARIS
L . IVLIAE . EVCHE
DEDIT BENIGNA*Ibi-*

*Ibidem, nunc vero in Urbani
Horti Confiniis.*

51



52


Ibidem.

51. Hanc inscriptionem integram edidit Fabrettus Cap. III. n. 279. verum non bene dispositis lineis, sed variatis. Nos mancā, ut hodie visitur, supra vulgavimus in Parte I. pag. 150. n. 65. Integram debemus Iohanni Baptistae Donio, qui exscripsit.

Notare hoc quoque loci non abs re ducimus, inscriptioni superius adlatae in Parte I. pag. 125. n. 13. praeponendam esse, & una cum ea coniungendam inscriptionem ibidem editam n. 8. adeo ut dedicata fuerit pro salute Marci Aurelii Severi Antonini, eiusdemque coniugis Iuliae Augustae Matris Castrorum, duobus Aspris Consulibus.

*Florentiae, in Museo Dom. Comitum
ex Gberardesta, in aeneo sigillo.*

53



*Ibidem in lucerna fictili,
in qua sculptae tres
Gratae.*

54 L. CAESAR

In alia ibidem.

55 CLODIVS


53. In vetustis manu conscriptis codicibus frequenter occurrit

currit bigamma 8. pro or ; verum in antiquioribus monumentis Graecis, quae maioribus litteris sculpta sunt, praeterquam in hoc aeneo sigillo haud memini me observare.

*Florentiae, in AEdibus Cl. Senatoris Camilli Pandolfini
Patricii Flor. in Urna marmorea elegantissima, ornata
capitibus arietinis, arviculis, & encarpis.*



*In tessera ossea,
penes me.*



*In tessera eburnea, sportulae
figuram exhibens
penes me.*



57. Haec tessera gladiatoria, quam inter mea cimelia servo, par Consulm ad hoc tempus viris doctis incognitum ex sinceris vetusti aevi monumentis nobis exhibet, nimirum C. Vibium Postumum, & C. Ateium Capitonem; qui, imperante Tiberio Augusto, suffecti fuere M. AEmilio Lepido,

do, & L. Aurruntio Nepoti, qui Consules fuere V. C. anno DCCLIX. Christi vero ab ortu anno sexto. Ludi gladiatorii editi memorantur X. Kalendas Augustas; in quibus spectatus Cinnamus, & rude donatus. Perperam; & contra auctoritatem ac fidem antiquorum numismatum, lapidum, atque huius elegantissimae tesserae aliqui scribunt ATTEIVM pro ATEIVM; inter quos notandus Ioannes Glandorpius in Onomastico Romano. C. Ateius Capito Iurisperitus fuit aetate sua in Vrbe celebris; qui praefuit curationi aquarum & Tiberis, teste Tacito, Annalium Lib. I. n. 79. *Actum deinde in Senatu ab Arruntio, & ARBIO, an ob moderandas Tiberis exundationes, reverterentur flumina & lacus, per quos augescit: auditaque municipiorum & coloniarum legationes; orantibus FLORENTINIS, ne Clanis solito alveo dimotus in amnem ARNVM transferretur, idque ipsis perniciem adferret.* &c. Decessit anno octavo imperii Tiberii Caesaris, cuius magnificus adulator fuit. Reliquit Commentaria in duodecim Tabulas, Collectaneorum libros XXVI. de iure Pontificio septem, de Senatoris officio unum, de iure sacrificiorum decem, & Commentarium de iudiciis publicis: ex quibus monumentis multa citantur apud Gellium, Macrobius, Pompejum, Frontium, & Marcellum.

§8. Eburnea haec sportula numero VII. consignata, ex eo genere missilium, ut arbitror, fuit, quae in vulgus spargebantur in Circensibus ludis, vel die natali principum, vel in Saturnalibus, vel in adeptione dignitatum atque honorum; quam, qui consequabatur, septem sportulas, praemii vel donarii causa, debebat accipere. Huiusmodi opportunitatem nactus, libet ex Suetonio audire, quae in spectaculis sparserit Nero Caesar, ut ipse narrat in eius vita Cap. XI. *Sparsa & populo missilia omnium rerum per omnes dies singula quotidie millia. Avium cuiusque generis multiplex penus, tesserae frumentariae, vestes, aurum, argentum, gemmae, margaritae, tabulae pictae, mancipia, iumenta, atque etiam mansuetae ferae, novissime nares, insulae, agri.* Sed de his aliisque huiusmodi tesserae alibi fufius.

*Florentiae, in Museo Illustris. Iulii Morellii Patricii Flor.
Equitis D. Stephani.*

59

C. MARCIO. C. F. POL
MVTINA. PATRI
MARCIAE. C. L. MATRI
MARCIVS. C. L. PAMPH
ILVS

Ibidem in abaeo sigillo.

60

L. FVFICI EN
DYMIONIS

Ibidem aliud.

61

L. DECI
SE ■■■■■■

Lego: SEVERINI

Florentiae, apud Donior.

62

DIIS. MAN.
DOMITIAE. SELEVCIDI
FECIT. T. FLAVIVS. VERNA. ET
FLAVIA. SELEVVIS. FILIAE SVAE
PIENTISSIMAE. VIXIT. ANNIS
VI. MENS. IX. DIEB. XXV

Ibidem.

63

D. M
TI CLAVDI
FLORENTINI
NARCISSVS
LIB. ET.
FRATER
B. M. F.

Ibi.

64

Ibidem.

AVR. EVBODIVS ET
AVR. RVFINIANE
PARENTES FILIO
DVLCISSIMO. EV
BODIO. QVI. VIXIT
AN. XVIII. MESS
VIII. BENEMEREN
TI. IN PACE

65

Ibidem.

D . M
FELICLAE . CAES
N . SER . SALVIVS
CONSERVAE . B .
M . FECIT

Ex Schedis autographis Iohannis Baptistae Donii.

*In Domo Frati in Valle
profunda.*

*In Horto templi S. Laurentii a Vicchio,
in Agro Ripolitano prope Florentiam.*

66

MO
SENTILLA
ASTEROPE
PATRI PIENTI
SIMO

67

TVNNI
IOVIS
C. CEVNA
IVSTVS
X. ARG. P. X

67. TVNNI IOVIS. Vitiose descriptum hunc lapidem pu-
to in primo versu. Descriptum ad me misit V. C. Vbertus
Benevolentius nuper fato functus, ex Collectaneis Petri
Tancredi, in quibus haec notata erant. *In quadrato marmo-
re, quod basis quondam fuerat Sacelli, nunc vero saxeam mensam
sustentat in Horto Templi S. Laurentii a Vicchio, in Agro Ripo-
litano prope Florentiam.*

Lil 2

Lr

In fine Bucolicorum Vergilii MS. in Bibliotheca Medicea ad D. Laurentium exstant haec litteris maiorem scripta:

68

TVRCIVS RAVTIVS APRONIANVS ASTERIVS VC ET IN L. EX COMITE DOMEST. PROTECT. EX COM. PRIV. LAR. JT
EX PRAEF. VRBI PATRICIVS ET CONSVL ORD. N. LEQ. ET DISTINCXI CODICEM FRATRIS MACHARIL. VC
NON MEI FIDV CIA SET EIVS CVI SI ET AD OMNIA SVM DEVOTVS ARBITRIO XI KAL. MAI ROMAE
P. VER GILI

MARONIS

DISTINCXI EMENDAVI GRATVM MIHI MVNVS AMICI SVSCIPIENS OPERI SEDVLVS INCVBY
BYCOLICON

LIBER

EXPLICIT

TEMPORE QVO PENACES CIRCO SVBIVNCXIMVS ATQ: SCENAM EVRIPO EXTVLIMVS SVBITAM
VI LV DOS. CVRVSQ. SIMVL VARIVMQ: FERARVM CERTAMEN. IVNCITIM ROMA TENERET OVANS
TERNVM QVIPPE SOFOS MERVI. TERNA AGMINA VVLQ. PER CAVEAS PLAVSVS CONCINVERE MEOS
PRAETIVM IN QVAESTIVM FAMAE CENSVS IACTVRA CVCVRRIT NAM LAVDIS FRVCTVM TALIA DAMNASERVV
SIC TOT CONSVMPITAS SERVANT SPECTACVLA QVAZAS FESTORVMQ. TRIVM PERMANET VNA. DIES
ASTERIVMQ. SVMV VIVAX TRANSMITTIT IN AEVVM QVI PARCAS TRABEIS. TAM BENE DONAT ORES

INCIPIT

GEORGICON

LIB.

I

FELICITER

QVISQVE LEQ. IS PERLEQ. AS FELIX PARCASQVE BENIGNE SI QVA MINVS VACVVS PRAETERIIT ANIMVS^{us}

Huic Codici praepositum est hoc pulcherrimum, & elegantissimum epigramma insignis Poetae Achillis Statii Lu-
litani.

*Turpureos sparge in frontem atque in cornua flores,
Albaque ter plenis lilia da manibus.
Namque vides saeculi monumentum insigne prioris,
Quo neque nobilius, nec prius exstat opus.
Felix sorte tua ES vita, MARO, dignior, unum
Hoc superest de tot millibus archetypum.
Maecenas, ne tu cum re simul ipse perires,
Arma feri iussit militis esse procul.
Es tua, RODVLFI, quae non obliteret aetas
Vlla, pie servant haec monumenta manus.*

Codex est quadratus, formâ in 4. membranaceus, litteris maioribus scriptus, de quo Henr. Noris Cenotaph. Pisano, Dissert. IV. §. I. disserit, qui tamen hanc inscriptionem in-
mendatam, & mancâ protulit pag. 431.

Textum Vergilianum multo certe tempore ante emen-
dationem exaratum esse, ex eo colligi potest quod inscrip-
tio Turcii Aproniani Alterii interposita est inter lineas fi-
nis, seu conclusionis libri Bucolicorum, & titulum Lib. I.
Georgicon, uti etiam hoc exemplar perspicue ostendit.

In lin. 3. CVI SI ET. Noris perperam edidit CVI SIT. Fa-
cile fortasse hic locus interpretari poterit, si coniunctim le-
gatur, CVI SIET. nam verbum *siet* a Plauto praesertim fre-
quenter usurpatur.

Initio 10. lineae, quum dicat IN QVAESTVM, & in mar-
gine interiori Codicis scriptum sit PRETIVM, quibus in locis
superne addita cernitur linea cum puncto superposito;
glossema est; videturque loco IN QVAESTVM reponendum
esse IN PRETIVM. quam lectionem praeferrî alteri forte
voluit Turcius Alterius; nam ab eodem addita videtur;
idque declarat simillimum scribendi genus, & characterum
simillima conformatio, atque idem atramentum. Haec ve-

ro & alia notatu digna accurate expendet in Dissertatione, quam parat amicus meus Vir doctissimus Antonius Cocchius Medicus Florentinus & in patrio Athenaeo Philosophiae naturalis Professor, qui etiam eiusdem Inscriptionis seu Subscriptionis antigraphum aeri incisum viris doctis exhibebit.

*In Ecclesia S. Mariae a Novoli,
adnexa Ecclesia S. Christophori
in Perticaia, iuxta vas
Aquae lustralis.*

69

AEDILI . IIII VIRO
PONTIFICI
REGI . SACRVM
C . M V R R I V S
EVCARISTVS
PATRONO . B . M

*In Museo suburbano Strotio
olim exstabant sequentes
tituli sepulcrales, sed
interciderunt.*

70

M . LOLLIVS...
HIC SITVS EST
PHILARGYRVS.
NOLI DOLERE
EVENTVM.....

Ibidem.

71

EN SOPHIORVM
M

69. REGI SACRVM. id est REGI SACRORVM. Rex sacrorum, qui & Rex sacrificulus dictus est, quibusdam sacris praeerat, quae per eum tantummodo celebrari decebat. Creabatur comitiis centuriatis ex ordine patriciorum, ut Cicero scribit pro Domo sua. Eius uxor Regina sacrorum dicta, quae & ipsa aliquot sacra facere solebat. Sed de huius Sacerdotii institutione, munere, dignitate non pauca inuenies apud auctores, quos Eques Sertorius Ursatus de Notis Romanorum enumerat.

Ibi.

Ibidem.

72

Q. FABIVS
PHILINVS
VIXIT ANN. XXX

Ibidem.

73

C. ASINIO....
VIRO. BENEMERENTI
ET. HELAS. FECIT

*Ibidem, in lignea baf
inaurata.*

74

HOC SANCTVS PAS
TORMVNVS SVB
LIME ROSARVM
MARTINVS QVINTVS
DEDIT HIC PRO LAV
DE PERENI. ANOMCCCCXVIII.

*Inscriptio litteris pictis in tabula
fistili della Robbia.*

75

MESERE. GORO. DI PIERO. BEF
ANI. CHALONICO. DI SA LOREN
ZO. E PIOVANO. DI SAN DETOLO
RETORE. DI SAN BARTOLO INT
VTO. VISE. ANN 59. MORI AD 120
D AGOSTO 1499.

*In Agro Florentino, in praedio
Pauli Machiarvelli.*

76

REM NIAE
PRIMIGENIAE
CORONARIAE
IN. AGR. P. VI.

*In agro Flor. ex Schedis
Vinc. Borghini.*

77


C. LAVSENN. M. F.
SCA. PROCVLVS
FLORENTIA
MIL. COH. VIII
PR. 7. MAGI

76. CORONARIAE. Feminae, quae coronas nuptiales,
con-

convivales, funebres, & sacras faciebant, vendebantque *Coronariae* dicebantur. Feminae *Coronariae* iconismum in hoc opere nunc primum in lucem proferimus ex antiquo anaglypho Sarcophagi, qui exstat Florentiae in Templo S. Iohannis, ubi de iisdem plura.

In Villa suburbana Clariss. Senatoris Ferrantis Capponii, Comitis, & Equitis, Patricii Florentini, ad primum lapidem extra Portam Romanam in Arce veteri, vulgo Arcetri.

78



78. Hanc ipsam inscriptionem cum mendis editam a Vincentio Borghinio pag. 288. de Origine Urbis Florentiae, cum iisdem mendis vulgavit etiam Gruterus pag. DCCCLXXXV. 8. Nos quoque superius inemendatam excelsimus in Par. I. pag. 443. n. 75. huius Operis. Nunc vero castigatissimam diligenterque excelsitam iterum exhibemus: nam e loco suo dimotam, temporum iniuriis, diraeque voracitati iam diu expositam opportune vindicavit conquisivitque V. C. Ferrantes Capponius Patricius Florentinus Senator Amplissimus, nec non Comes, & Eques, & in amoenissima sua Villa in *Arcetri*, (quasi, ut aliqui putant, in *Arce veteri*) ne & otium ipsum sine eruditione sit, collocavit; eo loci pariter dispositis omnibus antiquis inscriptionibus, quae apud Donios olim exstabant, quas etiam in Par. I. huius Operis in lucem dedimus pag. 287. & se-

& sequentibus. Inter eas vero, quae apud Donios adservantur, ad hoc tempus ineditae fuere sequentes, quas numero 79. & 80. heic adducimus.

Ibidem in orbiculo marmoreo.

79

D . M

M. AVRELIO AVG.
LIB. ISIDORO MEL
LOPROXIMO A RATIO
NIBVS. AVRELI. HER
MES. ALVMNVS. ET GLY
CON NVTRITOR. ET
MAXIMVS. BENE
MERENTI. FE
CERVNT

Ibidem.

80

D . M

VLP. FORTVNATAE
VIX. AN. LXXX. B. M
FEC. P. AEL. HERMES. IVS
SO. VLP. CHARIDIS. PIL

*In Horto Plebis S. Mariae de
Carraria Vallis Marinae Dioe-
cesis Florentinae, antiqui
tituli fragmentum.*

81

TERTVLLAE
ALBRICIAE

79. *Melloproximus*, qui sequenti anno futurus erat *Proxi-
mus a rationibus*. De Proximorum varietate, & dignitate vi-
de Iac. Gutherium de Officiis Dom. Aug. Lib. III. Cap. VII.
Rarissimus, & insignis est hic titulus, atque in Thesauro
antiquitatum singularis, ipsi Grutero ceterisque incognitus.

In laudes huius Villae, omnium quae prope Floren-
tiam sunt intra primum lapidem, pulcherrimae, ac splen-
didissimae, in colle modice edito sitae, paullo effusior esse
deberem; nam in ea, ob eiusdem Senatoris singularem hu-
manitatem, non pauca quae in lucem edidi elucubravi; ve-
rum nonnulla adiungere opere pretium duco. Purior heic
aer est, prospectus vero tum Florentiae, hinc & hinc fere

Mmm

du-

duplici theatro apparentis, (nam mediam discriminat arx *Bélvedere* nuncupata, quae ei imminet) tum trium aliarum Urbium Etruriae Fesularum, Prati, & Pistorii, agrorum, colliumque pulcherrimorum corona longe gratissimus atque iucundissimus est. Regnatricis Gentis Mediceorum Principum hinc summa animi voluptate undecim Villae conspiciuntur. Praetereo Villas Procerum, ac civium Florentinorum, quae adeo frequentes sunt, ut continuatae aliam Urbem constituere facile possent. Praetereo insigne, & praenobile Carthusiae Coenobium, quod singularem Acciaiolae Gentis pietatem, & magnificentiam clarissime testatur. Auget huius Villae laudes aqua saluberrima, e viva scaturigine manans, levitate, ac puritate magno in pretio habenda; puteus altissimus maximo sumptu excisus in rupe, aedium amplitudo, commoda, quibus nuper egregie consuluit idem Senator clarissimus. Neque silentio praetereunda est tabula, quae Iesu Christi Nativitatem repraesentat, quaeque in Sacello conspicitur, longe elegantissima, maximoque opificio elaborata; quam, ut auctor est Georgius Vasarius in *Vita Laurentii di Credi* pictoris, pinxit Thomas Stephani filius; qui, licet immaturo fato functus, in hoc tamen opere eximium ingenii sui atque artis praestantiae specimen dedit. Hoc Sacellum, quum rursus a solo excitasset, publico commodo consulens idem Senator Capponius, hoc titulo, quem ego inscripsi, exornavit.

*SACELLVM NATO SERVATORI ANTIQVITVS DICATVM
PICTA TABVLA EXIMII OPERIS
FERRANTES CAPPONIVS SENATOR COMES ET EQVES
EX PRIVATO PVBLICVM A. MDCCXXX.*

Anno MDXXIX. obsessa Vrbe, in hoc colle castra posuere Germani, ut omnes Historici memorant, fuitque eorum veluti arx, & praesidium: quare in pavimento aliquot

quot aedium huius Villae adhuc ab hastis isti lateres conspiciuntur, atque in huius rei memoriam servantur.

Ab hac Villa paullo superius progressis Villae omnibus deliciis cultuque & elegantia refertae Patriciorum Florentinorum occurrunt, nempe Bartholomaeiorum, Rinucciniorum, Senatoris Clarissimi, & Comitis Antonii olim Pecori, nunc Aleandri Squarcialupi, del Riccio, Mannelliorum, Samminiatorum, Guicciardiniorum, Nerliorum, & Quaratesiorum, & ea in qua praestantissimum virum Galileium Mediceas stellas primum omnium detexisse, atque observasse ferunt. In Villa Guicciardinia exstant complures Urnae antiquae cinerariae, quas vulgavimus in Parte I. pag. 225. quas etiam in finitimis huius collis oris inventas tradunt. In parergo tabulae, in qua egregio opere antiquitus picta est femina pulcherrima, hoc distichon legitur.

CERNITVR HIC QVICQVID POTVIT NATVRA DEVSQ;
DELITIAS CAELI PARVA TABELLA GERIT.

In lapidea Tabula, altitudinis fere III. Romanorum pedum, latitud. fere IV. in Ecclesia Plebis S. Mariae Novellae in Cbianti, in regione, quae Volpaia dicitur, iuxta Castrum Raddae, ab Urbe Florentia ad XX. lapidem.

82 ✠ DE DONIS DEI. ET BEATI QVIRICI:

EGO: IOHĀN: INDIG. PPB. FIERI: ROGA'

82. Ita interpretatur: ✠ *De Donis Dei et Beati Quirici Ego Iohannes indignus Presbyter fieri rogaui.* De hac solempni formula adhibita in antiquis Ecclesiae monumentis, quae donationes sacras, vel sacrorum locorum instaurationes, novorumque aedificiorum dedicationem continet, consulendus vir iudicio, & eruditione praestantissimus Iustus Fontanus Archiepiscopus Ancyranus in Commentario in Disceum votivum Christianum Cap. XV. & XVI. Hanc inscri-

ptionem primus invenit, & mecum perhumaniter communicavit Ioannes Baptista Dei Florentinus, patriarum, antiquitatum studiosissimus.



In Sepulcro marmoreo quadrato, capitibus arietum in angulis exornato, apud Plebanum Ripulensem in Agro Florentino; nunc vero desideratur.

In Coemeterio S. Michaelis a Luciano in Agro Florentino inter Malmantilem, & Montem Lupum prope Villam Nobilium Virorum de Ansinoris.



PISIS, in Aede S. Silvestri.

In Agro Pisano, in Urna in Domo Traeposturae S. Frigidiani ad VII. lap.



84. Columna miliaria videtur, eruditissimo Henrico Norisio, qui de Pisatorum Colonia luculenter egit, ignota. Hanc mecum communicavit Cl. V. Ioseph Brocchius S. T. D. & Florentini Seminarii Praefectus vigilantissimus.

In

*In lapide dextero offiī Ecclesiae
S. Bartholomaei ad Campianum
trans Fucecchio in marmore.*

87

TI. IVLIVS RHO
PROCVRA
T IANVARIVS
QVI & VIXIT & ANN

• • • • •
• • • • •
• • • • •
• • • • •

*Inter Tifas, & Volaterras,
ex antiquo Codice MS.
lapidis fragmentum.*

88

C. CILNIO. CI..
ITEM PROVIN.
AGENTE
HADRIANIA

*In Agro Tifano, ex MS. Bibliothecae C. V. Marchionis Alexandri
Gregorii Capponi, Forerū Maioris Apostolici.*

89

MATHILDIS. COMITISSA. INSIGNIS. OB. HVMA
NAM. VALETVDINEM. INSTAVRANDAM. PRE
SERVANDAMQ. MONEA. HEC. AB. AQVIS. ET
SALVERIA. BALNEA. IN. OMNIGENVM. HOMIN
VM. VSV. OMNI. CVM. ORNATV. CVLTVQ.
DICA VIT. K. A


*ARRETHI, in arca marmorea, in qua corpus quod in ea positum erat
ad huc integrum est Regi; ex MS. Codice Redio pag. 94.*

90


D M
L : VETTIVS FROREN
NVS EX PRAESIDIBVS SINGVLARIS
INNOCENTIAE VIR VIXIT AN. XXVII
MENS VIII. DIEB. VII

90

*VOLATERRIS, in AEdibus
Nobilium DD. Comitum
Guidiorum.*




*Volaterris, apud D. Eq. Io-
hannem Falconcinium.*




*In Agro Volaterrano in Villa
Bergigbelliorum.*



Ibidem.



Ibidem.



Sequentes quatuor inscriptiones sub anaglyphis marmoreis Musci Medicei sculptae, nunc vix leguntur, ex Schedis Andreinii.

96 ANTIOXE AΛEΦAN
ΔΡΟΤ ΛΑΟΔΙΚΕΙ
ΧΡΗΣΤΗ ΧΑΙΡΕ

97 ΕΥΘΟΛΕΜΟΣ
ΔΕΙΟΡΑΣΟΣ

98 ΕΥΚΛΕΑ ΑΓΑΘΩΝΟΣ
ΓΤΝΗ ΔΕ ΑΡΙΣΤΟΔΕΜΟΣ

99 ΣΩΣΙΜΗΑΤΙΜΟΔΩ
ΡΟΥΤΤΝΕΔΕ ΑΤΤΑΛΟΣ
ΧΡΗΣΤΕ ΧΑΙΡΕ

*In aeneo sigillo apud Nob. V.
Franciscum Oricellarium.*

*In aeneo sigillis aev. apud
Dominicum M. Mannum.*

100 C. PACONI . C F
EPICRATES

101 VERIS
102 .VT F.



A P P R O B A T I O N E S.

Admodum Rev. Lucas Ioseph Cerracchini S. Th. D. & Academicus Flor. videat hanc alteram Partem *Inscriptionum antiquarum*, quae in Etruscae Urbibus exstant, & referat, &c. Datum ex Archiepisc. Palatio die XXVI. Maii an. MDCCXXVIII.

Horatius Mazzei Vicarius Generalis.

Illustrissime, & Reverendissime Domine.

Egregium hoc opus, omnigena eruditione refertum, attente legi, quo optime de litteraria republica meritus est eruditissimus Adm. Rev. D. Antonius Franciscus Gorius: & cum nihil contineat vel Catholicae Fidei obnoxium, vel pravis moribus adversum, praelo dignum censeo; in quorum fidem scripsi Prid. Idus Iul. MDCCXXVIII.

Dominationis tuae Illustrissimae, ac Reverendissimae

Lucas Ioseph Cerracchini Acad. Flor. ac S. Th. D.

Imprimatur.

Horatius Mazzei Vicarius Generalis.

Ordine, & commissione Reverendiss. Patrii Magistri Vincentii de Comitibus a Bergamo Ord. Min. Conv. Inquisitoris Generalis S. Off. Flor. Adm. Rev. D. Angelus M. Ricci S. Th. D. videat hunc Librum, &c. & referat an typis mandari possit.

Dat. in Off. S. Inquis. Flor. die XX. Iulii MDCCXXVIII.

Magister Fr. Ioseph M. Pesenti Min. Conv.

Vic. Gen. S. Off. Flor.

Reverendissime Pater:

Nihil absotum a Catholica Fide, bonisque moribus adversum in hisce antiquis monumentis reperi, sed omnia eruditionis plena; quare typis mandari posse censeo.

Angelus M. Ricci S. Th. D.

Attenta supradicta attestatione imprimatur.

Magister Fr. Ioseph M. Pesenti Min. Conv.

Vicarius Generalis S. Off. Flor.

Imprimatur:

Ph. Bonarota Senator R. C. Auditor.





2.2



Copyright © 2000

